

JOHANNIS FREIND,
MEDICINÆ DOCTORIS,
HISTORIA MEDICINÆ
A
GALENI TEMPORE

USQUE AD

INITIUM SÆCULI DECIMI SEXTI.

In qua ea præcipue notantur quæ ad
PRAXIN pertinent,

Anglice scripta

A D

RICARDUM MEAD, M.D.

Latine conversa a

JOANNE WIGAN, M.D.

Cum Indicibus Locupletissimis.



LUGDUNI BATAVORUM
Apud **JOH. ARN. LANGERAK,**
MDCCXXXIV.

MA



V I T A

JOHANNIS FREIND. M.D.

conscripta per

JOHANNEM WIGAN. M.D.



LECTORIBUS , præsertim
Exteris , credo me non displic-
iturum , si de Vita Aucto-
ris , & de Scriptis ejus Me-
dicis antea separatim , nunc
vero junctim editis , pauca
fuero præfatus. Nam nostrates quidem
fortasse , cum nihil de eo novum aut inau-
ditum dici senserint , Mortui desiderium in
se frustra renovari querentur.

JOHANNES FREIND natus est A. D.
1675, in oppido Croton , in Com. Nor-
hantoniæ Patre , Ecclesiæ ejusdem oppidi
* * * Rec-

V I T A.

Rectore, Sacerdote docto, pio, probato. Cui Filii in Templo ejus loci Marmor pulchrum, cum eleganti nec, uti mos est, mendaci Epitaphio posuerunt. Is a Parœcia non discedens ipse, Filios a se mature removit, publicaue eos educatione institui curavit quam ipse expertus esset optimam. Hos itaque in Schola Regia Westmonasteriensi collocavit, a celebri Præceptore Busbeio iis temporibus gubernata. Unde, cum justos in litterarum primordiis progressus fecissent, Oxonium in Ædis Christi Collegium translati sunt. Collegio huic tum præerat Aldrichius, Vir ad hanc provinciam natus factusque. Mira quippe in eo erat morum suavitas quæ Juvenum animos alliceret, munificentia quæ accenderet, tanta vero doctrinæ varietas & copia, ut in plerisque singulatim disciplinis primi ubique ab omnibus habiti Aldrichidium nominari secundum facile paterentur. Hic singulos imperio suo subjectos ad studia cujusque naturæ & indoli maxime convenientia flectens, unumquemque dirigens, hortans, adjuvans, munerans, Ædem jam ante celebrem multo clariorem reddidit. Flagrabant cuncti certatim amore litterarum, ne otiosus quidem illic sine aliqua doctrinæ aura habitare poterat: verum omnia

V I T A.

omnia fervere vidisses, nec facile quendam invenisses qui non inter Socios eminare niteretur. Solent enim ingenia etiam mediocria ex magnorum consortio flammam concipere, unde & ipsa aliquando haud solum elucescunt, sed aliis quoque facem præferunt. Quamobrem haud aliunde quam ex hoc Collegio major Virorum eruditione præstantium proventus extitit, neque in aliud, institutionis gratia, frequentior Procerum numerus confluit: inter quos splendida nec defuere nec desunt eorum exempla, qui, utut in arduis Regni Muneribus diu multumque occupati, scientiam hoc in loco acquisitam excolere adeo non destiterunt, ut haud minorem in Litteris, quam in Re Politica, laudem locumque obtinuerint. Cum istiusmodi Viris, sive altæ, sive inferioris conditionis essent, amicitias statim contraxit Johannes Freindus; quas ita sancte coluit, tam eas quæ sibi usui essent, quam eas in quibus ipse aliorum commodis multum intervire posset, ut nullas deinceps potiores haberet. Ac vehementi semper in Ædem hanc amore incendebatur: huic omnem in litteris profectum, huic Artis primordia, huic nominis incrementum, huic opes, huic amicos, huic omnem vitæ jucunditatem ac-

ceptam se referre prædicabat. Per primos aliquot annos, ut in Academia fieri solet, in communi Philosophia & in Veterum Poëtarum Oratorum & Historicorum tractatione versatus est. Horumque lectioni & imitationi deditus, in prolusionibus Academicis stylum adeo exquisitè perpolivit, ut postea in Medico certamine nitorem ejus atque aciem vehementer omnes admirati sint. Quam cito autem ad optima quæque perrexerit, declarat celebre illud Oratorum par, Æschinis altera, altera Demosthenis, quas opera cum Amico Erudito collata, ineunte Anno Ætatis 21, intra biennium postea quam Oxonium venerat, in publicum emisit; in quo Libro nitida Interpretatio, una cum Indice Alphabetico ubi res paulo difficiliore breviter doctè ac dilucide exponuntur, multorum magni nominis Editorum obscuram diligentiam longe superat. Harum vero litterarum dulcedine haud ita abreptus est, ut non ad sublimiores utilioresque scientias mature contenderet. Itaque Mathematicis disciplinis animum adjunxit, quarum studia non modo rectam ratiocinandi methodum famamque de rerum veritate judicandi facultatem menti conciliare, sed, uti ad aliarum Artium, ita quoque ad Medicinæ, cui sese

ab

V I T A.

ab Adolescentia destinaverat, profectionem multum conferre existimavit. Tamen & his etiam nimis immorari periculosum ratus, ne alia ad rem haud minus pertinentia præteriret, melioris notæ quosque in Arte Medica Scriptores, tam Veteres quam Recentiores, diligenter pervolvit, multorum ita Sæculorum Experientia sese instruens: Anatomix simul & Chymix incumbens, quoniam ex hac optime Medicamentorum naturam, ex illa Corporis Humani fabricam, e conjuncta autem rei utriusque notitia minime fallaces erui medendi vias perspiceret. Nullo enim modo fieri potest, ut homo quivis, sine studio sine litteris, quantumcunque is acumine ingenii præcellat, in dignoscendis curandisque Affectibus consummati Artificis partes expleat, utut hanc in populo, vel astu, vel imperio, vel felicitate fidem de se procreet. His autem ille præsidiis munitus ad Artis suæ exercitationem Juvenis accessit. Juvenis etiam adhuc, Anno scilicet 1703. fructus ingenii & industriæ suæ præcoces ostendit, Emmenologia sua tunc temporis conscripta impressaque. Qui quasi cunarum labor, (nam hoc opus absolutum est, cum Medicinæ Baccalaureus esset) dignus videri potest Athletis in nostra hac Palæstra ex-

ercitatissimis. In eo rationes Geometricæ cum Experimentis sensui obviis, morborum notitia cum Medicamentorum exploratione, dilucida Theoria cum Praxi prospera conjunguntur. Unde magno & Medicorum & Mathematicorum plausu statim exceptum est. E structura Uteri, ex Vascularum capacitate & situ, ex Solidorum actione, ex Fluidorum motibus, tam Theoriæ Phænomena, quam Medendi indicationes & modi, simplicissima & coherenti sibi ratione exponuntur. Mechanica Principia Medicinæ inservire, sicuti in Emmenologia notatum est, olim perspexit Hippocrates: qui Thessalum Filium hortatus est ut "Figuram proprietates, & "Numerorum scientiam cognosceret; & "disciplinæ isti, quæ illas edocet, & magnitudines quascunque metitur, multum "studii adhiberet." Eandem viam tenuit, Vir & in Epicurea Secta & in Medicina jure magni nominis, Asclepiades. Cujus Sectæ Elementa jam primum ab ipsis istius Philosophiæ inter Græcos initiis; qui Hippocrati coævus & familiaris fuit, reconditissima instructus Geometria Democritus, adeo stabiliter firmaverat, ut deinceps Epicuri Schola, licet in Re Mathematica rudis plerumque, multa Naturæ secreta arti-

tificioſe admodum ac ſubtiliter revelarit.
 Quænam vero alia rerum primordia ſaniores hodie Philoſophi amplectuntur, quam Vacuum, & Atomos, harumque magnitudinem, figuram, ſitum, ſoliditatem, motum, gravitatem, declinationem. Hæc eadem in Medicam Artem, nec imperite, advocavit celebris ille Aſclepiades. Nam etſi fidenter quædam, ut iſti ſolent, aſſerant, tamen multa nuper in medium adductis rationibus & inventis congruentia exponit. Hic enim, referente Cœlio Aureliano, "primo Corporis primordia conſtituerat Atomos, Corpufcula intellectu ſenſa, ſine ulla Qualitate ſolita atque ex initio comitata, æternum ſe moventia, quæ ſuo incurſu offenſa mutuis ictibus in infinita partium fragmenta ſolvantur magnitudine atque ſchemate differentia: Quæ rurſum eundo ſibi adjecta vel conjuncta omnia faciant ſenſibilia, vim in ſemet mutationis habentia, aut per magnitudinem ſui, aut per multitudinem, aut per ſchema, aut per ordinem. Fieri etiam vias ex complexione corpufculorum intellectu ſenſas, magnitudine atque ſchemate differentes, per quas Succorum ductus ſolito meatu percurrrens, ſi nullo fuerit impedimento retentus, Sanitas maneat, im-

"peditus vero Statione corpusculorum
 "Morbos efficiat. Fit autem eorum Sta-
 "tio, aut magnitudinis aut schematis aut
 "multitudinis aut celerrimi motus causa,
 "aut viarum flexu & conclusione. Varias
 "autem fieri passiones locorum aut viarum
 "differentia, & non omnes Statione corpu-
 "sculorum; sed solubiles Liquidorum at-
 "que Spiritus turbatione, & viarum rarita-
 "te fieri. Typum Febris Quotidianum
 "majorum corpusculorum Statione fieri as-
 "leverat, cito etenim ea inquit exantlari at-
 "que impleri: Tertianum vero minorum
 "Statione corpusculorum: Item Quarta-
 "num minutissimorum, difficile enim im-
 "pleri atque exantlari possunt. Et neque
 "inquit esse in passionibus statos dies, quos
 "Κρισίμους appellant; etenim non certo aut
 "legitimo tempore ægritudines solvuntur.
 "Et opportunitatem temporis fieri magis ab
 "Artifice posse, quam sua sponte aut Deo-
 "rum nutu venire. Omnia præterea fieri
 "necessitate, & nihil sine causa; neque Na-
 "turam aliud esse quam Corpus & ejus
 "Motum." Hæc quasi initia rationalis
 "Medicinæ quanto longius provexisset, si
 "Geometriæ & Anatomix uberiores cogni-
 "tionem habuisset. Quibus freti inter Re-
 "centiores Borellus & Bellinius Itali, Pit-
 cair-

cairnius Keiliusque nostrates, plurimis in rebus veritatem conati sunt si non prorsus assequi, tamen ad eam quamproxime accedere. Similiter Freindus Fluxus Muliebris Menstrui Phænomena, Periodos, & Vitia, cum Medendi Methodo, ad rationes Mechanicas exegit. Verum hoc haud ita intelligi vult, quasi omnia pariter absolutissima Demonstratione illustraverit. Nam & Mechanici paulo laxiorem sibi Geometriam concedi postulant; quoniam in explicanda corporum natura haud prorsus eadem accuratio requiri debet, quæ in linearum & figurarum proprietatibus demonstrandis observatur. Illud sufficiat, si solidis fundamentis inædificata compages stabilis maneat, & tota in seipsa teres ac rotunda. Assignata sua rei Mathematicæ provincia, Auctor ea Sensibus tribuit quæ sub iudicium eorum recidunt: Experimenta scilicet instituendo, quibus nunc Medicamenta cum emissio Animalium Sanguine commiscet; nunc eadem in viventium venas adigit, harumque rerum observatis effectibus de vi & facultate Remediorum eleganter differit. Quod si Geometricæ rationes in hoc itidem argumento magis valere potuissent, iis profecto sensuum testimonia confirmasset. Verum hic Scientia ista hæret,

etſi Medicamenta , ſicuti cætera corpora naturalia , mechanice quoque & ipſa agant. Neque enim dubitari poteſt quin Materiam omnem Deus ipſe ab initio Geometrice diſpoſuerit , ac proinde cuncta jugiter ſecundum leges Mechanicas oriantur , creſcant , multiplicentur , intercidant. Quoniam vero ſæpe motuum viſ & origo incerta eſt , & corpusculorum formæ , juxta quas motus ipſe infinitis modis variatur , augetur , minuitur , ita ſunt perplexæ atque involutæ , ut neque ſenſibus percipi neque ratione inveſtigari queant , neceſſe eſt ut de rerum longe plurimarum natura cauſis & operationibus uſu tantum atque obſervatione judicemus. Quid quod Anima , quæ Corpus Hominis , hōſpitem & comitem ſuum , ita variis modis afficit atque ab eo viciffim afficitur , ejus naturæ eſt ut omnem Matheſeos ſubtilitatem longe effugiat , & omnia melius quam ipſa ſeſc cognoscat. Igitur in Medicina γεωμετρικόν quidem , ſed paucis ; nam omnino , haud expedit. Ecquis enim ita demens eſt ut Facultates , ſive Vitales ſive Senſitivas , per notas materiæ motusque leges explicari poſſe confidat ? aut Specificas Humorū qualitates per Hydroſtaticen exponi ? aut Medicamentorum vires & effectus ad regulas Proportionum exigere ?

Sua

Sua quidem a Freindo Anatomiae, sua Geometriae, sua Sensibus, sua propriae, sua aliorum Experientiae provincia demandata est. Atque haec disquisitio adeo docta utilis & jucunda plerisque visa est, ut inter Exteros non desint Medici celebres, qui honorificam admodum ejus mentionem fecerint. Omnibus tamen haud aequè placuit; quippe contra doctrinam hanc, brevi post ejus vulgationem, contraque omnem Theoriam Mechanicam insurgens, Librum, magna indignatione percitus, nautico potius quam Medico more conscripsit Belga Snellenus: convitia in Auctorem inficeta, ne dicam obscæna, satis intemperanter jaciens. Causa rixæ, quod Plethoram singulis mensibus accumulata Catameniorum causam esse noster statuerat: & Chymicorum vanitates e Medicinæ Theoria ut pellerentur optaverat. Ipse Snellenus ab Igne Philosophus pro Fermentis stat, explosam cantilenam de novo canens; Mechanicorum quidem argumenta vix intelligit, nedum refellit. Post hunc Emmenologiam edidit, Anno 1712, Petrus Fresart, Medicus Leodiensis, in qua Fluxus Menstrui Phænomena ad rationes Medico-Physicas exiguntur. Hic quidem satis candidus & ingenuus Scriptor multa Freindi argumenta ita impugnat, ut
in

in aliis cum eo consentiat, ipsumque multa cum laude prædicet. Frefartius tamen, qui Plethoram non admittit, & Fermentorum Peculiaritatem mere commentitiam & gratis edoctam esse contendit, Peculiarissimum quoddam ipse affert, scilicet, Sal evectum purgaminis Uterini in vasis collecti genuinam Fermentationis Menstruæ causam esse. Hoc cum sit nihil dicere, nihil contra dici potest. Post mortem Freindi haud ita pridem Thomas Simson qui in Cathedra Academica Sancti Andreæ Medicinæ Professoris munus a liberalissimo Litterarum fautore Jacobo Duce de Chandois institutum & locupletatum sustinuit, Plethoram in Mulieribus accumulari negavit. Ipse Eruptionem Mensium causam esse statuit cur Uterus ad magnitudinis suæ *αἰμαρὴν* perveniat : Incrementum vero Uteri sensim factum causam esse cur iidem erumpant; idque eo quod Sinus per Uterum disseminentur, qui processu temporis, sicuti Seminis viæ in Maribus, aperiantur, & Sanguinem affluentem intra se recipiant. Hanc opinionem Propositionibus quibusdam & Scholiis confirmare nititur, quæ nec mei instituti, nec mearum fortasse virium, est refellere. Ignoscet tamen mihi Vir Doctissimus, si in eorum veritate non acquiescere me

me profitear. Vereor enim, ut is qui Uterum Fætui tantum inservire, [neque item ad Matris negotia quicquam pertinere contendit; quique Fluxus Menstrui nullam utilitatem nullamque Causam esse Finalem asserit, in explicanda ejusdem Efficiente Causa scopum attigerit. Nuperrime autem Tellierus, natione Gallus, libero & erudito ingenio præditus, ex Emmenologia quidem Freindi multum se profecisse testatur, opus illud ob operis perspicuitatem, rationum vim, & observationum utilitatem summis laudibus extollens: Plethoram quoque ad Fluxum Menstruum haud parum conferre judicat; sed ab eo tum in aliis rebus, tum in hac potissimum dissidet, quod Freindus Fluxum per Vasorum Capillarium Rruptionem, ipse vero per Influxionem Sanguinis in Vasa Lymphatica, sive ut ab Helvetio vocantur, Arterias Lymphaticas fieri statuatur. Profecto quanquam Freindus Vasa pertumpi sæpe dictitet, haud ita censendum est quasi præternaturalem quandam & vulnificam Vasorum Rruptionem intelligi voluerit, cum alibi „per impulsu Sanguinis eorum Orificia „diffilire” diserte pronuntiet. Quo concessa, non video quæ tanta sit, quanquam aliter censeat Vir Doctissimus, inter eorum
The-

V I T A.

Theorias discrepantia. Neque hujusce Sanguinis vias, five is per Vasa Lymphatica, five per Sinus, five per Arterias aut Venas Capillares effluat, unquam adhuc fuisse credo oculis Anatomicorum subjectas. Non inficior quin Viri tres postremo memorati contra Freindi doctrinam nodos nectant, qui solvi mereantur; hunc in levioribus quibusdam lapsum esse, & quædam hic iis quæ maturiore ætate scripsit haud usquequaque congruentia reperiri facile concedo. Ac pro certo habeo, in Secunda, quæ Londini prodiit, hujus operis Editione quædam illum reformare, quædam adjicere, quibusdam objectionibus respondere voluisse; sed negotiorum mole præpeditus consilium illud abjicere coactus est. Verum ea quæ contra dicuntur haud ita magni momenti sunt, ut non etiamnum summa ejus doctrinæ, scilicet Plethoræ veritas, stabilis & inconcussa maneat.

Anno 1704, Chymix Prælector in Academia Oxoniensi designari meruit: quod munus obiens Prælectiones, ob doctrinæ novitatem & perspicuitatem magna Auditorum frequentia celebratas, habuit; quas post aliquot annos impressas vulgavit.

Non ita multo post, Anno scilicet 1705, Freindum Illustrissimus Comes Petriburgen-

V I T A.

gensis, in Exercitu, cui ipse in Hispana Expeditione Imperator præerat, Medicum Castrensem constituit. Qui quidem ibi per duos prope Annos magna cum laude hoc officio functus est: ac postea domum reversus, eodem animi vigore, quo ille bel-
laverat, res ejus gestas in Hispania conscripsit. Verum in itinere a via divertens Romæ Veteris reliquiis paulisper immorari concupivit, tantique olim Imperii sedem, tam feracem clarissimorum hominum parentem, tot Antiquitatis monumenta lectione pridem ab eo cognita, oculis perlustrare. Medicis etiam in Urbe illa celeberrimis, ad quos antea nomen ejus & scripta pervenerant, Baglivo & Lancisio familiariter usus est.

Anno 1709, Prælectiones Chymicas prælo subjecit. Erant antea prope publicæ: cum earum Exemplaria, quæ Auditoribus suis Prælector describenda permiserat, avide a quamplurimis exciperentur. In his Operationes omnes Chymicas juxta Newtoni Principia explicuit, scilicet per Corpusculorum magnitudinem, figuram, superficiem, gravitatem, ictum, & Attractionem; atque has eidem summo Viro jure inscripsit. Res quidem istas non desperare se quin ita explicari possent, in Em-
me-

V I T A.

menologiæ Præfatione dudum innuerat, hic autem adeo breviter & enucleate præstitit, ut Chymicis jam abunde ab eo satisfieri debuerit, cumque eo & Mechanicis in gratiam redire Snellenus. Ac meruit certe Chymia, ut cum Experimentis ope ejus factis Attractionis doctrinam stabiliverit Newtonus ipsiusque Lucis naturæ lumen attulerit, vicissim ipsa ab eodem Principio illustraretur. Hæc quidem Ars in Medicina dominationem adeo licentiosam affectaverat, ut etiam in Animato Corpore Furnos suos erigere voluerit: Partesque Hominis ad Instrumentorum suorum officia revocando, Sanguinisque & Humorum ac Spirituum productiones & motus Operationibus suis comparando, omnem diu præ se tulit Medicinæ Theoriam explicasse. Illud interim minime animadvertit, harum ipsarum Operationum causas a se minime intellectas, ipsamque in miraculis a se præstitis hæreret & obstupescere. Hanc nubem dispulit Freindus, & quasi velo reducto omnia Chymix mysteria in aperto lumine atque omnium conspectu posuit. Tamen haud ita visum est Lipsiensibus, quibus Cartesii Materia Subtilis, cæteræque non ex Naturæ sinu depromptæ sed in cerebro ejus confictæ opiniones arridebant. Hi in

Actis

Actis A. 1710 editis Prælectionum harum recensionem dederunt: in qua Authorem queruntur Figmento mero & Qualitate occulta pro Principio usum esse, cujus causa neque ab ipso neque ab alio quoquam prolata sit. Læctionum Vindiciæ a Freindo scriptæ in Actis Philosophicis Anni 1711 continentur, & Secundæ earundem Editioni adjectæ sunt. Objecta ab iis diluens neque se neque Newtonum in Attractionis, magis quam Gravitatis, causam, inquirere respondet: illam vero, perinde atque hanc, indubitato Experimentorum atque Observationum testimonio revera existere. Audiamus autem ipsum de hac re Newtonum, qui in Optice hæc habet: " Qua causa Efficiente hæc Attractiones peragantur, in id vero hic non inquiror. Quam ego Attractionem appello, fieri sane potest ut ea efficiatur Impulsu, vel alio aliquo modo nobis ignoto. Hanc vocem Attractionis ita hic accipi velim, ut in universum solummodo vim aliquam significare intelligatur, qua corpora ad se mutuo tendant: cuicumque demum causæ attribuenda sit illa vis. Nam ex Phænomenis Naturæ illud nos prius edoctos oportet, quænam corpora se invicem attrahant, & quænam sint leges & proprietates istius Attractionis: quam in id in-

* * *

" qui-

V I T A.

"quirere par sit , quam Efficiente causa
 "peragatur Attractio. Attractiones Gravi-
 "tatis , virtutisque Magneticæ & Electri-
 "cæ , ad satis magna se extendunt illæ qui-
 "dem intervalla , adeoque etiam sub vulgi
 "sensum notitiamque ceciderunt. At vero
 "fieri potest , ut sint præterea quoque aliæ
 "aliquæ , quæ tam angustis finibus conti-
 "neantur , ut usque adhuc omnem obser-
 "vationem fugerint." Chymicis deinde
 Experimentis Philosophus ille insignis ve-
 ritatem hujus argumenti confirmat. Lip-
 sienses quidem dum Attractionem rejiciunt,
 Operationes interim Chymicas in his Præ-
 lectionibus eidem convenienter exponi mi-
 nime negant. Cujus Operis quænam major
 potest esse commendatio , quam quod Au-
 ctor rem adeo perplexam juxta universum
 illud Newtoni Principium primus feliciter
 explanaverit.

Anno 1712, Societati Regiæ aggregatus
 est : quod quidem multis nominibus me-
 ruit , tanquam Medicus aut Philosophus ,
 Geometres aut Mechanicus , Chymicus vel
 Anatomicus. Anatomicæ quædam Observa-
 tiones ab eo Oxonii factæ in Actis Philo-
 sophicis extant : peritiam ejus tum in hac
 re tum in cæteris scripta hæc declarant.
 Quanta vero lætitia affici debuit , cum Pa-
 tro-

tronum ac Magistrum suum Newtonum Societati jura dantem conspiceret ; Gestiebant omnes Humanæ Naturæ decus illud intueri ; suis temporibus natum , suo confessui præsidere gloriantes. Omnium quippe rerum scitu maxime utilium speculationes animo comprehensas habebat ; non ignota ei erant Instrumenta Arte fabrefacta , non Experimenta ullius generis , non ratiocinia maxime sublimia : siquid de terrâ aut mari , si quid de cælo & astris diceretur , id omne Newtoni calculo , tanquam lapide Lydio , probabatur. Primas post hunc tenebant Halleius Keiliusque , & alii complures in suis quisque disciplinis insignissimi. Nondum enim Sodalitium hoc illustre malæ artes partiumque studia perpulerant , ut Viros Supellectile tantum , non Scientia quoque Naturali instructos , in aliquo apud se numero esse paterentur. Newtono Præfide , Freindus in Societatem Regiam cooptatum se gavissus est. Quam cooptationem etsi inter laudes ejus minime ponam , quoniam hæc gratia vix ulli unquam denegata sit litterarum artiumve vel mediocriter studioso , qui eam favore aut opibus aut nomine augere cuperet , tamen in adeo florenti summorum ingeniorum cætu eminere , uti eminuit Freindus , res perquam honorifica est.

V I T A.

Londini, ab Anno 1707, litteris & doctorum colloquiis & ægrorum curationibus intentus, mansit usque ad Annum 1712. Quo tempore cum Jacobo Ormondia Duce, Copiarum Britannicarum Imperatore, cujus salutis præfuit, in Flandriam profectus est; unde intra Annum rediit, ætate maturus, nulla dote, in Medico perfectoquirenda, non ornatus. Prodestne adjumenta Artis exercitationi prævia comparare? Ea abunde comparaverat Freindus. Juvatne ad eam exercendam mature accedere? Is quidem, qua ætate alii solent Tyrones esse, Senioribus tam Theoriæ quam Praxeos Magister extitit. Numnam expedit regiones longe diffitas invisere, differentias Aëris Aquarum & Locorum, & discrepantem illic Hominum naturam, consuetudinem, victum, mala & remedia contemplationi subicere? Is, sui instar Hippocratis, qui non modo in patria Insula Co, aut Delo, aut Thaso, aut Peloponneso, aut Thessalia, aut Hellesponto, aut Asiæ Minoris Urbibus, Græcis lingua sibi & stirpe conjunctis opem attulit, sed in Barbaras Nationes, ut res istas omnes penitus cognosceret, perfectiusque Artem tractaret, Pontum & Scythiam navigavit: ita, inquam, Freindus, Hipsaniam, Lusitaniam, Italiam, atque

que Flandriam peregrinatione Medica circumivit. Annon eximie confert, varios homines, iisdem partim, partim diversis affectibus, idque variis ex causis, languentes visitare? Id certe nullibi melius fieri potest; quam in Castris atque Classibus; ubi ingens quotidie ægrorum numerus ex mutatione cæli, æstu, frigore, vento, pluvia, vigiliis, vulneribus, defatigatione, malo victu & fame, otio vicissim & intemperantia; nunc usitatis, nunc Epidemicis morbis conflictantur. Si quod lumen diversæ Artes sibi invicem accendunt, quis Freindo doctrinæ varietate excultior? Siquid emolumenti, sermones commiscendo cum ejusdem Artis Professoribus, hauriendum est, quis Societatis Medicæ amantior? Sicui usus est, Scientiam cum nitore copia ac vi verborum universis hominibus pervulgare, quis eloquentior? Quid igitur ei tum, præter Artis præmia, defuit? Quid ulterius moliri poterat, nisi ut in Civitate domicilium poneret, in qua honeste commodeque institutum vitæ genus sequeretur, & facili doctorum commercio gauderet, inter quos tamen plus doceret quam disceret? Itaque Londini confedit, neque ab hac Urbe unquam postea migravit. Ubi statim ab initio, neque potentioribus adu-

*** 3

lan-

lando, neque vilioribus submittendo se, opes famamve quæsit. Solis enim Ingenii & Eruditionis & Experientiæ adminiculis in Arte sua cæpit inclarescere: in ea Arte, quæ, quoniam circa res latentes atque ancipites haud raro occupatur, Viris in ea non versatis, utut alioqui solertissimi sint, nedum vulgo qui etiam a vulgarissimis decipi solet, facultatem de effectibus ejus judicandi minime concedit; cujus igitur exercitatio quæstuosa assentatiunculis & ostentatione & vaniloquentia multo magis, quam acumine & doctrina & judicio, nititur. Is autem ita longe abfuit ab hujusmodi fūco & fallaciis, ut illum ex ægris nonnulli tanquam haud satis obsequentem & officiosum, ex Medicis vero pauci quidam velut receptis opinionibus nimis fidenter adversantem, minus dilexerint. Tamen in proposito perstans, ubi semel emerferat, omnes cito nominis sui celebritate præstinxit.

Anno 1716, Librum Hippocratis Epidemiorum Primum atque Tertium edidit, hisque accommodavit Novem de Febribus Commentarios. Dignum profecto Argumentum, in quo Viri duo Arte & Facundia ita insignes pro virili elaborarent. Nam Acutæ quidem Febres Mortalium partem longe maximam & afficiunt & interimunt.

Nunc

Nunc latenter ac pedetentim, nunc temporis puncto violentissime invadunt; nunc lento, nunc præcipiti motu, feruntur in salutem, aut exitium. Nullum æque Morbi genus omnibus Ætatibus commune est; nullum sanos ac valentes homines æque corripit; nullum ex magis diversis contrariisque causis originem ducit, nullum est quod pluribus ac magis perniciosis Affectibus viam sternat. Nihil singulas vel universas Corporis partes gravius affligit, nihil potentius Animæ facultates evertit. Eadem remedia, pro diverso morbi tempore, & ægri statu, nunc salutaria sunt, nunc mortifera. Ubinam igitur requiri potest curiosior in Medico diligentia? ubinam animus in judicando acrior, in agendo præsentior? Nunc audacem & expeditum, nunc cautum & dilatorem esse convenit. Modo viam institutam sequi necesse est, modo cursum relinquere, modo relictum iterare. Igitur in hoc maxime studium atque operam suam videtur posuisse Hippocrates, ut ea quæ ad Febrium notitiam pertinent & accurate ipse investigaret, & aliis diserte distincteque exponeret. Varia primo Tempestatum genera describit, & succedentes sibi invicem Cœli mutationes; cumque ex hac causa Morbi Epidemici præcipue nascantur, animadver-

tit quibusnam Temporibus singulæ Febrim Species invaluerint, quæ prout diversa facie se ostendunt, aut aliam aliamve Corporis partem cæteris magis vehementer impetunt, varia quoque nomina sortiuntur; harumque frequentiam, malignitatem, durationem, & eventum docet; docet etiam cujusnam ætatis, temperamenti, consuetudinis, & victus homines adortæ sint, quibusque Symptomatis stipatæ; omnia denique notatu digna commemorat quæ in plerisque ægrotantium generaliter acciderint, Sed quod ad rem maxime pertinet, vias omnes accurate indicat, quibus Natura laborantes ad sanitatem perduxerit; quo collimans Artifex, vel hujus conatibus obsecundare, vel eos imitari semper sedulo debet. Particulares deinde Ægrorum Historias subjicit; quod eo magis utile ac necessarium, quod eadem Febris ab eadem causa, pro differente cujusque Vasorum capacitate & Fibrarum textura, ac Fluidorum quantitate, consistentia, motu, & secretionne dissimili, varios homines gradu modoque multum variante afficit. Etiam in eodem Corpore, nunc adeo rapidus Sanguinis impetus ac violenta huc illucve inclinatio, nunc contra is Circulationis languor: & humorum modo ita subitæ largæque pro-

profusiones , modo ita pertinax eorundem
 retentio est , ut qui ad Morbi nomen po-
 tius , quam ad diversos ipsius effectus di-
 versamque ægri conditionem respicit , nihil
 memorabile unquam in Curationibus præ-
 stare valeat. Hoc igitur institutum merito
 probat , qui progressus & defectus in Scien-
 tiis & vera ad augmentum earum adjunen-
 ta optime perspexit , Verulamius : ” inter-
 ” missam querens illam Hippocratis dili-
 ” gentiam utilem admodum & accuratam ,
 ” cui moris erat narrativam componere Ca-
 ” suum circa ægrotos Specialium ; referendo
 ” qualis fuisset morbi natura qualis medica-
 ” tio qualis eventus. Atque hujus rei nactis
 ” nobis jam exemplum tam proprium at-
 ” que insigne in eo scilicet Viro , qui tanquam
 ” Parens Artis habitus est , minime opus erit
 ” exemplum aliquod forinsecum ab alienis
 ” Artibus petere ; veluti a prudentia Juriscon-
 ” sultorum , quibus nihil antiquius quam
 ” illustriores casus & novas decisiones scri-
 ” ptis mandare , quo melius se ad futuros
 ” casus muniant & instruant. Istam proin-
 ” de continuationem Medicinalium Narra-
 ” tionum desiderari video , præsertim in u-
 ” num Corpus cum diligentia & judicio di-
 ” gestam. Quam tamen non intelligo ita
 ” fieri debere amplam ; ut plane vulgata &

" quæ quotidie obveniant excipiat , (id e-
 " nim infinitum quiddam eſſet neque ad
 " rem :) nec rurfus tam anguſtam , ut ſo-
 " lummodo mirabilia & ſtupenda (id quod
 " a nonnullis factum eſt) complectatur.
 " Multa enim in modo rei & circumſtan-
 " tiis ejus nova ſunt , quæ in genere ipſo
 " nova non ſunt. Qui autem ad obſervan-
 " dum adjiciet animum , ei etiam in rebus ,
 " quæ vulgares ſunt , multa obſervatu dig-
 " na occurrent." Ad hanc formam deli-
 " neantur Hiſtoriæ ab Hippocrate traditæ ,
 quæ partim quidem ſatis frequentes , par-
 tim vero rariores , omnes morbum circa vi-
 tæ mortisque confinia fluctuantem expri-
 munt. Alii enim Phrenitide , alii Angina ,
 aut Pleuritide , aut Ileo , aut Inflammatio-
 ne Gangrænoſa correpti ſunt. Neque hic
 quenquam reperias , quem non aut ingens
 Capitis dolor , aut Coma , aut Delirium ,
 aut Convulſio , aut plura ex his mala , ten-
 taverint. Videas ægrotudines eaſdem ex in-
 temperantia Vini , Cibi , Veneris , ex nimia
 Quietate , & Exercitatione , ex pravo Victu ,
 ex Mærore contractas ; febricitantes videas
 Viros Ætatis , Temperamenti , & Conſue-
 tudinis diverſæ : Virgines , quibus Purga-
 tiones Menſtruæ jam tum fluere incipie-
 bant , Mulieres Prægnantes , Abortum paſ-
 ſas ,

fas, Parturientes, Puerperas. Quidam Primo, Secundo, Quarto, aut Quinto Die: quidam, non nisi post Octogesimum, aut Centesimum & vicesimum Diem, mortui sunt, vel servati. Hi ex toto liberati, illi Recidivam passi sunt. Neque vero hæc famæ inhians, ut plerique ex Recentioribus, literis consignavit Hippocrates: in quorum scriptis Convalescentium Historias satis multas legimus, mortuos tegit terra. Plures enim ab illo memorantur, qui perierint. Id quidem sapienter factum; quoniam & ad Præfagationem instituendam, & ad ordinandam Curationis normam, & ad explorandas Remediorum vires, haud minus dirigi potest Medentis consilium ex attenta observatione eorum qui moriuntur, quam eorum qui ad sanitatem perveniunt. De Medendi Methodo pauca admodum in hoc opere tradit Hippocrates: quod inde obtigisse credo, quod alibi sigillatim de Acutorum Morborum Curatione egerat, in hunc finem Sanguinis detractionem, Alvuum Evacuantiæ, Fomenta, ac Ptisanæ Hordeaceæ potum, maxime commendans. Ac Sydenhami nostri præcipua laus est, quod in describendis Febribus hos Epidemiorum Libros, in medicandis Librum de Victu Acutorum ante oculos habuerit. In Scripta hæc

hæc adeo numeris omnibus absoluta, five potius in Naturam ipsam, Commentarios exaravit Freindus. Cumque ægroti qui evaserint, Humorum aut per unam, aut per plures Corporis vias, Excretionem, omnes restituti sint: & ex Mortuis hi diutius traxerint, quibus larga fuerit eorundem profusio, quam illi quibus nulla aut exigua pro vi ac duratione Morbi Evacuatio obtigerit, Februm Curationem perite judicavit maxima ex parte in iisdem Evacuationibus Arte opportune moliendis consistere. Is itaque de Missione Sanguinis, de Sudoribus, de Vomitione, de Exscreatione, de Purgatione, & de Urinæ Profluvio, ac de horum commodo & tempestivo usu disserit: Commentario uno de Vesicantium, quæ Cantharidas recipiunt, virtute adjecto, quas haud modo per Cutim Serifluxum ciendo, sed Sanguinem quoque excitando, & exilissimos Corporis meatus referando, mirificam sæpe opem asserre indicat. Hæc ille omnia si luculenter præstiterit (præstitit autem cum sagacitate & nitore admirabili) quid jam restat, nisi ut præcepta ejus solerter adhibeamus, atque Experientia confirmemus. Nam ut ad singulos quosque casus cum fructu accommodentur, multum certe uniuscujusque judicio

V I T A.

cio relinquendum est. Harum omnium Evacuationum commoditatem, noxamque aut inutilitatem, & intellexit & explicuit Freindus; cum haud ita pauci, una alterave earum freti, quasi in Sectas abierint. Aliorum in Missione Sanguinis, aliorum in Sudorificis, aliorum in Vomitione omnis fere Medicina consistit. Quidam Purgationem omnino damnant, quidam parum emolumenti absque hac provenire posse contendunt. Vix aliud est, in quo omnes conveniant, nisi de Emeticis ubi nausea est, & Clysteribus in Alvi astrictione. Quamquam enim Venæ sectionem vix quispiam nunc dierum ex toto rejiciat, tamen de mittendo Sanguine haud minor controversia est, cum alii hunc frequenter admodum ac liberaliter, alii raro parceque detrahi velint. Ita suis quisque Remediis unice fidentes, cætera, tanquam inutilia vel etiam noxia, experiri metuunt. Diversas quidem in diversis Regionibus curandi vias magis prodesse, & Rationi & Experientiæ congruit; verum uni cuivis perpetuo adhærescere absurda plane res est. Britanni, propter moderatam Cæli temperiem, siquidem ob Maris circumfluentis viciniam raro vehementi vel calore vel frigore infestemur, haud ita violentis Inflammationibus oppor-

tuni

tuni sunt; verum, ob frequentes tempestatum mutationes, frequentius ægrotant: & quia cibo solido crassoque indulgent, Aëremque spirant valde humidum, magis lentis atque obstinatis Febribus languescunt. Quid quod Hypochondriacis, Hystericisque, & cæteris Nervorum Affectibus, nulla gens peræque obnoxia est. Unde & parciolem Sanguinis missionem, & Victum liberaliorem requirunt, & Remediis Diaphoreticis ac Vesicantibus magnopore juvantur. Galli autem esca levi ac digestibili maxime delectantur, vinis tenuibus, odoratis, concoctioni utilibus: corpus ambulatione multa, ludis & occupationibus frivolle mentem recreant. Unde Cruditates patiuntur nec frequentes nec longas; ubi vero nauseam aliquam aut bilis fluctuationem in Stomacho persenserint, ad Abstinentiam statim, & ad Juscula vel simplicia vel medicata confugiunt, quorum ope his incommodis brevi liberantur. Utque nos in initiis languorum vinosum aliquid & ardens pro more expetimus, ita ii contra, utpote Febriculis ex levi quavis occasione tentati, humectantia & refrigerantia desiderant. Veruntamen, quia cibis succulentis & variis & Aromatum copia conditis bis in die ad facietatem vescuntur, Morbis omnibus

V I T A.

a nimio Sanguinis motu & abundantia productis patent, ac præcipue Febribus Inflammatoriis, Putridis, Biliosis. Quamobrem Evacuationes largas, tam per Alvum, quam per Venæ sectionem, & mature postulant, & repetitas sustinent. Hispani vero Lusitanique victu utuntur probe, parco, uniformi, simplici. Quare ex eó infirmitatibus minime obnoxii, morbis duntaxat e temporum mutationibus & Aëris qualitate ortis infestantur; contra quæ omni cautione sese muniunt, in tuenda sanitate usque ad superstitionem religiosi. Igitur ad senectutem viridem atque vegetam vulgo perveniunt: nisi si qui Veneris usu vel contagioso vel immodico, ad quam ultra vires, cum ob alimenti tenuitatem corporis habitu sint exsanguis & exsucco, a calore & defidia sollicitantur, vivendi sibi tempora præcidant. Febres quidem Ardentis, ob siccam atque torridam in his Nationibus Cæli constitutionem, Caput & Pulmones subito ac vehemener affligunt; raro autem evenit ut Homines magnam humorum in Intestinis putrescentium copiam accumulent. Quoniam in calidis regionibus valde imbecillis concoctio est, harumque incolæ statim levi quolibet in victu errore offenduntur, & ibidem intemperantiæ & indigestioni

V I T A.

ni Vomitus Biliosi cum Febris, Diarrhœæ ac Dyfenteria exitiales frequentissime superveniunt; ex quo, malorum imminuentium gnari, ebrietatem & ingluviem summopere detestantur. Itaque Purgationes etiam crebras defugiunt; & præcipuam in frequenti admodum missione Sanguinis, in emollientibus Alvi Lotionibus, in Liqueorum Diluentium potitatione, Acidisque Fructuum succis, medelæ fiduciam recte ponunt. Galli quoque, perinde ac hi, venam octies deciesve incidere haudquaquam reformidant; nobiscum præclare agitur, si id sine homicidii suspitione bis terve iterare liceat. Hoc tamen modo, si nimia Sanguinis & Humorum Copia est, ea expeditissime minuitur: si Rarefcentia nimia, optime cavetur ne Vasa ulterius distendant perumpantque: si nimius Lentor, spatium ad dimotionem ipsorum ampliatur: si quaquaversum Motu citiori feruntur, Celeritas eorum inhibetur: si in partes aliquas violentius impinguntur, eorundem impetus alio derivatur. Febres certe peracutæ, larga detractiōe Sanguinis, intra breve temporis spatium, miro sæpe cum successu tolluntur: unde istarum Gentium Medici audentiores facti, ægris etiam ab hoc auxilii genere minime alienis,

ni-

V I T A.

nimis pertinaciter eidem viæ insistant, cum
 non jam eadem maneat cubantis conditio ;
 nam si Febres diutius inhæreant, Homines
 continuata exinanitione, aut viribus defecti
 cito intereunt, aut in morbos insanabiles de-
 cidunt, qui ex debili Circulatione & Stag-
 natione humorum in extremis vasculis ori-
 untur, uti sunt Cæcitates, Marasmi, Vis-
 cerum Obstructiones, Scirrhi, & Hydro-
 pes. Idemque de Purgatione dici potest.
 Et in hac quidem re potissimum, etiam
 quoad populares suos, Medici mihi viden-
 tur isti peccare; nostrates autem, quorum
 neque temperamentum, neque habitum,
 neque victus consuetudinem satis diligenter
 attendunt, valetudinis causa peregrinantes
 frequentius pessundant. Utinam & nos pra-
 vis astantium præjudiciis & ægrorum cupi-
 ditatibus obsequendo, in horum perniciem
 non nimis aliquando gratificemur. Multæ
 passim audiuntur de Nervorum Affectibus
 querimonix; unde si quis gravitatem Capi-
 tis, Artuum inpotentiam, & Spirituum
 dejectionem, cum siti & calore non immo-
 dico, persentiat, Nervosa quadam Febre
 correptum sese conjicit, & calida statim ex-
 poscit Cardiaca. Verum hoc prætextu Eva-
 cuantia negligere, & Pulveres Aromaticos,
 Salesque Ardentes, & Spiritus quasi liqui-
 di

* * * *

V I T A.

di Ignis vim habentes Febricitantibus indefinenter devorandos exhibere, imperiti aut adulantis Medici est. Quod ad Venæ sectionem attinet, hæc in Acutioribus Morbis paulo liberius usurpata, non omnibus hodie, perinde ac olim fuit, terròri est; at Purgatio, nisi forte in Infantibus ac Pueris, haud ita multum in usu est. Quasi vero ii aut ex firmiore materia, aut alio artificio contexti sint, quam natu grandiores: aut quasi Liberi magis intemperantes essent eorum Patribus. Annon, ex inordinata victus ratione & minus curioso ciborum delectu, Stomacho & Intestinis insigniter laboramus? Itaque de tempestivæ Vomitionis usu nemo disputat; nemo item Clysteres vel præcipere vel assumere metuit. Cumque Primarum, uti dicuntur, Viarum principio finique concedantur hæc Evacuantiæ, quid causæ potest esse cur media pars earum ejusdem generis Remediis privetur? præsertim cum in tenuibus Intestinis multo uberiores humorum secretiones fiant, & Vasorum Lacteorum pars longe maxima ex iis originem suam ducat. Clysteres quidem, licet ad superiora Intestina non pervadant, tamen inferiora vacuando facilem quoque ab alteris istis stercorei descensum expediunt; verum Enemata, haud
uti

uti Purgantia, crassam illam atque viscidam superiorum Intestinorum Tunicis agglutinatam materiam abstergunt depe luntque : cujus magnam illic sæpe copiam diu hærereprehendimus e solidarum fæcum cumulo quæ in fine Febrium, licet ægri vix aliud quam Liquida assumerint, Alvo vel naturaliter vel per Artem sollicitata, egeruntur. Atque etsi Cathartîcorum ope Materiam quandam Febrilem a Sanguine segregari excernique haud credibile putem, tamen eorum virtus ex eo tantum, quod Intestinis afferunt, levamento minime æstimanda est. Alias enim, easque eximias utilitates præstant. Primo enim, corruptis humoribusejectis, alimentum, quod ingeritur, purum & integrum ad Sanguinem defertur: deinde, Intestinis depletionesubfidentibus, Viscerâ atque ingentia Sanguinis Vasa quæ Abdomine continentur, minus coarctata, liberius Circulationi spatium præbent: postremo, Jecoris, Pancreatis, & aliarum Glandularum exitus referantur. Unde Diaphragma & Pulmones respiratione faciliori gaudent, in Caput haud ita violenter propellitur Sanguis, per universum Corpus turbatus Circulationis cursus inordinem revertitur; Alviqûe fluxus&promovetur Critici, & arcentur Symptomatici.

V I T A.

Huc accedit, quod Sudorificorum usus longe tutior sit & efficacior post Venæ Sectionem & Purgationem, inanitis laxatisque Vasis, & patefactis eorum osculis. Ex quo facilius per Cutis poros desiderata promovetur Evacuatio, & ab eo cavetur, quod maxime metuendum est, ne dum in ciendo Sudore toti sumus, Remedia huc spectantia Inflammationes internas & Obstructiones augeant. Igitur ubi Morbus Alvo, ut fieri solet, diu astrictæ supervenit, ubi post Vomitionem nausea cum ructu graveolenti etiamnum inhæret, ubi pituita stomacho molesta est, ubi os amarefcit, ubi abdomen aucta viscerum mole aut flatibus distenditur, ubi intestina cum ventris siccitate vel etiam fluore torquentur, ubi corpus pravis succis abundat, quid obstat quo minus lenia, quorum copia nobis suppetit, præsertim in initiis Februm, Purgantia impremus? Certe Hippocrates, licet haud alia ei cognita fuerint quam calida & vehementia Cathartica, tamen & hæc etiam aliquando in Febris necessario adhibenda esse perspexit. Is enim in Aphorismis ita præcipit, -- "Incipientibus Morbis, siquid movendum videtur, move: vigescentibus vero, qui-
"escere melius est." Et -- "In Acutis Affectionibus, raro, & in Principiis, Purgan-

"gante utendum : atque hoc, diligenti prius
 "adhibita cautione, faciendum." Et--" Pur-
 "gandum in valde Acutis, si turgeat Ma-
 "teria, eadem die: morari enim in talibus,
 "malum est." Atque in his versimiliter ille
 Ægyptios secutus est, a quibus Medicina
 cum cæteris Artibus ad Græcos derivata est.
 Ii enim solebant, teste Diodoro, Morbos
 "præoccupare, Corpora curantes Clysteri-
 "bus, & Potionibus quibusdam Purganti-
 "bus, & Abstinencia, & Vomitione: id-
 "que interdum singulis diebus, interdum
 "post tres aut quatuor dies interpositos.
 "Nam, distributo omni nutrimento, mayo-
 "rem ejus partem esse superfluum, atque
 "hinc morbos creari; ideoque Curationem
 "modo expositam, qua principia morbi tol-
 "luntur, ad recuperandam valetudinem
 "maxime conferre affirmabant." Similiter,
 Medici suorum temporum felicissimi, in
 Belgio Lommius, in Gallia Fernelius, in
 Anglia Sydenhamus, Purgantibus in Cura-
 tione Februm primas post Venæ sectionem
 tribuere non dubitarunt. Sydenhamus qui-
 dem in eo, quod postremum scripsit, Opus-
 culo, hæc de iis habet: "Cum Catharsis
 "imperata curationi hujus Febris obesse
 "nonnullis forte videatur, pro comperto
 "affirmo, nihil ita certo atque ita potenter
 **** 3 ægrum

V I T A.

" ægrum refrigerare atque Catharsin, post
 " Venæ sectionem, quæ ubique præmitten-
 " da est, celebratam. Tametsi enim Medi-
 " camentum Purgans eo ipso quo sumitur
 " die, atque adeo inter operandum majorem
 " impræsentiarum & in Sanguine & in re-
 " liquis Humoribus, quam qui ante fuit,
 " tumultum excitet, & proinde Febrem in-
 " tendat; id tamen noxæ emolumento mox
 " inde subsecuturo plus satis pensatur. Te-
 " statur enim Experientia, Catharsin modo
 " posteductum Sanguinem tentetur, qui-
 " buslibet aliis Remediis felicius certiusque
 " Febrem perdomare; tum quatenus sædam
 " illam Humorum illuviem e corpore exigit,
 " a quibus ut a causa antecedente Febris ac-
 " cendebatur: vel si non antea peccabant ii,
 " jam saltem concalescenti, & a Febris ardo-
 " re quasi cocti & constipati, ad ejusdem
 " moram diuturniorem multum faciunt,
 " tum etiam quatenus Anodyno viam ster-
 " nit, quod tutius longe certiusque officio
 " suo fungitur, quam si Humores peccan-
 " tes, qui Paregorici vires aliter potuissent
 " infringere, Purgatione non fuerint elimi-
 " nati." Post hunc in commentariis hisce
 " Freindus quoque Purgantium utilitatem ad
 " curandas Febres eximie prædicat: sed non
 " ita indiscriminatim, ut ea semper in usum
 " du-

ducenda contendat. Neque vero totum illud argumentum pertractavit, id solum in se suscipiens ut enarraret virtutem eorum in Febre, quæ Variolas Confluentes, maturitate Pustularum aut vigente aut jam inclinata, semper excipit. Cumque hæc Mendendi ratio, licet a Sydenhamo præmonstrata, apud nos pene exoleverat, doctrinam suam Virorum aliquot in Arte Medica maxime illustrium consensu munire idoneum judicavit: quorum Epistolas, graves sane ac perutiles, huic Operi insertas legimus. Eodem ipse auxilio & in aliis Febribus frequenter usus est: &, quantopere id ei placuerit, constat ex iis quæ de hac re in Historia Medicinæ postea a se scripta tradidit. De Alexandro Tralliano agens, "In Caulo, sive Morbo qui ab illo Febris Ardens
 "Spuria dicitur, ubi redundat Bilis, & materia Evacuationi sese offert, & Febris
 "haud intensa est, Purgationem Venæ
 "sectioni præfert: cum alii Sanguinis missioni maxime nitantur. Observationem
 "hanc adjicit peracutam & perutilem: Me-
 "mini me, inquit, etiam Acuta laboran-
 "tem Febri purgasse; verum hæc res non
 "modo multam & exquisitam animadver-
 "sionem ac judicium, sed & Medicum
 "quoque desiderat fidenti præsentique ani-

"mo. Ii qui *Experientiæ* rationem adjun-
 "gunt, hujusce observationis facile vim per-
 "spicient; neque viam hanc negabunt in
 "quibusdam casibus, siquis huic prudenter
 "institerit, mira cum felicitate tentari.
 "Hic enim frequenter aut sequendæ aut ad-
 "juvandæ Naturæ modus est aptissimus. Ca-
 "put apud Oribasium est ex Archigene ad
 "hanc rem spectans: idque recte animad-
 "vertit Galenus, *Diarrhœam* ex naturali-
 "bus iis auxiliis esse unam, per quæ Mor-
 "bus iste ad *Crisim* perducitur. Porro neu-
 "tiquam violenta Trallianus, sed lenia tan-
 "tum, in Febre *Tertiana*, & *Quotidia-*
 "na, exhibet *Purgantia*: quæ res animad-
 "versionem seriam meretur, Virumque il-
 "lum, non modo acri cum judicio, sed
 "caute ac fideliter, *Artem* suam excercuisse
 "comprobat." Per hæc omnia id laboro,
 ut licet *Purgationem* in *Febribus* prope ad
 extremum usque *Spiritum*, quod in *Nati-*
 one quadam non inusitatum est, minime
 iterari velim: tamen, viribus subsistenti-
 bus, haudquaquam formidabile *Remedii*
 genus esse ostendam. Neque video cur &
 in *Meridionalibus* Europæ plagis, sub *Fé-*
 bre languida & imbecillo Corpore, *Vesi-*
 cantibus, tanquam nos, laudacter uti non
 possint: aut cur *Vinum*, ut a *Græcis* regio-
 num

V I T A.

num æque calidarum incolis vel in Phreni-
tide aliquando fieri solebat, aut etiam Vino
fortiora propinare dubitent, Febremque ac-
cendere. Nam in quolibet ægro, quovis in
loco, quocunque tempore, ubi Dolor Ca-
lorque ingravescit, Respiratio arcta labo-
riosa & sublimis, Pulsus autem tensus for-
tisque est, ea necessaria sunt præsidia, quæ
Materiæ Vasa onerantis copiam imminuant,
ac Fluidorum impetum refrænent: contra,
ubi robur infirmum est, Respiratio frequens
parva ac debilis, Pulsus autem creber exi-
lis & languidus, ea tentanda sunt quæ Spi-
ritus refocillent, motumque Sanguinis tor-
pentem exsuscitent. Illa denique in Initio
& Incremento, hæc ut plurimum in Vi-
gore & Declinatione Morbi conveniunt.
Quod si contraria instituitur Medendi ratio,
Alexipharmaca & Cardiaca Inflammationes
& Deliria & spirandi angustiam & Calorem
ficcum movent: Evacuantes autem Vires
jam attritas vexant & convellunt. His simi-
lia fuerunt, quantum ex Scriptis ejus as-
sequi possum, in Curatione Februm Frein-
di consilia. Cæterum in Commentariis con-
tinentur etiam Disquisitiones nonnullæ ad
Oeconomiam Animalem & Pathologiam
spectantes, uti de Sectione Venarum Jugu-
larium, de Pleuritidis ac Peripneumoniæ Se-
de,

de Excretionē Cuticulari & Intestinali ; ubi optimo in lumine collocantur quæcunque rationes ad explicanda hæc argumenta a penitiori Mechanices & Anatomiae cognitione hauriri potuerint. Opus autem integrum Amico suo carissimo & studiorum consorti, Ricardo Frewin, eadem nominis fama eodemque cum amore hominum Oxonii, quo ipse Londini, tunc temporis hodieque Medicinam exercenti dedicavit. In qua Dedicatione juvat profecto tramitem illum oculis signare, per quem Viri duo excellentis ingenii & industriæ, in eodem stadio decurrentes, una quoque feliciter ad Artis suæ metas pervenerint. De Epidemiorum Libris, Freindique in eos Commentariis, multa cum hujus laude, licet ab eo in quibusdam rebus desiliens, Epistolam ad eundem scripsit Anno 1718 Vir Eruditissimus, a quo accuratam Hippocratis Editionem avide expectamus, Daniel Trillerus. Sed cum hæc ad rem Criticam magis quam Medicam spectent, & quæstiones maximè momenti ab eo examinatæ hujusmodi sint, An Pulsuum notitiam habuerit, An Remedia Sudorifica adhibuerit, An externi Cantaridum usus plus quam uno in loco meminert Hippocrates ? operæ pretium non videtur his minutiis immorari : præsertim cum

V I T A.

cum Johannes King in plerisque Trillero docte responderit.

Anno 1719, Freindus edidit, de Purgantibus in Secunda Variolarum Confluentium Febre adhibendis, Epistolam ad Virum Clarissimum Ricardum Mead, quicum amicitia & laborum societate conjunctissimus diu vixerat: cujusque Litteras per-elegantes de eadem re ad Freindum scriptas, & Commentariis supra memoratis insertas, legimus. Freindus autem argumentum hoc ideo uberius illustrare voluit, quod multi vulgaria præjudicia mordicus tenentes doctrinæ huic tanquam novæ ac inutili acriter oblatrarent. Woodwardus autem in Libro quodam perinsulso, quem paulo ante hoc tempus vulgaverat de Medicinæ Statu, Purgantium in Variolis Patronos indignissimis contumeliis laceraverat. Is, ex Officina in Currum prorepens, Medici partes agere concupivit. Quod si aliquid incepto dignum præstitisset, id ei adeo non vitio verterem, ut summa potius laude prædicandum judicarem. Fuit autem ab initio, fuitque semper, & in communi vita & in Medicinæ usu Vir absurditatis peridiculæ. Huic Freindus nihil respondit serio: id idem fuisset ac cum Umbra pugnare; Libellum autem sub Empirici cujusdam nomi

mi

mine edidit, ubi risu lepidissimo acrem exag-
 gitavit Hominis præfervidi Bilem, & acerbis-
 simas injurias elegantibus facetiis propulsavit.
 Tamen ut reclamantium ora penitus occlu-
 deret, instituti sui utilitatem, & rationibus,
 & auctoritate idonea, & Historiis Hippocra-
 tico plane more scriptis, confirmavit; qua-
 rum veritatem ne malevoli ipsius fidei unice
 niti dicerent, cautum ab eo est nequam nar-
 raret, ubi adjutor ei in medicatione præsto
 non fuisset. Hæ etiam, ut ipse ait, "nota sa-
 tis atque illustria, non ex otiosorum homi-
 num cerebro effusa, sed ex ipsa Artis Ma-
 gistra Experientia, eaque multiplici, de-
 ducta: non in angulis, non in gurgustis,
 inter nutrices & aniculas clanculum con-
 ficta sed in luce atque in conspectu homi-
 num, maximeque intra Nobilium parie-
 tes, coram Testibus idoneis gesta atque pro-
 bata sunt." Purgantia in periculoso isto Va-
 riolarum statu, etiam ab Arabibus, qui Mor-
 bi descriptionem primi tradiderunt, usurpata;
 ac deinde a pluribus insequentium Sæculo-
 rum Medicis judicio & Artis usu præstanti-
 bus, passim commendata observat. Nihil au-
 tem de Remedii hujus modo ac tempore ac-
 curate præceptum indicat, ante Sydenhami
 tempora, qui & variolas luculentius depinxit
 & earum curationem feliciter absolvit, quam
 om-

V I T A.

omnes omnium gentium atque ætatum Medici. Is in Variolis Confluentibus, Die Decimo tertio, si modo præmissa fuerit Venæ sectio, præ cæteris remediis Purgationem convenire arbitratus, prorsus interim ante hunc Diem tentari vetuit. Sed id, quemadmodum in Commentariis monuit Freindus, atque uti ex his quas recenset Historiis perspicue liquet, frigidum nimis consilium, nec satis pro periculo expeditum. Itaque siquid ille novi fecit, in eo novatum est, quod & interdum ommissa Venæ sectione, & cum citius plerumque, quam Die Decimo tertio, ad ultima ventum sit, hoc auxilii paulo maturius etiam arripi debere existimavit. Consilii sui rationes ab ipso deductas Lector magna cum voluptate perpendet; hoc tantum summatim dicam, Cum Pustulæ in siccam & Crustosam Scabiem abierint, ita parum sperari debere, vel ut libere peragatur ipsa, quæ naturaliter magna in copia fieri solet, Cuticularis humorum Perspiratio, nedum materiæ relictæ expulsionem, ut quicquid ab Evacuatione petendum sit, id in Venæ Sectione, Alvumque moventibus, maxime consistat. Nam licet copiosum Urinæ fluxum optare debeamus, Diureticorum tamen effectus eorum nomini rarius respondet. Vesicantia
nihil

V I T A.

nihil nisi tenue Serum eliciunt, cujus copia hic non obest: eorumque virtus interna magis attendi debet. Venæ sectio præsens periculum optime avertit, cui tamen ferendæ vires haud semper sufficiunt. Ac si ex longa Alvi astrictione, quæ huic morbo familiaris est, solidis crassisque fæcibus occluduntur earum partium ductus quæ ad Intestina tendunt, quonam Artis auxilio sanitas in integrum restitui potest, nisi per Purgantia? Natura autem, isto onere levata, inanitioni adeo non succumbit, ut quid inde commodi contingat in casibus tantum non desperatis, evidenter appareat; (nam & calor mitigatur, & mens magis constat, & somnus subsequitur, & cibi appetitus redit, & robur instauratur:) quomodo autem ad eorum vires, qui post hanc mortui sunt, conservandas (id enim duntaxat incommodi prætendi potest, ne imminuantur illæ) facere potuisset ingens Excrementorum cumulus, aut Secretio Intestinalis penitus intercepta, conjicere nequeamus. Quod si in quacunque Febre eadem Ventris siccitas persistaret, quis etiam in corpore imbecillo Laxantia formidare deberet, quorum & facultas esset lenis & quantitas mediocris? At in Variolis non modo plerumque Venter diu clausus permanet, sed Ma-

tc -

V I T A.

teriae putrefactae pars hos ipsos, per quos exiit, Meatus Crusta tenaci obducit, pars intus relicta novam denuo Febrem accendit, cui, si præter modum sæviat, novæ quoque ad humorum corruptorum ejectionem aperiendæ sunt viæ. Neque alia adhuc commodior inventa est, quam quæ sit per Alvum. Quod nisi mature & abundanter fiat, etiam posteaquam Morbi æstus ita deferbuerit ut non jam amplius præsens discrimen intentet, frequenter ei succedunt Abscessus, Furunculi, Tussès, atque Tabes. Notatque Freindus, neminem unquam ex iis, quos servare non potuit hoc auxilii genus, Alvi unquam profluvio intercidisse, neminem in ipso Purgandi cursu periisse: hos ipsos vero qui, adhibitis utcunque Catharticis, perierint tamen, semper inde fere ad tempus aliquod fuisse levatos. Historiis in hac Epistola narratis magnopere debemus, quod quocunque Variolarum tempore, si atrocia urgent Symptomata, minori jam cum hominum præjudicio Sanguinem detrudere audeamus; quæ res, contra quam vulgo creditum est, faciliorem iis exitum aperit, nedum intercludit: ac præsertim in initio morbi opportuna est. An non enim ea materiæ frequenter subest copia, quæ per Eruptionis tempus expelli nequeat: atque

V I T A.

quæ ideo Cerebrum premat , Cordis motum perturbet , fauces strangulet , & Pulmones inferciat? An non hinc Arteriæ adeo turgescere ac distendi possunt , ut, cum & ipsæ rursus debito modo contrahere se non valeant , & Vasa ipsis intertexta atque adjacentia coarctent , liber Fluidorum cursus præpediatur? An non , etiamsi materiæ quantitas non immodica sit , tamen a vehementer incitata Sanguinis Velocitate iidem effectus oriri queunt? An non ex Fibrarum irritatione Pori Cuticulares constringi occludique : atque has ob causas eæ Partium Internarum labes contingere , quæ in apertis Mortuorum Cadaveribus conspiciuntur , Tumores videlicet Inflammatorii , Extravasationes , Abscessus , & Gangrænæ? Igitur ei , qui Cordis & Arteriarum Contractionem ac Dilatationem reciprocā , atque hoc modo jugiter continuatā Sanguinis Circulationem animo comprehendit , luce debet esse clarius , quamobrem in repletis firmisque Corporibus non modo ad avertendam a Capite ac Visceribus Fluidorum violentiam , non modo ad Humores intra Vasa sua cohibendos fluxilesque reddendos , neque ad Secretiones solum & Excretiones cæteras moderate ac salutariter peragendas , sed ad eam quoque quæ per

Cu-

V I T A.

Cutim fit Sudorum atque Halituum expulſionem adjuvandam, liberali Sanguinis miſſione nullum aliud inveniri poſſit vel tutius vel efficacius vel præſentius auxilium. Ita quoque arcentur optime pericula, quæ in Variolis ſemper timeri debent, quæque exitium repentinum minantur, Phrenitis, Spirandi difficultas, & Angina. Quanto autem fatius eſt, Remedio, a quo nihil noxæ metui, ingens emolumentum ſperari poteſt, mala imminetia mature præcavere, quam idem, utcunque idoneum, anceps tamen redditum, magis alieno tempore experiri. Hac de re in Hiſtoria Medicinæ verbis ſequentibus optime egit Freindus: " Nonnulla tradit Aëtius, qui-
 " bus Medicus etiam utiliter inſtrui poſſit.
 " Unum eo ſpectans exemplum proferam,
 " in quo curandi nobis regula ad imitan-
 " dum aptiſſima proponitur. Hæc in Capi-
 " te quodam invenitur, quod ſi non omne,
 " pars ſaltem ejus de Herodoto ſumta eſt;
 " ubi tractantur Εξανθήματα, ſive Eruptiones
 " Cuticulares cujuſcunque generis, quæ
 " vel Febri ſuperveniunt, vel huic ab ini-
 " tio junguntur: eæ præſertim, quæ pru-
 " ritum movent, & in cute pulicum morſi-
 " bus ſimiles effloſcunt. In hoc caſu,
 " Naturam redundantibus ac vitioſis humo-
 " ***
 " ri-

V I T A.

"ribus onerari dicit: quæ nisi Evacuazione
 "aliqua, aut per vomitum, aut per Alvum
 "exhauriantur, partes Vitales adoriendo mul-
 "tum periculi intentant. Quamobrem in in-
 "itio statim, si Febris violena exarferit, San-
 "guinem mitti jubet. Minime dubito, quin,
 "uti nunc obtinet, ita illis quoque tempori-
 "bus vulgaris ista opinio obtinuerit, ut ab
 "Eruptione Cuticulari hujusmodi medela
 "vetaretur: cujus hæc plerumque ratio af-
 "fertur, ne eo modo humor a Circumfe-
 "rentia ad Centrum recedat. Verum argu-
 "mentationis istius fallacia, si ad Oecono-
 "nomiæ Animalis normam exigatur, facil-
 "lime detegi potest: atque in promptu est
 "demonstrare, quemadmodum in multis
 "casibus, ubi abundat sanguis, vel is ni-
 "mium glutinosus est, detractio ejus len-
 "torem partium attenuet, ac liberiores ca-
 "rum reddat circulationem: quo fit ut
 "non modo non cohibeatur, sed benignius
 "etiam procedat Eruptio. Igitur in Erysi-
 "pelate, Variolis, Morbillis, Febre Scar-
 "latina, aliisque similibus vitiis, si vehe-
 "mentia sint symptomata, & caput vel
 "pulmonem afficiant, aut in alia quavis
 "parte dolorem ingentem moveant, haud
 "absque ratione ac tuto prorsus Vena inci-
 "ditur. Ego certe, quanquam haud aliud
 "fre-

V I T A.

" frequentius experimentum instituerim ,
 " ne semel quidem animadverti quamlibet
 " harum Eruptionum post missionem San-
 " guinis retrocessisse , ubi affectus ipse id
 " auxilii requireret. In Erysipelate præfer-
 " tim , sed & in aliis quoque casibus , ubi
 " Inflammatio adest , Experientia docet ,
 " per ipsius partes affectæ Scarificationem ,
 " cum Membranæ illic onere gravatæ cras-
 " siores appareant , frequenter malum omne
 " mira cum celeritate dissipatum evanesce-
 " re. Neque in alia fuit opinione , qui
 " ante demonstratam , Sanguinis Circulatio-
 " nem floruit , Medicus cum primis sagax &
 " experiens , Carolus Piso. Is ita loquitur ,
 " De Curatione horum Exanthematum non
 " est instituti nostri minutius agere : hoc
 " tantum monendi Tyrones , Venæ sectio-
 " nem mature celebratam esse maxime con-
 " ducibile Remedii genus in omnibus hujus-
 " modi Febribus , in quibus Exanthemata
 " quacunque ratione erumpere solent : nul-
 " la vel habita ratione ætatis , nisi forte In-
 " fantilis , modo adsit Plethora , mature in-
 " quam , immo etiam quamprimum appa-
 " rentibus. Nam Experientia Ratioque do-
 " cent , Natura nonnihil levata ab onere ,
 " hoc est Sanguinis plenitudine , longe fa-
 " cilius & in minori copia , quod sane op-
 " ***** 2 " tan-

V I T A.

”tandum est imprimis , erumpere Exanthemata , neque Corporis universum habitum tanta opprimi infestarique Putredine.” Horum Virorum auctoritate ipsisque verbis in re tam gravi & controversiæ subjecta ideo potissimum uti volui , quod Willisius noster timide ac dubitanter hoc auxilium proponat , & Sydenhamus , unico coque valde infirmo adductus exemplo , Phlebotomiam , non perinde ac prius arbitrabatur , Variolis intra justos limites ”coercendis conducere” pronuntiet.

Anno 1720, Freindus Orationem habuit Anniversariam , ex Harvæi instituto , in eorum commemorationem , qui sua in Collegium Medicorum Londinense beneficentia claruerunt. Fuitque tanti Viri & præco & imitator optimus. Quippe cum ante Harvæum Ars nostra , verbis magis quam rebus , opinionibus magis quam veritate freta , quasi in tenebris jaceret , ipse tandem exortus novum atque inopinatum in plerasque hujus Scientiæ partes lumen diffudit. Ita ut Rationalis Medicina plus ei soli , quam cunctis eo ætate prioribus debeat ; neque ex posterioribus quisquam huic aliquid memorabile adjecerit , qui non Sanguinis Circulantis inventum ut argumentationis suæ basin posuerit. Ecquid enim
de

de Nutritione & Auctu Corporis ; ecquid de Sanitate ac Morbis . ecquid de Vitæ Mortisque Causis , aliunde clare perspiciamus ? Ecquid lucis in ea quæ manet rerum obscuritate , nisi ab eadem lampade , petendum est ? Neque hanc ille veritatem casu quodam aut conjectura assecutus est : sed ex frequentibus tam mortuorum quam Vivorum Animalium dissectionibus primus deprehendit , & rationibus firmissimis munitam ac demonstratione sensibili confirmatam in æternum stabilivit. Noverat Vir perspicacissimus Artem medendi ideo potissimum per plurima retro sæcula mansisse truncam & imperfectam , quod Professores ejus ob superstitionem quandam ab aperendis Hominum Cadaveribus temperassent. Igitur & Anatomix operam sedulo dedit , neque hanc tamen exercuit , tanquam Opifex merus , qui Machinæ partes exilissimas ejusque constructionem accurate callens , Motus interim principia legesque & mirificos effectus plane ignorat ; verum ex Cordis Arteriarum Venarumque fabrica & situ , motum ususque harum partium , & perpetuum Sanguinis recursum detexit. Refertque Boylius , cum percontatus esset Harvæum , quomodo ei in mentem venisset cogitatio de Circulatione Sanguinis : hunc

dixisse, "cum Venarum Valvulas in Cor-
 "pore ubique ita positas videret, ut libe-
 "rum Sanguini versus Cor præberent cur-
 "sum, verum eidem in contrariam partem
 "fluxuro obstarent, hinc collegisse sese,
 "haud sine consilio tot tali artificio Valvu-
 "las a provida rerum omnium effectrice
 "Natura collocatas: nullumque hujus rei
 "probabiliorem esse finem, quam, quo-
 "niam Sanguis, ob interpositionem Val-
 "vularum, per Venas ad Artus devchi non
 "posset, ut is per Arterias transmitteretur,
 "perque Venas rediret, quarum Valvulae
 "ei hac via fluenti non obfisterent." Neque
 vero, intra notitiam inventi sui subsistens
 Harvæus, non intellexit etiam quantopere
 posset id Medicinæ illustrandæ promoven-
 dæque inservire. "Ex iis, inquit ille,
 "quæ in Circulatione, & hac posita, ob-
 "veniunt, usus & utilitates investigandæ
 "veritatis sunt plures. Sunt enim in Phy-
 "siologia, Pathologia, & Therapeia rece-
 "pta, quorum causas non novimus, esse
 "tamen nullus dubitat: videlicet Febrium
 "Putridarum, Revulsionis, & Purgatio-
 "nis Excrementorum. Ea omnia tamen
 "Circuitus beneficio intelliguntur." Et
 "postea -- "Campum invenio, ubi lon-
 "gus percurrere & latius speculando ex-
 "spa-

"spatiari possum. Sed enim tanta hinc ve-
 "ritatis elucescit lux, qua tot problemata
 "explicari, tot dubia solvi, tot affectio-
 "num & morborum causæ & curandi oc-
 "casiones investigari possunt, ut peculia-
 "rem tractatum postulare videantur. De
 "quibus omnibus, in Observationibus meis
 "Medicinalibus, admiratione digna tra-
 "dam." Et in fine Operis -- "Circuitus
 "si vel impeditur, vel pervertitur, vel ni-
 "mium concitatur, multa periculosa mor-
 "borum genera & Symptomata admiranda
 "consequuntur; tam in Venis, ut varices,
 "apostemata, dolores, hæmorrhoides, hæ-
 "morrhagiæ; quam in Arteriis, ut tumores,
 "phlegmones, dolores intensissimi & lanci-
 "nantes, aneurysmata, sarcoses, fluxiones,
 "suffocationes subitanæ, asthma, stupor,
 "apoplexia, & alia innumerabilia. Inter
 "Medicinales Observationes, & in Patholo-
 "gia, ea tradere potero, quæ nunquam hæte-
 "nus a quovis observata comperio. Ve-
 "rum hæc omnia, magno Medicinæ dam-
 "no, inter chartas periisse credibile est,
 "quas, ardente bello civili, ex Musæo suo
 "raptas, queritur in Libro de Generatione
 "Animalium Harvæus; uti & aliud opus
 "haud minus elaboratum ac utile. Usque
 "ad sæculum postremo elapsum parum ex-
 "***** 4 cul-

culta fuerat ea Anatomiae pars, quæ in Morbidorum Cadaverum apertione versatur: quanquam olim "in Ægypto, Reges corpora mortuorum ad scrutandos morbos infecuisse" tradat Plinius. Harvæus autem Anatomiam suam ad Medicinæ usum maxime accommodatam litteris mandare decreverat. "Non enim, inquit ille, ut alii, solum locos morborum ex cadaveribus Sanorum indagando, & secundum mentem aliorum; morborum species, qui iis in locis videri potuissent, recensendo: sed ut ex multis dissectionibus corporum Ægrotorum, gravissimis & miris affectionibus confectorum, quomodo & qualiter partes interiores in situ, magnitudine, constitutione, figura, substantia, & reliquis accidentibus sensibilibus, a naturali forma & apparentia (quam vulgo omnes Anatomici describunt) permutantur, & quam variis modis & miris afficiantur, enarrandum susceperem. Sic ut enim Sanorum & boni habitus corporum dissectionio plurimum ad Philosophiam & rectam Physiologiam facit: ita corporum Morbosorum & Cachecticorum inspectio potissimum ad Pathologiam Philosophicam. Quippe eorum, quæ sunt secundum Naturam, contemplatio Phy-

"siq.

"siologica est prius a Medicis noscenda;
 "quoniam, quod secundum Naturam est,
 "id rectum, & tum sui tum obliqui regu-
 "la: cujus luce errores affectusque Præter-
 "naturales definiendo, Pathologia postea
 "clarius innotescit, & ex Pathologia usus
 "& Ars Medendi, novaque plurima Re-
 "media inveniendi occasiones occurrunt.
 "Neque quisquam facile crederet, quan-
 "tum in Morbis, præsertim Chronicis,
 "Interiora pervertantur, & quanta Partium
 "Interiorum Monstra gignantur. Ausim
 "dicere, plus una dissectio & apertio Ta-
 "bidi, aut morbo aliquo antiquo vel vene-
 "nato confecti Corporis, ad Medicinam
 "attulit commodi, quam decem Corpora
 "Strangulorum." Hæc studia, hi labo-
 "res ad felicem & occupatissimam Praxin,
 "ad ingentem nominis famam, ad Archiatri
 "munus extulerunt & Harvæum & Frein-
 "dum. Anatomiam Freindus miro semper
 "cum affectu coluit; hanc veritatis testem,
 "hanc erroris confutatricem, hanc in dubiis
 "rebus viæ ducem optimam arbitratus est;
 "ope hujus multa passim ipse intricata &
 "perplexa enodavit. "Hæc, ut ipse ait, la-
 "te in omnem Medicinæ ambitum pertinet:
 "sine qua illa aut nulla omnino est, aut
 "Empirica. Perpetuo quippe fluctuat Ar-
 "ti-

V I T A.

"tificis sententia , nisi Artis Fundamenta
 "exquisite percipiat , & sicui casu aliquo
 "res bene cesserit , nulla is alia laude dig-
 "nus est , quam quod omne consilium in
 "Fortuna posuerit." Idemque cum Har-
 væo Freindus argumentum sumens , Præ-
 lectiones Anatomicas in Theatro Chirurgo-
 rum Londinensium habuit : ubi de Cordis
 Arteriarum & Venarum Structura Motu
 Usuque , ac de harum partium Morbis
 Morborumque Curationibus docte & accu-
 rate disseruit. Quas Prælectiones publicas
 facere supervacaneum ideo visum est, quod,
 quæ in iis maxime notatu digna sunt, spar-
 sa passim in Historia Medicinæ reperiri pos-
 sunt , præcipue iis in locis , ubi de Syn-
 cope , Aneurysmate, ac Circulationis usu,
 sermo est. Neque vero Freindus unquam
 Morbidorum Cadaverum apertioni , cujus
 rei summam facultatem habuit cum in Ca-
 stris versaretur , aut tunc temporis , aut in
 Urbe postea , quantumvis negotiis impedi-
 tus , interesse neglexit. Ejusque in hac re
 studium tum insignes aliquot hujusmodi
 dissectionum Historiæ ab eo enarratæ , tum
 sequentia ipsius verba declarant , "Optan-
 "dum esset, ut quemadmodum hæc Sano-
 "rum , ita & illa Morbidorum Corporum
 "inspectio apud nos in consuetudinem ve-
 "niret.

"niret. Etenim res minime controversa est,
 "lucem esse omnem ab Arte Anatomica
 "petendam, qua Medicus Morborum plu-
 "rimorum & proprias Sedes eruere possit,
 "& Signa legitima internoscere." Quod ad
 Sanguinis Circulationem attinet, hanc Au-
 ctori suo Harvæo Freindus ita asseruit ut
 nihil ultra de hac re ambigi queat; varias-
 que hujus doctrinæ utilitates variis tum
 Exemplis tum Ratiociniis ubique, data
 occasione, illustrat. Quare in eo Patria
 nostra jure gloriari potest, quod & inven-
 tum hoc primus omnium tradiderit Har-
 væus, idemque nemo quisquam Freindo
 felicius ad usum Medicinæ accommodave-
 rit. Harvæus, inter alia dona Collegio Me-
 dicorum impertita, Epulum quotannis suo
 sumtu fieri, & Orationem Anniversariam
 haberi curavit. Freindus, ut erat Medico-
 rum concordiae & festivitatis valde studio-
 sus, cum primis elaboravit ut Epulum hoc,
 diu intermissum instauraretur: atque Ora-
 tionem nulli earum, quæ illo in loco un-
 quam pronuntiatae sunt, secundam habuit.
 Harvæus eidem Collegio Fundum suum
 vivus donavit; Freindus etiam, cum in
 vivis esset, Theatrum Anatomicum in Æ-
 de Christi Oxonū ædificare decreverat, ac
 stipendium Prælectori liberale in perpe-
 tuum

tuum constituere. Hoc immatura morte præpeditus non, uti statuerat, fecit: at moriens, post Familiam suam, Medicæ Familiæ consuluit. Nam si Filio ejus sine Liberis mori contigerit, mille Libræ ab eo in Usus supra dictos legatæ sunt; ac si duo Fratris Filii insuper sine Prole obierint, Hæreditas omnis ad ponenda in eadem Urbe Nosocomii initia eroganda est.

Per omne illius Parlamenti tempus, quod Anno 1722 congregatum est, in Curia Britannica Freindus Senator confedit: quod in præcedenti, non nisi per paucos Menses, fecerat. Illic in magno eloquentium Oratorum numero, ob summam ejus in dicendo vim ac leporem, magnopere inclaruit.

Sub initium. Anni 1723 evidentissime ostendit, quam vehementi Artis suæ promovendæ studio flagraret; hanc enim, cum propter calamitatem, quæ sola ei per omnem vitam obtigit, ægros invifendi facultate privaretur, scriptis ornare non destitit. Quippe Epistolam illam elegantem, De quibusdam Variolarum Generibus, in Turri Londinensi exaravit. Quam ob causam illic esset inclusus, non hic est inquirendi locus. Illud certe constat, nihil hujusmodi obstitisse quo minus postea, Augustissimi
Rex

V I T A.

Rex & Regina Britanniae nunc auspicato imperantes , tunc temporis Walliae Principes , plenam in integritate & peritia ejus fidem ponerent. Nam cum Liberi ipforum gravibus & periculosis Morbis laborarent, Consilio ejus usi sunt : quod ita prospere cessit , ut præconceptam de eo opinionem haud mediocriter auxerint.

In eodem loco Historiam Medicinæ inchoavit , a Galeni tempore usque ad initium Sæculi Decimi Sexti. Cujus Primum Volumen Anno 1725, & Secundum Anno proximo prodiit. Hæc , ab eo Anglice scripta , a me in Latinum sermonem conversa est. Quam Translationem qui evolverint, minime dubito quin futurum sit ut Historiæ fide , rerum varietate , aliorum Auctorum examinatione , exquisito ipsius judicio , præceptorum utilitate , & observationum delectu vehementer oblectatos se fuisse agnoscant : etsi usitatam Freindi facundiam & orationis nitorem valde desiderabunt, quippe qui in iis omnibus quæ Latine scripsit Celsi ac Ciceronis inaffectedatam elegantiam conjunxerit. Quod si verba ac sententias ejus , id quod facere diligenter studui , fideliter ac perspicue reddidero, hanc mihi gratiam debebunt Exteri , quod Libri adeo utilis ac jucundi lectione non
ul-

V I T A.

ultra carituri sint. Etiam Notulæ quædam, Manu ipsius scriptæ, & Codici impresso adjectæ, loco suo hic a me insertæ sunt. Quid in Historia hac præstiterit, breviter ac summatim percurram. In Primo Volumine de Græcis Scriptoribus agit, qui post Galeni tempora floruerunt. Oribasii, Aetii, Alexandri, Paulique Ætates designat: de qua re nihil antea apud optimos Historicos nisi perturbatum & confusum reperiri poterat. Atque etsi, ut Philosophiam Aristoteles, ita quoque Medicinam prope omnem absorbuerat Galenus, tamen & in his Autoribus multa satis singularia occurrere animadvertit, ut omnino digni sint qui studiose versentur. Multa in his Medicorum illustrium, Galeno antiquiorum, fragmenta pretiosa conservantur. Multa in Chirurgia facta sunt incrementa. Quædam, Recentiorum Sæculorum inventa falso credita, iis adjudicantur: uti Glandularum Salivalium cognitio, Setacei, Cauteriorum ad aperiendos in Cute Fonticulos, & Acupuncturæ in Hydrope usus. Quid item certi de cæterorum Græcorum, qui istis posteriores fuerint, ætate investigari poterit, persequitur. Pestis a Procopio & Euagrio narrata describitur. Liqueorum Distillatorum prima apud Græcos mentio notatur.

V I T A.

tur. Nosocomium ab Alexio Imperatore magnificentissime exstructum, atque immensi in hujus usum reditus ab eodem donati commemorantur. Verum, uti Historia communis, si solummodo ad animi delectationem, non item ad informandos hominum mores, scripta est, neque nos hujus lectio & ad vitanda Antecessorum vitia hortetur, & ad imitandas eorum virtutes accendat, permediocris pretii est: ita quoque Freindus nihil memorabile se facturum judicavit, nisi Lucubrationes suæ ad Præxin Artisque usum præcipue spectarent. Morbos inusitados, qui a Veteribus descripti sunt, exponit: uti Dracunculos, & Lycanthropiam. Medendi rationes ab iisdem usurpatas, quæ jam vel in desuetudinem abierint, vel rarius adhibeantur, commendat: uti Scarificationem, & Arteriotomiam. De Purgatione in Febris, de eadem leniter admodum ac frequenter instituenda in Morbis Chronicis, de Venæ sectione in Exanthematis, & Syncope: de remedii utriusque usu in Cordis Palpitatione, egregie differit. De Aneurysmate, de Hernia Inguinali & Crurali, de Discutientium & Suppurantium indicatione, ac modo, & auxiliis ad utramque rem efficacibus, de Circulationis invento ac variis uti-

V I T A.

tilitatibus ad Praxin , permulta habet lectu
 jucundissima. In fine Libri Veterum præ
 stantiam eximie collaudat , & pro eo acri
 ter contendit ne nuda tantum Experientia
 freti ea adjumenta despiciamus , quæ ex di
 ligenti optimorum Auctorum pervolutione
 petenda sunt. Æquus profecto & idoneus
 hujus rei Arbiter , qui diuturnam Expe
 rientiam cum assiduo Litterarum studio
 conjunxerit : quique , ut ineunte ætate
 probatissimos Magistros , tanquam Viæ du
 ces , elegerat , ita hos denuo consummatus
 jam Artifex , in conclusione vitæ , tan
 quam Judex Censorque , ad examen revo
 caverit. In Secundo Volumine , Litterarum
 omnium apud Arabas initia & progressum ,
 & Chalipharum his faventium studia ac
 munificentiam , fuse exponit. Deinceps
 Medicorum ex isto populo , tam quorum
 scripta ad nos pervenerunt , quam qui no
 mine nobis antea inauditi erant , ætates
 evolvit : indicatque , quid quisque eorum
 ad Artis suæ incrementum contulerit. De
 Morbis agitur , qui vel hujus tantum Gen
 tis Scriptoribus cogniti sint , ut Vena Me
 dinensis : vel ab iis primo memorati , ut
 Spina Véntosa. Præclara multa , occasione
 ex eorum scriptis arrepta , de Affectibus ,
 & rarioribus , & vulgariter grassantibus ,
 dis-

V I T A.

diff'eruntur : scilicet de Inflammatione & Abscessu tam in Mediaſtino quam in Pericardio , de Pericardii Hydrope , de Gulæ Paralyſi , de Bronchochele , de Hydrocephalo , de Paracentefi in hydrope , de Calculi extractione e Mulieribus. Inſtrumenta Chirurgica ad Operationes ſingulas idonea ab Albucasi primum deſcripta , & Figuris delineata ſunt : quem Albucasi eundem cum Alſaharavio eſſe diſcimus. Atque , ut inter Arabas Variolæ primum ortæ ſunt , ita quoque deſcriptio earum , & differentia genera , & Prognostica , & curandi norma uberius a Rhaze , quam ab alio quoquam ante Sydenhamum , expoſita eſt. Arabes , tam in Eruptione quam in Declinatione Puſtularum , re exigente , neque Sanguinem detrahère , neque Purgationem præcipere metuebant. Hi quidem Græcorum veſtigiis preſſe inſtiterunt ; tamen , præter alia ſingularia ex eorum Commentariis a Freindo , (cui grãtia hæc habenda eſt , quod ab ingenti palcæ acervo exiguam at pretioſam frugis copiam ſecre- verit) excerpta , hoc iidem præſtiterunt , ut & leniora multa Catharticorum genera nobis indicarent , & moderatius , quam a Græcis factum eſt , Sanguinem educere nos docerent. Chymia apud illos ortum

ha-

V I T A.

habuit; multæ utilium Medicamentorum Compositiones ab iis inventæ sunt, quæ etiamnum in Pharmacopœis omnibus locum habent. Relictis Arabibus, ad inferiora Freindus Sæcula descendit: in quibus Medicinæ & Chirurgiæ instaurationis facta est, Scholis ad hæc studia, Salerni, Neapoli, Monspeli, & Bononiæ fundatis. Ac præcipuos is Auctores excutit, qui Arti tunc temporis adaugendæ incubuerint. Chymia præsertim, & Anatomia, & Res Botanica magis magisque tum florere incipiebant. Chymici introductionem Populari nostro, Rogerio Baconi, maxime ascribendam judicat: qui in Sæculo tenebris spississimis obumbrato quasi Sidus lucidissimum effulsit. Fuit enim & Linguarum, & Mathematices, & Mechanices, & Astronomiæ, & Naturalis Philosophiæ cognitione recondita instructissimus. Ille primus Vitrorum Sphæricorum Concavorum naturam clarissime explicuit, atque viam eam quæ res longe distitas combureret. Quantum Opticæ in singulis ejus partibus promoverit, e Libro illius de Perspectiva abunde manifestum est: in quo de Luminis Reflectione & Refractione disserit, Cameramque Obscuram, & omnia Vitrorum genera describit, quæ Objectum vel augeant, vel

V I T A.

vel minuant, vel ad Oculum propius adducant, vel ab eo longius removeant; atque inter cætera Tubi Optici, five Telescopii, usus ei plane innotuit. Ille Calendarium reformavit; ille Pulveris Pyrii compositionem ac vim primus tradidit. Sunt etiam quædam ab eo scripta ad Medicinam pertinentia. Dehinc Freindus Pestem illam universam commemorat, quæ Anno 1348 sæviit; novosque Morbos, qui proximo Sæculo variis in locis emicuerunt; uti fuit Sudor Anglicus Anno 1483, qui rediit etiam quinques succedentibus temporibus: Scorbutus, qui inter Nautas Lusitanos Indiam explorantes primum leviter sese declaravit, postea alio transplantata per Misniam Anno 1486 graviter lateque se diffudit, Sedemque in Dania aliisque Septentrioni vicinis Regionibus posuisse aliquandiu videtur, tandem circa Annum 1600 per omnem fere Europam disseminata est, malumque his diebus Epidemicum est: Lues Venerea, quæ mala merx ex America a Columbo apportata, in Italia primum Anno 1492 animadversa est, effecitque ut haud tanti fuerit Novi Orbis cognitio. Nam detestabile Virus illud duobus post Annis in obsidione Neapolis Gallicum infecit Exercitum, atque hoc modo intra

***** 2

breve

breve tempus per Italiam Galliam & Hispaniam Contagium propagavit, nec ita multo post per Europam omnem Asiam atque Africam. Atque ut hæc res fortasse omnium maxime mira est, quæ in tota Medicinæ Historia occurrant, si vel causam productionis ejus, vel atrocitatem veneni, vel novitatem originis consideremus, haud abs re judicavit Freindus subnotare, qua primum forma apparuerit, & quemadmodum hanc postea variaverit, quos progressus fecerit, & quænam recentes medendi rationes tentatæ sint ad sistendam novæ hujusce Pestis violentiam. Igitur hanc delineat, prout sese per Annos 50 aut 60 ab ortu suo in his regionibus ostenderit; unde perspicui potest & opinio & Praxis eorum qui hoc tempore vixerunt & aliquid de ea literis mandarunt. Item in hoc Volumine disquisitiones reperiuntur de Hernia Carnosa, ac de Veteribus Novisque Lithotomiæ modis. In conclusione totius Operis habetur Elogium Viri doctissimi optimique, Linacri; qui, cum in Anglia humilis esset Artis nostræ conditio, utpote ab illiteratis præcipue Monachis Empiricisque tractatæ, hanc non modo scientia & facundia admirabili illustravit, ac munificentia promovit: sed favore quo tum in
Aula

Aula pollebat Litteras Patentes a Rege obtinuit, postea Senatus auctoritate confirmatas, quibus Societas Medicorum Legalis Londini constituta est. Idemque Donum suam moriens eidem Communitati legavit, quæ etiamnum ab hac possidetur. Tanto tamque sapienti Fundatori contigerunt sperati ab eo successus; & non deesse jactamus, neque defuturos auguramur in hoc Collegio Viros, qui & ingenio & doctrina cum cæteris quibuscumque in quacunque Natione Medicis contendant. Anno 1727, Johannes Clericus in Bibliotheca Veteri & Nova Responsionem edidit ad censuram a Freindo prolatam Speciminis cujusdam, quod Daniel Clericus nobili Libro a se de Medicinæ Historia dudum scripto recenter attexuerat: quo in Specimine eadem Historia a Secundo Sæculo usque ad medium Decimi Sexti summatim continuari dicitur. Prius illud Clerici opus summa cum laude prædicavit Freindus, Specimen autem rem ita parum absolutam aut elaboratam credidit, ut multa ibidem negligenter, multa perperam dicta pronuntiaverit. Id cum ita revera sit, quam ratione Freindus, de eadem re agens, temperare sibi potuit; quo minus & id in universum diceret, & errores ejus passim refutaret, tanti

Viri auctoritate apud homines aliter facile fidem inventuros? In Responsione lapsus ejus partim agnoscuntur, partim excusantur, alibi accusatur ipse Freindus, cujus verba & argumenta ob Traductionem haud prorsus accuratam aliquando vel male intellecta vel perversa sunt. Quandoquidem vero Responsionis Auctor, Vir lectionis & scriptionis adeo immensæ, a Fratre etiam pererudito adjutus, neque in Re Chronologica, neque in judicio de Scriptore ququam prolato, neque in Præceptis Practicis, ullo modo Freindum redarguat, fatebimur Aëtium, non Ætium scribi oportere, item Affectionem Bovinam non fuisse a Clerico cum Vena Medinensi confusam, item Aquam Rosarum distillatam non a Mesue descriptam sed solummodo nominatam esse; &, si id valde vult, Antidotum Hippocratis ab Actuario memoratum non certis argumentis ad Medicinæ Parentem referri debere, concedemus. Cæteris ejus cavillationibus & verborum captiunculis accurate respondit Johannes Baillius. Nos autem defensionis istius molimen fraterno Johannis Clerici in Fratrem omni laude dignissimum amorì condonemus; Danielem vero Clericum, propter ea quæ in Medicina eximie præstitit, cum Freindo aliisque

omnibus vehementer admiremur: & eidem, licet errores aliquos in re, quod fatetur ipse, haud bene perpensa admiserit, parcamus: qui cum, sicut fortis Equus, Olympia gloriose vicerit, senio jam confectus quiescat. Ecce autem Alterum ab Edinburgo, qui Freindo infensus ideo quod Arcanorum Venditores subsannaverat, irriseratque Alkindum facultates Medicamentorum Arithmeticas Supputationes redigere conantem, tam bellæ Theoriæ tamque circumforaneæ Praxeos, quas quidam amplectitur, Patrocinium in se suscepit, idque Animadversiones in Historiam Medicinæ nominavit. Fruatur iste his deliciis; nos contenti simus eo quod nihil gravius Freindo, præter Contumelias, ab acerbissimo, uti videtur, inimico objici potuerit. Nam ad illum quidem, posteaquam Historia sua Anglice vulgata, & in Gallicum sermonem conversa est, multi, tam in Patria nostra quam in aliis Nationibus, illustres Viri honorificas misere Litteras, miram Operis approbationem testificantes. Freindus itaque neque Woodwardo Linteario, neque Anonymo cuidam Medico Edinburgensi placuit: at placuit inter Germanos Hoffmanno, inter Batavos Boerhaave, inter Gallos Helvetio & Hecqueto, Popula-

ribus vero suis pæne cunctis placuit ; & quamdiu vel Medicarum vel Politiorum Litterarum gustus aliquis supererit , universis placebit Freindus. Tamen iidem , qui , cum vivus esset , nec scribentis nec loquentis vim sustinere poterant , venenata rursus in memoriam ejus ex occulto tela conjecerunt. Libellum , non emi quidem , sed circumferri vidimus , cujus Scriptor Moribus magis illius , quam Scientiæ , detrudere conatur. Ad quem deferri proles hæc furtiva debeat , suspectum facit nimius hujus in Parentem amor. Sinamus autem ut is , qui Freindum vituperat , seipsum pro laudatore habeat. Freindi suavitatem Amici ac familiares ejus cum desiderio recordantur , probitatem & obstinatum fidem nemo non extollit , famam exteræ Gentes celebrant , peritiam præsens Ætas experta est , posteræ omnes cognoscent.

Cum Vir hic eximius summa Eruditionis laude , & felici Professionis suæ usu , magis magisque in dies floreret , nova subito , eaque insignissima , dignitate auctus est. Anno enim 1727 , quo Serenissimus Rex Georgius Secundus ad Solium erectus est , primis Imperii diebus Freindum Regni Archiatrum suum constituit , & Stipendium ei perhonorificum assignavit.

Quar-

Quanto autem gaudio commoveri debuit, cum laudi suæ cumulum accessisse sentiret ex eo quod adeo subtilis & exquisita Rerum atque Hominum Judex, & Litterarum omnium Fautrix, multis ipsa haud mediocriter erudita, vehementer id comprobante Rege, cujus judicium de eo erat omnino idem, Munus ita arduum ita honoris plenum ei ultro detulisset. Quo testimonio quid illi gratius aut illustrius accidere potuit, quam quod usque ad mortem ejus Rex pariter ac Regina haud alius cujusquam consilio, in sua vel in Prolis Regiæ valetudine tuenda & restituenda, niti voluerint? Ita incrementum in dies negotio, cum ei antea occupatissimo vix tempus aut vires sufficerent, media Anni sequentis æstate, aliorum saluti intentus suæque immemor, nimia defatigatione fractus cæpit languescere. Caput autem statim ab initio tentatum est; unde nec imminentis mali præscius, nec præsentis gnarus, ab ægris medicandis haud prius destitit, quam in ipsa circumcursatione viribus plane defectus concideret. Quo audito, Rex & Regina graviter percussi, Medicis qui accersiti sunt, Viris ei Amicissimis Doctissimisque, nuntiari jusserunt, gratiæ loco se habituros, si præcipuam in illius curatione operam vellent

impendere. Id quidem sedulo factum; verum invalescente Febre, & irritis quibuscunque Remediis, intra breve tempus diem suum obiit. Quod ubi rescitum est, tantus homines mæror invasit, ut luctum adeo publicum adeo universum in unius Viri morte vix unquam Civitas meminere. Ita Vitæ cursus & finis æque gloriosus ei obtigit. Ac post Mortem ejus, e Regiis pectoribus non deletam esse meritorum ipsius memoriam, beneficia declarant in defuncti Familiam collata. Nam Viduæ ejus Regina liberalem in singulos Annos Pensionem elargita est, Filiumque omni gratia, quam recipit ætas ejus Juvenilis, amplectitur, Fratremque Rex amplis in Ecclesia Muniis repetito favore cohonestavit.

Haud alios suscepit Liberos præter Filium unicum, quem Adolescentulum reliquit. Cui cum facultates, non amplas quidem, sed honestas, suo labore partas legaret, tamen a Tutoribus ejus, ut ad Professionis alicujus studium educaretur, in Testamento suo enixissime petiit; illud utique animo persuasissimum habens, meliorem nullam iniri posse Vitæ rationem, quam quæ Homines in commune utiles efficeret. Itaque, domestico Exemplo, in Schola Regiæ Westmonasteriensis, sub Patruo suo,
Vi-

V I T A.

Viro doctrina pariter ac virtute præclaro, sedulo & amanter institutus, Oxonium nuper in Ædem Christi migravit. Cumque eximiis Ingenii dotibus inter Æquales emineat, spes est fore, ut in eo quod amplexurus est Vitæ genere haud minorem olim, quam Parens ejus in Medicina obtinuerit, laudem consequatur.

Johannes Freind vixit Annos 52, obiit A. D. 1728, sepultus est juxta Prædium suum, in Oppido Hitcham, quod est in Comitatu Buckinghamiæ. Cenotaphium vero ei positum est in Æde Westmonasteriensi, non modo ut illic, ubi prima Litterarum rudimenta hauserat, nomen ejus Lapidis sacro insculptum extaret: sed quoniam id majori in celebritate futurum videbatur, si in Templo statueretur Regum Sepulchris nobili, Ducumque ac Poëtarum maxime illustrium Tumulis refertissimo. Quibus quidem is ibi tanto magis locum meretur, quanto magis laudabile est Beneficia in Homines contulisse, quam aliorum Virtutes æternitati consecrasse, quantoque præstabilius Artes in Humani Generis Salutem, quam in eorum Perniciem inventas excolere. In quo tamen Filii magis erga illum Pietas apparet, quam ipsius Famæ quicquam adjectum est. Nam
viva

V I T A.

viva hæc Ingenii & Eruditionis ejus exquisitæ Monumenta a Posteris omnibus cum utilitate ac delectatione pari legentur, ubi Marmor illud vetustate collapsum interierit.

Cæterum hoc a me grati erga illum Animi testimonium Cognatos & Amicos ejus omnes oro ut benigne accipiant: cui quod vivo, & valeo, & medeor (si medeor) soli debeo.

LEC-



LECTORI.

CHARTÆ sequentes, magna ex parte, eadem quam nunc obtinent forma, pridem exaratae sunt: eo tantum consilio ut horas aliquas subcissivas insumerem; neque de illarum Editione per aliquod tempus cogitaveram.

Has ut retractarem postea sum adductus; & pauca quædam, prout res exigebat, passim attexui. Quod plures mihi necessario excutiendi fuerint Libri, quam quos in ista temporum meorum asperitate adeundi copiam haberem, Lector facile existimabit. Quosdam sane adhibui post primam hujusce Operis compositionem publicatos (Chirurgiæ tamen a Garengoeto scriptæ Traductionem nondum videram, cum ea, in quibus de Hernia Inguinali agitur, Folia prælo jam

LECTORI

jam exierant: neque Auctorem, qui de Hernia Crurali mentionem fecerit, cognovi alium. Summa certe eorum, quæ de Argumento isto hic habentur, in Confessu Publico a me quatuordecim abhinc annis exposita est.

Quod si brevis hæc Medicinæ Historia iis qui in Antiquorum scriptis versati sunt utilitatem aut delectationem ullam afferre, vel alios ad pleniorum Veterum notitiam excitare poterit, non male operam meam posuisse mihi videbor; sin aliter, tamen haudquaquam me voluptatis in hac disquisitione captæ pænitebit.

Ad Virum Doctissimum

JOHANNEM FREIND, M.D.

FREINDE, quem Phæbus Genio altiori
Splendide ornavit, docuitque corpus
Morbidum letho eripere, & fugacem
Sistere vitam;

FREINDE, Te Proli metuensve Sponso
Anxie implorat Genitrix & Uxor;
Certa, Tu quoque venias, Salutem
Ire sequacem.

Namque Tu nosti, Dea quot reclusa
Pyxide emisit, superare morbos;
Dura nec filum, nisi Te remoto,
Atropos occat.

Non tamen servas placuit per Artes
Surgere, & turpi obsequio aucupari
Lucra famamve; ingenuo sed actus
Impete sursum

Tendis, insueto super astra quærens
Tramite ascensum: probat omnis ausum
Turba Divorum, præiensque Phæbus
Firmat euntem.

Duo

*Duſtor hinc audis Medicæ cohortis;
Hinc Tibi in morbos domitu malignos
Traditur grande imperium --- I, potenti
Munere felix!*

*Perge per terras Opifer vocari;
Perge mortales ſtabilire vires,
Præpotens Cuſtos! tamen hac laborum
Mole retentus*

*Ne piger ceſſet Calamus, memento.
Evocat quoquo ſeries negoti,
Scribe: quod Mauro faciat ruborem,
Scribe. Medentum*

*Hoc rogant, palmam Tibi porrigentes,
Ordines cuncti; Duce Te, priorum
Acta rimari, medicosque docti ex-
quirere fontes.*

*Te Duce, antiquas Arabum tabellas,
Pulvere excuſſo; rapiunt; quid aptum
Uſui Rhazes, Meſueſve ſcripſit,
Volvere aventes.*

*Tu doces, primo repetens ab ortu,
Quem Pater Cous, Medicique ab illo
Tramitem Graji tenuere: Tu per
Barbara veſtus*

*Sæcla, quantillis gradibus, quibusque Au-
Etoribus, crescens fluitansve retro,
Artis undabat status, ordinemque &
Tempora signas.*

*O rudi natum dare scriptitantum
Cætui leges! Tua perlegendo
Scripta, vel discant studia æmulari, aut
Parcere chartæ.*

*O potens forti eloquio movere
Curiam! fidus patriæ, utilisque
Consili suasor, nec biante contra
Ore potentum.*

*Territus! quam Te variis refinxit
Dotibus Cæli favor! excolendis
Artibus donans Genium, & ferendis
Legibus aptum!*

*Quare age, oranti Medice ac Senator
Subveni late populo; vocarit
Civicum seu Jus, Britonumque Causa,
Sirenuus adsis*

*Arbiter; seu Te morientium ægre
Suscitent voces, Fer opem, precantes;
Sis bonus! morbi quate vim, proculque
Ire iubeto.*

Sic

*Sic Tibi fama super ire cunctos
Det potens Artis Deus, insolentes
Sub jugo Errones premere, & Medentum
Spernere vulgus.*

A. ALSOP; B. D.

AMIG

AMICISSIMO VIRO

JOHANNI FREIND, M.D.

IN

Hippocratem Commentarios de Febribus
edenti.

T*U Vitam Hippocrati, Vir Phæbo chare,
recentem*

Largiris, Famam reddit & Ille Tibi.

Felix Ille Febres depingere, Tuque fugare,

Nempe dedit totam se Tibi Diva Salus.

† *Cantharidum stimulos Cous si noffet A-
lumnus,*

Et quo Musca nitens vellicat Ore Cutim,

Si noffet quæ nunc primum Tua Pagina pandit,

Clauserat Historias haud toties, Edave.

JOHANNES WYNTER, Medicus Bathoniensis.

† Vide Comment. 9.

***** 2

AD

AD VIRUM CLARISSIMUM
JOHANNEM FREIND

Serenissimæ Reginæ CAROLINÆ
Archiatrum.

QUO te merentem læta Britannia
Honore tollat, quas Tibi gratias
Ob Principes salvos repperdet,
Ingenio Vir & Arte præstans?

Debere gaudet Rex Tibi Liberos,
Cedit salutem non alii suam
Regina: jam clavis in Aula
Muneribus Titulisque fulges,

Decus Britannum grande Machaonum,
Altriciis Almæ nec tamen immemor,
O Freinde, quem sacrare plectro
Meque decet Comitesque centum.

Nam pulchra moles, quæ nitet Italo
Decore felix, non Veterem magis
Claravit Ædem, quam Latine
Spiritus haud tenuis Camæne,

Quæ, primum Elisæ sub Lare prospero
Nutrita, doctam mox colit otia
Ad Isidem, cantusque dignos
Cæsareo modulatur ævo.

O! Musa cordi si mihi vividum
Afflaret ignem, quæ * Hanneſii fides
Tam ſuaviter pulſavit olim,
Naſſovii decorans triumphos:

Vel quæ, † Gloverni præproperam necem
Dum luctuoſis Hanneſium jubet
Deſlere chordis, triſte funus
Ipsa dolet potiore verſu;

Non ſic maneres carmine Tu meo
Indiſtus. An non Tu Chymiam ſagax
In lucis oras, involutam
Nocte prius tenebrisque, proſers?

Tu multiformes Materiæ explicas
Nexus: in altum vi micet Igrea,
Vel Nube ſe convolvat atra,
Vel rutilus petat ima Pulvis,

Urges fugacem ac diſſimilem ſui
Neutonianis Protea vinculis.
Quæ ſera Te non cantet ætas,
Et Siculi Senis atque Coi

Inſtructus alta, Freinde, ſcientia
Cauſas Dolorum quod Muliebrium
Recludis, & blanda tenelli
Arte levas mala dura Sexus!

***** 3

Nunc

* Vid. Muſ. Anglican. † Vid. Oden Johannis
Freind ad Edwardum Hannes, M. D. in mortem Du-
cis Gloceſtriæ.

*Nunc & Malignos Hippocrates Pater
Cum curat Æstus, muneris ardui
Te poscit in partem, cupitque
Egregio comes ire Nato.*

*Reperta Gentis nec Medicæ finis
Tenebricosi temporis obrui
Squallore, dum cura sagaci
Prisca Virum monumenta lustras;*

*Hinc quippe Messis reliquias breves
Tu granulatim colligis aureæ,
Quasunque Graiorum recondit
Cista nitens, Arabumve stercus.*

*At quis recenti præsidio novæ
Febri resistet, quæ populis gravi
Incumbit ardescens furore,
Pergameæ male-nota Sectæ,*

*Contagiosis halitibus nocens
Fædansque vultum & virgineam cutim,
Rugisque sulcans indecoris
Ante diem, maculosa Pestis?*

*Formas acerbæ Tu Luis horridas,
Tu vim latentem ac tempora dispicis
Dolosa: Naturæ fidelis
Auxilio Socius potenti*

Mer-

*Morbi minacem comprimis impetum,
Nunc læta faustæ signa sequens Ducis,
Nunc auspicato Ductor æque
Imperio præiens sequentem.*

*Hac arte late nobilis anxios
Prolem Parentes depositam vetas
Lugere, prælatamque vitæ
Virginibus speciem redonas.*

*Nam perspicaci judicio simul
Uoque pollens præcipites rapis
Occasiones, expeditus
Arbiter ambigæ Salutis.*

*Hinc Te Domorum spes pereuntium
Extrema semper, Te Popularem
Tutela præsens, omnis Ætas
Freinde, colit, colit omnis Ordo.*

*Præbente Freindo consilium, sui
Secura prorsus, vix Soboli timet
Regina charæ, Principumque
Cincta choro vegetum superbit.*

*Ipsa auguratur perpetuum genus
Spe non inani, & Sceptra Britannica
Tradenda per seros Nepotes,
Magna Parens CAROLINA Regum.*

At

*At Tu saluti parce Tuæ, precor,
Nobisque saltem vive, Medentium
O prime, Morborumque felix
Et Necis Invidiæque victor.*

JOHANNES WIGAN, M.D.
ex Æde Christi Oxon.
Die Jul. 15, 1727.

HIS.

HISTORIA MEDICINÆ

A

GALENI TEMPORE

USQUE AD

INITIUM SÆCULI DECIMI SEXTI.

In qua ea præcipue notantur quæ ad
PRAXIN pertinent.

IGNOSCES mihi, Vir Amicissime, si novam Libri Editionem, quem de Medicinæ Historia conscripsit V. C. Daniel Clericus, aliqua cum aviditate expectaverim. Scis enim probe quanti semper fecerim Auctoris hujus gravissimi eruditionem ac judicium, quorum utrumque in tribus antea vulgatis ab illo super hac re Partibus summopere elucescit. In eo opere Historiam hanc ad finem usque Galeni temporum deduxit: cujus quidem Scriptoris Græci, uti aliorum quoque omnium, qui per sexcentos hunc ac supra annos antecefferunt, libris diligenter excussis, commentarios suos labore indefesso & exquisita arte contexuit. Ac Veterum quidem Medicorum Philosophiam, Theoriam, atque Praxin omnem ita fuse ac dilucide a Clerico explicatam invenimus, ut neque placitum

A

ul-

ullum, aut opinio quævis, neque morbi aut medicamenti Scriptoris quidem cujusquam nomen apud istos occurrat, cujus non enarrationem ille plenam & accuratam tradiderit.

Ad calcem novæ hujus Editionis, Specimen quoddam sex & quinquaginta Paginis constans subjicitur; in quo eadem Historia usque ad Medium Sæculi Decimi Sexti (nam quod in Libri Titulo, Decimi Septimi, legitur, id errore aliquo accidit) breviter continuari dicitur. Verum illud temporis spatium, utpote annorum mille ac ducentorum, nimis amplum est, quam ut in Opusculo tam exili plene describi potuerit: licet dimidia ejus pars in vanis obscurisque enarrandis non fuisset illiterati hominis ac Fanatici istius, Paracelsi, somniis absunta.

Rogas ut meam de hoc Specimine sententiam Tecum communicem. Utinam esset eadem quam de Historia ipsa jure optimo pronuntiavi. Sed, ut vera fatear, ita parum absoluta aut elaborata mihi res videtur, ut ibidem multa negligenter, multa perperam dicta existimem. Quare Tibi obsequens, de Medicinæ Historia intra idem spatium, pauca quædam obiter animadvertam. Quoniam vero ad Libros mihi aditus non ita facile pateant, licet otium abunde suppetat, cave ne perfectum aut limatum quippiam desideres; ipsas tantum Observationes aliquas velim expectes, quas mihi hoc tempore vetus præfertim recordatio, partim tamen etiam quorundam de his Auctorum festina retractatio suppeditavit.

Oribasium, Aëtium, Alexandrum, Paulum-

lumque Clericus, sine ullo discrimine, in Quarto Sæculo ponit. Non diffiteor sane apud optimos Historicos de horum Virorum ætate perturbata omnia & confusa reperiri; iique haud magnopere laborant, modo non plus centum aut bis totidem annis a vero aberrerent. Facile tamen animadverti potest, hunc, si, qua animi intentione atque cura Hippocratem & Galenum antea pervolverat, horum itidem Medicorum scripta verfasset, sine ulla alia ope propius ad veritatem accedere potuisse. Id ego paucis ostendam. Oribasius, quanquam Collectiones suas Juliani Imperatoris temporibus, circiter A. D. CCCLX, conscripserit, tamen usque ad finem quarti Sæculi, uti ex eo ipso ac familiari ejus Eunapio ^a plene colligi potest, superfuit; Aëtiusque qui ex Oribasio quædam se desumere sæpe testatur, de eo minime, quasi de homine semetipso paulo duntaxat anteriore, loquitur. Quod ad Aëtium pertinet, ex ipsis ejus Libris constat, hos ab eo, ante finem Quinti, vel initium Sexti Sæculi, scriptos non fuisse: quoniam in his non modo Sanctum Cyrillum, Archiepiscopum Alexandrinum, qui A. D. ccccxliv obiit, sed Petrum quoque Archiatrum Theodoricæ Gothi Medicum, atque adeo Cyrillo ipso juniorem, nominat. Alexander Aëtio inferior est, siquidem hic ab illo prædicatur; tamen inter illos nonnisi exiguus annorum numerus intercessit. Nam præterquam quod is ^b Jacobum Psychrestum, Medicum

A 2

no-

^a In Chr. santhio. ^b 5. 4. De Jacobo hoc plura in sequentibus.

nobilem, Leonis itidem Thracis, ante A. D. CCCCLXXIV, Archiatrum, extollat, cuius mentio pariter apud Aëtium reperitur: Agathias, qui Historiam suam sub initia Justinii Junioris A. D. DLXV aggressus est, refert quanto in honore fuerit Alexander, imperante Justiniano Romæ agens; eumque una cum quatuor ejus Fratribus, quorum in suo quique genere præcelluit, eximie collaudat. Neque Alexander fortasse multo tempore Agathiam præcessit; siquidem, ut ipse ait, eum quem habemus de Medicina Librum provectissima ætate contexuit, cum ob laboris intolerantiam artem hanc excerpere jam desisset. Lindanus parum constare existimat, utrum A. D. DC, CCCXIII, aut CCC LX, viguerit. Verum errores hi Chronologici, leves censeari debent in eo homine, qui Aretæum iisdem temporibus cum Strabone & Sancto Gregorio Nazianzeno vixisse scribit, omnesque sub imperio Cæsaris Augusti collocat.

Eo dehinc serior extitit Paulus, nam Alexandrum nominat: & Abulpharagius Arabs, qui explicatissimam temporum illorum Historiam reliquit, Paulum sub regno Heraclii, circiter A. D. DCXX, ponit: haud, uti perperam a ^a Fabricio dicitur, regnante Constantino Pogonato, circiter A. D. DCLXXX. Nam ab ^b Arabico isto Scriptore Paulus ante Othmanis Chaliphatum spatio perquam exiguo floruisse traditur. Et hic quidem A. D. DCXLIII, duobus post Heraclii mortem annis, imperare cepit. Accedit
ad

ad hæc, quod ipse Paulus sese^a Alexandria literis operam dedisse prodat; neque id fieri potuit, nisi antea quam civitas illa ab Amruo esset, A. D. DCXL, capta ac direpta. Id obiter ex hoc disci potest, Scholam Alexandrinam illis quoque temporibus fuisse celebrem, cum etiamnum ob Medicinæ studia nomen ejus inclaresceret. Quodque de homine pererudito, Johanne Grammatico, ibi tunc temporis degente, narrat^b Abulpharagius, luculenter nobis ostendit, quam immensus fuerit illic, post Bibliothecæ Prolemaicæ sub Julio Cæsare incendium, Librorum numerus, munificentia Principum congestus. Quippe cum Amruus Libros omnes a Chalipha jussus est comburere, illos Balneatoribus divisit; ac licet in ea Urbe Thermarum essent quatuor millia, iique harum usibus accommodati, vix tandem sex mensibus igne consumti sunt.

Ex brevi hac narratione disci potest, quantam erudito cūdam Tractatui^c fidem adhibere debeamus, ubi Medicorum supra dictorum una cum Dioclis ætate hoc modo tempora distinguuntur.

A. D.

Oribasius	CCCL.
Alexander	CCCLX.
Aëtius	CCCC.
Paulus	CCCCXX.
Diocles Carystius ...	D.

Incredibilis videtur error hic de Diocle;

A 3 si-

siquidem haud modo Epistolam ejus de tuenda Sanitate ad Antigonom in eo ipso Scriptore, qui octoginta annis Diocle posterior vixisse censetur, in Paulo conservatam habeamus, sed etiam omnibus notissimum sit, Virum illum, uti Plinius loquitur, ab Hippocrate secundum ætate famaue exitisse, idque trecentis ad minimum annis ante Christi nativitatem. Igitur in hac una re lapsus est annorum fere octingentorum. Illud amplius animadvertam: si Epistola hæc germana est, ad Antigonom Gonatam Macedoniæ Regem, uti conjicit Fabricius, scribi non potuit. Rex enim iste annos circiter cxxl ante Christum floruit: ita ut sub eo Rege Diocles nimio ab Hippocrate intervallo remotus videatur; ideoque magis verisimile est missam fuisse ad antiquiorem aliquem Antigonom, illum fortasse qui Alexandro Magno successit, Anno circiter cccxx ante Christum, sive post Hippocratis ortum cxxx. Quod autem a Paulo senex dicitur, descriptioni huic Antigonus noster æque, ac Gonatas, congruit: quippe cum interfectus sit annos natus plusquam octoginta.

Nonnullis fortasse primo intuitu Chronologica tantum videbuntur hæc minutia; eosdem tamen re bene perpensa fassuros esse confido, non statuta primum Auctoris cuiusque ætate, truncam omnem in Historia & confusam de Medicinæ Statu narrationem futuram: neque ullo modo mutationes ejus ac progressus percipi posse, neque quemadmodum horum quodque singulis temporibus obtigerit.

Quæ de quatuor supra memoratis Scriptoribus differit, omnia quatuor paginis absoluit Clericus: atque idoneam brevitatis hujus causam afferre se credit, ideo quod Collectores sint. Fuerunt certe maxima ex parte ejusmodi, duo primi ac postremus. Longe vero abest, ut immensis illis quæ aliunde collegerunt Voluminibus non aliquid etiam recens ac de suo immiscuerint. Fateor equidem, si Librorum molem spectemus, haud utique in illis multa reperiri, quæ in Galeno aliisque Auctoribus desiderantur, (sunt tamen illic quoque quædam ad verum Artis nostræ incrementum pertinentia) nihilominus e Scriptoribus istis magna rerum sylva excerpti potest; quæ Medicinæ Historiam, (idque hujus disquisitionis argumentum est) copiose instruant: Medicique, si non ratiocinantis judicium dirigant, curiosi tamen animum oblectent. Id utique in Scientiarum pariter ac in Regnorum conditione obtinet: ut Lectori non minus utile ac jucundum sit, utrorumvis inclinationem sensim factam contemplari, quam aut adolescentium incrementa spectare, aut vigentium gloriam suspicere. Sed de his Auctoribus singulatim aliqua dicenda sunt.

ORIBASIIUS Aëtiusque Volumina sua, & ORIBASIIUS
 ea satis ampla, præcipue quidem ex Galenō, ^{SIIUS}
 sed & ex aliis quoque plurimis Scriptoribus, ^{A. D 150.} contextuerunt. Oribasius magna in dicendo varietate utitur: ex qua re id emolumenti capimus, ut in eo alius alium vel Auctor Auctorem, vel sententia sententiam

ORIBAS-
SIUS
A. D. 360.

explicet ; eique acceptum referri debet , quod ejus ope multa clarius in Galeno, tam ad Anatomiam quam ad Medicinam spectantia , intelligamus. Aëtii dilucidior est oratio ; idemque de pluribus morbis agit, quam aut in Synopsi , aut in Libris ad Eunapium comprehendit Oribasius : coque uberius & Symptomatum descriptionem & medendi rationem exequitur.

Ex his duobus haustum esse dicit Clericus quicquid in Theoria vel Praxi alicujus momenti sit, ac praesertim in re Anatomica & Chirurgica. Id autem animadvertere necesse habeo, ab Aëtio in prolixo ejus Opere penitus omissam esse Anatomiam, usumque Partium ; quicquid autem unice ad Chirurgiam spectat hic atque illic confuse dispersum, mancum esse & ordinis experts, si cum iis conferatur, quæ de eodem argumento scripta sunt a Paulo ; unde factum puto ut insignis ille Chirurgiæ Magister Fabricius ab Aquapendente semper fere hujus Scriptoris auctoritatem potius quam Aëtii sequatur. Oribasius quidem in duobus Libris haud exiguis (qui Collectionum ejus quæ restant sunt postremi) omnes tum cognitæ humani corporis partes descripserat, & suum cuique assignaverat officium ; verum is perpauca iis adjecit quæ in Anatomicis suis Operibus tradidit Galenus ; atque hujus ratione Tractatus magis, quam alius cujusvis ab eo scripti, Simia Galeni, quod ei nomen inditum est, vocari meruit. Una duntaxat res, quæ vel a Galeno omissa est, vel cum deperditis Galeni Libris interiit, in Oribasio reperitur :

ritur: prima scilicet Glandularum Salivalium ^{ORIBAS-}
descriptio, Hæc verbis sequentibus concepta ^{SIUS}
est; „^a Ex utraque Linguae parte ora Vaso-
rum, quæ Salivam excipientia dicuntur,
invenies, in quæ descendere stylus possit.
Initium ducunt hæc Vasa ab radice Lin-
guæ, ubi ejusdem quoque Glandulæ sunt;
exoriuntur enim ex eis forma Arteriis per-
simili, per quæ humor pituitosus com-
portatus & linguam ipsam & partes infe-
riores, & item obliquas, & denique omnes
oris partes in orbem humectat. „

Quamquam vero Anatomiam Oribasius ita
plene explicet, in tribus tamen quæ super-
sunt Operibus ab eo factis vix quicquam ad
Chirurgiam spectans continetur, in quo qui-
dem Artificis manus postuletur; nisi fortas-
se duo illi libelli de Laqueis & Machina-
mentis ex Heracla & Heliodoro contexti
huic adscribi debeant; qui si ad Oribasium
revera pertinerent, quantulam tamen Chi-
rurgiæ partem comprehendunt? Aëtius, qui
sine dubio Chirurgiam ipse ^b exercuit, nar-
ratiunculam aliquam operationis fere cujus-
que tradit, ac præsertim in Oculorum mor-
bis uberior est quam ipse Celsus; nihilomi-
nus Chirurgiæ partem minime contemnen-
dam, Fracturas & Luxationes, omittit: de
quibus Librum Celsus integrum conscripsit.

In Oribasio atque Aëtio diversa Veterum
fragmenta, pretii non exigui, neque alibi
extantia, conservantur; multa scilicet, uti
cætera omittam, ex Archigene, & Hero-
doto; Viris de Secta Pneumatica clarissimis:

A 5 ex

^a Lib. 24. 2. ^b 4. 3. 3. 4. 4. 39. &c.

ORIBAS-
SIUS
A. D. 206.

ex Posidonio, & Antyllo, quorum uterque Auctor insignis videtur. Tamen ex his is qui secundo loco ponitur, strictim tantum a Clerico memoratur, posteriores duo ne nominantur quidem, licet ambo, ac speciatim Posidonius, a Galeno multa cum laude celebretur. Antyllus, uti ex ^a Oribasio discimus, plures Libros composuit; quibus multa passim inserta sunt de Arte Gymnastica. In Fragmentis istis apud Oribasium extantibus, multa exercitationum genera reperi-
mus, neque a Galeno, neque ab alio quo-
vis qui huic præcesserit memorata: atque inter cætera, ^b Cricilasia est, uti perperam a Traductoribus dicitur, cum Cricelasia vocari debeat. Hanc, cum per multas jam ætates in desuetudinem abierat, Mercurialis ipse, qui argumentum hoc exquisitissime pertractavit, explanare non aggreditur; & naturam ejus, utcunque ab Oribasio propo-
sitam, haud facile comprehendi posse arbi-
tror. Quædam ex iisdem aliisque Antiquis Scriptoribus, c Sorano præcipue Methodico, & Leonide Secta quidem Episyntetico, Chirurgiæ vero peritissimo, subministravit nobis Aëtius. Illud his adjicere debeo, quod multa apud hunc & Oribasium medicamen-
ta, a superioribus non descripta, occur-
runt.

Oribasius, vel Apollonium secutus, vel sua ipsius autoritate, Sanguinis per ^c Sca-
rificationem detracti commoda fuisse prædi-
cat. Cujus quidem medendi viæ a prio-
ribus vix ulla mentio est. Is autem hanc
fæ-

^a Collect. 6. 21. ^b ib. 26. ^c Collect. 7. 20.

sapissime expertus, in Mensium Suppres-^{ORIBASIIUS}sione, in Oculorum Destillationibus, in^{A. D. 360.}dolore Capitis, in Spirandi difficultate, etiam ubi æger in extrema senectute esset, miros ejus effectus narrat. De se ipso speciatim commemorat, quemadmodum Peste tunc per Asiam grassante correptus, postridie crure scarificato, duas inde sanguinis Libras emisit: qua curandi ratione & ipse convaluit, & alios complures ad sanitatem perduxit.

Id hic animadverti debet, hanc scarificandi rationem ab ea diversam esse, quæ Cucurbitularum ope efficitur. ^a Posterioris tantum generis notitiam habuisse videntur Arabes: verum ex hoc loco, sicut etiam ex aliis quibusdam apud Galenum, patet, Veteres cutim alte scalpello incidisse; qui, eo quod magna Sanguinis copia isto modo commode educi posset, idem in hoc auxilio, ac in Vena secta, præsidium esse censebant. Eodem usque ad hunc diem utuntur Ægyptii; omnemque ejus Apparatum fusc ita describit ^b Prosper Alpinus: Arcum primum sub poplite fasciam injiciunt, crus deinde, post ejus frictionem, in aquam tepidam demittunt, id postea arundinibus percutiunt donec intumuerit, atque ita demum scarificant. Ratio hæc omnis a Cucurbitularum usu prorsus differt; ideoque Oribasius, in Curatione Vertiginis ^c, duas has Operationes luculenter distinguit.

In Auctore hoc miri cujusdam morbi prima mentio est; is *Λυκάνθησις*, sive *Λυκάνθησις*

^a Albucas. Lib. 2. ^b 3. 5. ^c Synops. 3. 3.

ORIBASIIUS
A.D. 360.

πία^a, dicitur, estque Melancholiæ, aut Infantia, species quadam ita ab illo descripta: „Quos hoc malum infestos habet, nocturno tempore domo egressi, Lupos in omnibus rebus imitantur, & ad diem^b usque, circa tumulos vagantur mortuorum. Hos ita cognoscēs; pallidi sunt, oculos hebetes & siccos, non illachrymantes, eosque concavos habent: lingua siccissima est, nulla penitus in ore saliva conspicitur, siti enecti: crura vero, quia noctu sæpe offendunt, sine remedio^c exulcerata. Eandem ejus, paucis immutatis, descriptionem facit Aëtius: cum eo, ut *Κυνιαθροπία* illam, perinde ac *Λυκαθροπία*, nominet, & mense^d Febuario potissimum invalescere prodat. Locum hunc ille se desumere inquit, id est, fufius proponit, ex Marcello Sidete, qui sub Hadriano Marcoque Antonino floruit, Librosque duos & quadraginta de Morbis Versu composuit Heroico, uti liquet non e Suida modo, sed ex Epigrammate^e antiquo etiam-

a l. 3. 10. b Aëtarius addit, tunc eos reverti, & ad sese redire. Meth. Med. 1, 16. c Inter laxæ & spinas, Aëtuar. & ex canum moribus, Act. 6, 11. d Vera hæc Lectio videtur, quanquam Lambecius *πέποντα*, loco vocis *φειρματίον*, probet: ut per illud intelligatur, Mensis qui morbum infert. Sed is certe sensus per vim detortus est, neque sermo Græcæ linguæ apte congruit. Ac licet miras quoque quasdam Historias adducat, quas C. Peucerus Magiæ scriptor perquam credulus de Lycaonibus profert, qui quidem Lycaones, uti ab eo dicuntur, in Borealibus Europæ & Asiæ plagis degentes, hujusmodi morbo tentati solerent, idque nonnisi per duodécim a natali Christi dies, nullo modo hæc, ut mihi videtur, auctoritatem Aëtii infirmare debent. Curatio Dæmoniacy a Christo facta hoc anni tempore obtingit. e Kuffet in Suid.

etiamnum extante. De morbo eodem eadem ad verbum exscripsit Paulus, in eo capite cui Titulus est, *πρὸς Λυκάον* § 2, &c. Quem admodum vero in hunc locum error hic *Λυκάον*, & in Suidam is *Λυκάων*, irrepperit, ex abbreviatione in Manuscriptis Codicibus perperam lecta, recte videtur explanasse ^b Lambecius. In ea vero observatione, quam super verba quædam Aëtii profert, mihi cum illo dissensio est. Ea hoc modo, tam in Manuscriptis quam in impressis Codicibus, leguntur: *καὶ μέγας ἡμέρας τὰ μνήματα μάλιστα διαγίγναι*, unde Sepulchra ab ægris aperiri significatur. Locum hunc correxit Gorræus, atque ita legi debere scribit, *πρὸς τὰ μνήματα μάλιστα διάγει*, „inter Sepulchra maxime vivunt, five commorantur:“, nam Paulus eodem sensu habet, *πρὸς τὰ μνήματα διατρίβει*. Emendationem hanc improbat Lambecius, quia contra stat Manuscriptorum Codicum autoritas; vereor autem ne is in hac re plusquam par est Librariis confidat, siquidem vox *διάγει* morbi hujus descriptioni, quæ a singulis his Scriptoribus proponitur, multo aptius respondet. Traductor Oribasii per vocem „vagan-“, id Latine exprimit; homineſque ita affectos per Sepulchra ac Deserta cursitare dicit Aquarius *ἀδὲ καὶ κεῖσε περιέειναι*, quæ fortasse verba ex Oribasio sumſit. Id utique ab aperiendis Sepulchris plurimum distat, de qua re in quovis horum Scriptore ne minima quidem habetur mentio. Interpretationem nostram confirmat etiam Dæmoniacus in Sacra Scriptura memoratus, qui eodem

ORIBASII
A. D. 360.

dem Infantiæ genere laborans , inter Sepulchra ^a habitare , & in Sepulchris ^b versari , & lapidibus sese incidere dicitur. Ad hæc , vox , *μάλιστα* , Gorræi correctionem sanam esse declarat ; neque enim ex ea , si cætera aliter legantur , ullus elici potest sensus ; quanquam ^c Donatus ab Altomari utramque lectionem servet , vel potius confundat , locum ita convertens : „ circa defunctorum „ monumenta plerumque versantur , eaque „ maxime aperiunt. „ Criticam hanc non fecissem digressiunculam , nisi ostendere vellem quemadmodum Viri etiam eruditissimi in errorem sæpe , circa res ad Medicam Artem pertinentes , delabi possunt , nisi aut scientia aliqua in hac Professione instructi sint , aut in singulis Auctoribus qui de eo Argumento scripserint probe versati. Quod ad morbum ipsum attinet , si peregrinantibus fides adhibenda est , fuit olim in quibusdam regionibus , ut in Livonia , Hibernia , & aliis locis , visu non infrequens ; & ejusmodi quoque narrationes inter recentiores Medicos occurrunt. Duos homines ita affectos se vidisse testatur , modo memoratus Auctor , Donatus ; & ea quam ^d Forestus refert singularis est Historia : nam Oribasii descriptioni plane convenit , non modo quoad Ulcera in Cruribus , verum etiam in illa rede qua supra disseruimus , Cœmeteriorum scilicet frequentatione. Græcum morbi nomen naturam quoque ejus valde significanter exprimit : tamen in scribendo ita negligens est

Lin-

^a St. Marc. 5. 8. ^b St. Luc. 9. 27. ^c Meib. Mod. c. 9. ^d 10. 52.

Lindanus, ut id nihil aliud quam Luporum
ipforum Rabiem indicare proponat.

ORIBASIIUS

A. D. 360.

In Oribasio, vides, quantumvis Collectore, nova aliqua de Morbis occurrunt, vel talia certe qualia apud neminem eorum qui supersunt illo antiquiorum reperiuntur. Erat Vir ille, omnium testimonio, non modo excelsæ indolis, sed in morborum quoque curatione experientissimus: ac si diligenter ejus Commentarios evolvamus, quod a nemine eorum factum puto qui judicium de eo fidenter protulerunt, curandi regulas in variis ab illo casibus commodissime præceptas observabimus. Unum, de * Epilepsia, exemplum proferam, in qua medendi rationem, tam in acuto, quam in diuturno genere, describit, id est, in accessione, & extra hanc. Ubi accessio defuit, mitti sanguinem jubet: post dies quatuor vel quinque, resecto paulum corpore, Purgationem: tribus postea, Cucurbitulas, & Scarificationem. Easdem Evacuationes, adjectis interdum Sinapismis, repeti commodis intervallis præcipit; atque interea nutrimentum idoneum exhibet una cum calefacientibus Medicamentis, qualia sunt, Castoreum, Mentha, Ruta, Succus Cyrenæicus. An ex Posidonio hæc ista hauriantur, uti de eodem argumento b Aëtium consulens suspicari quispiam possit, equidem ignoro; ordo certe ac genus curationis & experientiæ & rationi convenit. In proximo quidem Capite, Epitome eorum quæ Galenus, de Epilepsia item, dixerat, neutiquam adeo plena est,

ne-

ORIBAS-
SIUS
A. D. 360.

neque [res ita] singulatim exponit. Illud etiam observatu dignum est, quod utcumque Oribasius de Specificis loquatur (etenim haud minorem quam nostræ ætatis homines de iis opinionem Antiqui conceperant) inter quæ Radix Pæoniæ est, & ea Epileptici Torquis modo gerenda: adeo non his per se confidit, ut maximam spem, uti par est, in Evacuantibus ponat. Id insuper notabo, quod Galenus in celebri illa ad Cæcilianum Epistola, quod primum hujusmodi consultationis in Antiquitate exemplum est, tam accuratam medendi rationem non tradiderit: quamvis hanc consulto super ista re sola conscripserit, cumque singula ad morbum & ægotantem pertinentia ignoraret, adversus omne quicquid evenire posset præmunire hunc debuerit: quare ipse huic Epistolæ Titulum dedit *Υποθήκη*. In qua, cum satis longa sit, nullam tamen ordinate medendi rationem exequitur: sed post levem Purgationis mentionem, pauca quædam Medicamenta simplicia, Scillam nempe, Absinthium, &c. ad hunc morbum utilia commendat: postea vero victui præcipue insistit, quæ res fuscè quidem ab eo tractata est. Ex iis quæ dicta sunt, cave ne in animum inducas me de Galeno inique sentire, quem & hominem doctum, & Medicum insignem, neque in ulla re Oribasio inferiorem cognosco; nunc enim, tanquam Historicus duntaxat, loquor, resque omnes ita propono quemadmodum cæ in Antiquorum monumentis apparent.

Animadvertis in Oribasio curationem E-
va-

vacuantibus atque Corroborantibus maxime ORIBAS.
 niti; quam Medici quidam judicio minus SIVS
 valentes non modo inidoneam sed secum di- A. D. 360.
 scordantem existimarunt: multumque sane
 error iste obtinuit, ut cum Medicus alia ex
 his adhibeat, alia necessario damnare vide-
 atur. Ab Experientia docemur, utrorum-
 que usum ita parum repugnantem esse, ut
 nihil magis rationi conveniat; ac persæpe,
 non modo in hoc cæterisque Capitis morbis,
 sed etiam in variis Febrium generibus, re-
 quiri. Id e sua ipsius Praxi facile peritus
 quisque perdiscat: & is qui Oeconomix A-
 nimalis notitiam animo perceptam habuerit,
 causam hujus rei satis comprehendet; ac
 necessitatem illam, quæ frequenter incidit,
 aut Evacuandi aut Revellendi, quo præ-
 sentius discutiantur obstructions ab humo-
 rum sive redundantia sive visciditate ortæ,
 facile concipiet; simul eodem tempore idem
 cognoscet, quanti vicissim usus esse poterit
 ejusmodi Remediorum administratio, quæ
 sanguinem exsulcitent, vel ut magis Physi-
 ce loquar, quæ naturalem Fluidis circula-
 tionem, Solidisque Partibus Tonum suum
 restituant.

Ita Scriptor ille, quanquam Collectoris
 præcipue nomen mereatur, Observationes
 aliquas nobis in Medicina suppeditat recen-
 tes nec inutiles, uti ex paucis istis Exem-
 plis liquet; quique hoc proposito ejus O-
 pera pervolverit, is similia nonnulla, a-
 pud Antiquiores frustra quærenda, inve-
 niet.

B

Ori-

a Eanap. in Oribasio.

ORIBAS-
IUS
A. D. 360.

Oribasius, Sardianus vulgo creditus, Pergami ^anatus est, ibique una cum Magno & Ionico, in Schola Zenonis Cyprii, institutus: quem quidem Zenonem Sardibus eo tempore docuisse conjicio, licet Alexandriam postea migraverit, in qua Urbe ^aProfessor celebris evasit. Eunapius, qui Scientiam in Medicina haud contemnendam habuit, idemque verisimiliter cum eo est, cui quatuor de Euporistis Libri alique nonnulli inscribuntur, Oribasium, & Virum sui temporis doctissimum, & inter Medicos peritissimum, & Sermonis admodum faceti ac jucundi fuisse prodit. Eodem teste, haud minus auctoritate quam doctrina viguit; nam Juliano ad Imperium obtinendum non mediocrem opem praestitit, qui vicissim Oribasio Quaesturam ^bConstantinopolitanam assignavit, & in eo summam, ut ex ^cEpistola quadam ab eo imperante scripta constat, posuit fiduciam. Sub proximo Imperatore, gratiam omnem amisit, bonis omnibus spoliatus est, in exilium missus, atque in Barbarorum potestatem traditus: inter quos brevi tempore, virtute ac medendi peritia tantum sibi amoris ac reverentiae conciliavit, ut hunc illi, miris curationum successibus moti, quasi Deum suspicerent. Revocatus tandem a Romano Imperatore est, posteaque semper opibus atque dignitate floruit ad id usque tempus, quo Eunapius haec de eo literis mandavit. Quod circa A. D. cccc incidere debuit: siquidem jam tum Eunapius, uti videtur, inter Medicorum primos ha-

^a Julian. Epist. 47. ^b Suidas. ^c Epist. 17.



* habebatur, cum sub Juliani obitum A. D. ^{ORIBASIIUS} CCCLXIII, duodecimum duntaxat ageret annum. A. D. 369.

Septuaginta, juxta Photium vel duo & Septuaginta, ut vult Suidas Collectionum Libros composuit Oribasius; quos non modo ex Galeno, sed ex aliis omnibus hunc ætate antecedentibus Medicis, & e propriis experimentis haustos, Juliani rogatu, in unum redegit. Horum supersunt soli quindecim priores, una cum duobus aliis Rem Anatomica tractantibus, quos vigesimum quartum atque quintum ejus Collectionis vocat Traductor Rasarius. Scripsit etiam ille, sicut antea dictum est, ad familiarem suum Eunapium, de Morbis & Medicamentis Libros duos. Præter hæc, duo Volumina suo tempore extantia memorat Photius, quorum alterum ex quatuor, alterum ex septem Libris constabat; his continebatur Galeni Operum Epitome, Juliano pariter inscripta. Mentionem ejus habet Paulus; verum ea nunc desideratur, una cum aliis quibusdam tractatibus a Suida nominatis. Plurimæ Medicamentorum Compositiones apud Aëtium inveniuntur Oribasio tributæ. Spurii sine dubio sunt Commentarii in Hippocratem, sub ejus nomine a Guintherio vulgati. Quibus rationibus adductus illorum Editor, homo certe non ineruditus, germanos fuisse censuerit, non possum exputare; nam præterquam quod opus plane nugatorium est, & materia ejus neutiquam Oribasio digna; Auctor, quicumque is erat, ita parum artificiose nobis

B 2 fu-

ORIBAS-
SIUS
A. D. 306.

fucum facit, ut Oribasium hæc impulsu Pto-
lemæi Euergetis ^a, scripsisse ponat: cum hi duo
Viri non modo non eodem tempore extite-
rint, sed eorum ætatibus sexcentorum anno-
rum interponatur distantia. Id utique in eo et-
iam magis absurdum est, quod modo sacræ scri-
pturæ modo Terentii ac Virgilii ^blectionem
in certis casibus utilem esse proponat, quod-
que Hemistichium hoc ex ^c Ovidio sumat
„Timor addidit alas. „ Ex his verisimile est
Commentarios istos, quales quales sint, &
Latine scriptos fuisse, & ab homine Christiano.

Oribasii, quoad Morbos, Theoriam nuper exposuit Barchusen: verum operæ sine ullo detrimento pepercisset, cum de hac re Scriptor iste Græcus ne verbum quidem proferat, quod non sit a Galeno mutuatus. Eadem illi, quam de Aëtio loquens affert, etiam hic tacenti causa valuisset; & eo magis, quod non modo juxta Galeni, sed & aliorum complurium ab Oribasio prætermis-
forum sententiam Aëtius de morborum cau-
sis prolixius disseruit. Sæpe mirari mihi sub-
iit Recentis hujus Auctoris consilium ac
judicium, qui sub diversis duabus formis,
in elegantibus primo, uti hos credit, Dia-
logis, nuper autem in Dissertationibus se-
riis, longum de Medicinæ Historia opus con-
scribere aggressus, in explicanda uniuscujus-
que Medici Theoria sibimet ipsi satisfecerit:
quasi minoris momenti sit eorundem in Ar-
te Medica & Chirurgica Praxin contempla-
ri, & hanc curandi modis tam per antece-
dentia quam insequentia sæcula adhibitis
conferre.

Dixi

Dixi quædam antea de AETIO; nunc illud ^{AETIUS.}
 amplius animadvertam, quod in iis quæ ad ^{A. D. 500.}
 Chirurgiam spectant multa sint notatu dig-
 nissima: varias enim quarundam Operatio-
 num vias docet, quarum & ipse non paucas
 suo tempore præstitas vidit: & ab experien-
 tia sua, non modo in Capite de ^a Castratio-
 ne, sed etiam alibi sæpe loquitur. Multa in
 eo certe de Re Chirurgica continentur, de
 quibus tacent Celsus & Galenus: & admi-
 nistrationes quæ manum exigunt, ab Aëtio
 in hujusmodi casibus descriptæ bis totidem
 ad minimum sunt quot in illorum utroque re-
 periuntur; imo ab ipso quoque Paulo præ-
 termissæ. Unum aut alterum Exemplum pro-
 feram: ex Asclepiade accuratissime tradit,
 quemadmodum ^bHydrops Anasarca curari
 debeat; id fit interiorem crurum partem in-
 cidendo quatuor digitorum a talis interval-
 lo, ea altitudine qua in missione Sanguinis
 vulgo fieri solet. Ita exiguus primo Sanguis
 profluit; dein, sine inflammatione, conti-
 nuus aquæ cursus est, ita ut foramen usque
 pateat, dum humor omnis sit exhaustus, lo-
 cusque detumuerit: morbus autem per hanc
 quasi sentinam effunditur, nullo medica-
 mento intus adhibito. Leonides Alexandri-
 nus, qui post Asclepiadem, Galeno propior
 floruit, is cujus fragmenta ab Aëtio potissi-
 mum conservata sunt, illud insuper addit,
 si per crurum incisiones humor non satis co-
 piose emittitur, alias in aliis corporis parti-
 bus plagas esse faciendas, in femoribus nem-
 pe, aut in brachiis, aut etiam in Scroto, si
 id tumet, per quas ingens aquæ vis educi

ARTIUS.
A, D. 500.

possit. Archigenes autem affirmat per has Scarificationes, non modo crurum & brachiorum, sed nonnunquam ventris etiam Tumores subsedisse. Proculdubio, ubi Anasarca Asciti conjungitur, id auxilium opis alicujus esse possit; licet in Ascite simplici nihil conferre valeat. Ipsa Operatio ab Hippocrate memoratur, & ab ejus temporibus usque ad hunc diem multo sæpe cum successu adhibita est. Aliam, Puncturæ scilicet per Acum, viam proponit Sylvius de le Boe, hanc a se primo excogitatam glorians; quamquam evidens sit ea omnia ex hac descriptione desumpta esse, atque totidem verbis ab Avicenna expressa. Verum haud solæ hæc inventio recens dicitur, quam Antiqui nobis Medicinæ Scriptores diserte tradiderint. Id autem omnibus in Chirurgia vel minimum versatis constat, Lanceolam longe præferendam esse cuius Acui, in aperiendis iis, quæ Anasarcam comitantur, Tumoribus.

E plurimis Auctoris hujus locis cognoscitur, quanto istis sæculis in usu fuerit Cauterium tam Actuale, quam Potentiale; ac speciatim in ^a Paralyfi, ex Archigene, Escharam utrovis modo sine ulla cunctatione fieri jubet, idque in variis partibus: in Nucha, qua Medulla Spinalis ortum habet, unam; duas utrinque; tres vel quatuor in vertice Capitis, unam in ipso ejus medio, circaque hanc tres alias. Adjicit etiam, si per Ulcera diutius humor profluat, magnam spem esse de redintegranda hominis sanitate. Multi Fontanellorum inventionem

re-

recentem, nec ullatenus Veteribus cogni-^{ARTIUS.}
 tam existimant: verum is qui descriptionem ^{A. D. 500.}
 hanc animo perpenderit, rem omnem, pe-
 rinde ac nobis hodie, illis quoque olim in-
 notuisse dispiciet. Neque in Aëtio id unicum
 hujus rei exemplum est. Nam de hoc auxi-
 lio subtilius etiam differit in eo loco ubi id
 contra ^a Asthma inveteratum præcipit, post-
 quam alia omnia remedia parum profecerint.
 Ulcus unum utrinque, prope mediam Cla-
 viculæ articulationem fieri vult, cum eo ta-
 men ne Aspera Arteria convulneretur, duo
 deinde alia exigua prope Arterias Carotidas
 sub maxilla, utrinque unum, ita ut Caute-
 rium haud ultra cutim pervadat: alia duo
 sub mammis inter tertiam quartamque co-
 stam: duo rursus alia in dorso juxta costam
 quintam atque sextam: aliud itidem in me-
 dio thorace prope ortum Cartilaginis ensi-
 formis, supra os ventriculi: similiter unum
 utrinque inter octavam nonamque costam:
 tria demum in dorso, in medio scilicet ejus
 unum, ac paulo infra reliqua duo ex Verte-
 brarum parte utraque. Quæ infra collum
 sunt, satis ampla esse debent, neque super-
 ficiem tantum radentia, neque nimis alta;
 omnia vero diutius servanda. Eandem ope-
 rationem in Empyemate ac Phthisi imperat:
 & in utroque casu Escharam circuli forma
 faciendam esse admonet, quæ res ulcera diu-
 tius a sanescendo prohibet: atque hoc mo-
 do Fontanelli Caustico hodieque inuruntur.
 Ea quæ de Asthmate dicta sunt fere ad ver-
 bum exscripsit Paulus; & idem consilium

B 4

præ-

b 2, 4, 68.

ÆTIUS. præbet in curando Empyemate, hoc solum
A. D. 500. adjiciens quod radix Aristolochiæ oleo madens actuali Cauterio accendi debeat. In eodem morbo ex Leonide refert, quemadmodum per Pleuram ferramentum acutum igne candens demittatur, ad pus educendum ex Thorace. Vulgarem quoque Paracentesis faciendæ viam commemorat; cum eo tamen ut operationem hanc vel a subita morte excipi notet, vel a Fistula insanabili. Id ex Paulo sumit Albucasis. Nequaquam tamen perpetuum est, ut in hoc casu exitium ita immineat; atque in re tam ancipiti bene de eo agi putandum est, cui prioris mali loco Fistula tantum relinquitur. Aëtius & in aliis locis, & speciatim in curatione Ischiadis, varias Cauteriorum Potentialium, tam in cruribus quam alibi, efficiendi vias describit; docet etiam quemadmodum Ulcera servari possint ut ex iis humor diu profluat; nec ab eo in hac re unquam discedit a Paulus. Hæc quæ ex Aëtio hausi, ut mihi quidem videtur, diserte probant, Fontanello-
 rum effectus ab Antiquis probe fuisse cognitos; simul etiam Operationem ab his Cautisticorum ope fieri consueisse, quæ plerumque commodissima istos efficiendi via est. Porro in iis ipsis Morbis, adversus quos ab Aëtio maxime prædicantur, etiamnum insigniter profunt. Notari potest tria Capita, de Paralyfi, Empyemate, & Ischiade, ex Archigene sumi; ideoque Operationis hujus vetustas Domitiani saltem tempora attingit. Cauterii modum utrumque nominat Cælius
 Au-

Aurélianus in Dolore Capitis & Ischiade, AETIUS A. D. 500.
 licet in priore casu remedium illud impro-
 bet. Eo tamen referente, id in Phthisi com-
 mendat, Celso antiquior, Themison. Hunc
 Cauterii usum Hippocrati notum fuisse liqui-
 do constat; idque diserte a Celso collauda-
 tur, Aëtuale semper in ^aHydrope, ^bEpi-
 lepsia, ^cIschiade, ac ^dPhthisi; atque ut me-
 lius sciamus quam sane Vir ille judicaverit
 de materiæ per vulnus profluentis utilitate,
 legem hanc perpetuam tradit in omnibus hi-
 sce casibus: „Ut Ulcera aliquis sanescere
 „vetet, & humorem fluere sinat, donec is
 „omnis exhauriatur, & levetur morbus. „I-
 ta in rabiosi Canis morfu, aperta servari
 Aëtius per quadraginta aut sexaginta dies,
 & si coierint, rursus aperiri jubet. Fuit hic
 rei hujus apud Veteres usus, modo nunc
 dierum usitato idem sine dubio valens. Qui-
 dam inter Veterum Cauteria & Recentio-
 rum Fontanellos distinguunt; sed ex iis quæ
 de auxilio isto breviter dixi facile apparebit,
 inter res istas nullam momenti cuiusvis esse
 discrepantiam. Recentiores in eo quidem
 experimentum in melius deflexerunt, quod
 Rhafem ^esecuti Fontanellos plerumque in
 carnosa aliqua corporis parte, vel potius in
 Musculorum interstitiis fieri præcipiant; cum
 Antiqui illos aliquando juxta os aperuerint,
 sicut in Sterno, Nucha, Claviculis, &c.
 quibus locis si qua res Ulceri inditur, quo
 diutius servetur, Periosteo pressio ingentem
 dolorem moveat necesse est, præterquam
 B 5 quod

^a 3, 21.
 c De Cauteriis.

^b 3, 23.

^c 4, 23.

^d 3, 22.

ARTIUS.
A. D. 500.

quod humor, in cujus exitu curationis cardio vertitur, nequeat ex istiusmodi loco ita copiose exire. Hæc sola Veterum erat, nempe Cauteriorum ope, Fontanellos efficiendi ratio; horum enim per Scalpellum incisio recentius est inventum. Multi Cauterium Actuale Potentiale anteponunt, quia citius Eschara secedit; sed quoniam prior modus crudelior videtur, posteriori frequentius utimur, ut ægrorum mollitiei indulgeamus: tamen ob hanc ipsam rem, commodissime hoc modo major fit ulceris profunditas. Glandorpius autem, qui argumentum hoc accuratissime tractavit; Actuale Cauterium adeo probat, ut sex hoc modo factos subire, quam altero unum malit: neque in quatuordecim annorum usu Potentiale plusquam bis sãdhibuit.

In hoc loco non ineptum erit aliqua de certo quodam genere Fontanellorum adjicere, quæ Setacea vocantur: a * Lanfranco quadringentis abhinc annis planissime descripta. Ac si Medicos Lanfranco priores consulamus, reperietur usus eorum etiamnum illo antiquior. Rolandus, qui maturius decimo tertio sæculo vixit, non modo rem sed b vocem ipsam exprimit: ac docet etiam quemadmodum acus cum filo trajici debeat. Camanufali, qui Baldachi, sive Bagdadi, Medicinam exercuit, vixitque, si non multo antea, saltem priusquam Civitas ista a Tartaris capta est A. D. MCCLVIII, quique, de Oculorum morbis scribens, omnia de eadem re ab Arabibus, Chaldæis, Judæis, In-

Indis, dicta exposuit, Setacei bis mentio-^{AETIUS.}
nem habet: primo, in ^a Cataractæ curatione, ^{A. D. 300.}
deinde in affectu qui ab eo ^b Lunella dicitur,
estque suppuratio inter Tunicam Corneam
atque Uveam. Videtur etiam Operatio hæc
ab Albucasi clarissime descripta in eo loco
ubi agit de Cauterio axillæ applicando, quo
curetur humeri luxatio, quando scilicet ab
humorum nimio fluxu orta est; & ejusmo-
di Cauterio utitur quod duas vel tres cuspi-
des tenues admodum atque acutas habeat,
quodque ab una cutis parte inserta, altera
^c exeat. Idem facit in Lienis ^d Tumoribus,
& ulcus diutius servandum esse præcipit.
Franciscus Pedemontanus, Roberti Siciliæ
Regis A. D. mcccx Medicus, verba Albu-
casis exscribit, de luxatione ejusdem partis
^e loquens. His testimoniis jam tum illis tem-
poribus innotuisse Setaceum evincitur; quin
& Rhazis ætate id frequenti in usu fuisse, ex
hujus Sermone de Cauteriis constat. Is enim
locos diversos indicat, quibus id fieri con-
venit, cervicem nempe, costarum interval-
la, in ventre, & aliis locis, nec non & con-
tra quos morbos idem proficiat. A Tradu-
ctore Sectorium appellatur; Ulcera vero a-
perta servari jubet, cum tentis & petiis: „
ita ut Setaceum luculentius, quam per hæc
verba depingi nequeat. Contra dolores au-
rium, oculorum atque dentium, id in Auris
vel media vel molli parte factum magnopere
commendat, fluxumque quam diutissime
promoveri hortatur. Illud utique eo magis
ani-

^a 6, 3. ^b 6, 4. ^c 1, 26. ^d 1, 31. ^e Æ.
gitud. Junctur. 3.

AETIUS.
A. D. 500.

animadvertere lubet ; quod mihi haud improbabile videtur , auxilium hoc , sicut multa quoque alia , primo institutum fuisse ad similitudinem Operationis inter Medicos Veterinarios multum celebratae. Quam Columella , qui Claudii temporibus floruit , sequentibus verbis fusc & eleganter exponit.
 „ Præfens etiam remedium cognovimus radiculae , quam pastores consiliginem vocant.
 „ Ea in Marfis montibus plurima nascitur ,
 „ omnique pecori maxime est salutaris. Læva manu effoditur ante solis ortum , sic enim lecta majorem vim creditur habere.
 „ Usus ejus traditur talis ; ænea subula pars auriculæ latissima circumscribitur , ita ut manante sanguine tanquam O literæ ductus appareat orbiculus. Hoc & intrinsicus , & ex superiore parte auriculæ cum factum est , media pars descripti orbiculi eadem subula transuitur , & facto foramine prædicta radícula inseritur ; quam cum recens plaga comprehendit , ita continet , ut elabi non possit : in eam deinde auriculam omnis vis morbi , pestilensque virus elicitur , donec pars , quæ subula circumscripta est , demortua excidat , & minimæ partis jactura caput conservatur. „ Ratio hæc inter Armentarios etiamnum obtinet ; a Columella vero contra Boum Pestilentiam vel Epidemicam contagionem proponitur. Igitur idem in eodem morbo remedium , sub Fontanellorum specie , humano corpori postea adhibitum videmus a Johanne primum Arculano , qui Sæculo decimo quinto viguit ;

guit; cujus exemplum proximo Sæculo Me-^{AETIUS.}
 dici complures secuti præsidium hoc ad ca-^{A. D. 500.}
 vendam Pestem efficacissimum concelebra-
 runt.

Quod ad Setaceum ipsum pertinet, id Al-
 bucalis tempore, & per annos postea qua-
 dringentos, video ope Cauterii semper fieri
 consuesse. Hollerius, vel primus, vel certe
 inter primos, rem hanc, uti nunc vulgo fit,
 Acu non candente præstitit; unde mirari
 subit, Hildanum ita multo post viam hanc,
 tanquam a se repertam, venditasse. Quan-
 quam incisio Setacei sine Cauterio fortasse
 sit antiquior; nam Critica Severini observa-
 tio aliquo fundamento nititur, cum per vo-
 cem Sectorium, in versione Rhazis positam,
 declarari existimet non adhibitam fuisse U-
 stionem. Constat certe, duos Operationis
 hujus administrandæ modos, quorum alter
 incidendo, alter urendo fit (interdum autem
 una ambo junguntur) a Rhaze distingui.
 Porro in eo loco ubi Setaceum inter Um-
 bilicum & Claviculam, adversus Asthma,
 Phthisin, ac Pleuritidem, incidi jubet, il-
 lud adjicit, ob easdem causas in eadem par-
 te non alienum esse uti Cauterio. Id in ar-
 gumento hoc amplius animadvertam, quod
 quicumque breve illud Rhazis capitulum per-
 legerit, consideraritque quibus in morbis va-
 ria hæc Fontanellorum genera sint præscrip-
 ta, facile sibi persuadebit, haud minus ab
 Antiquis quam a Recentiorum quolibet vim
 eorum omnem esse perspectam. Disputa-
 tionem hanc cum Severini observatione in
 sequentia Rhazis verba finiam: „Nota hoc
 „ge-

ARIUS.
A. D. 100.

„ generale esse, in omni loco Fontium cau-
„ terizandum est, per quem Fluxus humorum
„ transire videtur ad membrum aliquod, si-
„ ve deorsum sive sursum, ad intercipien-
„ dum Fluxum. „ Huic loco Fonticuli vo-
cem, sensu isto usurpam, ortum suum de-
bere conjicit. Quæ quidem observatio & a-
cuta est & probabilis; ac prout ista appel-
latio sine dubio recens est, ita ab hac ori-
gine forsan optime derivatur.

Primus, ex Leonide, ^a Dracunculorum
mentionem nobis tradidit Aëtius. Id Ver-
mium genus est, modo exiguum, modo am-
plum, quod cruribus plerumque innascitur,
aliquando autem in brachii musculis; costas
quoque in pueris, si Paulo credimus, oc-
cupant, Pueros item morbus maxime inva-
dit, & in Æthiopia præcipue Indiaque fa-
miliaris est. Hujusmodi affectum in ^b Ara-
bia fuisse vulgarem auditione cognovit, sed
nunquam a se conspectum perhibet Galenus:
quare nullam ejus descriptionem aggredi-
tur. Sub cute Vermes hi moventur, nec
dolorem excitant, temporis spatio tamen lo-
cus circa Vermis extremitatem suppurat,
cutis perrumpitur, & animalis caput pro-
dit. In eo cura versari debet ut Vermis in-
teger vel sponte exeat, vel saltem ope fu-
niculi aut incisionis; nam si rumpitur, & e-
jus pars intus remanet, sævissimos dolores
facit. Aliam ejus pars intus remanet, sæ-
vissimos dolores facit. Aliam ejus eliciendi
viam proponit Paulus, qua ei plumbi pon-
dus exiguum annectitur, ut ita sensim edu-

C2-

catur; quanquam alios vereri dicat, ne per AETIUS. A. D. 500. hoc experimentum animalis ruptio contingat. Id aliquando longitudinis immensæ est, decem vero aut quindecim palmas ut plurimum exæquat; unum Albucasis viginti palmis non minorem vidit; Rhazes autem hominis meminit, qui cum quadraginta hujusmodi Vermes in corpore habuisset, ad sanitatem pervenerit. Multa eodem pertinentia in aliis quoque Recentioribus ^a Historicis occurrunt. Arabes, quia morbus Medinæ frequens esset, Venæ ei Medinensis nomen imposuerunt; Venamque ideo appellarunt, quod, sicut Soranus antea fecit, utrum animal vivens esset, annon materia potius aliqua concreta nervi similis, addubitarent; unde Avicenna, contra ordinem Pauli, de eo agit, haud inter Vermes, sed in Abscessibus. Verum hi proculdubio in errore versantur; animalque id Leonides, uti videmus, diserte vocat. Velschius, ut Arabicam eruditionem ostendet, qua quidem illum non mediocriter instructum video, Commentarii loco super Caput quoddam Avicennæ integrum de hoc argumento Librum conscripsit: verum Avicenna descriptioni ab Aëtio factæ vix quicquam adjicit; ac si Velschius Arabem duntaxat Auctorem commentari voluisset, Avicennæ Rhazæ merito præferre potuit, cum hic multis ante illum annis rem istam haud minus copiose tractasset. Vena Medinensis & a multis Scriptoribus & ab ipso Clerico in Appendice idem

^a Loc. affect. 6. 3. ^b Cleric. de Vermibus, Kempfer, & Acta Philosoph. No 125.

ARTIUS
A. D. 500.

dem atque alter morbus ab Arabibus descriptus putatur, qui Affectio Bovina dicitur, estque Vermis exiguus in Vaccis sæpe reperiendus. Verum Aëtius duo Vermium genera clarissime distinguit, amplum atque exiguum; & Albucasis ^a duo seorsim Capita habet de duobus his Affectibus, quorum descriptio quoque multum diversa est.

Morbo huic sæpe accedit Febris per duos vel tres dies continuans, ilque nonnunquam horrenda inducit Symptomata, & in Abscessus definit, quorum curatio multis mensibus vix absolvitur. Familiaris admodum in Guinea est, præcipue inter homines illic natos. Kempferus ^b frequentem quoque Ormuzi in Freto Persico esse repperit, ideoque Dracunculum Persarum nominat; & in Tartaria etiam vulgarem esse tradit. Vitium hoc in ferventissimis regionibus calidissimisque tempestatibus maxime sævire animadvertit; Vermiumque horum generationem stagnanti aquæ pluviali tribuit, cujus in his locis valde frequens usus est. In ea regione ubi oritur, uti inquit ille, facilius curatur. Bis hujusmodi Vermem vivum conspexit, ejusque extrahendi modum fusc narrat: qui ei fere similis est quo Chirurgi hodie per Indiam Occidentalem inter Nigros homines utuntur.

Aëtius externis ubique Remediis abundat, ac speciatim ^c Librum prope integrum in Emplastris ponit; ubi non modo illa congestit quæ in Galeni Commentariis de Medicamentorum compositione occurrunt, sed quot-

a 2, 91, 92.

b Fascicul. 524.

c 4, 3.

quotcunque etiam in Recentiorum Volu-^{ARIUS.}
minibus reperire potuit, sive in Græci fue-^{A. D. 500.}
rint, sive Persæ, sive Ægyptii. Hæc ille
secundum varias facultates quibus prædita,
variosque usus quibus accommodata sunt,
ordinatim disponit. In explanandis rationi-
bus, describendisque formulis eorum quæ
longe majorem hujus Classis partem consti-
tuunt, & accurate & distincte disserit: de
iis loquor quæ ad Discutiendos aut Suppu-
randos Tumores parantur. Scienter au-
tem istam rem tractat in hunc modum scri-
bens: „Inchoantibus ergo duritiis, & de-
„bilem aliquem sensum adhuc habentibus,
„medicamenta Emollientia adhibebimus,
„quæ simul moderate etiam discutiunt; &
„talìa sane sunt, quæ & molliendi ac dis-
„fundendi facultatem habent. Nam quæ
„vehementer discutiunt, & sine mollitione
„statim evacuant, manifeste quidem tumo-
„rem imminuunt, reliquias vero affectio-
„nis incurabiles efficiunt. Discussis enim te-
„nuioribus humoribus, quod exacte ter-
„reum ac solidum est pertinaciter restitat;
„quapropter in hunc usum medicamenta
„adhibenda sunt, quæ molliendi simulque
„discutiendi vires habent. Primum igitur
„mollientibus utemur, deinde ad discussio-
„ria procedemus, eaque mollientibus pau-
„latim miscebimus. Considerandus tamen
„est & curandi corporis habitus, & affe-
„ctionis status quantum processerit. Hæc ve-
„ro si recte consideraveris, conjecturalem
„quidem non tamen penitus arte carentem,
„peritiam acquires; prima enim die statim

C

„mol-

ARTIVS.

A. D. 500.

„mollientia adhibebis, altera deinde aut ter-
 „tia transacta facile intelliges an augere aut
 „remittere medicamenti vim oporteat. „
 Porro ad Discutientium ac Suppurantium
 Medicamentorum differentiam veniens, e-
 „tiamnum explicatius loquitur: „ Qui compo-
 „torum, inquit; pharmacorum facultates de-
 „scripserunt, quædam Emplastra Attraçto-
 „ria appellaverunt, sicut quædam Discusflo-
 „ria: aliquibus vero testimonium præbue-
 „runt utriusque facultatis: sunt enim vicinæ
 „inter se facultates, Attraçtoria ex profun-
 „do, & Discusfloria attraçtorum. Nam quæ
 „attrahunt, omnino etiam discutiunt: &
 „quæ discutiunt, etiam attrahunt; & præ-
 „dominatur, in Discusfloriis quidem medi-
 „camenti facultas Discusfloria, in Attraçto-
 „riis vero Attraçtoria. Quo itaque Empla-
 „stri forma fiat, alii spuma argenti miscetur,
 „alii resina, alii oleum, alii cera, alii pix;
 „quum talia neque Discusfloriam memorabi-
 „lem, neque Attraçtoriam vim habeant. „ Ni-
 hilominus de Emplastris iisdem sigillatim a-
 gens, quod ad eorum Operationem pertinet,
 omnia confusa & incerta tradit; neque com-
 mode definit, quænam discutiendo, quænam
 Suppurando sint idonea; immo idem sæpe
 Emplastrum in utrumque opus commenda-
 tur. Et quæ de quibusdam Emplastris Di-
 scutientibus affirmat, mira, ne dicam, ab-
 surda sunt; unum habet, quod in Absces-
 sibus^a Discutiens mirificum appellat; & id,
 quod^b Helladicum vocat Abscessus dissipare
 inquit jam in Pus conversos. Illud autem af-
 fir-

firmare non verebor, nullius cujusvis Me-^{AETIUS.}
dicamenti ope adeo miraculosam fieri posse ^{A. D. 500.}
in iis Abscessibus mutationem qui ab In-
flammatione ortum traxerint. Nam uti fre-
quenter nullo Remedio Puris in Tumore
generatio prohiberi potest, ita hoc semel
generato, pro certo credo nullam ab arte
reliquam esse curationem, nisi qua id educi-
tur. Quoniam vero argumentum hoc ma-
joris explanationis indiget, de eo fusius lu-
bet, quatenus Auctor iste viam mihi com-
monstrat, disserere. Haud sine causa quis-
piam existimaverit. Externorum Remedio-
rum usum, cum hæc & ab initio Medicinæ
adhibita sint, & per omnes ætates in hono-
re permanferint, definire tandem describi-
que summa cum accuratione potuisse. Nulli
frequentius morbi visi sunt, quam Tumores
Humorales: tamen si Chirurgiæ Scriptores
vel Antiquos vel Recentes consulamus, quan-
quam ii de Tumoribus in suas species ac fa-
milias redigendis satis superque dixerint, ar-
gumentum hoc ita perplexe & confuse tra-
ctatum reperiemus, ut Indicationes ac Re-
media pariter incerta videantur. Duos tan-
tum retractabo maxime usitatos, quorum
mentio supra facta est, modos, quibus Tu-
mores curantur; (hi autem a se discrepant
sibi invicem repugnant) Discussionem
scilicet ac Suppurationem. Si medentis con-
siliu a Libroru lectione dirigi debet,
magna sæpe in dubitatione relinquemur, cui-
nam viæ potissimum insistere expediat: vel
si de ea constat, tamen ambiguum erit qui-
busnam Medicamentis utendum sit, ut id

AETIUS. quod volumus consequamur; siquidem inter
A. D. 500. Auctores alter id Discutiendo commodissimum inquit, quod ab altero, tanquam Suppurationi promovendæ efficacissimum, æque prædicatur; quanquam, si ea luce uti libeat, quam ad cognoscendam Cutis texturam nobis Anatomia prætulit, nihil profecto possit harum Operationum natura ac ratione dilucidius explicari. Ut igitur rectam Discussionis notitiam animo perceptam habeamus, primo ponendum est Fluida omnia, quæ his Tumoribus originem præbent, suis etiamnum Vasis comprehendi: verum incipiente in Arteriis Capillaribus obstructione, sive ex vitio sanguinis, sive ab externis causis, humores, quos per Circulationem propelli oportuit, in affecta parte stagnant, perpetuoque affluxu vasa ultra naturalem eorundem capacitatem ita distendunt, ut inde Tumor excitetur. Ex hoc Tumoris ortu rite cognito luculenter patet, quid per Discussionem apte moliri atque aggredi debeamus. Sunt autem duæ res: altera, ut aperiuntur pori, quo facilius materiæ supervacuae pars aliqua per transpirationem excernatur; altera, ut attenuentur & quasi resingantur humores (idque non per externa tantum, sed & per interna etiam remedia) quo per Vascula Capillaria usitatum cursum renouent. Has vero ambas res junctim promoveri oportet: quod cum probe administratum est, Tumor his modis discussus evanescit. Nam si primam duntaxat, Poros scilicet aperiendi, indicationem sequamur, tenuiori materiæ, sicut ab Aëtio recte animad-

madversum est, exhalata, reliqua glutino-^{AETIUS.}
 fior fit, & obstructionem confirmans mem-^{A. D. 500.}
 branarum crassitudinem auget. Hinc ita fre-
 quenter, ex eorum applicatione quæ, quo-
 niam nimis calida sunt nimisque vehementer
 discutiunt, transpirationem citant immodi-
 cam, fit, loco indurescente, Schirrus insa-
 nabilis; eodem plane modo, quo in quibus-
 dam Febribus, ac speciatim iis quæ Lentæ
 vocantur, ex liberaliori Diaphoreticorum
 usu, omissis Evacuantibus, viscidior sanguis
 magisque in stagnationem proclivis efficitur;
 quæ quidem male instituta ac præpostera
 medendi ratio ita parum affectus a princi-
 pio inhærentes levat, ut novorum complu-
 rium, quique illos malignitate exsuperent,
 fundamentum jaciat. Si rem hanc paulo at-
 tentius consideremus, patebit illico quam
 male a quibusdam Institutionum Scriptori-
 bus Discussio definiatur evacuatio insensi-
 bilis; secundo interim proposito, hu-
 mores nempe attenuandi ac refingendi,
 quod æque necessarium est, definitioni
 non addito. Aëtius autem, & post hunc
 Hildanus, quo Discussio melius procedat, a-
 liquam semper eorum, quæ emolliunt, por-
 tionem admiscunt; ut hujusmodi particula
 vim cæterarum temperent, nimisque vio-
 lentam ac præcipitem, quæ aliter continge-
 ret, per cutim dissipationem cohibeant. Eo-
 dem consilio ita vehementer Scriptores qui-
 dam Prædici Medicamentorum Spirituosorum
 cum Oleis mixturam, non modo ad dis-
 cutiendos Tumores, sed ad dolorem etiam
 levandum, prædicant. Et Experientia sane

ARTIUS. commonstravit quantæ sit in istis casibus efficaciae Oleum Terebinthinæ, uti cætera quoque Olea, quæ per Chymiam eliciuntur: sunt enim illa nihil nisi Spiritus conclusi, vel, ut vulgo dicitur, concentrati a materia aliqua Oleosa: idque argui potest ex rarefactione ista expedita celerique ascensu quem ab igne obtinent; ideoque Olea hæc, post repetitas Distillationes a glutinosis particulis liberiora reddita, in Spiritus, quod eorum quoque nomen est, convertuntur. Itaque necessario simul humorum attenuationem debemus, æque ac exitum, moliri. Unde eas compositiones, quæ Mercurii aliquid recipiunt, efficacissime discutere comperimus: & Medicamentum, quod ex Cinnabari maxime constat, præter alia omnia ab Alexandro celebratur, ad resolvendas eas, quæ oriuntur in Rheumatismo & Podagra concretiones. Neque effectum minus felicem sperare possemus, si Opium & Camphora, quæ sunt omnium fortasse Medicamentorum Attenuantium validissima, Compositionibus Discutientibus liberalius admiscerentur. Contra vero, id attenuandi institutum eo modo sequi par est, ut vitentur illa, quæ cutis exitus inferciunt atque obstruunt. Sub hoc genere Olea, utpote admodum glutinosa, comprehendendi debent; quamobrem Aëtius, in applicatione Emplastri a Persici ab eo descripti & ultra modum prædicati magnam, ne pars Oleo inungatur, cautionem subjicit. Oleo Poros occludi, diserte tradit Galenus; & ob hanc ipsam causam post Balnea Uctionem præcipit, ne

iis transpiratio nimia succedat. Et ab Au-^{AETIVS.}
 ctore nostro Oleum Mastichinum ^a magni ^{A. D. 500.}
 æstimatur ad sudoris immoderati cohibiti-
 onem, ideo quod Poros obstruat. Iisdem ar-
 gumentis Cælius Aurelianus contra usum O-
 lei Rosacei, in accessione Phrenitidis, dispu-
 tat. Multoque magis ob hanc causam sine
 dubio Veteres Athletæ, quam ob illam,
 quæ vulgo fertur, ut ita melius ex amplexi-
 bus contendendum elaberentur, corpus o-
 leo perungebant: nam transpiratione inter-
 cepta, majori copia musculis subministratur
 Sanguis ac Spiritus, quo fit ut in exercita-
 tionibus vis atque robur auctius suppetat.
 Hinc fortasse Unctionis inventio a plerisque
 Herodico tributa est, qui primus Medici-
 nam instituit Gymnasticam. Usus olei at-
 que adipis in recentibus vulneribus ulceri-
 busque vetant Hippocrates & Galenus, ideo
 quod materiam, quæ exire debet, hæc in-
 tus concludunt, & Fungo sæpe originem
 præbent. Hildanus autem in Compositione
 Unguenti Ægyptiaci, tantopere ab ipso &
 aliis ad Gangrænam prædicati, licet id jam
 in desuetudinem abierit, neque Oleum ne-
 que adipem miscet: neque absurda cautio est
 quam de Cataplasmate ad idem valente pro-
 fert, ut magna in eo cura ponatur ne fari-
 na fabarum, lentium, &c. quæ in ea com-
 positione adhibentur, nimia coctione lentior
 evadat, ex quo transpiratio sisti possit. Cau-
 sa ejus rei facile cuivis patebit in harum A-
 natomia partium versato: siquidem Cuticu-
 læ lamellas, quarum alia alii substernitur,
 ita dispositas videmus, ut ab illa ipsa mate-

ARTIUS.
A. D. 500.

ria, quæ perspiratur, tenui admodum ac subtili, sæpissime conglutinentur. Ita in Inflammationibus & Contorsionibus, Olea glutinosa valde nocent, ac Tumorem ita non dissecant, ut Pus etiam moveant; quod si in superficie juxta os inciderit, periculum est ne in eo caries oriatur. Idem incommodum deprehensum est, cum in initio adhibita sint Paronychiæ medicamenta vehementer suppurantia, quando Tumor altus fuerit atque ossi vicinus: quo in casu discrepantem huic curationem ab Aëtio institutam videbimus. Chirurghi nostrates Tumorem hunc magno cum judicio secundum digiti longitudinem, ex altera Tendinis parte, aperiunt; quo facto, & multum doloris & discrimen omne æger effugit. Cera, quæ a Celso Suppurantibus tantum annumeratur, sine dubio ad hanc classem pertinet: quanta vero nunc dierum ejus partes sunt in Remediis Discutientibus? Gummi, & Resina, licet compositæ sint naturæ, & partes aliquas penetrando aptas contineant, quasdam tamen etiam glutinosas habent, quæ, ut fatetur ipse Aëtius, ad Poros occludendos potius quam referandos valeant; ideoque ista a Fallopio, qui cæteris fere quibusque Auctoribus Discutientium ac Suppurantium differentiam penitus intellexit, Discutiendo inidonea judicantur. Hildanus multa nobis noxarum exempla profert, quas, magnopere ad curationem vulnerum suo tempore jactatum, ediderat Sticticum Paracelsi Emplastrum: hosque effectus Gummosorum in

in eo abundantium facultati tribuit , a quibus humorum in eam partem cui applicantur fluxum semper augeri contendit. Ita in Phlegmone, Emplastra Gummofa , maturius imposita , Tumorem augent , & dolorem intendunt. Nam cum rarefactis attractisque humoribus , simul obstruuntur pori , ac liber istis exitus negatur , adeo non promovetur Discussio , ut Naturam aliud longèque diversum opus , Suppurationem scilicet , aggredi cogamus. Tamen , si eorum quæ nunc obtinent Emplastrorum Discutientium compositionem inspiciamus , vereor ne multa ex his culpæ hujus argui possint. Fuit proculdubio magis simplex & uniformis Antiquorum ratio. Hippocrates , in qua re universi consentiunt , Chirurgiam probe intellexit : atqui in ejus scriptis nulla Emplastrorum mentio est : Ceratis tantummodo nonnullis , idque raro , utitur. Unguenta ab eo memorata iis , quæ hoc nomine hodie vocantur , neutiquam similia sunt : cum vel ex Oleo simplici , vel infusis Oleo herbis consent. In Discussione autem , Fomentis unice nititur : qua via fortasse , & optime vim Plantarum eduei , & in vasa Tumorem constituentia facillime deferri posse , judicavit. Celsi ætate , Materia Medica multum ampliata est ; utque in iis ille , quæ ad Chirurgiam spectant , Scriptis præcipue excellit , ita maximam horum partem Remedia implent Externa. Tamen si Malagmata examinemus , quæ Discutiendo apta proponit , minorem in iis , quam in Recentiorum Formulis , Olei , Adipis , & Cerae portionem

AETIUS. reperiemus. Medicamentorum compositio,
A. D. 500. Andromachi tempore, ulterius provecta est,
ac magis etiam, Galeni ætate, perfecta: post
quod, ut ex Aëtio disci potest, multum quo-
que huic Pharmaceutices parti adjectum est;
& quanquam numerosa jam Simplicia com-
miscerentur, tamen haud prorsus sibi invi-
cem repugnabant. Aut enim nihil erat cras-
sæ istius materiæ Discutientibus admixtum,
sicut observari potest in eorum plurimis quæ
in quinto Capite descripta, & ad Struma-
rum curationem a judice haud imperito com-
mendata sunt Leonide, quorum pars maxi-
ma e Ceratis maxime constat: aut siquid e-
jusmodi, formulæ gratia, adjectum erat, ad
illud corrigendum major semper adhibeba-
tur rerum calidarum abundantia. Quod si
quis hanc rem diligenter excusserit, istas,
credo, regulas in posterioribus sæculis haud
æque servatas esse comperiet, præsertim in
Discutiendi proposito melius fortasse respon-
derent, si Mercurius cum Axungia tantum,
eo quo Fallopius his uti solebat modo, ad-
mischeretur, vel cum Terebinthina, quam,
uti vulgo fit, cum ingenti glutinosorum &
mucilagine abundantium copia, quæ cum
Poros obstruant, nihil aliud quam Hydrar-
gyri operationem interturbant, idque vero,
non translato, vocis sensu, extinguunt. Ga-
lenus quidem contra ipsam Emplastrorum,
in Discussione, formam, utpote nimis du-
ram atque viscosam, differit; igitur cum
Phlegmone discutienda est, Linimenta tan-
tum adhibet, quia hæc Poros minus occlu-
dunt. Cujus consuetudinis sunt Emplastra e
Suc-

Succis ab Aëtio descripta; nam ab eo Suc-
ci Plantarum Oleo tantum incoquantur. Ta-
men in Oedematosis saltem Tumoribus Em-
plastra conveniunt, & fasciæ vel pulvilli lo-
co ad humores intra Vasa compellendos quo-
dāmodo inservire possunt.

Hi sunt modi maxime idonei, quos Na-
tura, ejusque optimi Interpretes, ad Di-
scussionem præstandam nobis indicaverint;
& ex iis quæ de hac re dicta sunt, Suppu-
rationis facile notitia obtinebitur: ad quam
quidem peragendam & Pori occludi debent,
& eodem tempore ita rarefacti humores at-
trahi, ut ingenti distentione vasa perrum-
pantur: hique humores extravasati & ad di-
gestionem perducti sub Puris specie appa-
rent. Inde evenit, ut si citius quam par est
aperiatur Tumor, quando scilicet materia
cruda est, id ejus maturationem prohibeat.
Igitur omnia ista Medicamenta quæ Discus-
sioni inepta esse posui, ad Suppurandum
maxime valent; cui consentit id quod a Ga-
leno dicitur, hæc ex partibus crassis debere
constare; Tetrapharmacum vero, quod ex
Pice, Adipe, Resina, & Cera fit, inter
ea quæ Pus movent valentissimum vocat
Celsus. Ita in Vulneribus, materia tandem
Medicamentorum Emplastorum ope ad
Digestionem pervenit. Utque in Discussio-
ne animadversum est, glutinosas res nullo
modo admittendas esse, ita nihil quod ve-
hementer Discutiat Detergeatve iis misceri
debet per quæ Pus movere cupimus; idque
ob causam ab Hollerio de hac re allatam,
ne

AETIUS. ne hoc modo Poros aperiamus, quos oc-
A. D. 500. cludi expedit. Verum haud pauca conti-
 gisse exempla notamus, ubi remedia ad Dis-
 cussionem idonea sint adhibita, cum propo-
 sita esset a Medente Suppuratio. Nam cum
 per se materia ad Suppurationem tendit,
 quicquid Discussionem, Revulsionem, aut
 Evacuationem praestat, id eam a matref-
 cendo prohibet, atque ita curationem, si
 non frustratur, saltem differt. Contra, cum
 Discussionem fieri volumus, liquet omnia
 etiam intus danda esse, quæ vasa exinant,
 obstructionesque in his amoveant, quod
 passim ab Aëtio inculcatum est: aliter enim
 non discutitur, sed ad Suppurationem venit,
 Tumor. Natura semper via simplici & uni-
 formi procedit; & Ars, quæ hanc feliciter
 sequi nititur, eodem semper collimare de-
 bet. Et profecto, si pars hæc Chirurgiæ ab
 ejus Magistris esset distinctius explicata, cla-
 riusque designati & expositi Remediorum
 Externorum effectus, nihil aliud majorem
 Internorum Medicamentorum Operationi-
 bus atque Virtutibus lucem affunderet.

Alia multa, in Chirurgia, minime con-
 temnenda, tradit Aëtius; & inter hæc,
 nonnulla quibus Medicus etiam utiliter in-
 strui possit. Unum eo spectans exemplum
 proferam, in quo curandi nobis regula ad
 imitandum aptissima proponitur. Hæc in
 Capite quodam invenitur, quod si non
 omne, pars saltem ejus de Herodoto sumpta
 est; ubi tractantur Ἐξαιθήματα, sive Erupti-
 ones Cuticulares cujusunque generis, quæ
 vel

vel Febri superveniunt , vel hæc ab initio junguntur : cæ præsertim , quæ pruritus movent , & in cute pulicum moribus similes efflorescunt. In hoc casu , Naturam redundantibus ac vitiosis humoribus onerari dicit : quæ nisi Evacuatione aliqua , aut per Vomitus , aut per Alvum exhauriantur , partes Vitales adoriendo multum periculi intentant. Quamobrem in initio statim , si Febris violenter exarserit , Sanguinem mitti jubet. Minime dubito , quin , uti nunc obtinet , ita illis quoque temporibus vulgaris ista opinio obtinuerit , ut ab Eruptione Cuticulari hujusmodi medela vetaretur : cujus hæc plerumque ratio affertur , ne eo modo humor a Circumferentia ad Centrum recedat. Verum argumentationis istius fallacia , si ad Oeconomiam Animalis normam exigatur , facillime detegi potest : atque in promptu est demonstrare , quemadmodum in multis casibus , ubi abundat sanguis , vel is nimium glutinosus est , detractio ejus lentorem partium attenuet , ac liberiores earum reddat circulationem : quo fit ut non modo non cohibeatur , sed benignius etiam procedat Eruptio. Igitur in Erysipellate , Variolis , Morbillis , Febre Scarlatina , aliisque similibus vitiis , si vehementia sint symptomata , & caput vel pulmonem afficiant , aut in alia quavis parte dolorem ingentem moveant , haud absque ratione ac tuto prorsus Vena inciditur. Ego certe , quanquam haud aliud frequentius experimentum instituerim , ne semel quidem animadverti quamlibet harum Eruptionum post missionem Sanguinis re-

AETIUS. retrocessisse, ubi affectus ipse id auxilii re-
A.D. 500. quireret. In Erysipelate praesertim, sed &
 in aliis quoque casibus, ubi Inflammatio ad-
 est, Experientia docet, per ipsius partis af-
 fectæ Scarificationem, cum Membranae illic
 onere gravatae crassiores appareant, frequen-
 ter malum omne mira cum celeritate dissi-
 patum evanescere.

Aëtius Amidæ in Mesopotamia natus est,
 Alexandriae litterarum studiis operam de-
 dit, fuitque Relligione verisimiliter ^a Chri-
 stianus; unde fieri potuit, ut multi hunc
 cum altero ejusdem nominis confuderint An-
 tiochia oriundo, qui Juliani tempore in A-
 riana Secta celebris existit. Noster in qui-
 busdam Manuscriptis Codicibus appellatur
 ὁ Κόμης Ὁψώνιος, Comes Obsequii, id est, iis
 Praefectus, qui loco Comitum & Praecurso-
 rum, Imperatorem antecedere solerent. In
 eo multa ad Pharmaceuticen Aegyptiam spe-
 ctantia reperiuntur. Ingentem quoque For-
 mularum numerum collegit, earum praesertim
 quæ, ut Secreta, ab Inventoribus suis ven-
 ditata sunt. Quasdam ex his videtur nulla
 alia, quam ipsas irridendi, causa proferre,
 ac docendi quam immenso credulis homini-
 bus pretio constiterint: sicut, exempli gra-
 tia, Collyrium ^c Danai centum ac viginti
 Numismatis Constantinopoli venibat, idque
 ita care venditum emptores pro beneficio ei
 acceptum referebant. Duobus talentis æsti-
 mabatur Colicum Antidotum Nicostрати, im-
 pie dictum Isotheon. Id, inquam, videtur
 Aë-

^a A Deo missum. Dei munus, 4, 3, 14.
 Caesar. 6, 102. C 2, 3, 98. 351, 32.

^b Bibl.

Aëtii fuisse consilium, ut vilitatem harum AETIUS. A. D. 500. ostenderet Formularum, quamprimum publice innotuissent, quibuscunque eæ fuerant titulis insignitæ, aut quantacunque in exhibitione habitæ; igitur illas neque extollit, neque, ut eas expertus ipse, commendat, sicuti, de ^aPhilonio loquens, merito facit; nudamque satagit harum enarrationem tradere, ut venditorum fraudes una cum emptorum credulitate perstringat. Quisquis Medicam Artem vel primoribus labris attigerit, nequit ignorare, Universale quodvis Remedium nihil aliud quam verba esse; nam utcunque ipsum Medicamentum sit per se præstans atque efficax, tamen nullo modo fieri potest, ut id hominibus æque omnibus conveniat, in omni casu, atque in omni occasione: unde peritus semper Medicus requiritur, qui cum morbi naturam ac symptomata penitus intellexerit, prudenter iudicet, quando id expediat offerre, & quando ab eo temperare præstet. Hujus rei non longe petenda est demonstratio; cum manifesta sit in magno illo ac fortasse unico Specifico, Cortice scilicet Peruviano: qui si indiscriminatim ac sine iudicio, etiam in Febris Intermittentibus, adhibeatur, potest æque nocere ac proficere.

Primus Græcorum Scriptor e Christianis, nisi fallor, Aëtius est, qui Incantationes Medicis usibus accommodatas docuerit: hæ autem magnopere inter Veteres Ægyptios valde celebratæ sunt. Unam hujusmodi profert, sub nomine Sancti Blasii, ^bad extrahen-

a ibid.

b 2, 4, 50.

ÆTIUS. hendum os quod in gutture hæserit ; & al-
A. D. 500. terum adversus ^a Fistulam.

Sedecim Librorum Aëtii in quatuor Τετραβιβλως divisio non ab ipso Auctore facta ; uti Fabricius animadvertit , sed ab aliquo Recentiorum excogitata est ; nam quando-
 cunque ii vel ab ipso vel a Photio nominan-
 tur , id fit juxta Librorum ipsorum nume-
 rum ac seriem. Quanquam in uno loco vo-
 ce , Quaternionibus ^b , Traductor utitur ,
 quam illic per incuriam irrepsisse arbitror.

Nihil amplius de hoc Auctore dicam, cum
 ex eo Remedii contra Podagram specimen
 protulero, eo quod sit parum vulgare , &
 omnium quæ in Historia Medica tradantur
 in suo genere primum. Medicamentum id
 Externum est , & ab eo Magnus c Exsicca-
 tor dicitur: eo per annum integrum aliquis
 uti debet , servata insuper per singulos men-
 ses sequenti victus ratione. Mensibus Ale-
 xandrina ille, sive Ægyptia nomina , im-
 ponit ; qui si nostro more vocentur , hæc
 præscriptionis formula est : „ Æger mense
 „ Septembri, pro omni cibo ac potione La-
 „ Æte sit contentus ; Octobri, allium edat ;
 „ Novembri, a balneo abstineat ; Decem-
 „ bri, brassicam ne comedat ; Januario, vi-
 „ ni meraci haustum mane singulo bibat ;
 „ Febuario, betam ne comedat ; Martio ,
 „ dulcia cum esculentis & potulentis mi-
 „ sceat ; Aprili, Raphanum rusticum ne
 „ comedat ; neque , Maio , piscem Poly-
 „ pum ; Junio, mane frigidam bibat ; Julio
 „ a Venere abstineat ; Augusto denique ,
 „ mal-

„vā ne comedat. „Inde Histrionum istius ^{AETIVS.}
 temporis in Medicina artes videmus; tamen ^{A.D.500.}
 ab Alexandro ad eundem affectum etiam magis
 ridiculum ^a Antidotum præscribitur, quā
 quis uti per integrum quoque annum debet,
 servato interim hoc ordine, „ut mensibus
 „Januario, Febuario, Martio, Aprili,
 „quinq̄ies, alternis diebus, exhibeatur;
 „Maio, ter, Junio, bis, diebus etiam al-
 „ternis: Julio, Augusto, & Septembri,
 „semel, in mense singulo: Octobri, & No-
 „vembri, bis: Decembri, quater, alternis
 „diebus. „Ita in toto anno Doses confi-
 ciuntur triginta & sex. Simul abstinere de-
 bet æger a vino, carne porcina & bubula,
 a lepore, brassica, sinapi, lacte, &c. Aliud
 idem Auctor Antidotum habet quod ex tre-
 centis sexaginta & sex Potionibus constat,
 quæ ita sumi debent, ut cursus integer an-
 nis duobus expleatur. Ac promittere audeo,
 si quis huic Regimini patienter se subicere,
 & præceptorum severitati vitam sedulo ve-
 lit accommodare, minus hunc aliquanto de
 Podagra conquesturum, quam a plerisque
 nunc dierum fieri soleat.

His non obstantibus, ALEXANDER cæte- ^{ALEXAN-}
 rorum longe dissimilis est; magisque certe ^{DER.}
 omnia, ut fatetur ipse Clericus, de suo pe- ^{A.D.560.}
 nu promit. Nam ex magna parte & stylum
 & ordinem habet, si cum Galeno ejusque
 exscriptoribus conferatur, sibi ipsi peculia-
 rem. Illic quoque ubi vestigia Antiquorum,
 aut in describendis Symptomatis, aut in af-
 D . . . fecti-

ALEXAN-
DER.
A. D. 560.

fectibus curandis persequitur (sicut ab eo necessario factum est, & ab omnibus, qui Medicinæ Systema conscribendum suscipiunt, fieri debet) suo semper ordine suisque verbis utitur. In eo stylus est, ut summatim loquar, sincerus, brevis, perspicuus, &, ut ipse ait, ex communibus præcipue verbis compositus: ac licet ob vocum quarundam exterarum admisionem (quod ob multas ejus peregrinationes fortasse contigit) haud usquequaque elegans, valde tamen significans & comprehensibilis. Cæteri morbos admodum perturbate collocant; hos ille consequenter a Capite ad Pedes disponit. Igitur solus Græcorum est, qui ordine possit (quantum uterque suo modo utitur) cum Aretæo contendere; hique Auctores duo, quos ab Hippocrate præstantissimos judico, in altera quoque re conveniunt, ut de paucis tantummodo affectibus scribant, qui numero quinquaginta aut sexaginta non excedunt, quosque ea de causa frequentius ipsis in Medicina tractanda obversatos conjicio. Nam si ab aliis exscribere satagissent, Oribasii atque Aëtii volumina mole verisimiliter æquare tentassent. Id unum miror, quod Alexander de nullo quoquam Mulierum affectu mentionem fecerit. In explanandis morborum causis satis accuratus est, & in proponendis curationum scopis admodum sagax. In Diagnosticis autem magnopere præcellit; quippe cum affectus illos qui magnam inter se similitudinem habent, exactissime discriminet; sicut a Jecoris inflammatione Pleuritidem: a Calculo dolorem Colicum:

cum: Febres Heſticas a Quotidianis cæteriſque Febribus. Primo intuitu perſpicere licet quantum in hac re deſit cum Aëtio Oribaſius. Duorum caſuum, & curationum a ſe inſtitutarum Hiſtorias, unam in Febre Tertianâ, alteram in Lienis Scirrho, tradit: quæ, præter illas ab Hippocrate & Galeno memoratas, ſola ſunt ex omni Antiquitate hujusmodi ſcriptionis exempla.

ALEXAN-
DER.
A. D. 160.

Idem eſt in Compoſitione Medicamentorum enarranda, horumque exhibendorum modo ac tempore præſiniendo, perquam diligens: inter quæ, multa extant ab ipſo inventa. Et, ſi vera fateamur, tam amplius horum in eo delectus eſt, ut nimis multa potius quam nimis pauca ſint. Magnam videtur in omnium Medicamentorum ſuorum viribus fiduciam habere; neque ſilentio præteriri debet ſuperſtitioſa iſta ac ridicula fides quam in Amuletiſ & Incantationibus ponit; longe ſupra quam quod in homine exquiſito illo judicio abundante credi poſſit. Aliquas harum rerum rationes adducere conatur, & Galeni authoritate ſe tuetur. Quod Magiæ ſtuduerit, multa proferri poſſunt argumenta; ſolusque fortasſe Medicorum eſt, qui ex Oſthane quædam, uno ex antiquiſſimis apud Perſas Magis, depromſerit. Huic autem, ſive ex temporum ſuperſtitione, ſive ex hominis ſenectute originem duxerit, in Alexandro credulitati ignoſcamus. Id ſolum animadvertam, hujusmodi ab eo remedia, non niſi in Febribus Intermittentibus, Calculo, dolore Colico, ac Podagra commenda-

D 2

ri;

ALEXAN-
DER.
A. D. 560.

ri; & per omnia fere insequentia, credo, tempora mos invaluit, ut Magicæ istæ applicationes in iisdem præcipue Morbis obtinerent. Cæteris ^ahaudquaquam inferior est Homeri versus,

Τετρήχην δ' ἀγρὴν, καὶ δ' ἰσχυρίζετο γαῖαν.

Neque ideo minus æstimari debet, quod minimo constet.

In cæteris rebus, quantumlibet Antiquorum sit amator, tamen in sententia sua proferenda, atque adeo cum illis ^bdissentiendo, libertate omni utitur; ac speciatim cum ^cGaleno sæpissime discordat, modo se mirari dicens, quam ratione doctrinam is ita perturbatam atque ita parum ^ddistinctam tradiderit: modo diversam ab eo medendi ^eviam, non, uti profitetur, contradicendi, sed veritatis indicandæ studio, proponens. Utque summatim loquar, haud solum in unoquoque morbo totum curandi modum distinctissime explicat, sed plerumque etiam quæ ^fvitanda sint Lectorem commonet: quod exemplum si alii omnes Auctores essent eadem accuratatione imitati, haud minorem inde utilitatem, quam a traditis in quaque occasione agendi præceptis, haurire licuisset.

Alia quoque res Alexandri scriptionem a supra memoratis Auctioribus discernit, quod morborum signis & curationum modis explicandis unice incumbat: in Materia Medica,

^a 11. ^b 1, 17. 7, 13, 9. 3, ^c 6, 1, 12, 1, 6.
^d 12, 1, 6, 7, 8. ^e 12, 6. ^f 3, 7. 4, 1, 3, 10,
13, 12, 7.

dica, in Re Anatomica, & Chirurgica, ^{ALEXAN-}
 contra ac alii fecerant, nihil prorsus attin- ^{DER.}
 gens; quanquam Librum scripserit, aut cer- ^{A. D. 560.}
 te scribere instituerit, de ^a Fracturis, & a-
 liquid etiam de ^b Oculorum morbis conte-
 xuerit.

In tractanda Podagra, de qua nihil quic-
 quam prodidit Galenus, Librum Alexander
 integrum ponit; unde fortasse morbum hunc
 hujus tempore magis invaluisse jure quis
 crediderit. Quem præcipue Purgantium o-
 pe is levare nititur: & in plerisque hujus-
 modi ab eo ordinatis compositionibus Her-
 modactyli (quas quidem ille vix ab Oribasio
 Aëtioque memoratas quantivis facit) maxi-
 mam partem gerunt. Vides quam parum
 recens inventio sit, sicut vane a quibusdam
 putatur, Podagræ per Purgantia mederi vel-
 le: quod malum fortasse omnino non cura-
 ri magis expedit, quam si quis in eo eximias
 istas Formulas ab Alexandro præscriptas ad-
 hibuerit; licet hæ virtute haudquaquam ce-
 dant iis, quæ hodierni passim Medicastri
 venditant.

Fui in hac re paulo fusior, ut ex ipso e-
 jus Opere Scriptorem hunc potius, quam
 Exscriptorem, dici debere ostenderem.
 Trallibus natus est, Civitate illa Lydiæ ce-
 leberrima: cujus incolæ sermonem Græcum
 purissime loquebantur, ob Ionicarum ur-
 bium vicinitatem. Ipse autem non modo
 sub ^c Stephano Parente suo, eodemque Me-
 dico, institutus est, verum etiam in hac Ar-
 te Magistrum habuit Cosmæ Patrem; cui

D 3 qui-

a 1, 14.

b 2, 1.

c Lib. 4.

ALEXAN-
DER.
A.D. 560.

quidem Cosmæ, partim ipsius rogatu, partim ut beneficiorum gratiam aliquam Patri ejus persolveret, Volumina sua scripsit & dicavit. Ipse in Medicina fuit exercitissimus, Experientiæ longissimæ, fama que multum cognitus, non modo Romæ, sed etiam quocunque peregre proficisceretur, sive per Galliam, sive per Hispaniam, sive per alias regiones: unde, tanquam cæteris præcellens, Alexander Medicus vocabatur. Ideoque in parte Therapeutica Medicis superioribus frequenter plenior est & accuratior, quod ea, præsertim remedia concinnaverit, quæ ex repetitis observationibus maxime efficacia compererat: quod alibi sæpe, sed disertius narrat, in Præfatione ad Librum duodecimum; ubi primo Febres generatim, ac deinde singulæ harum species pertractantur. Et hunc quidem Librum quisquis versaverit, illum cæteris undecim præponi debere perspiciet; sed & alioqui ipse Alexander, in postrema parte undecimi, opus illic se conclusurum esse pronuntiat.

Hactenus quibusdam, quæ Auctorem nostrum Eruditorum lectioni saltem commendent, summam expositis, id amplius exequar, ut nonnulla ab eo maxime notabilia obiter decerpam: quæ quanquam Praxi magno opere inserviant, tamen ab aliis vel omissa vel parum explicata invenio. Volo autem in hac re ipsius ordinem sequi.

In ^a Causo, sive Morbo qui ab illo Febris Ardens Spuria dicitur, ubi redundat Bilis, & materia Evacuatiōi sese offert, &
Fe-

Febris haud intensa est, Purgationem Venæ sectioni præfert: cum alii Sanguinis missione maxime nitantur. Observationem hanc adjicit peracutam & perutilem: „Memini „me, inquit, etiam acuta laborantem Fe- „bri purgasse; verum hæc res non modo „multam & exquisitam animadversionem ac „judicium, sed & Medicum quoque deside- „rat fidenti præsentique animo. „ Il qui Ex- perientiæ rationem adjungunt, hujusce ob- servationis facile vim perspicient; neque viam hanc negabunt in quibusdam casibus, siquis huic prudenter insititerit, mira cum felicitate tentari. Hic enim frequenter aut sequendæ aut adjuvandæ Naturæ modus est aptissimus. Caput apud Oribasium est ex Archigene ad hanc rem spectans; idque recte animadvertit Galenus^b, Diarrhœam ex naturalibus iis auxiliis esse unam, per quæ Morbus iste ad Crisim perducitur. Porro neutiquam violenta Trallianus, sed lenia tantum, in Febre Tertia & Quotidiana, exhibet Purgantia: quæ res animadversio- nem seriam meretur, Virumque illum, non modo acri cum judicio, sed caute ac fide- liter, Artem suam exercuisse comprobatur.

In eodem Morbo, Causo scilicet, si Syn- cope ab humoribus crudis ac redundantibus incidat, Venæ sectionem præcipit: idque eo magis animadverto, quod in hac re nullum ducem habuerit, excepto^c Aretæo, qui i- dem in eodem casu auxilium adhiberi jubet. Sane quoad Syncopen generatim, Scripto-

D 4

res

^a Collect. 8, 46.
Acut. 2, 3.

^b De Cris. 3, 3.

^c Cur.

ALEXAN-
DER
A. D. 560.

res Practici, etiam inter Recentiores, uno fere consensu de missione Sanguinis prorsus silent: iique pauci, qui ejus mentionem faciunt, eam improbant; ita ut vix quicquam sit, præter Sennertum, ejusque exscriptorem Riverium, qui id remedii ullo modo admittat: deque eo Riverius strictim duntaxat loquitur, neque illud administrari debere, præterquam in duobus casibus, Plenitudinis nempe ac Terroris, existimat. Minus fortasse cautionem hanc ingentem admirabimur, si ea quæ de hoc argumento pronuntiaverint Antiquorum nonnulli, nobiscum reputemus. Id^a Aëtius & b Oribasius, etiam in Plenitudine, metuunt; Cælius autem Aurelianus hæc verba pro universa lege statuit, „Phlebotomiam nihil jugulatione differre ratio testatur c. „ Aliam vero de hac re sententiam inveniet, quisquis ad ipsos Medicinæ fontes accesserit. Hippocrates enim, aut aliquis ex discipulis ejus, in Acutorum Morborum explicatione diserte tradit, si quis subito obmutuerit, id a Venarum obstructione, sive interceptione, proficisci *ἐν ὑγιαίνοντι τὶς ἐκφυγὴν αἵματος* d, si id in valetudine integra, absque evidenti causa, obtigerit; quare missionem Sanguinis e brachio necessariam esse judicat. Galenus, qui Hippocratis sensum intellexit optime, vocem *Ἀπωσιν* ita interpretatur, ut ea non modo Apoplexiam, sed Syncopem etiam, significari putet; & in utroque casu Venæ sectionem adeo vehementer commen-

dat,

a 2, 1, 96. b Synops. 7, 26. c 2. Acut. 38.
d Vist. Acut. 4, 23.

dat, ut multos diversa curatione interfectos ^{ALEXAN-}
 esse affirmet. In Aphorismo hoc, (qui a ^{DER.}
 nullo quoquam Interpretum, quasi huc per- ^{A. D. 560.}
 tineret, diligenter examinatus est) sedulo
 perpenſa ac ſignificanter expreſſa conditio
 ponitur, „Si in valetudine integra; abſque
 „evidenti cauſa, obtigerit: „, hoc enim præ-
 finito, vix fieri poteſt, ut oriatur Syncope,
 niſi ab aliquo Sanguinis vitio, unde major
 in ejus tranſitu per Cor Reſiſtentia efficitur,
 quæ nulla ope æque cito, ac per Venæ
 ſectionem, tollitur. Hanc Syncopen, a Ple-
 nitudine ortam, Germanis, quippe qui vul-
 go corporis admodum obefi ſint, valde fa-
 miliarem eſſe notat ^a Riolanus; horumque
 negligentiam inculcat, quod in ea curanda
 Sanguinis detractiōnem omittant. In Praxi
 certe animadvertimus, ſoliti cujuſvis fluxus
 ſuppreſſioni, ut ex Naribus aut ex Hæmor-
 rhoidibus, Syncopen frequenter ſuccedere.
 Solus inter Recentiores caſum hunc peni-
 tius examinavit ^b Petrus Salius, verum haud
 cum exceptionibus ab Hippocrate poſitis:
 & eundem a Præcticis Scriptoribus ſemper
 omitti recte ab eo animadverſum eſt. Duo
 vel tria hujus rei, Experientia ſibi nota,
 exempla proferre lectu digniſſima: idque ſub-
 jicit, hoc Syncopes genus per diem unum
 aut alterum præſentiri ſolere, vel ex Suffo-
 cationis cujuſdam invaſione, vel ex Pulſu
 intermittente; ſequæ acceſſiones morbi Ve-
 næ ſectione prævertiſſe, quam una cum Fric-
 tionibus contra eundem commendat, quod
 Alexandri præceptis plane convenit. Præ-

D 5

ter

^a Enchirid. Anatom. 3, 8. ^b De Affect. Partic. 4.

ALEXAN-
DER.
A. D. 560.

ter hæc, Salius multis periculum sese prædixisse narrat, qui spreus ejus monitis morte subita interierint; quibus dissectis, sanguinem eorum ita concretum repperit, ut hunc, perinde ac si solidus esset, de venis eduxerit. Hoc in casu, Sanguinis detractio sine dubio apprime necessaria est; ac facile existimare licet, si frustra fuerit hoc remedium, omnia æque alia nihil profutura. Hujusmodi erat, ab Alexandro instituta curandi ratio; ea vero ex quibus hanc deducit, Diagnostica, admodum perspicua sunt ac distincta: uti, facies solito tumidior pallidiorque, habitus corporis inflatus, pulsus exiguus, piger, quique longa ictuum intervalla habeat. Hæc certe istiusmodi medelæ indicationes evidentissimas præbent.

In Febris Tertianis, & eo magis in Quartanis, Vomitus ante accessionem supra cætera omnia remedia laudat: idemque Quartanas etiam inveteratissimas solo hoc auxilio depulit. Quæ quidem curatio ab Antiquis cæteris memorata, nunquam vero in consuetudinem adducta est; quanquam naturæ certe prorsus conveniat, multumque emolumenti non modo in hoc, sed & in ple-risque aliis affectibus diuturnis præstet. Antidotum quidem hic descriptum, & ab eo Mirabile appellata, nimiam cum Circulatoris Formula similitudinem habet: estque Catholicon quoddam Mithridatio non ab simile, quod & huic & aliis fere triginta ab eo enumeratis morbis medeatur. Illud etiam Senex adjicit, hominem qui id ei Medicamentum dono dedisset sanctissime asseverasse,

se, nullum aliud illi ob eximias virtutes esse conferendum. Has omnes Alexander virtutes, Compositionemque ipsam fufe narrat: quam, ut sibi communicatam, ita sine fuco quoque omnibus impertit; quæ sane hominis probitas alibi etiam sæpenumero apparet. Haud raro Veterum virtutem admiratus sum, qui utcunque sine ratione interdum iis, quæ Specifica vocabant, mirificam inesse vim putaverint, & ea supra modum sustulerint, tamen pro Secretis neutiquam celarent. In eo scilicet elaborabant ut Artem suam probe callerent, utpote communis emolumenti ab ea redundantis magnitudinem intelligentes: ideoque longissime a privato lucro abhorrentes, ac professionis dignitatem tuentes, quicquid aut per Experimentiam suam adinvenire, aut ab aliorum Observationibus excerpere valuerunt, quod morbos posset humano generi insidiantes depellere, id omne generose ac libere in vulgus edebant. Hic Antiquorum mos erat, perpetuumque iis Medicis exemplar esse debet, qui illos vel scientia vel virtute imitari exoptant.

Phrenitis ^a ab eo accuratissime describitur: & rationes optimæ adducuntur, quamobrem haud a Diaphragmatis, ut a plerisque creditum est, sed ab ipsius Cerebri affectu oriatur. Cumque in brachio vena sese incisioni subtraheret, hanc quæ in Fronte est aperire consueverat, quod post eum a Rha-ze quoque commendatum est. Licet in obstinata Phrenitide Diacodium aliquando præbeat,

ALEXAN-
DER.
A. D. 560.

ALEXAN-
DER.
A. D. 560.

beat, de eo tamen peridoneas cautiones sub-
jicit: ut, si æger temperamenti sit Phlegma-
tici, furor non admodum vehemens, vires-
que corporis infirmæ, usum ejus remedii
dehortetur. Nam in istis casibus semper no-
cent, interdum perniciosa sunt Opiata. In
Pleuritide ac Tussi, fere eadem monet. Si,
quæ ab eo de Phrenitide ac Pleuritide dicta
sunt, cum iis quæ de iisdem affectibus tra-
didit Oribasius Aëtiusque, conferantur, ha-
rum rerum multo explicatior apud hunc,
quam apud illos, doctrina reperietur. Nam
in utroque morbo nihil aliud Paulus quam
Alexandrum exscribit.

Medicamenta idem Vesicantia, in ^a Le-
thargo, Scillam: in ^b Epilepsia, Lepidium,
adhibet; alia quoque multa, præsertim in
^c Podagra, uti Allium, Euphorbium, Sina-
pi, &c. inter quæ sunt Cantharides: haf-
que, magna Serii copia profluente, subitam
levationem afferre tradit. Sed & hoc quo-
que monitum commodè subjicit, nequis To-
piciis tantum Remediis confidat.

Ad ^d Paralyfin, novum Hieræ genus, id-
que optime confectum, laudat; ac majorem
postea Scammonia modum injici vetat: hanc
præterea observationem subjungens, quam
alibi nusquam reperio, quæque, si ei bene
attendatur, magnum in Praxi usum præsta-
bit: „ Multi enim, inquit, ita faciunt, vim
„ medicamenti ad evacuandum augere se
„ credentes, neque hoc modo id minus uti-
„ le reddi cognoscunt. Haud enim eo spe-
„ ctamus, ut id per alvum expedite defer-
„ ri

a 1, 14. b 1, 15. c 11. d 1, 16.

„ri velimus, sed potius in membra di-
 „stribui, in corpore morari, humores illic
 „attenuare & corrigere, meatus dilatare,
 „nervorum obstructions discutere, ut ita
 „spiritus in hos absque impedimento derive-
 „tur. Idque potissimum in Temperamen-
 to Phlegmatico fieri debere admonet. Faci-
 le quis ostenderit, quantum in hac doctrina
 momenti sit, quamque late hoc de tarde pur-
 gantibus præceptum ad morbos quosdam
 Diurnos pertineat. Nam quotidiana qui-
 dem Experientia videmus, miro id cum suc-
 cessu fieri: uti præcipue cum Aquas Mine-
 rales, Bathonicas puta; ordinamus, aut Ca-
 lomelas, idque in variis affectibus. Ita quo-
 que in dolore Colico, aut Iliaca Passione,
 ea quæ vehementer purgant, nimisque in-
 testina compungunt, morbum sæpe augent,
 & periculum, ut ipse alibi notat, inflam-
 mationis faciunt, nisi eorum vis Opiatis pru-
 denter hebetata atque imminuta sit.

Varia a Melancholiæ genera luculenter ab
 eo descripta sunt: vires Imaginationis vivi-
 dis coloribus depictæ; & multa hujus rei
 exempla commode prolata, ad Aretæi fere
 similitudinem. Ea vero curat ille; Victu
 potius, atque Balneis, & oblectamentis,
 quam Medicamentorum farragine; a Ve-
 teribus autem in eo discordat, quod non ita
 frequenter Cucurbitulas, Hirudines, ac Si-
 napismos adhiberi velit. Etiam in Purgatio-
 ne, licet ab iis Helleborus albus tantopere
 prædicetur, Lapidem Armeniacum ei præ-
 fert, qui tuto admodum atque efficaciter
 al-

ALEXAN-
 DER.
 A. D. 560.

ALEXAN- alvum movet, sine eo discrimine aliisque
DER. incommodis, quæ nimium frequenter ab al-
A. D. 560. terius istius Medicamenti violentia nascun-
tur. Sententia hæc, ab Alexandro de Hel-
leboro albo pronuntiata, cum eorum tem-
porum Historia probe convenit: ex qua do-
cemur, Medicamentum illud, ita a Veteri-
bus celebratum, postea in desuetudinem om-
nino abiisse: donec ^a Asclepiodotus, Vir &
in Mathematicis disciplinis & in Musica ver-
fatissimus, id in usum denuo revocarit, cir-
citer A. D. D. multasque ope hac in mor-
bis obstinatissimis admirandas curationes præ-
stiterit. Tamen id Remedii ab Auctore no-
stro, qui non ita multo post floruit, mini-
me comprobatum videmus.

In ^b Parotide optimam hanc legem ponit,
ut mittatur Sanguis ante Discutientium aut
Attrahentium quorumvis usum; & eos ait
qui ante Venæ sectionem nimis mature hæc
ordinaverint, ægris strangulationem indu-
xisse. Eadem ratione vehementer Astrin-
gentium ac Repellentium usum merito re-
pudiat, qualia sunt, Solanum, Alumen,
&c. Medicamenta enumerat ad Discutien-
dam Parotidem idonea: quam profecto rem,
ubi casus hanc medendi viam recipit, po-
rius quam Suppurationem, moliri semper
magis convenit. Quod si irritus fuerit hic
conatus, Tumorque nihil quicquam subse-
derit, ac dolor etiamnum inhæserit, omni-
bus modis, inquit, Pus movendum est; e-
jusque generationis signum est, si una cum
doloris incremento Rigor atque Febris, quæ
an-

antea non erant, nec opinato invaserint. In hoc, de rei summa cum Celso convenit, qui in isto casu distinctissimum nobis documentum præbuit: id est, „Si Tumor per se primario, nec alii cuivis morbo confunctus, „appareat, moderata primum Repellentia „ac Discutientia tententur: ubi vero alii allicui affeui supervenerit, quo nihil frequentius incidit, id tum maturari quamprimum atque aperiri debet. „ Nam in hoc casu Tumor Criticus est, ac morbum solvit. Hippocrates autem Parotides illas, quæ longis Febribus succedunt, exitiales pronuntiat, nisi suppuraverint. Ubi vero obstinata istæ diu permanserint, neque per Externa Remedia maturari potuerint, Ustionis ope aliquando ad Pus perductæ sunt. Nam Severinus, & ante hunc Vallesius, exposuit, quemadmodum ipsi hanc rationem in Magnis Parotidibus cum successu tentaverint.

Medicatio, quam in Angina fieri vult, omnibus numeris absoluta est; Repellentia sola in initio probat, Relaxantibus omnibus ex toto rejectis. Multum, ut ab Aretæo quoque factum est, Antidotum *Διαβητικόν* commendat, ita dictum a Ruta Sylvestri, quæ præcipua est inter ea quæ Compositionem hanc constituunt ab illo descriptam. Venæ sectionem supra alia omnia necessariam judicat; idque per tres aut quatuor vices, prout occasio postulat, repeti jubet, cum ea cautione ne quis Sanguinem ad deliquium mittat. Quod si per hæc auxilia vitium

ALEXAN-
DER.
A. D. 560.

tium 'nihil levetur, Venæ sub Lingua inci-
dendæ sunt ; (quanquam Cælius Aurelia-
nus id , tanquam superstitiosum , damnet)
neque res in posterum diem differenda , si-
cuti Aëtius quoque de missione Sanguinis
præcipit , sed eodem die præstanda est. „ Sæ-
„ pius , inquit , malo urgente , Venam ma-
„ ne aperui , sub vesperam eas quæ sub Lin-
„ gua sunt : nocte , Purgationem institui : at-
„ que ita quoque difficulter strangulationem
„ resolvi. In alio , post missionem Sangui-
„ nis , statim Medicamentum Purgans , se-
„ quenti die non expectato , obtuli. Id au-
„ tem faciendum est , ubi discrimen ingens
„ imminet , neque inducias morbus admit-
„ tit. Venas etiam Jugulares magno cum
„ successu aperui : ut Saphænam quoque in
„ Fæminis , cum Menses una suppressi ef-
„ sent , ex quo duplex commodum obtigit ,
„ ut non modo Menses erumperent , sed
„ Tumor etiam in Guttore subsideret. „ Vi-
des hæc , sicuti alia prope omnia , a perito
Artifice ac Magistro dictata ; neque sane hæc
laus illi sine injuria denegari potest , quod
medela ab eo ordinata rationi exactissime con-
veniat : ita ut post Medicinam tot inventio-
nibus & incrementis locupletatam , vix quic-
quam his adjicere valeamus.

^a Tuberculi in Pulmone mentionem habet
Alexander , unde Spiritus difficultas oritur ,
Expectorationis tamen atque Febris expers.
Morbus hic a ^b Galeno memoratur , quicquam
Tabis esse speciem ait ; & hæc sane fre-
quentissima in nostra regione est . præsertim in
cor-

^a 5, 8.

^b Loc. Affect. 4, 6, 7.

poribus Strumosis. Hæc licet vera Phthisi ALEXAN-
DER.
A. D. 560. tardius procedat, in qua Febris Hæctica Tabem inducens, Pulmonis Ulceri supervenit, ut plurimum tamen in Raucitatem & Atrophiam definit, & æque certam perniciem minatur. Casum itidem narrat, inauditum sibi ac valde admirabilem visum, de extussito ^a Calculo: non materia quadam concreta, sed vero Calculo, lævi, duro, sonitum ex lapsu in terram reddente. Hujusmodi Calculorum per Tussim excretorum plurimos vidi, & ex his aliquos Nucis Avellanæ magnitudinem æquantes; nulla autem Tabis suberant indicia, inveterata licet usque persistente Tussi. Novi quendam, qui longis intervallis quatuor aut quinque tales expuerit; is quem memorat Alexander, Tussi diu conflictatus est, neque ullam levationem sensit, donec Calculum ejecisset: eratque tenui naturaliter corporis habitu, morboque & macie pene confectus: qui Tabæ, juxta illum, verisimiliter interiisset, nisi medelam humectantem & refrigerantem servando duram hanc excrevisset materiam. Alexander adeo curationem hic a Galeno præceptam magna cum severitate, tamen haud injuria, reprehendit: qui asperam quandam materiam ita eductam viderat, grandinis quidem, neutiquam vero ^b Calculi similem; & in eo casu Medicamenta tantum calida atque exsiccantia adhibuerat, qualia sunt Mithridatium, & Theriaca: illo insuper animadverso, neminem ita affectum convaluisse. Id Alexander sine hæsitati-
E tione

^a 5, 4.^b Loc. Affect. 40 6.

ALEXAN

DER

A. D. 560

tione aperte damnat: seque de homine tam solerti haud ita libere prolocuturum fuisse dicit, nisi amore Veritatis impulsus hanc celare nefas esse judicasset: sermonemque concludit prolato celebri illo Aristotelis dicto, „ Amicus Plato, sed magis amica Veritas. „ Deest plane hæc libertas quibusdam Galeni admiratoribus, qui, Massariæ similes, nobilis cujusdam in Italia Professoris, cum Galeno errare malunt, quam cum alio quovis recte sentire.

Observatio, de Liquidorum usu in Pleuritide, attentionem meretur; nam ab eo facta est, qui & Fluidorum Animalium & Medicamentorum vim probe intellexerat. „ Hu- „ mor, inquit ex Hippocrate, alimenti ve- „ hiculum est. Quamobrem *Euxegon*, id est, „ aquam tepidam, inter cæteras potiones ac „ cibos exhibere ne desinas. Neque enim „ siccum quodvis medicamentum absque hu- „ more in altum potest descendere, sed in „ superficie actionis experts remanet: ubi ve- „ ro humido aliquo mixtum est, vires suas „ exerit, & calorem aut refrigerium largi- „ tur. Igitur Aqua, licet a quibusdam, eo „ quod simplex sit, nulli Alimenti esse pu- „ tetur, tamen ad omnium nutritionem ne- „ cessaria est, cibos in corpus universum „ distribuit, & divisas continet unitque par- „ tículas. Nam si hæc siccam & parum co- „ hærentem terram conjungit, eique con- „ tinuitatem impertit, ut ex illa varii gene- „ ris effingantur Vasa: si panem ipsum, qui „ a nobis comeditur, una cum farina com- „ po-

„ponit : si eadem & in Animalibus & in ALEXAN-
DER.
A.D. 560.
„Stirpibus præcipua Generationis causa est,
„quidni rationi consentaneum videatur, ea-
„dem hanc in Humano Corpore munia præ-
„stare? „ Hæc observatio ingentis momen-
ti est, lateque in omnem Medicinæ usum se
diffundit, præcipue vero in Acutis Affecti-
bus ; & is qui Hippocratis Librum De Vi-
ctu Acutorum attente perlegerit, (ex quo
quidem, Antiquitatis Monumento pretiosissi-
mo, longa aliquot de Febris contexta
sunt Volumina) facile concipiet, quam sa-
lutares in morbis periculosissimis effectus,
etiam absque Medicinæ ope, producat sola
per se Dilutio. Itaque fundamento hoc in
tradenda curatione ^a Februm innititur Tral-
lianus, „ut omnia fiant per quæ humiditas
augeatur ; omnisque ejus Medicina per A-
cutos hos Affectus in Refrigerantibus ac
Diluentibus potissimum consistit, qualia sunt
Ptisana, Hydromel, &c. ita ut, quanquam
Attenuantia eodem fere spectent, tamen
Calidiorum usum detrectet, & Galenum ip-
sum ob eam rem incuset. Id unum in hoc
Auctore amplius animadvertam, quod ubi-
cunque Simplicium Medicamentorum, quæ
calorem moveant, assumptionem idoneam ju-
dicat, ea vix unquam solida, sed Aquæ fere
semper incocta exhibeat: id quod non modo
ejus ratiociniis congruit, sed etiam optima
ratione firmatur.

In Sanguinis ^b Sputo, venam se in Talo
incidisse prodit, idque melius, quam idem
in Brachio factum, respondisse. Atque hanc

E 2 ejus

ALEXAN-
DER.
A. D. 560.

ejus rei causam adducit, quod Materiæ ad remotiores partes attractio Revulsionem magis efficacem reddat: quæ quidem ratio neque minus clare exposita, neque minus solida est iis, quæ nunc jam post inventam Circulationem proferuntur.

Observationem tradit in *Βυλίμω* sive Fame immodica, novam ac plane suam; cujus ne minima quidem apud alios extat mentio: quod is morbus scilicet a Lumbricis interdum nascatur. Fæminæ casum memorat, quæ voraci hoc appetitu laborans perpetuam in Ventriculo rosionem sentiret, cum dolore jugi Capitis; ea post Hieræ sumtionem Lumbricum longitudine duodecim cubitorum dejecit, unde omni malo statim levata est. Idem in Praxi frequenter occurrit.

Novum etiam aliquid, licet haud magni referat, & nobis jam familiare sit, de Singultu notat; hunc scilicet a subito terrore, aut ab animi intentione, ut in numeranda pecunia similibusque rebus, statim tolli.

Ad Choleram, in quibusdam casibus, *ᵇ* Vinum meracum laudat: idque in eo singulare est, quod in plerisque morbis separatim de Vino loquitur; cujus in delectu valde accuratus est, prout diversæ ejus qualitates ægrotantis conditioni accommodatæ sunt.

In debilitate Jecoris, & Dysenteria, Rhabbari apud illum invenitur mentio: quæ quidem Planta ab eo, ni fallor, memorata primum est; quanquam usum ejusdem ab Arabibus indicatum putet Clericus. Arabes quidem in convertendo Dioseoride ac Medicis

dicis Græcis, Radicem hanc cum Rha Pontico confundunt: virtutesque ab Antiquis in hoc animadversas ei ascribunt quod proprie Rhabarbarum est: uti cuivis constabit, qui descriptionem ejus a Rhaze proditam inspexerit. Atque in eodem errore ipsum versatum puto Alexandrum, licet hujus tempore sine dubio innotesceret jam Rhabarbarum; hoc enim in Astringentibus tantum ponit, uti Rha Ponticum cæteri Græci, neque de Purgante ejus vi quicquam commemorat. Cujus quidem facultatis in Rheo (id enim ita simpliciter vocat) mentionem primus videtur fecisse ^a Paulus: qui narrat etiam quemadmodum hujus additione Laxantia quædam validiora fieri possint. Prosper autem Alpinus refert quosdam animadvertisse Purgantem aliquando Rha Pontico inesse vim, quanquam ea mitiorem quæ in ^b Rhabarbaro est. Recentiores Græci Radici huic, Barbaricæ nomen, imposuerunt, haud ex eo loco ubi orta, sed ex eo in quem apportata est; siquidem Æthiopiæ superioris regio, Barbaria dicta est, eo quod, ut a ^c Salmasio recte animadversum est, Sinui Barbarico prætenderetur, in quo plurima essent Emporia, præsertim Rhapta, totius plagæ Metropolis. Fretum hoc, ab Oriente, cum Indico Oceano conjungitur; ideoque Actuarius, ac post hunc Myrepsus, Plantam hanc vocant *Πικρὴ Ῥίζη* γ. Iis temporibus sine dubio hac via Alexandriam allatum est, atque ita Medicis Græcis innotuit.

E 3

il-

^a 1, 43.
cit. 798.

^b Plant. Exot. 2, 5.

^c Plin. Exer-

ALEXAN-
DER.
A. D. 560.

Illud autem notare debeo, quod Alexandrum Rhabarbari mentionem fecisse minime advertat Salmasius: Paulum vero testem adducat, qui de ea re ne verbum dixerit, & generatim tantum Rha descripserit. Garcias ab Horto, Proregis Hispani Medicus, ait se in India didicisse, Rhabarbarum omne quod eo atque in Persiam apportaretur, in China nasci: vecturam autem, & terra & mari fieri solere; terra vero per Tartariam ad Ormuzum commodius vehi, quoniam in mari esset putrefactioni opportuna.

In ^a Dysenteria, quam Rheumaticam vocat, Sanguinem ad duas Heminas detrahit. Neque injuria temerariam ac sine ratione ab aliquibus usurpatam consuetudinem improbat, qui statim Opiata ingerunt, hæc enim in tempus quidem humores cohibent, verum & caput afficiunt, & vires infirmant, & postea fluxum incitant; quamobrem eorum usum, nisi urgente necessitate, prohibet. Notatque in vera Dysenteria, ubi exulceratio adest, id sæpe Mucum videri quod revera Pus est; & ego contrarium quoque huic errorem haud raro evenire arbitror, ut Mucus videatur esse Pus.

In Lienis ^b Scirrho, multa de Ferri virtutibus commemorat. Id autem, & liquori infusum, & per se datum, commendat; quod cum ab illo primum, quod sciamus, adhibitum sit, ad eos refutandos valet, qui Medicinales hujus Metalli facultates Chymicis fuisse Operationibus repertas prædicant. Profecto in Hippocrate nulla ejus mentio est,

^a 3, 2.

^b 3, 13.

est, licet is pleraque ex his, quibus nunc
utimur, Medicamenta Simplicia enumeret.
Plinius in referendis omnibus ad Medici-
nam aptis Ferri virtutibus, unum duntaxat
id intus adhibendi modum proponit; scili-
cet ubi in Aqua candens extinguitur & propi-
natur contra Dysenteriam: idemque in
Vino facit ad eundem morbum Dioscorides.
In Aqua similiter a Celso extinguitur ad
Lienem coercendum. Ferrum quidem, ita
proprie dictum, scilicet *σίμωνα* Ferri, ab
Aëtio & Oribasio memoratur: sed ut ex-
trinsecus tantum, in Malignis Ulceribus,
aptum. Ita si insequentium temporum Au-
ctores consulamus, metallum hoc nonnisi
rarius usurpatum videbimus; idque, sive
interne sive externe, vix sub alio quam sub
Astringentis nomine. Immo Avicenna ita
vehementer noxam ab eo metuit, in Sub-
stantia dato, ut ad præcavendum malum
omne, Magnetis aliquid postea assumi præ-
cipiat: quanquam, Arabs itidem, Rhazes,
hunc ejus dandi modum sæpius laudet, di-
versasque id agendi formulas enarret. Post
Rhazem, haud scio an quisquam de vi ejus
Deobstruente intus sumti loquatur, ante
Monardem, qui Anatomia jam tum reflore-
scente scripsit: quæ ut clariorem nobis cer-
tiorumque in eruendis Morborum Causis lu-
cem suppeditavit, ita quoque efficaciores
quasdam ad horum depulsionem vias adin-
venit. Neque ex ulla re magis, quam ex ea
de qua nunc agimus, evinci potest, quan-
tam opem conferat ad Medicinæ usum Ana-
tomia. Quanam enim alia ratiocinatione

ALEXAN-
DER.
A. D. 560

quis adductus Ferrum in Jecoris aut Lienis Scirrho adhibuerit, nisi oculata demonstratione, in Dissectionibus, causam ab Obstructione ortam cognosset, ex quo facile colligi potuit, quicquid ad Obstructionem submovendam maxime valens esset, id aptissimum in curando fore auxilium. Hujusmodi remedium est Ferrum, quod præterquam quod attenuandi facultate præditum sit, majorem quoque in hoc casu ex Particularum Gravitate vim obtinet. Nam cum Vegetabile quodvis pondere Specifico septies excedat, fortiori, secundum hanc proportionem, impulsu agit, atque inde Deobstruens validius evadit. Quisquis aut Recentiorum scripta pervolverit, aut in Praxi fuerit unquam ipse versatus, facile cognosceat, nobiles multas, in variis Affectibus Diuturnis, non modo Aquarum sed & Medicamentorum Chalybeatorum ope, curationes posse præstari. Iique qui persuadere nobis volunt, nullam huic Metallo Alterativam inesse virtutem, æque parum ex aliorum, ac e sua ipsorum Experientia profecerunt.

Venæ sectio, in^a Paroxysmo Calculi, a nullo alio æque vehementer, ac ab Alexandro, requiritur. Id certe Optimo judicio: præsertim si, uti vulgo fieri consuevit, Urinæ quoque difficultas utgeat. Nam Experientia docet, obstinatum hunc Affectum, ubi cætera omnia auxilia nihil prosint, Sanguinis detractione, sine alius cujusvis Medicinæ ope, interdum tolli.

Quid

Quid de Podagra senserit , antea expo-
 fui : illud autem ex eo adjiciam , morbum
 hunc illis temporibus insanabilem esse judi-
 catum ; a qua ipse opinione differt , modo
 idoneæ curandi viæ insistatur. Quæque ab
 eo præscripta est , rationi profectò optime
 convenit : Victusque ac Medicamentorum
 usus magna cum accuratiōe ac delectu tra-
 ditur. Ac si quis his patienter obtemperare
 velit , nulla ab alia re felicem æque succes-
 sum speraverit.

Præter duodecim istos Alexandri Libros ,
 extat Epistola ejusdem ad Theodorum , pro
 Filio hujus , de Lumbricis , conscripta , fe-
 re ad similitudinem ejus quæ ad Cecilianum
 a Galeno missa est. Commodeque ab illo no-
 tatum video , quanta cum difficultate consi-
 lium præberi possit in eo casu , qui genera-
 tim tantum ab alio homine refertur ; ideo-
 que , cum ipsum ægrum facultate visendi
 careat , ac particulari singularum rerum cog-
 nitione destituatur , multo plura , quam quæ
 fortasse ad rem pertineant , litteris complecti
 necessarium existimat. Igitur a descriptione
 Lumbricorum orditur , qui in tria genera
 dividuntur ; unum , tenue , & exiguum est :
 Ascarides vocantur ; alterum , Teres est :
 tertium , Latum , sive Tænia dicitur. Hu-
 jus postremi generis unum Alexander vidit
 pedum fere sedecim longitudine. De singu-
 lis generibus agit , tam cum adest Febris ,
 quam cum abest ; ac Medicamenta in his ca-
 sibus utilia , & Antiquorum temporibus u-
 sitata , enarrat : quæ cum his quibus nunc
 utimur , prope eadem sunt , exceptis Mer-
 curialibus.

ALEXAN-
DER.
A. D. 560.

Ignosces mihi credò , quod tam diu sim huic Auctori immoratus: siquidem inter Antiquos Scriptores Prædicos hunc multum eminere judico, & eum esse qui a Recentiore quovis diligenter legi mereatur. Ex formulis quibusdam in fine Libri undecimi comprehensis forte quis conjecerit, Christianum fuisse, aut Judæum. Paganum enim tantam in rebus nonnullis e Sacra Scriptura ductis, quantam is facit, fidem posuisse haud putandum est. Scio Ethnicos Incantationes adhibere solitos, quæ verbis de Scriptura exceptis constarent; verum id præcipue, si non unice, in Dæmoniacis, ac vix in alio quovis Morbo, factum arbitror. Consuetudo hæc videtur a Christianis primum induta, sicut in Aëtio antea animadverti: idque clarius apparebit, si Marcellum Empiricum adeamus, qui hujusmodi Incantationibus abundat, ac sine dubio Christianus existit.

Fabricius Sectam Alexandri reperisse se existimans, Methodicum fuisse autumat; idemque miratur unde factum sit, ut Prosper Alpinus, qui Methodicorum doctrinam plene ac minute exposuit, Auctorem hunc omiserit. Conjecturam in eo fundat Fabricius, quod Alexander de Methodo in Arte Medica loquatur. Id utique verum est; sed ejusmodi Methodum neutiquam significat qualis a Methodicorum Secta instituta est, sed eam designat quam secutus est Hippocrates, ut ab eo ipso alibi explanatum est. Porro forma hujus Scriptoris a Methodico plane discrepat; cujus is est animus, ut E-
vi-

videntes tantum causas examinet, & quid commune inter se alia res cum alia habeat, & utrum a Contractione an a Relaxatione morbus oriatur: abditis causis, symptomatibus, ægri ætate, regione, ac temperamento, a cogitatione rejectis. Quin & scribendi modus, quem Alexander tenuit, ab horum norma toto cælo differt; idque in omni fere pagina videri potest. Et præterquam quod magnam illam, de qua supra dixi, a Methodicis positam, Morborum distinctionem haud unquam nominet, neque uspiam de Resumptivo aut Metasyncritico Cyclo aut de Diatritho cogitare videatur, quæ omnia Methodici semper in ore habent: perpetuus Purgantium usus ab eo in plerisque Morbis, ac præsertim in Arthritico, traditus, horum præceptis ac rationibus omnino repugnat. Deque Sectis id in universum dico, nulla harum vestigia post Galeni ætatem reperiri, ne Alexandriæ quidem, quæ per aliquam insequentia Sæcula maxime celebris Medicinæ Schola extitit: nisi fortasse excipi debeant Vindicianus ac Theodorus Priscianus, qui duo Methodici circa Valentiniani Secundi tempora floruerunt, quique omnia ex Antiquioribus ejusdem Sectæ Scriptoribus videntur exscripsisse. A Galeno quidem ita stabilita est Secta Rationalis, sive Dogmatica, ut postea semper invalescens cæteras omnes extinxerit; quanquam, si magis proprie loquamur, hæc non Secta quædam peculiaris esset ipsa, singularibus quibusdam Sententiis innixa, sed optimarum potius doctrinarum delectus, quas unicuique

ALEXAN-
DER.
A.D. 560.

ALEXAN-
DER.
A. D. 560.

que Sectæ propositum esset amplecti & docere. Igitur in multis rebus Dogmaticum Methodicis conveniunt, ac præcipue in curandi ratione.

Alexander Medicos complures nominat, quorum aliqui circa ipsius ætatem viguerint: præsertim vero Jacobum Psychrestum insigniter collaudat, qui & in Medicina & in Philosophia magnopere excelluit, præceptore usus Hesychio, qui scientiæ adipiscendæ gratia plurimas regiones peragraverat. Jacobus a Leone Magno, sive Thrace, Comes & Archiater factus est, adeoque ab Imperatore ac populo dilectus, ut ei Senatus in Zeuxippi Thermis, a ^a Severo struatis, statuam posuerit. Isidorus Gazeus, ab aliis Pelusiota dictus, qui Justiniani temporibus floruit, alteram ei ^b Athenis positam vidit. Idemque auctor est, Psychrestum Alexandria oriundum fuisse, quanquam ^s ejus originem ex Damasco traheret; fuisse autem in Medicina exercitatissimum, multasque curationes eximias præstitisse: Enemata ac Suppositoria frequenter admodum præcepisse: in Chirurgia raro adhibuisse ferrum aut ignem. Omnibus Recentioribus Medicis prælatus est a discipulo suo Asclepiodoto, qui ob renovatum Hellebori Albi usum inclaruit: nam is Helleborus eo tempore in desuetudinem abierat, ita ut ne Psychresto quidem innotesceret. Fusior etiam in Jacobo hoc laudando Suidas est, quem perfectam in Theoria & Praxi Medicæ scientiam consecutum esse prædicat: coæ-

ta-

^a Malcl. in Vit. Leon.

^b Photius.

taneis autem omnibus præcelluisse, & cum ^{ALEXAN-}
 Antiquorum quolibet potuisse conferri, ac ^{DER.}
 plerisque superiorem extitisse: ab ægris item ^{A. D. 560.}
 cultum ac dilectum, ut quem divinitus in-
 spiratum crederent, in eoque fidem incon-
 cussam haberent, quoniam in Prognosticis
 nunquam hunc errasse comperissent. Eo stu-
 dio ad Artem suam promovendam fereba-
 tur, ut Æsculapii animam in illum transfu-
 sam arbitrarentur. Kusterus verum ei nomen
 (Ψυχρίσ) ex Malela reddidisse ait, cum in
 prioribus Editionibus (Ψυχόχρησ) impressum
 esset; tamen in Traductione Aëtii legitur
 Πψχρίστος. Utramque ego Lectionem fal-
 sam esse judico; & si Alexandrum consula-
 mus, facile perspiciemus legi debere (Ψυ-
 χόχρησ) aut Ψυχρόχρησ) nam utrovis modo
 recte dicitur, similiter ac Φιλόχρησ, com-
 positum: is enim diserte ait, hoc illi nomen
 inditum fuisse, ἐπὶ ὑγραινύσει, τροφῇ, ἐκίχρητο.
 Alexander illum Θεοφιλέστωπιν appellat, ac
 post hunc Suidas, Θεοφιλή: quare in Pho-
 tio error est, ubi de illo ac Patre ejus dicitur,
 ἀσιβεί ἡδυν: & quicquid ea quæ sequun-
 tur in Photio attenderit, εἰσιβεί legi debere
 facile percipiet.

Coætaneus Alexandro fuit Uranius qui-^{URA-}
 dam, qui Constantinopoli Medicinam exer-^{NIUS.}
 cuit. Quoniam Homo esset animo ita sin-^{A. D. 560.}
 gulari ac memorabili, ut imaginem ejus Ag-
 gathias Historiæ suæ inserere voluerit, bre-
 vem ego quoque ex Auctore eo Viri istius
 descriptionem huic Operi meo interponere
 non alienum putavi. Fuit is natione Syrus,
 pro-

URANIUS.
A. D. 560.

professione Medicus; ac licet vel Aristotelica, vel alia quapiam vetere Philosophia, ne leviter quidem imbutus esset, ingentem eruditionis suæ opinionem conceperat: cum in verborum cursu quodam & audaci Paradoxorum defensione virtus ejus omnis consisteret. Versabatur autem plerumque aut in Bibliopoliis, aut in Foris Aulæ adjacentibus; ibique cum hominibus morum æque ac doctrinæ expertibus disputationes instituebat: levia multa super quæstionibus arduis Speculationibusque humanæ mentis captum prorsus excedentibus, uti sunt Attributa & Essentia Dei, argumenta, coram Auditoribus æque impiis, magna cum temeritate effutens. Post diem comestationibus absumtum, vesperi plerumque conveniebant nobiles hi Sodales: ac profano more res sublimes ac perplexas eo modo discutiebant, ut nemo vel alium convinceret vel ab alio convictus digrederetur; sed in ea quisque opinione, quam cum præjudicio attulisset, obstinate persisteret: & lutorum more, disceptationes suas haud raro cum altercatione & verborum aculeis concluderent. Isque erat argumentorum finis, ut animis mutuo plerumque odio exulceratis discederent. Hos inter princeps eminebat Uranius, Therfitis instar apud Homerum, turbas movens. Verum, ut sanæ cujuscunque disciplinæ expertus erat, argumenta modo atque ordine legitimo dispertiri nesciebat; ita ut interdum rebus dubitatis, antequam eæ proferrentur, respondere vellet, interdum, respondendi loco, rationem quare eæ, propositæ essent

ex-

exquireret. Omnes denique, quæ in collo-^{URA-}
 cutionibus rite ordinatis obtinent, & ad ve-^{NIUS.}
 ritatis indagacionem necessariæ habentur, A. D. 560.
 Leges assidue invertebat. In omni re Scep-
 ticorum opiniones affectans, responsa om-
 nia ad Pyrrhonis Sextique Empirici normam
 effingebat. Ab hac sua sententia, qua ni-
 hil certo seiri posse credebatur, perfectam a-
 nimi tranquillitatem, & integrum a crucia-
 tu omni & angore liberationem sperabat.
 Cum indolis esset adeo angustæ, neminem,
 præter fatuos admodum atque credulos, de-
 cipere valebat; utque omnibus literis desti-
 tutus, ita erat etiam communis hujus acci-
 vilis scientiæ, quæ in excolenda Politiorum
 virorum familiaritate versatur, plane rudis.
 Nobilium domos frequentabat, ubi cibo vi-
 noque ultra modum satur, cætui pro ludi-
 briq; erat: cumque omnem sibi verborum li-
 centiam permitteret, modo risum movebat,
 modo injurias ac verbera in se trahebat; ita
 epulis plerumque, pro Scurra, interfuit.
 Talis cum esset Uranius, una cum Arebin-
 do in Persiam Legato profectus est, ubi Im-
 postoris partes accuratissime egit, vitia sua
 obtegens, & facta omnia Virtutis specie
 quadam adumbrans. Habitum vestitumque
 Philosophi induit; & quo tempore primum
 in conspectum Chosrois venit, vultum præ
 se tulit adeo gravem & severum, ut existi-
 mationem de se haud incommodam Regi
 huic impresserit, aditusque ad eum non dif-
 ficiles sibi aperuerit. Magos statim, ut
 cum eo sermones haberent, convocavit Chos-
 roes; inter quos Quæstiones plurimæ ad
 Na-

URA-
NIUS.

A. D. 560.

Naturalem Philosophiam pertinentes propositæ sunt: uti hæc, Fueritne ab omni Æternitate Mundus: & illa, An Rerum omnium Unica sit Causa, five Principium. Uranius, licet horum Argumentorum omnino ignarus, confidentia tamen præceptam de se opinionem sustinuit: siquidem id ei profuit, ut in Gorgia inquit Socrates, „Quod, „quanquam ipse parum sciret, tamen i qui- „buscum disputaret etiam ipso magis in- „scientes essent. „ Eamque Empiricus iste apud Chosroem gratiam iniit, ut huic eidem secum Rex mensæ accubanti propinaverit, suumque illi, ut ex eo biberet, poculum porrexerit, quem honorem nemini mortaliū antea detulerat; illud etiam adjiciens, quod ex omnibus Philosophis (horum autem celeberrimum fere quemque viderat, cum in Persiam ex Græcia venire consueissent) subtilissimus esset omnibusque numeris absolutissimus Uranius.

Constat sane, Damascium patria Syrum, Simplicium Cilicem, Diogenem Phænicem, & Isidorum Gazensem, aliosque ex optimis doctissimisque ejus Sæculi Philosophis, paulo ante hæc tempora in Persiam migravisse, eo quod a Religione dominante adhorrerent, deque Regionis hujus Imperatore pariter ac populo multa præclare dicerentur; Principem scilicet æquitate ac justitia florere: subditos in obsequio & morigeratione inviolabili felicitatem suam ponere: expilationes illic & latrocinia nusquam exerceri: omnia agi cum sinceritate ac fide. Ii autem, quamprimum eo pervenerant, cuncta memoratis con-

contraria repererunt : siquidem omnia per
 injustitiam ac vim administrari cernerent; ^{URA-}
 similiterque falsæ se de Principe famæ cre- ^{NIUS.}
 didisse agnoverunt, ubi coram, hunc de ^{A. D. 560.}
 Philosophia fastuose quidem, sed absque ul-
 la hujus argumenti notitia, differentem au-
 dissent: &, quanquam de eorum merito be-
 ne sentiret Chosroes, maximæ tamen apud
 eum existimationis Uranium esse percipe-
 rent. Cujus rei clara admodum naturæque
 humanæ congrua videtur esse ratio: quod
 unusquisque sit ad sui similes proclivis, seque
 ipso eminentiores aversetur. Post reditum
 ex peregrinatione humanissimas Uranius a
 Chosroe accepit litteras, in quibus ab eo
 frequenter nomine Magistri appellatus est.
 Ex illo nemini non intolerabilis factus est
 Uranius, cum ex amicitia Chosrois eo ar-
 rogantiæ venisset, ut omnes magna cum su-
 perbia despiceret. Nunquam enim convivio
 interfuit, quin beneficia ab eo Principe in
 se collata, sermonesque cum eodem habi-
 tos commemoraret: ita ut nihil secum ab
 exteris istis Regionibus nisi vanitatis & inso-
 lentiae, quibus vitiis ante discessum a patria
 satis abundabat, incrementum reportasse vi-
 deretur. Elogia ab eo in Principem illum
 facta apud credulos homines eruditionis Re-
 giæ fidem pepererunt. Iique qui novas ac
 miraculosas narrationes curiose aucupaban-
 tur, cum neque de laudatore neque de lau-
 dato judicium ferre possent, ab artificiosis
 Impostoris adumbrationibus sæpius decepti
 sunt. Id utique fatendum est omnes, quæ
 ad summum Imperatorem effingendum re-
 qui-

UR-
NIUS.
A. D. 560.

quiruntur, Chosroi obtigisse virtutes; cuius fortitudinem, neque ætate neque belli laboribus fractam, jure miremur: doctrinam vero ejusmodi fuisse, qualem ab Uranio quispiam Magistro haurire debuit, credibile est.

Ex hac Agathia descriptione veram & Chosrois & Uranii imaginem efformare possumus. Liberque, De Sapientia Indorum, similem prope nobis ejusdem Principis speciem repræsentabit, qui, uti docebimus, alterum quoque Medicum, nomine Pezroem unice dilexit.

PROCO-
PIUS.
A. D. 560.

Blondus, Sabellicus, & Tiraquellus Procopium, insignem illum Historicum, qui Justiniani tempore floruit, Medicum fuisse existimant; licet opinionis suæ nulla argumenta proferant: unde alii id eos somniasse credunt. Tamen si locos quosdam in ejus scriptis consideremus, hujus rei aliqua inde conjectura duci potest; siquidem in nonnullis ad Medicinam pertinentibus, multa cæteris quibuscunque Historicis, etiam prædicatore ejus vehementi & imitatore Agathia, magis minute ac singulatim narrat; qui quidem, utpote in Foro educatus, plurimas de ^a Legibus observationes Historiæ interfert, Professioni suæ non incongruas. Pauca e Procopio exempla proferam. Ab Aqua ^b Padi Militum Stomachos adeo debilitatos fuisse & imminutam concoctionem scribit, ut periculosissimæ eos inde Diarrhœæ ac Dysenteria exceperint. In describenda ^c Fa-

me

^a Lib. 2. Berytus & Alexandria. Lib. 4. Tribunal. cui præfuit Anastasio. ^b Bel. Goth. Lib. 2. ^c Ibid. §

me illa horribili, qua per id tempus Æmilia
 omnis laborabat, naturalem ait Stomachi
 calorem penitus fuisse extinctum; ita ut nisi
 puerorum more paulatim alerentur, etiam
 eo, difficulter reperiebant, quem cibo ob-
 ruti perirent: Bilemque, quæ in eorum
 Temperamentis dominaretur, corpus uni-
 versum flavo colore infecisse. Animadver-
 tit etiam, Regionem omnem, quocunque
 Vesuvii ^a Sulphur pertingit, admodum fe-
 racem esse; & ob eandem causam per mul-
 tas ætates Aërem hunc a Medicis pro Ta-
 bidorum curatione commendatum existimat.
 Neque nimias me, ut spero, argutias perse-
 qui putabis, si id Tibi in memoriam revo-
 cavero, quamlibet ab eo occasionem arripi
 solere, ut Professioni nostræ honorem tri-
 buat. Illo enim referente, ^b Theodoricus
 morti jam vicinus Elpidio Archiatro suo sen-
 tentiam aperuit, seque injustitiæ apud illum
 in perimendo Symmacho & Boëthio accusa-
 vit. Cumque Legati, per obsidionem Edes-
 sæ, ad ^c Chosroem missi essent, Stephanus
 nobilis Medicus ex eo loco oriundus, istius
 olim Regis Præceptor, quique Patri ejus
 Cavadi sanitatem reddiderat, non modo in
 eorum numerum delectus, sed etiam Ora-
 tor pro cæteris apud Principem designa-
 tus est. Paulo post idem Chosroes, de pa-
 ce cum Justiniano agens, ne inducias qui-
 dem cum eo facere voluit, nisi ea condi-
 tione, ut Tribunus, cujus ope in Medici-
 na indigeret, & quocum familiaritatem
 habuisset, ad eum mitteretur: quod ubi

F 2

factum

^a Ibid.^b Ibid.^c Bel. Persic. 2.

PROCO-
PIUS.
A. D. 550.

factum est, in quinquennium, sicuti narrat Historicus, factæ sunt induciæ. Alio loco plura de eodem Medico commemorat, scilicet in Palæstina natum ac popularem suum fuisse; item Artis suæ peritia eminuisse; prudentem quoque, temperatum, ac pium extitisse. Is antea Chosroem morbo aliquo laborantem curaverat; unde magna munerum vi cumulatus in Patriam rediit. Post inducias supra memoratas, apud Chosroem annum integrum permansit, cui Rex, quicquid postulare vellet, concessit; verum is pecuniæ loco illud tantum poposcit, ut Romanis quibusdam illic in captivitate detentis libertas redderetur. Rogatu ejus, non modo Viros ab illo nominatos, sed alios etiam ad tria millia remisit Chosroes; unde per universum Imperii ambitum Tribuni nomen inclaruit. In eo saltem mecum convenies, quod Procopius Medicis speciem ac dignitatem minime contemnendam tribuat; ex cultu autem & honore his ab omni hominum ordine tributo existimandum est, ple-rosque tunc temporis in ea opinione fuisse, ut in diversis illos Scientiæ partibus, ac præsertim in omnibus ad Artem suam pertinentibus, probe versatos esse censerent. Aliqua idem Auctor in describendis Vulneribus habet, quæ ad rem propius accedunt; nam de ea plaga loquens qua periit Artabazes, casum adeo minute explicat, ut * Arteriam in collo præcisam esse dicat, unde factum est ut Sanguis suppressi non potuerit. Supra dextrum Oculum juxta os nasi ictus est

* Tra-

^a Trajanus , in quo Sagittæ Cuspis ferrea , ^{Proco-}
 utcunque ampla ac longa , ita alte defedit , ^{PIUS.}
 ut conspectum effugerit : ac sententiam suam ^{A. D. 560.}
 de hac re liquido declarat , parum sibi con-
 stare quem in locum illa penetrarit , id au-
 tem minime dubium esse , quia alicubi intus
 hæserit , nullum dolorem excitans : nam post
 quinque annos mucro in ejus facie appa-
 ruit ; id etiam Auctor iste adjicit quo tem-
 pore ista scriptitaret , telum per tres jam
 annos viam sibi perpetim fecisse , ac spem
 subesse aliquam fore ut brevi sine cruciatu
 integrum exiret , cum homo adhuc omni
 molestia vacaret. Similiter ejus vulneris ,
 quod in facie acceperat ^b Arses , narratio-
 nem plenam exponit : illud etiam contine-
 morans , quemadmodum Chirurgi telum ex-
 trahere cupientes in eo valde hærent ,
 quod & de Oculo magna desperatio esset ,
 metusque ne in ipsa Operatione convulne-
 rantur Nervi ac Membranae , per quod
 æger in subitum atque ingens discrimen ad-
 duceretur. Ex iis unus , nomine Theocti-
 stus , vulnerati cervicem manu premens ,
 eum interrogavit , an dolorem vehementem
 persentisceret : cumque respondisset Arses ,
 Vehementem , Sanaberis igitur , inquit ille ,
 neque Oculum amittes ; idque eo constan-
 tius affirmavit , quod ex hac re teli mucro-
 nem haud alte intra cutim defedis-
 set ; tum lignea teli parte , quæ foris appa-
 reret , abscissa , Musculorum carnem eo lo-
 co aperuit quo dolor maxime urgebat : &
 reliquam ligni partem una cum Ferro in tres
 F 3 cuspi-

^a Bell. Goth. 2. ^b Ibid.

Proco-
pius.
A.D. 560.

cuspides diviso sine difficultate exemit, vulnusque, etiam nulla relicta cicatrice, ad sanitatem perduxit. Sed cum eadem esset Operatio in Cutila tentata, ubi majore vi opus esset ad sagittam evellendam, is in animæ defectionem incidit, & inflammatis Cerebri Membranis Phreniticus obiit. Bucas magnam Sanguinis copiam amisit, parumque abfuit quin animam statim expiraret: quod ideo obtigisse Medici prædicabant, quod Musculi essent non recta lineâ, sed transversa percussi; veruntamen tribus postea diebus mors infecuta est.

Hæc eo valere existimo, ut Procopium Medicinæ studuisse credamus; id saltem, cum juvenis necdum rerum civilium tractatione implicatus esset, Scientia ista aliquatenus imbutum fuisse, evincunt. Nam in supra expositorum casuum descriptione notandum est, Phrases ipsas vocesque Medicis Scriptoribus familiares atque proprias ab eo adhiberi. Sed argumento huic, Utrum Medicus fuerit necne, haud amplius immorabor: illud autem affirmare aulam, certum quendam ab eo morbum haud minori cum artificio & accuratione depictum esse, nec stylo minus Medico expressum, quam si ex professo Artem nostram exercuisset. Loquor de Peste, quæ Constantinopoli, A. D. DXLIII, grassata est. Quoniam vero ejus Historia & exquisitè delineata est, & utiles multas Observationes continet ad Morbum ipsum spectantes, cum Howeli verbis, pauca insuper animadvertens, proponam.

” Pestis

" Pestis hæc genus humanum fere absum-^{Proco-}
 " sit, cujus nullam aliam fuisse causam pu-^{PIUS.}
 " tat Procopius, nisi Dei voluntatem: Ne-^{A.D. 569.}
 " que enim unam duntaxat orbis partem in-
 " vasit, neque una aliqua Anni tempestate
 " defæviit: quod si fecisset, a subtilibus in-
 " geniis id, ut ille ait, causis quibusdam ar-
 " tificiose prætextis ascribi poterat. Uni-
 " versum autem Terrarum Orbem perculit,
 " & omnia hominum genera corripuit, ut-
 " cunque diversæ naturæ & differentis essent
 " habitus, neque ætati ulli neque tempera-
 " mento parcens. Hominum varietas,
 " quoad eorum vel habitandi locos, vel ra-
 " tionem victus, vel corporis constitutio-
 " nem, vel animi studia, vel aliam quam-
 " vis rem, nihil quicquam contra morbum
 " hunc valebat. Quosdam Æstate, alios
 " Hyeme, alios aliis tempestatibus oppressit.
 " Pelusii capit in Ægypto, dein ab una
 " parte Alexandriam totamque Ægyptum
 " pervasit, ab altera vero Palæstinæ partes
 " Ægypto conterminas occupavit. Inde ad
 " ultimos Orbis fines, quasi statis itineribus,
 " pervenit, omnia destruens, omnes Insu-
 " las, Antra, Montes, quacunque homines
 " versarentur, populans; nam si regionem
 " aliquam præteriisset, revertebatur illico,
 " parique ac cæteras strage affligebat. In
 " ora semper maritima incipiens, ad inte-
 " riores penetrabat regionum partes. Anno
 " ab ejus ortu secundo, Constantinopoli,
 " ubi tum Procopio esse contigit, circa Ver-
 " medium apparuit. Mortuorum Simulacra
 " sub humanis cujuscunque generis formis

PROCO-
PIUS.
A D. 560.

" plurimi videbant, & ab iis in aliqua cor-
" poris parte sese percussos putabant; nam
" statim ac Simulacrum ejusmodi conspexis-
" sent, morbo tentabantur. Cum in ea pri-
" mum incidebant, Divina quædam profe-
" rebant nomina, & in Tempia sese prori-
" piebant: neque tamen ita magis tuti ab eo
" erant. Postea, amicorum compellationem
" veriti, intra cubicula se, auribus obturatis,
" concludebant. Quidam in somniis monstra
" his similia conspicerere, quidam vocem au-
" dire visi sunt, quæ nuntiaret eos in nume-
" ro esse morti destinatorum. Plerosque
" vero sine ulla præmonitione Febris conti-
" nuo invasit; neque tamen ulla vel coloris
" immutatio, vel ardoris sensus aderat: nam
" usque ad vesperam adeo tenuis inhærebat
" Febricula, ut neque æger, neque ex Pulsu
" Medicus, quicquam discriminis vereretur.
" Quibusdam vero eodem die, alios crasti-
" no, alios multo post, Bubo occupavit, aut
" in Inguine, aut in Alis, aut pone Aurem,
" aut in alia parte. Hæc pariter omnibus
" Symptomata contigerunt, quicunque Mor-
" bo tentati sunt.

" Sed & alia quoque in diversis diversa ac-
" cesserunt; id an e corporum varietate, an
" ex Dei voluntate evenerit, Auctor noster
" affirmare metuit. Quosdam somnolentia &
" in stuporem propensio oppressit: alii men-
" te graviter emoti sunt. Qui in soporem
" ferebantur, eos omnium rerum cepit obli-
" vio: quorum siqui curarentur, ii cibos su-
" mebant, alii a suis neglecti fame interie-
" runt. Qui mentis alienatione laborarunt,
" Si-

" Simulacris infestabantur, perpetuoque cla- Proco-
 " mitabant homines adesse qui necem iis in- Pius.
 " tentarent, atque ideo fugam capeßere mo- A. D. 560.
 " liebantur: eas vero molestias curatoribus
 " suis præbebant, ut hi non minus quam æ-
 " gri ipsi misericordiam moverent. E tactu
 " vel decumbentium vel mortuorum, neque
 " Medicus, neque alius quisquam contagio-
 " nem suscepit; multi enim mirandum in
 " modum ea immunes restabant, licet ægris
 " jugiter affligerent defunctosque sepelirent:
 " multique, qua ratione nescientes, ea cor-
 " repta ac subito perempti sunt. Plurimi in
 " Aquam, plurimi in mare desiliebant, ut-
 " cunque siti nulla vexati. Quibusdam, sine
 " sopore aut mentis alienatione, Bubo in
 " Gangrænâ abiit, hique sævissimo cum
 " cruciatu animam exspirabant: quem etiam
 " Phreniticis non abfuisse credibile est,
 " quanquam, utpote mente capti, nulla
 " proderent ejus indicia. Propterea Medici
 " quidam Venenum Fontemque Morbi in
 " Pestilentibus his Ulceribus delitescere su-
 " spicantes, Cadavera mortuorum aperue-
 " runt, atque ipsa Ulcera perscrutantes,
 " magnum reppererunt intus Carbunculum.
 " Quicumque corpus Pustulis nigris, magni-
 " tudine Lenticulæ, distinctum haberent, ii
 " intra primum diem fato cedebant. Multi,
 " Sanguine per Vomitus effuso, peribant.
 " Quidam, ab optimis Medicis deplorati in-
 " opinato convaluerunt; alii, de quorum
 " salute non dubitaretur, subita morte sub-
 " lati sunt. Nullam hujus morbi causam
 " Ratione quisquam assequi potuit. Aliis

PROCOPIUS. A. D. 560. "profuit, aliis offecit Balneum. Multi cu-
 "rationis defectu obierunt, multi sine ea su-
 "perstites evaserunt. Nulla denique inco-
 "munitatis via apparebat, vel cavendo vel
 "medendo affectui: cum in eo ignoraretur
 "æque & invasionis & decessionis causa.

"Quæcunque Fæminæ Prægnantes tenta-
 "rentur, eæ omnes absuntæ sunt; harum
 "aliquæ abortum passæ, aliæ partum enixæ
 "postea cum eo perierunt; tres solum Puer-
 "peræ convaluerunt, fætu tamen amisso,
 "atque una obiit cujus evasit Infans. Qui-
 "bus Ulcera ampla erant multumque hu-
 "moris effundebant, ii ad sanitatem redie-
 "runt: siquidem hoc modo deferbuit Car-
 "bunculi furor, atque id erat indicium Sa-
 "lutis certissimum.* Quibus vero Ulcera in
 "eodem ab initio statu permanebant, hi
 "morte sunt abrepti. In quibusdam Femo-
 "ra emarcuerunt, ubi in his orta Ulceri ni-
 "hil saniei emittebant. Quidam vixerunt,
 "cum imminutione linguæ, & usque ad
 "mortis diem balbutientes, aut sonos indi-
 "stinctos proferentes permanferunt. Con-
 "stantinopoli Pestis hæc per quatuor Men-
 "ses in totum, perque horum tres maximo
 "cum furore, desæviit. In initio haud ita
 "multo plures, quam ex consuetudine, mo-
 "riebantur; dein, increfcente ejus violen-
 "tia, quinque ac postremo supra decem
 "millia hominum, in singulos dies rapta
 "sunt. Primo Cadavera sedulo humaban-
 "tur: postea vero omnibus rebus perturba-
 "tis, plurimi sine sepultura jacebant. Ser-
 "vi absque Heris relictæ, ac Divites Mini-
 "stris

" nistris indigebant. Per desolatam Civita-^{Proco-}
 " tem nihil fere aliud conspiciendum erat, ^{PIUS.}
 " præter vacuas domos, & clausas sine com-
 " mercio tabernas. Inter hæc valde sollici-
 " tus, uti par erat, Imperator Pauperum
 " curam Theodoro commisit uno e Refe-
 " rendariis, qui Imperatoris responsa ad
 " Supplicationes subscribere solebant; isque
 " egenis pecuniam ex Ærario divisit. His
 " adjicit Procopius, multos metu scelerata
 " vitæ consuetudine immutata sese Deo con-
 " secrasse; multosque, sublatopericulo, ad
 " pristinam impietatem rediisse." Hæc est
 " Pestilentia istius descriptio ab eo tradita.
 " Howelus autem hæc amplius subjicit: " Li-
 " cet ea Constantinopoli per quatuor tantum
 " Menses duraverit, tamen Euagrius, qui
 " cum omni Domo hac laboravit, per duos
 " & quinquaginta annos sæviisse prodit, id-
 " que ita graviter, ut universum prope Or-
 " bem ablumserit. Cum igitur ultra Proco-
 " pii mortem perseveravit, haud mirum vi-
 " deri debet, si per ita longum tempus, in
 " diversis adeo cælis ac regionibus, Sympto-
 " mata apparuerint diversa quodammodo ab
 " iis quæ ejus ætate visa sunt. Tamen Eua-
 " grii descriptio haud multum ab ista differt.
 " Affirmat autem, hanc in quibusdam re-
 " bus, Pesti Atheniensi a Thucydide expo-
 " sitæ similem, in aliis vero longe dissimi-
 " lem fuisse; in Æthiopia, sicut illam, cœ-
 " pisse, omnes vero priores sævitia exsupe-
 " rasse. Ac tempus quo inhæserit, & re-
 " giones quas ultro citroque commeando oc-
 " cupaverit, in mentem revocans, miratur
 " Phi-

Proco-
 PIUS.
 A. D. 560.

PROCO-
PIUS.

A. D. 560.

"Philostratum pro stupenda re habuisse Pe-
stem, quæ sua ætate per quindecim annos
continuata sit. Sed cum Procopii Histo-
ria cunctis esset satis cognita, ipsi præfer-
tim Euagrio, qui, ut eruditi omnes sciunt,
multa ex ea mutuatus est: certe magis
mira res est hunc affirmare ausum, Pestis
istius Historiam a nullo ante se fuisse litte-
ris mandatam: neque enim hos de diversis
duabus Pestilentiis loqui ullo modo credi-
bile est."

Proculdubio, sicuti animadvertit Howe-
lus, de eadem uterque Peste loquitur: ea
scilicet, quæ per annos duos & quinquaginta duravit, quæque in Oriente, uti re-
fert Agathias, orta est anno Justiniani quin-
to; quanquam, ut is cum Procopio con-
cordet, legi debere illic puto, quintum &
decimum. Illud etiam inter illos discrimen
faciendum est, quod Procopius eam de-
scribat prout anno se secundo Constantino-
poli ostendit; Euagrius autem, ut testatur
ipse, eandem suis observationibus multis
post id annis convenientem reddat: nam ea
primum incipiente, Procopius, ipso refe-
rente, puer Grammaticæ tunc studebat,
& tempore eodem Peste laboravit. Ita ut
vera facile percipi possit causa, cur in qui-
busdam rebus duo hi Auctores secum dis-
cordent. Euagrius rem hanc pro miraculo
ponit, quod nemo quisquam Urbe qualibet
infecta oriundus e soli mutatione utilitatem
caperet: cum tales singuli Lue, quæ inter
populares suos grassaretur, certissime tenta-
ren-

rentur. In quo quidem de Auctoris fide ^{PROCO-}
 ambigi posset, nisi similis rei exemplum re- ^{PIUS.}
 centioribus sæculis obtigisse nossemus, sicut ^{A. D. 560.}
 alias ostendam, ubi ad Sudorem Anglicum
 venero. Idem Euagrius Pestem hanc Athe-
 niensi illi a Thucydide descriptæ partim si-
 milem, partim valde ab similem fuisse tra-
 dit: verum nulla affert hujus rei indicia,
 quorum largam certe copiam habuit. Mo-
 dus ipse, quo hæc sese disseminavit, erat
 diversus. Hic enim vel repentina morte
 occubuerunt, vel primo die, (quemadmo-
 dum iis accidit, quibus nigræ apparuerunt
 Pustulæ) vel saltem intra paucos dies. Et
 Agathias, qui secundam ejus invasionem
 describit, quæ Constantinopoli accidit ^a A.
 D. DLVIII, diserte ait, plerosque momento
 temporis obiisse, sicut a vehementi Apo-
 plexia: & eos, quibus maximæ natura vi-
 res suppeterent, quinto diei nunquam su-
 peruisse. In Atheniensi autem, morbus
 ad septimum vel nonum diem ibat, qui qui-
 dem usitati erant mortis dies. In eadem
 contaminati sunt, quicunque ad ægros ac-
 cedebant: in hac vero, idem non obtigisse
 plane declaratur. Neque stupor is quo in
 initio hujus affecti sunt, neque ista humi-
 volutatio, neque ea quæ de Bubone tradit,
 ac Mulieribus Prægnantibus, in Thucydi-
 de occurrunt. Galenus in conferendis iis
 Pestilentia descriptionibus quæ ab Hippo-
 crate ac Thucydide litteris mandatæ sunt,
 illud notat, quod Thucydides eam, mini-
 me quidem Medici more, sed prout singu-
 la

PROCO-
PIUS.
A. D. 560.

la ipsi, tanquam communi cuidam inspecto-
ri, observarentur, expresserit. Utroque
modo fecisse id videtur Procopius: nam
præter Observationes de Gravidis supra po-
sitas, quarum tres tantum evaserunt, fluxus
e Bubone ab eo primum animadversus est
certissimum salutis indicium attulisse, quod
in eodem casu etiamnum obtinet. Medici
quoque sermone utitur, de variis medendi
rationibus, quas experti sunt homines, &
quemadmodum eæ frustra fuerint, loquens,
ut de Balneis, &c. item de diversis ægrotan-
tium Symptomatis; ac speciatim quod ad
Febrem attinet, neque coloris mutationem
neque æstum in corpore fuisse ait: & Fe-
briculam adeo lentam usque ad vesperam
exitisse, ut ne Medicus quidem, explora-
to Pulsu, discrimen ullum subesse verere-
tur. Videbis in lectione Thucydidis ac
Lucretii, nullam aliam ejus temporis homi-
nes habuisse dignoscendæ Febris rationem,
quam ex tactu corporis: siquidem ars ten-
tandi Pulsum, atque ex eo judicandi, po-
sterioribus ætatibus inventa est. Is etiam
narrat, quam parum in causis morbi vulgo
prolatis acquiescerent: ideoque eorum qui
Ulceribus Pestilentibus mortui sunt cadave-
ra aperuerint, atque ingentem ortum intus
Carbunculum prehenderint. Unde disci
potest, etiam ejus ætatis Medicos in nullo
Scientiæ genere hospites fuisse, quæ ad Ar-
tis Praxin promovendam pertineret: iique,
ut Anatomiam præsertim excoluerunt, sicut
ex hoc loco constat, ita quoque in rectos
eam usus deduxerunt, ope ejus morborum
cau-

causas & varia investigando Symptomata. PROCOPIUS. A. D. 560.
 Una res in Historia hac magnam attentionem meretur; ea de Contagione est. Neque Medicus neque alius quispiam, Procopio referente, contrectatione ægrotantium aut mortuorum (ob eam solam causam, hoc, ut opinor, intelligi vult) vitio correptus est; plurimique mirandum in modum integri permanserunt; quanquam infectos curare ac sepelire non desissent: illud etiam subjicit Euagrius, licet id magna ex parte contagiosum fuerit, quosdam tamen, qui juxta decumbentes, vitam perosi, hærent, neque morte neque morbo excipi potuisse. Ac profecto in Morbis omnibus Epidemicis, quantacunque demum iis Contagio subsit, exempla adduci possunt, quæ hanc non ad singulum quemque pertigisse demonstrent. Ipse etiam Procopius Pestem illam per Contagionem fuisse propagatam censuit, uti liquet ex iis quæ postea subjicit, hanc scilicet semper juxta Mare initium fuisse, atque inde diffudisse se in Regionem Mediterraneas: quæ res omni rationatione fortior est ad probandum illud, quod Morbus hic per commercium & communicationem, & a longinquo apportari & in longinquum dispergi possit. Et hæc quidem vulgaris fuit in primis ætatibus opinio.

Sed ut illuc unde abii, si modo hæc digressio est, revertar; de quarto jam ultimoque ex Veteribus Scriptoribus Græcis, quod in me suscepi, loquar. Is est Paulus, qui licet a Clerico in Quarto Sæculo collocetur, PAULUS. A. D. 500.

PAULUS. tur : haud ante Septimum vixit : quique ,
 A. D. 640. utut Collector , tamen ab Oribasio (prout
 hic mutilus jam a nobis legitur) Aëtioque
 plurimum differt : & multa ab Alexandro ,
 non modo sensum exprimens , sed & ipsa
 quoque verba exscribit . In Ægina Insula
 natus est , peregrinationes multas obiit , &
 magnum ita in diversis Regionibus medendi
 usum acquisivit . Atque hæc ei laus tribu-
 enda est , quod Morborum descriptiones
 tradat breves ac plenas : isque utcunque ex-
 scriptor , de Morbis Mulierum , quod no-
 tatu haud indignum est , speciatim agit ,
 primusque ex omnibus Viris quorum me-
 moria ad nos pervenit , Artem Obstetriciam
 tractavit : unde ab Arabibus Obstetricius
 etiam dictus est , Librumque a Fæminarum
 Prægnantium malis orditur .

Quædam Veterum Medicorum fragmenta
 Paulo accepta ferri debent ; ac præsertim
 Epistola Dioclis ad Antigonum de tuenda
 Sanitate .

Lubet autem de hoc Auctore sententiam
 meam paulo distinctius proferre , ideo quod
 a nonnullis ita despici videtur , ut in eo ni-
 hil ejusvis momenti occurrere contendant .
 Atque intra Sextum ejus Librum consistens ,
 Virum hunc operam omnem in alienis labo-
 ribus colligendis minime consumsisse , haud
 dubitanter probari posse concipio . Liber iste
 Operationum Chirurgicarum enarrationem
 seorsim complectitur : quod opus in suo ge-
 nere perfectissimum judico , ex iis saltem
 quæ ante Scientiarum instaurationem pro-
 dierunt . De Operationibus loquor , quæ
 ma-

manum exigunt ; nam ea quæ extrinsecus ^{PAULUS.}
 applicantur Vulneribus Ulceribusque ac ^{A.D. 640.}
 cæteris vitiis , in Quarto Libro fufe expofita
 funt. Ex ipfo autem illo Volumine fati
 conftat , Operationes Chirurgicas a Paulo
 ipfo adminiftratas fuiſſe : ſiquidem varias ra
 tiones , & ab Antiquis , & a coætaneis ſuis ,
 & a ſe ipſo uſurpatas , deſcribit. Harum
 etiam eventum ſæpe commemorat , & feli
 cem & infauſtum : deque eodem argumen
 to agens , Galenum in omnibus adeo non
 exſcribit , ut ab eo interdum diſſentiat , Re
 centioremque Experientiam illius ^a Doctrina
 præferre videatur. Ita in Capitulo de
^b Aneurysmate , adductis iis quæ a Galeno
 de hac re dicta funt , opinionem ſuam de
 curandi ratione interponit. Eodem modo
 cum Leonide agit (qui & ab eo & ab Aëtio
 frequenter nominatur) in tractatione
 Herniæ Varicoſæ. Immo Antiquos ita pa
 rum ſuperſtitioſe ſequitur , ut iis , quæ ab
 Hippocrate ipſo de Naſi fracti reſpoſitione
 præcipiuntur , minime contentus , magis re
 centem viam proponat , cui potiores etiam
 deferre videtur.

Quid ſi etiam Collector iſte multa nos in
 hac Arte doceat , a nullo antea , quantum
 ſciri poteſt , Antiquiore memorata ? quod
 inſiſtione facta aliquis veriſſimum , credo ,
 reperiet : præſertim ſi cum Celſo confera
 tur , qui Chirurgiæ ſtatum , prout illa Ve
 terum ac ſuo tempore ſeſe habuit , accura
 tiſſime nobis ante oculos poſuit ; cui qui
 dem , Galeni ætate , vix quicquam incre
 men-

G

PAULUS. menti accessit. Tamen in multis rebus fu-
 A.D. 640. ferior & explicatior est Paulus; sicut in cura-
 tione Hydrocephali, in Paracentesi, sive in
 Thorace, sive in Abdomine facienda, &c.
 & in Calculi e Vesica extractione, Celsus
 quidem omnes infra nonum annum & supra
 decimum quartum hac ultima Operatione
 interdicat; eandem Paulus in media, & ali-
 quando in proventa ætate, admittit, licet
 hanc in primis ætatibus optime cedere fate-
 atur. Illud in hac Operatione amplius ani-
 madvertit, quod in ipso Perinæi medio mi-
 nime fieri debeat incisio, sed oblique in al-
 tera parte, idque sinistra, versus clunem:
 quodque extrinsecus hanc amplam esse o-
 porteat, intus vero haud ampliorem quam
 ut per eam exitus Calculo detur. Sunt &
 alia in hoc Volumine Chirurgico, quæ no-
 va plane videntur: ut cum de *Patellæ fra-
 ctura agit, quem casum rarius incidere ait,
 licet is Chirurgis nostris sæpenumero occur-
 rat. Ejus nullam mentionem habet Celsus.
 Venas ^b Jugulares in obstinatis Oculorum
 fluxionibus aperit Paulus; quod quidem ex-
 perimentum a nullo Antiquiore factum in-
 venio, si Alexandrum excipiamus, qui hunc
 Venæsectionis modum adhibet in ^c Angina.
 Describit etiam ille Arterias pone Aures in-
 cidendi rationem, quam in Ophthalmia usur-
 pat ac Vertigine: contra Celsi Aphorismum,
 qui Arteriam divisam negat rursus coire.
 Tamen Arteriam ab Aretæo, & nonnun-
 quam a Galeno aperiri jussam videmus, ut
 alias fusius ostendetur. Ac prout ille Cu-
 cur-

curbitulis frequentius utitur, ita quoque PAULUS.
novum instrumentum ad id, sive Scarifica- A. D. 640.
torem, adinvenisse videtur, qui, tres cus-
pides habens, tres incisiones uno eodem-
que tempore ^a faciat.

Caput de Telorum & ^b Sagittarum, &c.
extractione notatu dignissimum est, & mul-
ta magnæ utilitatis præcepta continet; de-
scriptio autem Telorum, quæ apud Veteres
in ea ætate, ac præcipue apud Ægyptios,
in usu erant, admodum curiosa est, diluci-
da, ac brevis.

Varia Herniarum genera, præsertim ^c In-
testinalem, ample & accurate describit; e-
jusque causas & Symptomata differentia ex-
plicat, prout ea vel a Rapture, vel a Di-
stentione Peritonæi ortum ducit: unde In-
testinum, quod Ileipars est, hujusque Mem-
branæ Productionibus incumbit, facile vel
in Inguen vel in Scrotum prolabitur. Ideo-
que in quibusdam causibus necessario facien-
da est incisio, ut reponi possit Intestinum;
quæ quidem Operatio accurate admodum
hic ac minute traditur, magis etiam quam
in Celso: hæc autem ab Antiquis probe cog-
nita, a Rousseto, Paræo, & Hildano com-
mendata, a præstantibus denuo quibusdam
apud nos Viris renovata est. Celsus quidem
ait, id remedium esse quod puerilis tantum
ætas & modicum malum, recipiat: ac duo
postremo memorati Auctores id solum in ul-
tima necessitate, pro extremo refugio, præ-
cipiunt; constat etiam illorum tempore rem-
fere in desuetudinem abiisse: quanquam ex-

G 2

em-

a 41.

b 86.

c 6, 65.

PAULUS. ^{A.D. 640.}emplum ab ^aHildano prolatum de homine supra annos septuaginta nato, qui ab eo hac ratione curatus est, luculenter ostendit Operationem non modo tutam esse, sed etiam melius cessuram si primis quibusque temporibus adhibeatur, antequam Sphaceli discrimen subsit. Barbettus viam incidendi Abdominis proponit in Iliaco affectu, ubi Intestini Introsusceptio est; quod si casus iste talem curandi rationem patitur, eandem, ubi morbus ex alterutra Herniarum supra positarum nascitur, post inutilem aliorum Remediorum applicationem, adhiberi potius oportere censeo; præsertim cum in Epigastrio nihil magis periculi, quam in Procellibus Peritonæi incidendis appareat. Ideoque tria nobis Operationis hujus revera præstitæ exempla tradit Rouffetus: unum a Circulatore, reliqua duo a Chirurgis eo tempore illustribus. Inguinalis Hernia, juxta omnes Auctores, principium duntaxat Intestinalis Herniæ est; Intestinum vero per Inguen necessario descendere debere aiunt, antequam in Scrotum devolvi possit; unde Paulus affirmat Enterocelen semper a Bubonocèle præiri. Illud etiam inter Anatomicos pariter omnes & Chirurgo convenit, Intestinum per Musculorum Abdominalium Circulos, sive Foramina, prolabi. Quamquam vero dubium non est quin hoc frequenter incidat, tamen si rem paulo attentius perpendamus, alia fortasse reperietur Intestino via, hætenus parum observata, per quam id descendens Bubonocelen produxe-

duxerit. Cavum in Femore, inter Muscu-
lum Pedineum & Sartorium, ubi Vasa Cru-
ralia transeunt, est admodum notabile: &
Musculorum Abdominalium Tendines hic
ita laxè positi sunt, ut id ab Abdomine ni-
hil nisi adipis paulum ac fibræ aliquæ mem-
branosæ discriminent: ex quo disci potest,
quam facile Peritonæum pressione quavis
per interstitium hoc in Cavum illud depelli
possit: præsertim cum id, ob erectum ho-
minis incessum, in linea ad Abdomen ma-
gis directà jaceat, quam ipsi Tendinum isto-
rum Circuli. Ac si narrationes eorum ipso-
rum hominum conferamus, qui Bubonocel-
len in Processibus Peritonæi semper nasci
existimant, eos de nulla alia re, nisi de hoc
loco, convenire reperiemus. Notat Fabri-
cius ab Aquapendente, Bubonocelen, &
Venæ Cruralis Varicem, sæpenumero Bu-
bonem fuisse creditas: in quo casu, aut Ve-
na aut Intestinum, magno cum hominis pe-
riculo, sectum est. Nemo non scit Bubones
in iis semper Glandulis sitos esse, quæ super
Vasa Cruralia jacent; unde constat hunc in
ea fuisse opinionem, ut frequenter eundem
locum Bubo ac Bubonocèle occupent: qui
locus id Cavum est de quo diximus, & ob
eandem rationem Bubonocèle a Celso vide-
tur appellari, Varix Inguinis. Bernardus,
nuper Chirurgus Regius, casui affuit, in
quo Intestinum se sub cute usque ad me-
dium Femur protendit; fieri illic nullo mo-
do potuit, quin id per interstitium subter
Musculorum Abdominalium Tendines de-
lapsum sit: nam si per Circulos devolutum
esset,

PAULUS.
A.D. 640.

esset , in Scrotum recta tetendisset , neuti-
quam vero divertisset in Femur. Viam quo-
que hanc videtur significare Barbettus , li-
cet eadem ac cæteri obscuritate se involvat ;
ait enim ille , „ Experimur etiam Processum
„ Peritonæi ita posse disrumpi , ut Intestina
„ non in Scrotum , sed inter Cutim & Mus-
„ culos , versus Femur , sese urgeant. „ U-
„ bi , si per has voces , „ Processum Perito-
„ næi , „ ejus Productiones eas intelligit
quæ ex Tunica Vaginali oriuntur , jam pro-
bavimus in sedem ab eo descriptam Intesti-
num prolabi non posse. Huic rei aliquam
fortasse lucem afferet Herniæ Inguinalis in
Mulieribus consideratio : quam a Ligamen-
tis Teretibus Uteri oriri putat Fallopius ,
cum hæc per Musculorum Abdominalium
Foramina in isto Sexu transeant , perinde ac
Vasa Spermatica in Viris faciunt. Id qui-
dem verissimum est : verum haud in eodem
loco ; nam in Mulieribus hi Circuli super
Os Pubis positi sunt , & Ligamenta , quam-
primum per hos exierint , cum Tendinibus
firmiter Ossi inferuntur. Ita ut propter an-
gustiam viæ , vix hic Herniæ locus esse vi-
deatur : ac si esset , Intestinum necessario re-
cta antrorsum super Os Pubis incumberet ;
uti quoque nonnunquam facit , etiam usque
ad Labia Pudendi se protendens. Verum il-
lud in hujusmodi Herniis plerumque magis
obliquum iter fecisse versus Os Ilii depre-
hendetur. Unde Celsus diserte ait , Herniam
in Mulieribus „ fieri præcipue circa Iliam , „
Quod Peritonæum in hoc loco distendi pos-
sit , ex iis liquet quæ de Hydropse in Mem-
brana

brana ista orto tradit Nuckius : ubi aqua se PAULUS.
diffundens , eo referente , saccum efflxit A.D. 640.
in Femore , „ per vacua Musculorum spa-
„ tia. „ Hildanus autem , in explicanda Herni-
niæ Uterinæ causa , extensionem Peritonæi
accidisse putat , „ circa foramina illa , circa
„ quæ Bubonocèle fit in Mulieribus : „ ac si
verba hæc , quæ profecto satis ambigua sunt ,
& de industria fortasse eo modo expressa ,
cum descriptione posituræ Tumori ab eo-
dem assignatæ conferamus , ea nonnisi In-
terstitio a nobis memorato convenire posse
deprehendemus. Quantæ capax sit disten-
tionis Peritonæum , ex Ascite solo luculen-
ter discimus : & a Chirurgiæ Scriptoribus
liquido probatur ejus magnitudinis distentio-
nem , quæ in eo casu plerumque fit de quo
agimus , sine Ruptione accidere posse in aliis
etiam locis , præterquam in Membranæ
istius ad Inguen aut ad Umbilicum produ-
ctionibus. Exempla talium Herniarum Bar-
bettus profert , in Dorso scilicet , supra
Umbilicum , longe supra Ilia ; quæ , ut ille
ait , pro Abscessibus insciter sectæ sunt.
Paulus quidem inter Hernias Intestinales di-
scrimen facit , prout eæ vel ex Ruptione ,
vel ex Distensione Peritonæi oriuntur : ac
diserte Operationem Scalpelli ope suscipi ve-
tat , nisi in posteriori genere , Sed quicun-
que harum partium Anatomiam attentius
consideraverit , hunc ab eo plane dissensu-
rum confido : nam in Ruptione Peritonæi ,
si Operatio præstetur , ac reponatur Intesti-
num , facile concipi potest , qua ratione
omnes Peritonæi , perinde ac cæteræ , par-

PAULUS. tes ita rursus sanari & coire valeant, ut nullam in posterum Intestino descendenti viam præbeant. At in Distentione, si post Operationem etiamnum tenditur Peritonæum, quod aliter fieri nequit, quomodo Herniæ prohibetur recursus? Ut ejusmodi Distentio recte concipi possit, Præparationes curiosissimæ accurati illius ac diligentis Anatomici, Doctoris Douglas, inspicere debent; is enim primus veram nobis Peritonæi speciem repræsentavit; quæ quidem pars ingentis momenti est, ejusque Structura attente consideranda est, non modo in hac Operatione, sed etiam in ea extractione Calculi quæ fit per incisionem Abdominis. Idem quoque primus perspicue demonstravit, ab externæ Peritonæi Lamellæ elongatione Vaginalem Testiculorum Tunicam, uti Auctores aiunt: neutiquam efformari, ab ea vero produci Tunicam, quæ & est & ab eo commode appellatur, „Tunica „Vasorum Spermaticorum propria. „ Postea quoque animadvertit in lectione Pauli, hanc ei notam & ab eo descriptam fuisse, & nominatam *ελικοειδῆ* ex multiplici in iis Vasis, quæ ab hac teguntur, convolutione. Cornarius cæterique Expositores, de ejusmodi Tunica minime somniantes, vocem hanc emendant, & hujus vice legi volunt *ερυθροειδῆ*, istam cum Vaginali confundentes.

Alia descripta est a Paulo Operatio, modus scilicet aperiendi Arterias pone Aures, in ^a Defluxionibus cæterisque Capitis morbis;

bis : quod quidem Remedii genus ab Hip-^{PAULUS.}
 pocrate usurpatum & a Galeno strictimmemoratum video : ejus autem præstandi modus magis explicate ab hoc Auctore traditur , fitque vel per transversam Sectionem applicato postea Cauterio , vel per Excisionem. Priorem viam plenissime ^a Paulus explicat ; idemque in proximo Capite posteriorem exponit , quam altera magis vulgarem fuisse credimus : nam Aretæus , qui voces omnes curiose semper deligit , nullam , præter hanc posteriorem , ^b Arteriotomiam commemorat. Hæc duo fuerunt sola Arterias incidendi genera , non modo in Græcorum , sed in ^c Arabum quoque Schola servata. Quare miremur unde Recentioribus quibusdam in mentem venerit , Antiquos eodem modo Arterias in Sanguinis detractione secuisse , quo in Venis usi sint , id est , incisionem per Lanceolam faciendæ. Unum quidem , sed unicum , in quo Arteriotomiam hac ratione præstitam suspicari possimus , in Medicorum Monumentis exemplum reperio : hoc a ^d Galeno prolatum est , qui , quantum ejus sensum assequor , in eo Volumine quod de curandis Morbis per missionem Sanguinis composuit , primus experimentum hoc , idque in se ipso , videtur tentasse. A dolore prope Diaphragma urgente in discrimen adductus , bis per somnum , ut remedium hoc experiretur , monitus est : idque adeo fecit , Arteriam inter Pollicem digitumque Indicem secans , ex

G 5

qua

^a Διατμήσειν , διαρίσειν.
^c Rhaz. ad Almanz. 9; 1.

^b Εὐτάμειν , 1, 2, 3.
^d Curat. per Ven. Sect. 130

PAULUS. Libram Sanguinis detraxit: unde cessavit
A. D. 640. statim dolor, & ipse ad sanitatem rediit. Similem in Sacerdote quodam casum memorat, qui per Arteriæ in Manu incisionem a desperata Pleuritide convaluit. Hoc ille successu adductus est, ut in omnibus doloribus violentis atque inhærentibus, idque præcipue in Membranis, cum a calore ortum ducerent, Manus atque Capitis Arterias incideret. Idem in eodem loco ait, Arteriam in Talo post Vulnus, non relicto Aneurysmate, iterum glutinatam se vidisse; alibi ^a quoque similem casum refert, ubi per errorem puncta est Cubiti Arteria; erat hæc incisio admodum exigua, ex quo fortasse factum est, ut ea rursus, quatuor dierum spatio coierit: quod ita nunquam alias obtigisse, sed in re pari Aneurysma semper consecutumprehendit Galenus. De Vulnribus Arteriarum Observationem subjiçit, hæc minus periculose fieri in Puerili ætate ac Muliebri sexu: in quibus Vasorum Tunicas minus rigidas, atque ideo facilius uniri, existimat. Utrumque supra positum curandi genus molestiam & dolorem vehementem creat: id autem quod per Lanceolam præstatur ita omni difficultate vacat, ut hoc ab insequentibus Græcis vix usurpatum esse demiremur: non fuisse autem, ex hoc Scriptore & ^b Actuario evidenter apparet. Quodque admirationem auget, ubi Arteria in cutis superficie jacet, Ossique incumbit, parum hac in Operatione Artis, & periculi etiam minus, videtur. Hujusmodi est Arteria

^a Meth. Med. 5, 7.

^b Meth. Med. 3, 4.

ria Temporalis ; unde Recentiorum non-PAULUS.
 nulli hanc aperire ausi sunt in omnibus fere A.D. 649.
 Capitis morbis , ac præsertim in Hemicrania. Paræus^a , qui sine dubio Artem suam cum scientia exercuit , docet , quantam inde utilitatem in hoc casu non modo ægrotus quidam alter , sed & ipse etiam ceperit , postquam frustra fuissent alia omnia remedia. Addit etiam , longa se experientia comperisse , Arteriæ per Lanceolam incisionem , non eo , quo vulgo creditur , discrimine commitari ; sed & hanc haud incommodius Vena cocturam , modo plus ei aliquanto temporis tribuatur ; neque sanguinem ex ea rursus unquam erupisse , si per quatuor dies , uti fieri debet , splenium superimpositum servabatur. Illa , quam de Chirurgo quodam Tigurino , in Epistolis suis prodit Vir magnæ fidei Gesnerus^b , admodum singularis est Historia ; nam Chirurgus iste , cum vehementi Hemicrania singulis annis conflaretur , Temporalem Arteriam a Gesnero quidem jussus est incidere ; verum is doloris impatiens , hanc suo modo transversam ipse secuit , tresque emisit Sanguinis Libras : revertente autem dolore temerarium idem experimentum iteravit , & ad sanitatem integram pervenit. Quamque non difficulter incidatur hæc Arteria , facile colligi potest ex iis quæ rettulit^c Meckerenus : qui cum Operationem hanc duodecies præstitisset , nihil unquam ex ea sinistri , nisi una vice , idque ob incuriam ægrotantis , minime vero ex quovis in Operante defectu , accidisse vidit.

^a 16, 4.^b 3, 96.^c Observ. Chirurg. 38.

PAULUS. ^a vidit. Idem, quo securior post Operationem præstetur Arteria, idoneam admodum atque commodam describit, quæ semper ei in usu esset, Fasciam. Id denique, ut argumentum absolvam, animadverti debet, ^a Prosperum Alpinum se non modo Arterias in Temporibus, sed etiam pone Aures, in Fronte, in Talo, & alibi apud Ægyptios, in Morbis compluribus Diuturnis, haud minus frequenter, quam Venas, vidisse sectas; iique contra omnes Inflammationes internas eandem ipsam Arteriam quam in simili casu aperuit Galenus, eam scilicet quæ inter Pollicem Digitumque Indicem est, incidere solebant. Operationis item viam refert, quatenus vel ad Incisionis modum, vel ad Fasciæ genus pertinet; illud etiam notans, inter omnes casus, quorum ipse testis oculatus exstiterat, nunquam cuiquam male rem cessisse, neque id unquam obtingisse incommodi, ut Aneurysma succederet. Multa ejusmodi in ^b Severino quoque exempla occurrunt.

Hactenus de veritate facti. Arteriæ aperiendæ Scopus necessario est, aut Derivatio, aut Revulsio: quanquam ubique Revulsio mihi sola proponi debere videatur. Veluti, cum in Fronte, aut in Sutura Coronali, dolor est, annon Arteriarum apertio vel in Occipite, vel prope Aures, (ut Oribasius ex Antyllo jubet) evidenter Revulsionem efficit: quanquam Severinus per id Derivationem fieri affirmet, secumque eodem tempore ipse discordans, ubi in po-

ste-

^a Mcd. Ægypt. 2, 12.

^b Chirurg. Effic. 42, 45.

steriori parte dolor est , Arteriæ anterioris PAULVS. A. D. 640.
 sectionem Revulsioni causam præbere tra-
 dat. Id solum in præsentia de Revulsione
 dicam , ejus effectum in eo maxime consi-
 stere , ut subito peragatur ; certe dum ex
 Arteria Sanguis fluit , sensibus ipsis eviden-
 ter patet , quanto vehementior ac celerior
 necessario ex ea , quam ex incisa Vena , sit
 Revulsio : quanta porro inde Vasis , ex qui-
 bus illa fit , libertas tribuatur , quo validius
 eam quæ illis naturaliter inest vim contracti-
 lem exerant , & inutili qua obstruuntur ma-
 teria sese exonerent , ubi nulla jam iis cum
 affluentis Resistentia Sanguinis lucta aut
 contentio est. Fortior etiamnum est Revul-
 sio , ubi Sanguinis cursus intercipitur , uti
 fit cum Arteria ad partem affectam tendens
 secatur : hæc vero ejusmodi Revulsio est ,
 quæ a Sectione Venæ nunquam potest con-
 tingere. Quantumvis autem Operatio hæc
 rationi congruat , vereor ut unquam veniat
 in usum , quia suasor ejus periclitatur ne
 per aliorum incuriam famæ suæ officiat ; hæc
 utique magna est Chirurghi infelicitas , ut
 peritia sua consiliis ab Arte prorsus alienis
 prævertatur.

Ab argumento hoc consequenter venio
 ad mali ejus considerationem , quod Scissu-
 ræ cuivis in Arteria , aut Vulneri , aut ali-
 quando exiguæ admodum , uti dictum est ,
 puncturæ supervenit. Id Aneurysma dici-
 tur ; de quo ^a Auctor noster quædam habet
 ab aliis eo prioribus intacta. Nam repetitis
 iis , quæ de eadem re tradiderat Galenus ,
 suas

PAULUS. suas aliquas Observationes adjicit : accurateque ea distinguit, quæ ab Anastomosi ortum trahunt, ab his quibus originem Ruptio Arteriæ præbuerit. Priora magis oblonga sunt & altius conduntur, impressioque digito sonitum quendam reddunt : posteriora superficiiei magis vicina & rotundiora sunt, neque sonum faciunt; in utrisque vero Sanguinem extravasari putat. Aneurysmata in Capite atque Gutturē desperata pronuntiat ^a Aëtius, omnemque horum curationem suscipi vetat, nihil præter Emplastrum e Cupressō iis applicari jubens. Ilque Operationem Manualem his tantum vult Aneurysmatis, quæ in Brachio sunt, adhiberi. Paulus autem, licet incisionem haud tuto fieri judicet in iis quæ Axillas, aut Inguen, Collumve occupaverint, aut alibi etiam, modo grandia sint, ne ex Vasorum amplitudine profusio magna Sanguinis oriat: tamen hætenus ab Aëtio discrepat, ut ea quæ in extremis partibus, aut Articulis, aut in Capite præsertim reperiuntur, Chirurgiæ ope curari commode existimet. Operationem certe, pro utroque Aneurysmatum a se expositorum genere, accuratissime describit; post factas Ligaturas, vas dividi jubet, & Arteriam non modo supra sed etiam infra vulnus vinciri diserte præcipit, sicuti nostrates hodie Chirurghi facere consueverunt: cum in utraque re manifeste deficient Batavi, quod ex Barbetto ^b colligere licet, & videri fufius potest in duobus casibus, quorum alter in secunda Ruyschii Ob-

Observatione memoratur, alter autem in PAULUS.
Experimento Nuccii nono & vigesimo. A. D. 640.

Cum toties Aneurysmatis mentionem habuerim, de eo amplius differendi veniam oro; neque ineptam fortasse in hoc loco disquisitionem arbitraberis, si ad varias de illo contentiones, & ad incertas parumque claras ejus explicationes nobis traditas respexeris. Aneurysma a Galeno, atque hic itidem a Paulo definitur, „Tumor ab Arterioso „Sanguine extravasato productus; „idque a Ruptione in Arteriæ Tuniceis ortum trahere, constans semper fuit Græcorum omnium pariter atque Arabum Medicorum sententia. Primus Arteriam non Rumpi, sed Dilatari tantum asseruit Fernelius. Videturque idem sensisse Vesalius; nam cum Adolphus Occo, qui casum refert ægri Tumorem in Dorso habentis, cujus ipse curationem una cum Achille Galtero suscepisset: & in consilium advocatus esset præstantissimus ille Anatomicus Vesalius, rem statim conjectura assecutus est, idque Aneurysma esse pronuntiavit ex Aortæ Dilatatione productum. Simulque declaravit, Sanguinem intra ejus Tunicas contineri; eo modo quo fit in Venis quas Varices occupaverint: sequæ in hujusmodi Tumoribus deprehendisse modo humorem glaciei aut crystalli instar concretum, modo Serum referentem, & aliquando Sanguinem grumofum Molæ similem. Aperto cadavere, Aortæ cavum vehementer distentum apparuit, multusque in eo Sanguis concretus juxta Vesalii prædictionem, unde ingens ei nomen accessit.

Et

PAULUS. Et Arterias quidem distendi posse, ex frequenti hominum, veneno & aliis quibusdam affectibus mortuorum, inspectione certum est. Notabilis illa est Historia a Vido Vidio relata, quam & ipse raram fatetur, de enormi omnium circumquaque Capitis Arteriarum intumescencia, quæ ingentes repræsentaret Varices. Cumque, eodem teste, Fallopius, qui incisionem ejus susceperat, jam in procinctu esset ad id exequendum, Tumoris magnitudine perculsus destitit a sententia, neque ultra quicquam moliri ausus est. Verum hujusmodi distentio, quæ se per tot ramos æqualiter diffundit, vix a quoquam nomen Aneurysmatis obtinuerit: nam id quidem diversæ naturæ, magisque circumscriptus Tumor est.

Sennertus, Fernelii opinionem emendans, neque Dilatatione sola contentus, omnium Aneurysmatum naturam in Muscularis, si-ve Internæ, Tunicæ Arteriosæ, Ruptione statuit, Externa interim illæsa remanente. Mihi quidem manifestum videtur Sennertum, quanquam de eo prorsus tacet, ab Hildano doctrinam hanc esse mutuatum, qui eandem rem verbis planissimis expressit. Aneurysma ab Hildano descriptum Puncturæ supervenerat: & in eo quidem casu fieri potest, quemadmodum ille conjicit, ut Exterior Tunica per compressionem untatur, cum ex membranosis atque admodum glutinosis partibus consistat, uti liquet ex eo quod ab hujusmodi duntaxat pelliculis extrahatur Gluten, sed cum fibræ Interioris Tunicæ Musculares sint, eæ statim ut a Rupti-

ptione contrahantur ac breviores fiant necesse est, ita ut a se invicem discedentes difficilius postea coeant. Neque concipio, qua ratione hujusmodi Aneurysma formari possit, nisi cum a Punctura oriatur, quæ tamen interdum etiam ambas Tunicas perforat. Nam ubi causa interna est, improbabile prorsus videtur, ut ea vis quæ perimpendæ interiori Tunicæ suffecerit, resistantiam ullam ab Exteriori inveniatur, quam altera quinque vicibus ad minimum esse debiliorem omnes fatentur. Nihilominus sententiam hanc, licet vix ullam veritatis speciem præ se ferat, amplexi sunt Willisius, Barbettus, aliique Medici: unde per multos annos ista Aneurysmatis definitio obtinuit. Certe ex quo primum hæc opinio de nulla Sanguinis Extravasatione prolata est, Auctores omnes qui vel Medicinæ vel Anatomix Corpus aliquod contexuerunt, Hypothesin hanc secuti sunt: neque argumentum de quo scribere aggressi sint, neque id ipsum quod super argumento suo scripserint, satis comprehendentes. Id exemplo lubet confirmare: Vehementer contendit Forestus, omnia Aneurysmata ex Arteriæ Dilatatione procedere; tamen in eo, quod in omnibus suis Operibus unicum profert, Aneurysmatis casu, Tumor ex Ruptione ortus est, Sanguisque extravasatus. Diemerbroekius autem, doctrinæ tunc vigenti obsecutus, Aneurysma contra Regii placitum definit, qui Ruptionem in Arteria esse statuerat: ac deinde Aneurysmatis Historiam adducit, in quo erat Ruptio: sed postremo

PAULUS.
A.D. 640.

absurde concludit id non fuisse Aneurysma, ea sola de causa quod esset illic Ruptio, & consequenter haud intra suam definitionem caderet.

Præcipua argumenta quibus Dilatationis fautores insistent, quibusque ii premuntur qui in Arteria Rruptionem agnoscunt, his duabus quæstionibus continentur: quomodo fieri possit, si sanguis intra Vasorum Tunicas non concluditur, ut in Aneurysmate contingat Pulsatio? & si Sanguis Extravasatus est, quare non in Pus vertatur? Quod ad Pulsationem pertinet, certe non difficulter comprehendi potest, Sanguinis jugem in Arteriis impulsu huic quoque necessario motum communicare, qui contiguus ei, quanquam Extravasatus, jacet. Vis Percussionis ingens est: & in Vesica Aëre plena novus, utut exiguus impulsus, ope Syringis factus, quicquid in ea est movebit, ejusque latera distendet, id quod experimentis probatur. Quod si Arteria ampla est, & prope superficiem cutis jacet, neque longe a Tumoris Centro abest, & si Aneurysma haud nimiam in longitudinem protenditur, Pulsatio vehemens erit, quanquam haud rupta sit Arteriæ Tunica. Idque non modo ratione, sed etiam re evinci potest. Apud Severinum casus est, in quo post Vulnus in magna Femoris Arteria, in interstitia Musculorum Sanguis ad sex Libras effusus est, fuit autem in Tumore adeo violenta Pulsatio, ut ambas ei manus impositas attolleret. Cum Aneurysma alte inter Musculos conditur, sæpissime Pulsatio non sen-

sentitur. Ad hæc accedit, quod obscurior ^{PAULVS.}
 ista fieri possit, penitusque demum extin- ^{A.D. 840.}
 gui, incremente Sanguinis coagulatione:
 multa vero tam in Severino, quam in Lit-
 tro, exempla occurrunt, ubi ea, primo ve-
 hemens, postea omnino evanuerit. Quare
 hæc non semper ejus comes inseparabilis
 putanda est. Profecto in Tumoribus plerif-
 que contrario modo ratiocinandum est: &
 ubi Pus non evidenter apparet, Aneurys-
 matis semper suspicio esse debet: multique
 ex defectu hujus cautionis Abscessum esse
 falso credentes, Tumorem in ægri perni-
 ciam apparuerunt. Ea quæ de Pulsatione
 dicta sunt ad secundæ objectionis solutionem
 accommodari possunt; nam si Tumori mo-
 tum communicari concipiamus, facile com-
 prehendemus etiam, qua ratione idem mo-
 tus Sanguinis putrefactionem arceat, per-
 inde ac si in Arteriæ Tunicis contineretur,
 distentione tantum ampliatis. Levis profe-
 cto impulsus perfectam in magna Fluidi cu-
 jusvis copia stagnationem impedit. Ita in
 Ecchymosi, Sanguis extravasatus sæpissime
 non suppurat, & si id evenit, aliqua pars
 ejus in rubrum abit Coagulum, a cæteris
 separata ac distincta, Puris admittance omni
 vacans. Huc omnino pertinet casus e Seve-
 rino supra memoratus: ubi posteaquam Tu-
 mor per quadraginta dies increvisset, ex eo
 sex Libræ puri Sanguinis educæ sunt, in
 Musculorum interstitiis extravasati, quique
 ad Pus nullo modo tenderet. Quid quod
 res ipsa a Scriptoribus istis posita, omnem
 nempe Sanguinem in Pus verti, jure in du-
 bium

PAULUS. bium revocari possit; nam quænam ea sit in
A.D. 640. Sanguine qualitas, aut cujus generis hæ particu-
 læ, quæ hunc ad suppurationem ido-
 neum reddant, Problema, fateor, solutu
 est difficile: id autem pro certo habeo, in-
 esse quiddam Sanguini Arterioso, quod quo
 minus is in Pus vertatur haud raro prohi-
 bet.

Ita argumentorum, quæ ad evertendam
 Veterum opinionem adducuntur, infirmi-
 tatem perspicimus: & Experientia ipsa, e
 dissectionibus hic adhibitis, litem plerum-
 que in eorum gratiam dijudicat. Nam ut
 ad casum revertamur, ubi Vesalium inter-
 fuisse antea diximus (quæ quidem Aneurys-
 matis dissecti prima est Historia) præter Ar-
 teriæ Dilatationem, ingens Ruptio erat, uti
 tradit unus ex præsentibus illic Medicis,
 Achilles Gasserus. Saporta, Fernelio coæ-
 taneus, qui videtur hunc designare, licet
 ejus nomen minime proferat, tres casus mi-
 nutissime narrat, in quibus rupta est Arte-
 ria. Horum primus, a Sennerto excerptus,
 fusc quoque ab eo repetitur, qui pronun-
 tiat id Aneurysma non fuisse. Verum ex-
 putare nequeo, quare huic potissimum ca-
 sui sese opposuerit, & omnium explicatissi-
 mo, & cavillationi minime opportuno: nam
 post dissectionem magna vis puri Sanguinis
 educta est, & Arteria dilatata ac rupta ap-
 paruit; porro cum æger in vivis esset, in
 Tumore Pulsatio sentiebatur, isque pressio-
 ni cedebat. Quod si hoc non Aneurysma est,
 nescio quænam verba ad id designandum
 excogitari possint. Complurium Aneurys-
 ma-

matum dissectorum Historiam tradit Bartho-^{PAULVS.}
 linus, unius præsertim, quod Neapoli con-^{A.D. 640.}
 tigit, quodque argumentum est Libri ab eo
 scripti, in quo Libro tumida quidem & am-
 pullata oratio est, at res ipsa satis perspi-
 cue declarata est. Fuit illud in Brachio, ex
 Punctura ortum, brachium amputatum est,
 æger autem obiit. Axillaris Arteria usque
 ad alas ipsas vehementer dilatata erat, & in
 ea solum parte, quæ Puncturam acceperat,
 integra reperta est: ab altera ruptæ omnes
 Tunicæ, neque rami ab ea procedentes in-
 vestigari poterant. Utque id in superficie
 erat, Sanguis grumofus per omne Muscu-
 lorum iter jacebat. Hornius in Epistola,
 quæ huic Bartholini Libro attexitur, alium
 singularem casum memorat, qui quoniam
 utilia nobis multa ad Praxin consilia subji-
 cit, Historiam ejus omnem breviter enarra-
 bo. Tumor in Sura erat, hunc Aneurysma
 pronuntiavit Antonius Vacca: alii contra
 stabant, ac numero prævalentes, quasi Ab-
 scessum curaverunt. Ea ratione factum est,
 ut Tumor usque ad ipsos pedis digitos pro-
 tenderetur, & superveniret Gangræna, qua-
 re coacti sunt pedem supra Talum abscide-
 re, ne Sphacelus ad femur se diffunderet.
 Tertio post die, Tumorem aperire tentave-
 runt; verum æger in ipsa Operatione extin-
 ctus est. Quamvis Arteria esset ita dilatata,
 ut sexies naturalem ejus modum excederet,
 pars versus cutim erosa erat ac perrupta;
 atque inter Musculos Gemellos Sanguinis
 Grumosi Parenchyma repertum, ita solidi
 ut carnis fere consistentiam æquaret. Casum

PAULVS.
A.D. 640.

huic non abfimilem ipfe vidi una cum Chirurgis Noſocomii Sancti Bartholomæi. Æger ſenex erat, malique habitus; & Aneurysma, ipſo referente, cum per continuos duodecim annos auctum cepiſſet, ultimis temporibus vehementer increverat. Totam Suram fere uſque ad genu cingebat; & in eo violenta erat Pullatio, non modo propter cutim, ſed etiam in Muſculis, qua parte fura eſt craſſiſſima. Multæ e Venarum Valvulis ita prorsus diſruptæ erant, ut Varices portentofæ magnitudinis locos ſupra atque infra genu occuparent, quæ tamen elevato Crure ſubſidebant. In Amputatione quanquam fortes adhiberentur Ligaturæ, & Operatio conſeſtim expedita, e Vals ultra Libram Sanguis profluxit, ob ingentem, quæ in Venarum atque Arteriarum Diametris contigerat, ampliacionem. Diſſecto Aneurysmate, inventæ ſunt, præter Sanguinem fluidum, Libræ duæ treſve Thromborum, qui Lamellarum more ſupra ſe invicem diſpoſiti jacebant: univerſus Arteriæ Cruralis tractus magnopere dilatatus, & ramuſculi paſſim ab ejus trunco diſrupti, eo intervallo quod ab horum ortu circa digiti quadrantem diſtaret; ex his in interſtitia Gastrocnemiorum Sanguis derivatus eſt, ſiquidem nulla cum inferioribus partibus communicatio intercederet. Ita perederat Oſſa Caries, ut foramen ingens in Tibia, Fibulæque pars, quæ longitudine quatuor digitos æquaret, abſumta reperiretur. Hæc in Oſſibus Caries Aneurysma ſæpe comitatur; caſus duo apud Ruyschium leguntur,
ubi

ubi omnes veræ Costæ cum Sterno fere con-^{PAULUS.}
sumptæ sunt, & exigua pars, quæ super-^{A.D. 640.}
erat, putris relicta. Neque vero intellectu
difficile est, quomodo Tumor talis jugi
pressione Periosteum afficere in eoque ob-
structionem creare valeat, unde paulatim
Os ipsum exedatur. Aliud etiam ex hac re
disci potest: nam cum Os ea soliditate con-
stans Aneurysmatis pressioni resistere neque-
at, credibile est Arteriarum Tunicas eidem
vi facilius cessuras, ita ut inde earum quo-
que Fibrillæ disperdantur. Historiam Aneu-
rysmatis in Aortæ Trunco Ascendente pro-
dit Lancisius, ex quo æger, qui per aliquod
spatium antea de Palpitatione, animæ defe-
ctione, dolore, angustia Thoracis, & in co-
Pulsatione conquestus esset, subito interiit.
Sterni pars superior ab altero latere paulum
erat extrinsecus protrusum. Dissectio cada-
vere, in tota Aortæ curvatura quiddam lar-
do simile, Cysti inclusum, apparuit: Fora-
men in ipso Pericardio, ubi consequenter
Libræ Sanguinis duæ sunt inventæ. In ea
is sententia est, ut omnia Aneurysmata ex
Arteriæ Dilatatione oriri existimet: neque
improbabile est primis quibusque tempori-
bus id ita esse; nihilominus in præsentī ex-
emplo Fibras corrosas fuisse ait, atque hinc
Dislocationem, uti ab eo vocatur, expli-
care aggreditur, in qua, juxta illum, vera
Aneurysmatis natura consistit; id est, si
ejus sensum recte capio, in Arteriæ Tun-
icarum Discissione, five Dilaceratione. Guic-
ciardini casum plane similem, apud Andre-
am Laurentium legimus: in quo non modo

PAULUS. rupta erat Vena Cava una cum ejus Val-
 A.D. 640. vulis, sed Aortæ orificium ad Brachii ma-
 gnitudinem ampliatur. Idem in casu con-
 tigit quem rettulit Paræus: ubi Arteriæ Tu-
 nica Interior, quamvis in Os mutata, ta-
 men rupta quoque erat. Certum est Aor-
 tam, supra ejus flexionem, facilius dilatari
 posse, ob resistantiam eam quæ Sanguini il-
 lic ex ejusdem curvatura opponitur; ex quo
 etiam in hac Arteriæ parte ut plurimum A-
 neurysmata producuntur: ac si ista in Dila-
 tatione tantum consistant, nullibi hanc fa-
 cilis quam in eo loco fieri posse credibile
 est. In Actis Gallicis longam & particula-
 rem duorum in isto loco Aneurysmatum
 Historiam commemorat Littrus: in quibus
 ita protrusa erat Arteria, ut saccum effin-
 geret ad Thoracem collumque pertingen-
 tem, immo in altero casu, per cervicem us-
 que ad maxillam. Uterque æger Pulsationem
 primo, quæ Arteriarum motui exacte
 responderet, & molestam quandam in Tho-
 race luctam senserat, cum magna demum
 oppressione, spirandi difficultate, & totius
 corporis languore: idque multo antequam
 extrinsecus quicquam supra Claviculas ap-
 pareret; postea alia quoque Symptomata
 accesserunt, qualia fere ipse in simili casu
 vidi, dolor scilicet, non modo in Pectore,
 sed etiam in humeris, in brachiis, & in ca-
 pite; atque in capite frequens etiam Pulsa-
 tio; somni parum, isque haud raro interrup-
 tus; in lecto decumbendi sæpe impotentia,
 atque inclinato antrorsum corpore semper
 levamentum majus: Spiritus ita nonnun-
 quam

quam impeditus , ut subitæ strangulationis PAULUS.
metum incuteret. In priori homine , pars A.D. 640.
aliqua costarum , Sternum , & Claviculæ
Carie exesæ sunt. Circulator quidam per
Suppurantia Medicamenta Aneurysmatis
partem ruperat , ex quo supervenit Gan-
græna , & post tres dies mors. Utrumque
hoc Aneurysma dicit Arteriæ tantum Dila-
tationem fuisse : quanquam vero eorum mi-
nuta admodum & accurata sit descriptio ,
inhæret mihi scrupulus , neque persuaderi
possum nihil hic fuisse nisi Arteriæ Tunica-
rum Dilatationem. Nam cum ulterius ipse
tradat , Saccum istum non modo Costis un-
dequaque , & Sterno , & Claviculis , Mu-
sculisque firmiter adhæsisse , sed Membranas
ejus corrosas in iis omnibus quibus adhære-
ret locis , hæ Membranæ , quas is Sacco
tribuit , erant fortasse Mediastini aut Pleuræ
portiones , aut earum , quæ ad Musculos
attinerent , expansiones. Neque vero con-
tra illud hoc absurde dixerim , humores ex-
travasatos Membranam sibi propriam effin-
gere posse , quæ minime pars eorum sit va-
sorum , unde humores isti profluxerint. Ea
quæ omni die in Hernia Carnosa , atque in
Fungis ex magno Cystium numero compo-
sitis aspicimus , quarum singulæ suam ha-
bent Membranam , & materia sæpe aliqua
impletur ab illa quæ cæteris inest discre-
pante , eam huic sententiæ probabilitatem
astruunt , ut ante hujus controversiæ direm-
ptionem id perpendi saltem mereatur. Re-
latio Aneurysmatis in Thorace a Ruyschio
exposita , quod sine Externo quovis Tumo-

PAULUS. re totum ejus cavum infererat, videtur ad
 A. D. 640. hanc rem quadrare: nam ex innumeris, ut
 inquit ille, crassisque Tunicis constabat,
 quæ Laminarum instar alia super aliam in-
 cumberet, eratque inter has multum San-
 guinis coagulati conclusum. Ita in eo casu
 quem exponit ^a Littrus, Sanguis instrata-
 rum more frondium jacebat, Polypum
 quendam efformans. Et hujusmodi certe
 exempla in Severino, Marchetto, aliisque
 occurrunt. Popularis noster Wilemannus
 semper se utramque Arteriæ Tunicam a-
 pertam invenisse narrat. Denique, quoniam
 id argumentum omnium validissimum est
 quod ex factis ipsis profertur, illud amplius
 subjicere debeo, quod inter omnes dissec-
 ti Aneurysmatis traditas ab Anatomicis narra-
 tiones, vix unum, quod quidem amplum
 fuerit, inveniatur, in quo non esset, juxta
 Pauli doctrinam, in Arteria ruptio. Ea,
 quæ a me dicta sunt, satis, credo, osten-
 dunt, quantum a veritate abhorret ista a
 * Recentioribus quibusdam Aneurysmatum,
 in vera ac Spuria, divisio facta: nam diffe-
 rentia omnis ista in Tumoris figura consistit,
 Ac si quis istorum in hoc argumento dispu-
 tationes examinet, distinctionem hanc, uti
 plerumque in Theoria falsam, ita quoque
 in Praxi nullius esse momenti comperiet.

Patet igitur quanta cum peritia Paulus
 Operationes Chirurgiæ difficillimas exercu-
 erit; atque uti naturam casuum a se tracta-
 torum recte intelligere videtur, ita quoque
 hunc

^a Memoires de l'Academie 1712.
 * Croissant Garengoc.

hunc non minus in optimo curationis modo PAULUS, A.D. 640.
 solertem fuisse confitendum est. Idque am-
 plius animadvertam, esse quasdam Opera-
 tiones ab eo expositas, quæ neque descri-
 ptæ neque commendatæ sint ab Auctore
 quoquam ejus temporibus superiore, cujus
 quidem scripta his diebus extent; quarum
 una est Bronchotomia, sive Laryngis inci-
 sio, quæ fit in vehementi Angina. Modum
 is Operationis ab Antyllo desumit, quem
 ob novitatem ejus & accuratam enarratio-
 nem exscribere non gravabor. „Chirurgæ-
 rum, inquit, præstantissimi hanc quoque
 administrationem literis prodiderunt. An-
 tyllus itaque hunc in modum scribit. In
 Synanchicis quidem hanc Chirurgiam, ut
 inutilem, improbamus, cum omnes Ar-
 teriæ (Asperæ, credo, Arteriæ ramos in-
 telligit) & Pulmo affectus est; in ore au-
 tem & mento inflammatione consistente,
 aut etiam in Tonsillis os Asperæ Arteriæ
 operientibus, incolumi ipsa Arteria, ra-
 tionem convenit Sectione uti, quo pericu-
 lum strangulationis evitetur. Quam cum
 aggredimur, partem Arteriæ, infra caput
 ejus spatio trium vel quatuor ipsius circu-
 lorum, scalpello dividere oportet: totam
 enim dividere periculosum est. Commo-
 dissimus hic est incisioni locus, tum quod
 carne nudus est, tum quod Sanguinis va-
 sa longe ab eo distant. Itaque inclinato
 ægroti Capite retrorsum, quo magis Ar-
 teria in conspectum veniat, transversam
 lineam incidemus, ipsam inter duos cir-
 culos ducentes, ita ut ne cartilago, sed
 mem-

PAULUS. "membrana cartilagine colligans, secetur.
 A.D. 640. "Quod si meticulosior aliquis in agendo
 "fuerit, hamulo prius elevatam cutim di-
 "vidat: ac dein Arteriæ ipsi occurrēns, va-
 "sis, siqua se forte offerunt, evitatis, inci-
 "sionem faciat." Hæcenus Antyllus; Pau-
 "lus autem subjicit, "Antyllo in mentem
 "venisse hujus incisionis modi ex eo quod
 "(in fortuito Arteriæ Vulnere, intelligit
 "credo Paulus) aërem per eam magno cum
 "murmure exeuntem, vocisque intercepti-
 "onem notasset. Quamprimum strangula-
 "tionis metus absit, oræ Vulneris futura
 "committendæ sunt, ita ut caro sola sine
 "Cartilagine suatur; ac dein Medicamenta
 "adhibenda, quæ cruentis Vulneribus con-
 "veniunt. Quibus si glutinatio non effici-
 "tur, ad ea quæ Carnem inducunt venien-
 "dum. Simili quoque Curatione utendum
 "in iis qui mortis desiderio guttur sibi ipsis
 "præciderint." Operatio ista magna cum
 "perspicuitate descripta est, & in eam ob-
 "versationes quædam haud inutiles adjunctæ.
 "Hanc, "pro fabulosa deridet a Cælius Au-
 "relianus, & quæ a nullo sit Antiquorum
 "tradita, sed temeraria tantum Asclepiadis
 "inventionem proposita." Ejus mentionem
 "quoque habet Aretæus, verum haud expe-
 "rientia b confirmatam putat: "nam inflam-
 "mationis, inquit fervor ex vulnere major
 "efficietur, cumque strangulatione & tussi
 "in exitium hominis conspirabit. Ac si hoc
 "modo id periculi evaserit, vulneris oræ,
 "utpote cartilaginosa, non coalescent."

His

a Acut. 3, 4.

b Cur. Acut. 1, 7.

His autem objectionibus optime respondet PAULUS.
 Paulus ; & ex Recentioribus quosdam id A.D. 640.
 cum successu tentasse constat , quantumvis
 vulgo etiamnum cum ingenti periculo experi-
 mentum fieri credatur*.

Purmannus * sese Operationem hanc in
 ægro præstitisse narrat , cui Tumor atque
 inflammatio vehemens guttur obsedissent ,
 & strangulationem subitam intentassent.
 Homo autem , qui & sermonem & mentem
 amiserat , utrumque paulo post recepit. Et
 Chirurgus quidam magnæ & experientiæ &
 fidei , sese eandem rem fecisse , mihi ipsi af-
 firmavit ; idque is nullo antecedente appa-
 ratu , ne divilâ quidem cute , executus est ;
 scalpello tantum inter duos ex Annulis lo-
 cum incidit , ac postea Spathulam exilem in-
 tromisit , cava demum Turunda adhibita ;
 unde æger , qui animam eo tempore efflare
 videbatur , brevi convaluit , multosque post-
 ea annos incolumis superfuit.

Arabs Albucasis , magnæ Experientiæ
 Chirurgus , uti infra confirmabitur , Ope-
 rationis hujus modum a Paulo , nulla ejus
 mentione habita , exscribit ; eamque , licet
 ipse nunquam præstitam vidisset , sine peri-
 culo fieri posse existimat. Isque eo magis in
 sententiam hanc adductus est , quod Mulie-
 rem ipse viderat , quæ guttur sibi præcidis-
 set , & stertorem atque gemitum morienti-
 bus similem ederet ; Aerem is per vulnus
 exisse deprehendit , & Venas Jugulares non
 fuisse sectas ; unde cito curata est , nullo
 quoquam , præter raucitatem , incommodo
 re-

* Gaengöer.

a Chirurg. Curios.

PAULUS. remanente. Quatuor ejusdem naturæ casibus relatis, Experimentum usu proprio confirmat, Auctor pro eo quo vixit tempore minime contemnendus, Gulielmus de Saliceto. Prostat etiam ejusmodi exemplum singulare in Actis Philosophicis.

Alia Operatio est haud antea descripta, per quam in Viro ^a Mammæ exciduntur: ubi, ut aliquando fit, in amplitudinem immodicam excreverunt. Multum hic Adipis, ut ait ille, subtercrescit, ac Muliebris Mammæ speciem refert; idque ope Chirurgiæ tolli debet. Administratio autem hujusmodi est: "Lunata per imam Mammillæ partem" linea inciditur; cutisque, exempto adipe, "futura rursus committitur. Ac si forte" Mammilla in inferiora, uti in Mulieribus, "propenderit, Lunatas duas plagas in extremis earum cornibus utrinque coeuntes" inferemus, ita ut minor a majore comprehendatur; ac tum cutis interjecta, una "cum adipe, eximetur: & iisdem futuris" utemur. Ac siquid errore sit relictum, id "rursus excidere oportet." Fabricius ab Aquapendente curationem hanc crudelem atque barbaram vocat, quæque admirationem omnem superet: multamque in quærendo talium excrementiarum usu operam ponit; quas in iis solum inveniri contendit, quibus pili in Pectore desunt: ideoque has in iis ad fovendum calefaciendumque Cor magis necessarias esse conjicit. Operationem cruciatu plenam esse non negabo; auxilium tamen videtur esse unicum, modo hæc res

cu-

curationem ullam recipiat. Idque non te-^{PAULUS.}
mere quis affirmet, lenem a Fabricio pro-^{A.D. 640.}
positam medelam, quæ fit per Lixivalem
Calcis Expressionem, vel parum vel nihil
profecturam.

Spero me non commissurum ut ineptus
Tibi, Vir Amicissime, videar, eo quod
tantum temporis tui consumam in singulari-
bus quibusdam rebus, quæ apud Veteres
occurrunt, designandis, quarumque men-
tionem omnem Historiæ Medicæ Scriptores
omiserunt; quod sane indicio est hos vel eo-
rum monumenta ne omnino quidem attigisse,
vel ita negligenter tractasse ut nullam
ex iis utilitatem decerpserint. Quodque ad
argumentum modo absolutum pertinet,
Chirurgia Pauli omnium de hac re Libro-
rum ab ejus temporibus usque ad hunc diem
quasi fundamentum semper extitit: multi-
que accurate exscriptum, aliqui novo tan-
tum quasi vestitu indutum, emiservunt. Ne-
que aliud addam præterquam quod Fabri-
cius ab Aquapendente, celebris admodum,
quique in Experientia consenuit, Chirur-
gus, & Operationum earum, quæ manum
postulant, administrationem unus ex Re-
centioribus accuratissime descripsit, doctrinam
Celsi atque Pauli ubique, pro Textu,
ponat: quodque Observationes ejus ac præ-
cepta in horum explicatione unice prope-
modum consistant. Sunt tamen multi, qui
ex præjudicata opinione nihil nisi vulgaria,
& vix notatu digna in Paulo reperiri, Cel-
sumque nullam unquam Operationem exe-
cutum esse contendunt. Salmasius quidem
hunc

PAULVS. hunc parum candide *Ανιστολογητὸν* appellat, quasi Vir Medicinæ imperitus esset: liceat autem mihi a docto hoc Critico dissentire in re quæ ad Medicam Artem pertinet. De Paulo vero satis mihi dixisse videor, ut quid de eo existimandum sit, omnes judicent. Certe Celsus, si Medicinam haud exercuisset, nunquam in referendo eo modo, quo Heraclides *Αγκυλοεξέφαρον* curari voluit, hæc verba protulisset, "Ego sic restitutum esse neminem memini:" neque apud illum alii desunt loci eodem spectantes. An Romæ ita scribere ausus esset, ubi nemini Artem hanc, necne, factitaverit, ignotum esse poterat? num credibile est quenquam ita accurate de quovis argumento, ac præcipue de Chirurgia, re, siqua alia est, subtili ac perplexa, scribere potuisse, etiamsi Traductorem solum fuisse concedamus, nisi in ista quoque esset ipse Professione versatus? versatus autem in illa est, plus minusve, sine dubio Celsus, nisi ex alio aliquo Auctore omnia sit ad verbum furatus. Unius tantum Capituli Lectio, quæ de Calvariæ Fractura est, facile evincet, subtiles illas de Contra-Fissura observationes e propria ipsius esse Experientia profectas. Ac licet quidam dubitent, utrum existat unquam Contra-Fissura, rem haud improbabilem istam censeo; quando Sutura vel admodum compressæ vel prorsus oblitteratæ sint: uti haud raro fit, ac præcipue in hominibus ætate provectioribus. Obiectio quæ petitur ex eo quod de aliis quoque Argumentis haud imperite scripserit, uti

uti de Rhetorica, &c. ac Medicinam quasi PAULUS:
partem tantum grandioris cujusdam operis A.D. 645.
in eo comprehenderit, valde infirma est;
tanquam haud multo magis verisimile esset,
ut de Rhetorica aut alia quavis Arte Medi-
cus scienter scriberet, quam ut Rhetor me-
rus cum judicio apteque & apposite Medi-
cinam exponeret.

Facile ostendere possem, quem ad gra-
dum Ars Chirurgica primis his temporibus
evec̃ta sit, prout illa in horum atque his ma-
gis Veterum Auctorum Commentariis ex-
plicata est: verum hanc rem absolvere ma-
lo Viri ejus verbis, qui controversiæ hujus
judex erat longe peritissimus, quique ob
eruditionem ejus summam cum pari Expe-
rientia conjunctam, ingens extitit & Pre-
fessionis & Patriæ suæ decus. "Si incre-
"menta, inquit ille, a Recentioribus in
"Chirurgia facta consideremus, confiteri
"necessè erit ita parum nos debere nosmet
"iis anteponere, aut eos despiciatui habe-
"re, uti mos est inter illos qui & parum
"norint & nihil legerint, ut nulla ista opi-
"nionem fortiora vel inscitæ, vel arrogantæ
"nostræ argumenta proferre valeamus. Ne-
"que vero is sum qui affirmem, nihil pror-
"sus a Recentibus ad excolendam Chirur-
"giam præstitum: id enim & absurdum &
"injuriosum esset, neque stulticiam mino-
"rem ea, quam nunc reprehendo, indica-
"ret; id solum, nos in expoliendis ornan-
"disque Veterum inventis, atque in melio-
"ri luce collocandis, magis elaborasse, quam
I "mult

PAULUS. " multa alicujus momenti de nostro adjecif-
 A. D. 640. " se, contendo. Quod fortasse ob alteram
 " ex his duabus caulis contigit, Vel quod
 " injuriarum extrinsecus illatarum sanandi
 " ars, cum sensibus præcipue subjiceretur,
 " maturius agitata sit, ideoque ad aliquem
 " perfectionis gradum altera Medicinæ par-
 " te citius perducì potuerit; Vel quod, cum
 " plerique ejus Professores per aliquot sæ-
 " cula illiterati atque Empirici essent, ea
 " haud tantum aucta & exulta sit, quan-
 " tum fuisset, si ad eam exercitandam
 " melius instructi, quam vulgo & olim fue-
 " rint & hodie sint, Chirurgi accessissent.
 " Cujus quidem rei satis validum, me judi-
 " ce, argumentum est, ea insignium Scrip-
 " torum paucitas, qui Chirurgiam illustra-
 " runt, si cum iis conferantur qui in aliis
 " plerisque Artibus ac Scientiis excelluerint;
 " quanquam si pauciores essent, nihil inde
 " huic Arti, modo Sciolis istis fidem adhi-
 " bere velimus, detrimenti accederet. Equi-
 " dem vanæ hujus opinionis excusationem
 " nullam probabiliorem hac invenio: Quo-
 " niam aliquando & in Medicinæ & in Chi-
 " rurgiæ usu ea via incedendum est, quæ
 " aliis commonstrari nequeat, & ad quam
 " Artifex quisque suo ipsius judicio ac natu-
 " rali sagacitate duci debeat: ideoque nihil
 " de hujusmodi rebus in Auctoribus istis re-
 " periat, quos Opinatores hi consulendos
 " forte fortuna sumserint, lectionem omnem
 " illico, quasi inutilem & frugis expertem,
 " despiciunt; præcipueque Veteres con-
 " temnunt, qui plerumque, ut vera fatear,
 " ne-

" neque Tironibus neque Insulis scribunt, PAULUS.
 " ac multo minus iis qui nulla unquam di- A.D. 640.
 " sciplina erudiri valeant.

" Quicumque autem eorum scripta confi-
 " derate examinaverit, & ea conferendi oc-
 " casionem, deque iis a propria Experien-
 " tia judicandi facultatem habuerit, necesse
 " est ut fateatur, id unum præ Recentiori-
 " bus plerisque horum lectionem magnopere
 " commendare, quod & signa Pathognomo-
 " nica accuratius describant, & Tumorum
 " atque Ulcerum species exactius distinguant
 " omnibus quotquot nuper ingenio maxime
 " valuisse jactitamus.

" Quod si præsens hæc ætas asperas quas-
 " dam & supervacaneas in curando rationes
 " sustulerit, uti nos fecisse agnoscendum est,
 " eas ab Antiquis ortum traxisse minime de-
 " monstrari potest: cum eas ab ignotis bar-
 " barisque Professoribus, qui multo post vi-
 " xerint, in usum adductas esse constet.

" Minime dubium est, quin præcipua Chi-
 " rurgiæ incrementa, posterioribus hisce sæ-
 " culis facta, Anatomix præsertim inventis
 " tribui debeant: cujus ope plurima ex iis
 " solvimus Phænomenis, quæ antea vel in-
 " explicabilia erant, vel perperam explana-
 " ta sunt: cum præcipua interim ejus pars
 " (Artem intelligo Curandi, cui cæteræ omnes
 " quasi famulari debeant) haud multo in me-
 " liori statu floreat, quam ab Antiquis sit
 " relicta.

" Ut affirmata a me irrefragabili probem
 " argumento, ad singula ea Chirurgiæ Vo-
 " lumina, quæ a doctissimis præclarissimis-

PAULUS. "que inter Recentiores vulgata sunt, pro-
 A.D. 640. "voco: siquidem omnia vel a se invicem,
 "vel, si qua aliis præstent, e Veteribus ex-
 "scripta sint. Verum in hac re id pro Re-
 "centioribus dici potest, hunc ab iis adhi-
 "beri quidem suctum, tamen haud inchoa-
 "tum esse exscribendi modum: cum Aëtius
 "Paulusque Ægineta haud pauca a Galeno
 "mutuati sint; Marcellusque Empiricus
 "idem inverecundius fecerit pleraque a
 "Scribonio Largo sumens, haud memorato
 "interim ejus inter cæteros Auctores nomi-
 "ne, quibus haud ita multum debuerit.

"Inter omnes eos qui Systemata compo-
 "suerint, paucos esse exilimo, qui non
 "primas Hieronymo Fabricio ab Aquapen-
 "dente deferant, Viro certe & doctrinæ &
 "judicii indubitati; tamen haudquaquam
 "eum pudit lectores docere, Celsum inter
 "Latinos (qui, ut ipse ait, "Mirabilis est
 "in omnibus, "quemque, Horatii verbis,
 "nos jubet, Nocturna versare manu, ver-
 "sare diurna) inter Græcos Paulum Ægine-
 "tam, inter Arabas Albucasim (quem Re-
 "centioribus annumerare nolim, quia in
 "eorum numero est quem Judices nostri
 "recentes rejiciunt, vel quod ejus scripta
 "nunquam legerint, vel quod mala hæc ei
 "fortuna obtigerit, ut sexcentis abhinc an-
 "nis vixerit) quasi Triumviros esse, quo-
 "rum præcipue auxilio usus sit in illustri il-
 "lo Libro a se composito.

"At innumeræ, dicat aliquis, Operatio-
 "nes nunc in usu sunt, Antiquis incogni-
 "tæ; vereor equidem, inquisitione facta,
 "ne

„ne plures, eæque admodum utiles, a NO-PAULUS.
 „bis vel omiſſæ vel neglectæ, quam inven- A.D. 640.
 „tæ ſint.

Haſtenus pauca quædam dixi (ſiquidem multo plura dici poſſent) de quatuor iſtis Scriptoribus Græcis; ex quo brevi Specimine comperies, ſylvam aliquam in iis a Clerico inveniri potuiſſe, quæ paris momenti eſſet & ab aliis æque intacta, ac multæ res, quas ille fuſius enarravit, ex iis præcipue decerptæ, qui in Hippocratis & Galeni intervallo floruerunt.

Atque hoc quidem tempore ſpatium intra quod viguere Græci in Medicina Scriptores Claſſici (etenim hoc nomine appellandi ſunt) abſolvitur. Nam ſi ſingulos, ab eorum Principe Hippocrate uſque ad Paulum, coætaneis ſuis quacunque in Arte aut Profeſſione excellentibus contuleris, hiſ ii vel in rerum diſpoſitione, vel in argumentandi perſpicuitate, vel in puritate ac vi ſermonis, nullo modo inferiores cenſendi ſunt. Immo quidam ex illis ſupra quam quod cujuſque ætas ferebat, ſani & eloquentes fuerunt; cujus rei exemplum luculentum eſt Aretæus. Ac Sophiſtæ ipſi, qui ante & poſt Adriani imperium non modo Romam ſed univerſum Aſiæ littus impleverant, quique in Veterum Græcorum elegantia, vel ſermone ſaltem imitando operam omnem curamque poſuerunt, ſi ſtylum duntaxat ſpectemus, Galeno & quibuſdam ejus Succeſſoribus neutiquam facundiores extiterunt. Galenus ipſe non modo Medicus ſui tempo-

A.D. 640. ris peritissimus fuit, sed omnes etiam alios varia eruditione doctrinaque Critica superavit. Tantum honoris Viri isti Professioni suæ attulerunt ex eo quod in aliis Artibus non minus quam in sua versati sint. Celebris etiam ille Sanctus Basilius, qui propriæ valetudini, quæ nunquam ei non infirma erat, inserviando, Medicus evasit, quique multas allusiones ac similitudines ex hac Arte desumptas habet, fuit, ut Photii verbis utar, ob orationis nitorem, proprietatem, perspicuitatem, ac dulcedinem, ex primis inter Patres Scriptoribus: sicut etiam Sancti Lucæ sermo ad Veterum normam eo quo utuntur cæteri Evangelistæ propius accedit. Quanquam enim Lucas aliquam habeat Hellenismorum & loquelæ Syræ mistionem, quod in homine ortu Syro, & ab ^a Hellenistis verisimiliter ad Judæam Religionem converso ferendum est: tamen e Græcorum Auctorum, dum Medicinæ studuit, lectione sine dubio stylum expolivit. Et oratio ejus interdum fluens ac florida est, uti cum Iter Sancti Pauli describit. Isque, ubi de Morbis aut curationibus eorum sermo incidit, voces, ideo certe quod Medicinam esset professus, magis quam alii faciunt, argumento idoneas adhibet. Cujus multa proferri possent exempla; unum vero aut alterum sufficiet. Paralyti correptus admodum congrue ab eo ^b παραλελυμένος, qui a Sancto ^c Matthæo atque ^d Marco παραλυτικός dicitur; quæ quidem vox apud Veteres nusquam occur-

a Vid. Grotium in Titul.

b 5, 18.

c p. 9. 2.

d p. 2. 3.

currit. Mulier Sanguinis profluvio laborans A. D. 64.

a * Sancto Marco describitur , quasi παύσα
 ἔπειτα πολλῶν ἰατρῶν καὶ δαπανήσασα τὴν περιεργίαν αὐτῆς ,
 καὶ μηδὲν ὠφεληθῆσαι , ἀλλὰ μᾶλλον εἰς τὸ χεῖρον
 ἐλθῆσαι : omnia ista a b Sancto Matthæo omif-
 fa sunt , Sanctus autem Lucas eadem , alio
 tamen more , multumque in Professionis
 Medicæ gratiam , tradit ; nam pro eo quod
 multa a multis Medicis passa esset , & ex
 curatione deterius se habuerit ; hoc solum
 inquit , vim morbi medicamentorum poten-
 tia majorem extitisse , καὶ ἰσχυρὸν αἶμα ἐξενῶς
 διεκπιυθῆναι c. Porro , de nummis a Muliere
 impensis loquens , verbo perquam idoneo
 utitur , ἀποσυναλλάσασα ; cum vox a Sancto
 Marco adhibita , nempe δαπανήσασα , luxu-
 riosam tantum pecuniæ profusionem proprie
 significet : quo sensu quoque eandem habet
 in d Filii Prodigii Historia Sanctus Lucas. Ita
 in ejusdem Mulieris tradenda curatione , ni-
 hil aliud dicit Sanctus Matthæus , nisi ἰσώθη :
 Marcus autem , ad similitudinem locutionis
 Hebraicæ ait , ἐξηράνθη ἡ πηγὴ τοῦ αἵματος : Lu-
 cæ vero Phrasis , ut magis Medica , ita sim-
 plicior quoque & correctior est , ἵση ἐγένετο .
 Ubi Christus multorum morbos sanaverat ,
 de iis dicit Matthæus , διεσώθησαν e , & Mar-
 cus , ἰσώζοντο f : Lucas autem verbum adhi-
 bet quod sanationem peculiariter exprimit ,
 ἵατο πάντως g : idemque Verbum in duodecim
 aliis scriptoris hujus locis occurrit , semel-
 que vox ἵασις . Ita cum Centurionis famulum
 h curatum esse ait Sanctus Marcus , Lucas

I 4

non

a 5. 26. b 9, 20. c 8, 43. d 15, 14. e 41.
 36. f 6, 65. g 6, 19. h 8, 13.

A. D. 640. non modo sanatum eum, sed *ἐγναιίνοντα*^a, perfecte valentem, commemorat: per quod curatio efficacior significatur. Ita in describenda virginis resurrectione e mortuis, prolata Christi voce inquit, *βίβρανε τὸ πνεῦμα*: quod ille, sine dubio, uti primum resurrectionis signum, ponit. Eandem in loquendo accuratorem servat, ubi de ^c Claudis mentio incidit. Ita in isto loco ubi dicitur, „Non egent, qui sani sunt, Medico, sed „qui male habent, „ Sancti Matthæus atque Marcus id exprimunt per vocem *ισχυόντες*, ut vox a Sancto Luca adhibita, scilicet *ἐγναιίνοντες* ^d, magis congrua est. Possunt enim homines temperamenti validissimi morbis conflictari, (uti Capitis dolore, &c.) qui Medici opem requirant: at qui bene valent, hanc non desiderant. Ita de Petri noverca loquens ait, *ἦν συνεχόμενη μεγάλη πυρετός*: Galenus inquit *μέγιστος* ac *σφοδρότατος* in morbis eodem sensu a Medicis usurpari, hosque interdum febrem *μειζονα*, interdum *φρεσποτικην*, quam antea fuerit, dicere. Ita in Hippocratis Epidem. L. 2. S. 2, legimus, *πυρετὸν ἐλάττων*. Quare Sanctus Lucas Medicorum hic sermone utitur; atque ita dicit, quo morbum curatu difficiliorem fuisse ostendat. Ac sequentes loci, „Medice curatione ipsum ^e: „ &, „Palpate me, & videte, „quia Spiritus carnem & ossa non habet^f, „apud Sanctum Lucam solum exstant. Atque illud in Servatoris nostri Agonia, videlicet, „Sudorem ejus factum esse, ut guttas San- „gui-

a 7. 10. b 8. 55. c AC. Ap. 3. 7. d 5. 31.
e 4. 23. f 24. 39.

„guinis decurrentis ad terram ^a „ a cæteris ^{A.D. 640.}
 Evangelistis omisſum eſt, aptiſſime vero a
 Sancto Luca, utpote Medico, memoratum.
 Porro notatu dignum eſt iſtis quoque omni-
 bus, in Miraculorum Chriſti, quæ ad ſana-
 tionem pertinent, magis diligentem eſſe Lu-
 cam; multasque ab eo Hiſtorias eſſe prola-
 tas quæ cæteri tacuerint: qualis eſt ea de re-
 ſuſcitatione Viduæ Filii in Urbe Nain ^{*}; &
 iſta de Viatore, quem Samaritanus inſuſo
 Vulneribus ejus Oleo Vinoque curavit ^b;
 & illa de Muliere, quæ Spiritu Infirmi-
 tatis per octodecim annos laboraſſet, & a Jeſu
 ſanata ſit ^c; & hæc de homine qui Hydrope
 tentatus eſſet ^d; & de decem illis qui Lep-
 ra infecti ad ſanitatem redierint ^e; de aure de-
 nique in ſervo Pontificis Maximi a Chriſto
 curata ^f. Illud etiam animadverſione dignum
 eſt, quod Lucas in enarrandis iis, quæ ad
 ſanationem pertinent, Chriſti miraculis fu-
 ſior ſit quam Evangeliſtæ cæteri; quodque
 Hiſtoriam unam, de reſuſcitato Viduæ Fi-
 lio in Urbe Nain, ab aliis omiſſam narret.

Nullam hic Græcis Medicis laudem tri-
 bui, quæ non iis jure debeat; horum ve-
 ro exemplum Latini Scriptores male ſunt
 ſecuti: & ſi Celfum atque Plinium excipi-
 mus, (hic enim aliquas Medicinæ partes in
 Hiſtoria ſua Naturali attigit,) quis eſt cujus
 lectionem ſuſtinere poſſimus? Scribonius
 Largus, cui vix aliud quam Empirici no-
 men imponi poteſt, licet priori Claudio im-
 perante ſcripſerit, quo tempore lingua Ro-

I 5

ma-

^a 22, 44. ^b 7, 11. ^c 10, 30. ^d 13, 11.
^e 13, 2. ^f 17, 12. ^g 22, 51.

A.D. 640. mana tolerabili faltem puritate florebat , in sermonem Latinum , ut ita dicam , converti debet , quo facilius ab iis intelligi possit , qui in Clasticis tantum ejusdem ætatis Scriptoribus versati sunt.

Leonardus de Capua , in ridiculis istis Sermonibus quæ ab eo Ratiocinia nominantur , haud semel significat , a Græcis exiguos admodum in Arte Medica factos esse progressus , ac nihil fere ei ab illis collatum , nisi quod eam verborum eloquentia exornaverint. Nihil interim ex omni Historia luculentius evincitur , quam quod ii Medicinam in Artis ac Scientiæ formam primi redegerint : quodque ab eorum tempore usque ad hunc diem in omnibus Terræ partibus , quibus inaudita est Græca in medendo disciplina , nihil nisi Empirica curandi ratio obtineat. Eodem jure ipsos Poeticam , Oratoriam , & Sculpendi Pingendique Artem omnibus numeris absolvissè denegasset. Nunquam hoc Libro legi quicquam absurdius ; atque id solum ostendit Auctor , magnam ab eo tumultuariæ cujusdam eruditionis conquistam esse copiam , neque ingenium ut eo abuteretur illi defuisse , quo omnia semper in malam partem detorsit. Quam diligenter aucta , expolita , & perfecta sit a Græcis Medicina , accuratissime exposuit Clericus ; neque otium ego meum tuumve in homine refutando conteram , qui ita parum Professionis suæ utilitatem ac vim agnoscit , ut in ea vix ullam esse Artem concedat. Immo satis ridicule Sextum Empiricum , Scepticum illum celebrem , inter Auctores

tores^a eos adducit, qui Medicinæ incertitudinem cognoscerent: cum is sibi pro Principio statuerat, ut nihil certi in ulla re, ne in Mathematicis quidem Demonstrationibus, reperiri contenderet. A.D. 640.

Pauca de altero quodam e Veteribus Auctore dicenda sunt, quanquam is nihil proprie de Medicina scripserit. NEMESIUM intelligo, Emisæ Episcopum, qui Librum de Natura Hominis, circa finem quarti Seculi, composuit. Eo me impulit Oxoniensis Editor, qui duo illi inventa ascribit, quorum alterum omnium est, quotquot unquam in Medicina reperta sunt, longe utilissimum. De Bile primum est^b, „quæ, ut inquit Nemesius, & per se, & propter aliud constituta est; nam ad concoctionem confert, & depulsionem excrementorum movet: ideoque fit quodammodo una de partibus nutrientibus, quinimo & calorem quendam præbet corpori ut vitalis facultas. Ac his quidem de causis propter se videtur extitisse: sed quia Sanguinem purgat, Sanguinis causa quodammodo videtur esse facta. His verbis, inquit Editor, Bilis Systema plane & accurate traditum est: Systema illud, quod ingenti cum arrogantia a se inventum prædicavit Sylvius de le Boe. Neque sane inficiandum est, in iis integrationum a Sylvio adductarum fundamenta contineri: & si Theoria hæc ullam in Medicina utilitatem præstat, inventionis laus jure a Nemefio vendicanda est. Altera res lon-

NEMES-
SIUS.
A. D. 640.

longe majoris momenti est ; siquidem Au-
ctor affirmat , Circulationem Sanguinis ,
quam superiori Sæculo repertam tantopere
jactamus , Nemefio fuisse notam , atque ab
eo verbis admodum claris ac luculentis de-
scriptam. Ea hæc sunt , „^a Pulluum motus
„ initium habet a corde , & maxime a fini-
„ stro ejus Ventriculo. Diducitur autem
„ vehementer & contrahitur Arteria , har-
„ monia quadam ac ratione. Sed dum didu-
„ citur , a proximis venis vi trahit tenuem
„ sanguinem , cujus respiratio fit alimentum
„ Spiritui Vitali. Dum autem contrahitur ,
„ quod in se fuliginosi est per totum corpus
„ & occulta foramina exhaurit : quo modo
„ Cor per os & nares quicquid fuliginosi est
„ expirando sursum expellit. „ Unico hoc ,
„ parum certe firmo nixus fundamento ,
magnum illud Circulationis inventum Ne-
mesio tribuit ; iique , qui eandem & Hippo-
crati & Galeno innotuisse contendunt , ar-
gumentis æque validis instruuntur. Illud so-
lummmodo dicam , ex hac ipsa descriptione ,
& ex iis quæ de Jecore in eodem Capite i-
dem Auctor tradit , (quod viscus ille alimen-
tum corpori per Venas suppeditare autu-
mat) manifeste concludi posse , nullam de
modo , quo peragitur Sanguinis Circulatio ,
notitiam habuisse Nemesium.

De hac re disputationem instituere nolo ,
atque id tantum animadvertam , Circulatio-
nem veram ab Auctore longe recentiori ,
accurato quidem & eleganti eo , neutiquam
fuisse comprehensam. De Columbo loquor ,
qui

qui cum Anatomiam exquisitè calleret, minutissime distinctissimeque, annis abhinc supra centum & quinquaginta, non modo structuram sed & usum quoque singularum partium ad Cor pertinentium explicuit, nisi quod exiguum de Valvulis quibusdam errorem admiserit: isque verbis ita dilucidis, ut nihil supra fieri possit, monstrat qua ratione per Cordis contractionem ac dilatationem, ac mechanicam ejusdem vasorum Texturam, Sanguis a Vena Cava per Pulmonem in Aortam circuletur, atque inde in omnes Corporis partes deferatur; quam rem nulli unquam observatam, neque de ea quicquam litteris proditum affirmat. Juxta illud, (ejus autem verba quoad sensum fere cum iis conveniunt, quæ a Serveto coætaneo ei Scriptore, adhibentur, licet in Columbo multo explicatiora sint) Pulmo Spirituum Vitalium generationi inservit: id quod ab eo vocibus sequentibus explanatur:

„^a Aër Asperæ Arteriæ vehiculo per un-

„versum Pulmonem fertur: Pulmo vero

„Aërem illum una cum eo sanguine miscet,

„qui a Dextro Cordis Ventriculo profectus

„per Arterialem Venam diducitur. Sanguis hujusmodi ob assiduum Pulmonum

„motum agitur, tenuis redditur, & una

„cum Aere miscetur, qui & ipse in hac

„collisione rarefactioneque præparatur: ut

„simul mixti Sanguis & Aër per Arteriæ Venalis ramos suscipiantur: tandemque per

„ipsum truncum ad Sinistram Cordis Ventriculum deferantur: deferuntur vero tam

„belle

NEMK-
SIUS.

A.D. 640.

„belle mixti atque attenuati, ut Cordi ex-
 „ignus præterea labor superfit: post quam
 „exiguam elaborationem quasi extrema im-
 „posita manu vitalibus hisce spiritibus, re-
 „liquum est ut illos ope Arteriæ Aortæ per
 „omnes corporis partes distribuât. Hic
 ad verbum curiosi illius Anatomici sensus
 est, qui quidem veritati optime convenit;
 verum hic subito quasi gradum sistit, neque
 fluxum Sanguinis ex Arteriis in Venas ex-
 plicare aggreditur. Immo ex iis, quæ de
 Vasis istis passim profert, evidenter constat,
 nihil eum de ullo inter hæc Vasa commer-
 cio suspicionis habuisse. Nam præterquam
 quod Arteriis solis Spirituum Vitalium
 transmissionem assignet, in alio sermone ait
 Venas Sanguinem a Jecore in omnes Cor-
 poris partes diducere. Et in hac re præci-
 pue hæret ejus de Circulatione doctrina,
 quod Venarum & Arteriarum communica-
 tionem minime explicet: utcunque ii illud
 parum comprehenderint, qui vel pro Har-
 væo, vel contra illum, Libros evulgave-
 rint. Cæsalpinus ^aquidem Anastomoseos vo-
 cem vel casu adhibens, vel hanc a ^bServe-
 to mutuatus, calorem innatum ex Arteriis
 in Venas, sed nonnisi somni tempore,
 transire posse existimat: atque ex iis quæ
 proxime sequuntur patet, Circularem San-
 guinis progressum minime ab eo fuisse co-
 gnitum; hunc enim undulante quodam mo-
 tu ab altero ad alterum vasis extremum mo-
 re Euripi (ea ipsa est ejus vox) ferri ponit;
 neque alia est Hippocratis de motu Sangu-
 nis

^a Quæst. Peripat.^b De Trinitate, 5.

nis sententia: Fabricius autem ab Aquapendente hunc in Arteriis per Fluxum ac Reflexum circulari diserte tradit. Quod si ex iis quæ Auctores isti de Circulatione Sanguinis, tam per Cor, quam per Pulmonem in Aortam, dixerint; ratiocinari volumus, evidenter concludendum est, Sanguinem, qui Aortæ immittitur, debere necessario in Venam Cavam reverti: nam nisi id ita esset, nulla ratione jugis ille cursus, qui, ipsis docentibus, per Cor ac Pulmonem peragitur, continuari posset. Tamen hanc iis consequentiam non fuisse perceptam æque evidenter apparet, quamvis id ex illorum Principiis facili ac necessaria deductione concludatur. Verum haud magis mirum est, Columbum & Cæsalpinum huc usque, nec ulterius, esse progressos, quam quod Fabricius ab Aquapendente Venarum Valvulas a se repertas descripserit; simulque verum earum usum penitus ignoraverit, id quod ex ipsa ab eo facta descriptione evincitur.

Ut integra inventi hujus laus populari nostro tribuenda est, ita id ille omni rationum ac verborum claritate exposuit; ac licet multa postea de hac re vulgata sint, Harvæi Librum esse omnium & brevissimum & maxime perspicuum, & argumentorum pondere munitissimum fidenter aio: cujus rei veritatem percipiet, quisquis varias pro Circulatione Apologias evolverit, vel ea sit patientia instructus ut ^b Tractatum perlegere sustineat quem, tædii plenissimum ac frugis omnino expertem, conscripsit Raymundus Vieussenius.

No-

^a De Venarum Officiis.

^b De Sanguine & Corde.

NEME-
SIUS.
A.D. 640.

Nova hæc de Circulatione doctrina, licet firmissimis rationibus extra dubium posita, vehementer a multis impugnata est: ejusque inventor adversantium plurimorum impetum sustinuit: quorum responsiones pleræque magis contradicendi studio, quam argumentandi vi, refertæ sunt. Minime quidem horum exempla imitatus est Vir eruditionis maximæ Gassendus; is enim ea, quæ Litteratum deceret, ingenuitate præditus, licet antea Circulationem, & Chyli cum Sanguine commercium, strenue negasset, tamen erroris sui postea a Pecqueto convictus est, qui Receptaculum Chyli detexit, & in Humano Corpore Ductum Thoracicum primus investigavit: quarum rerum compos Gassendus magno se affectum gaudio declaravit, quod in ipso mortis limine duorum ita nobilium inventorum scientiam afsecutus esset: illud etiam adjiciens, quod has res verissimas, quæ se invicem probant ac stabiliunt, quos quasi cardines reputaret, quibus omnis postea Medicina verti deberet.

Ex hoc Harvæi reperto multum incrementi posset Medicina, etiam in curationibus morborum, acquirere. Ejusmodi quidem opus ipse aggredi instituerat, quo emolumenta, e doctrina sua in Praxin redundantia, ostendere voluit; sed, morbo ac morte præpeditus; consilium illud haud executus est. Cæptum profecto Architecto hoc nobili dignissimum, quod utinam aliqui Successores ejus absolvant. Pauca tantum hic ipse subnotabo, ex quibus disci poterit, quan-

quantos usus Practicæ Professionis hujus ^{NEME-}
 parti afferre valeat penitus perspecta ac rite ^{SIVS.}
 adhibita Circulationis cognitio. ^{A.D.640.}

Primo enim, ex Doctrina hac constat quanto cum judicio, uti nunc fit a Chirur-
 gis nostris, in Amputationibus adhibeatur
 Arteriarum deligatio: quantumque hic mo-
 dus veteri illi anteponi debeat, qua cum
 ingenti terrore & cruciatu Sanguis, nonni-
 si Cauteriorum, Causticorum, & Escharo-
 ticorum ope, sisti solebat. Præterquam
 quod invento hoc tormenti vehementia tol-
 litur, ex Motus legibus quo fertur Sanguis,
 scimus neutiquam fieri posse, quin is contra
 Escharam secti vasis ea vi arietet, cui nihil
 præter ligaturam satis valide possit resistere.
 Inventionem hujus rei Paræo^a debemus,
 qui, ut ipse ait, de ea nihil unquam aut vi-
 su aut auditu perceperat, sed experimenti
 instituendi ansam ex quibusdam verbis in
 Galeno de Vulneribus arripuerat: quod illi
 ita feliciter respondit, ut id sibi in mentem
 venisse Inspiratione Divina existimaverit.
 Quod si animo frequenter recolere vellemus
 ea, quæ a Veteribus de Argumento quovis
 prodita sunt, nova certe nobis, sine Inspi-
 ratione, non modo de re quæsitæ consilia se
 offerrent, sed quæ ad alia quoque negotia
 aptari possent, uti Paræo contigit. Circula-
 tionis quidem notitiam prævit hoc Paræi in-
 stitutum; sed vehementer ambigo an id ita
 frequentem in usum venisset, nisi commo-
 ditatem ejus percepissent homines, a doctri-
 na hac evidenter convicti: uti colligere li-

K

cet

NAME-
SIUS.
A. D. 640.

cet ex eo quod tarde admodum in quibusdam regionibus, etiam in Gallia, invaluerit, si ex iis judicandum est quæ de hac re tradidit ^a Vigierius. Certe apud Nostrates, nonnisi paucis abhinc annis, renovatum, vel potius introductum est. Exiguam ejus notitiam habere videntur Germani: idque nonnisi strictim ab Hildano^b memoratur: a Batavis, Nuckio^c teste, omnino rejectum est.

Explicat etiam Circulatio, quemadmodum post Amputationem Membri, abscisso Arteriæ Trunco, in vicinis partibus continuetur Sanguinis cursus: ideo scilicet quod minores Arteriæ rami vicem istius suppleant, atque sensim in majorem capacitatem ampliatæ Sanguinem, partium motui ac nutrimento necessarium, suppeditent. Quod quidem Problema nullis aliis Principiis solvi potest, atque ita longe abest ut hæc res contra Circulationem, sicut inscii quidam Scriptores faciunt, objici queat, ut ejus veritatem argumento validissimo confirmet.

Eadem doctrina primo intuitu veram rationem commonstrat (& hæc quidem a Chirurgis nostratibus adhibetur, qui nullis vel Anatomix peritia, vel Chirurgiæ veteris studio inferiores sunt) tractandi Aneurysmata, quæ Puncturæ superveniunt. Siquidem, loco Compressionis, quæ vix unquam cursum Sanguinis intercipit, post idoneas ligationes dividenda est Arteria: & hæc non modo supra, sed etiam infra, Puncturam de-

^a Chirurg. p. 39. ^b De Gangren. §. 3.
^c Experim. Chirurg. 49.

deliganda est (uti fit in Varice) quo Sanguinis in eam fluxus prohibeatur ex aliis ramis, qui fere in omni Corporis parte communicationem inter se habent. Notavi antea, Praxin alterius cujusdam Gentis esse in hac re valde mancā.

Postremo, Galenus, quique hunc secuti sunt, Revulsionem semper, quo ea major fit, ex eo latere, in quo malum est, fieri præcipiunt: idque ob hanc causam, si causa dici meretur, quod major partium consensus est in dextro latere cum venis dextris, & in sinistro cum sinistris. Itaque nulla unquam acrior in Medicina controversia extitit quàm quæ per ducentos prope annos agitata est: „Utrum scilicet in Pleuritide Venæ, in eodem, an in opposito Latere, aperiri debeat. „Cujus rei ideo præcipue mentionem facio, ut ostendam neminem satis intellexisse ante inventam Circulationem, quid esset Revulsio: quicquid inepti quidam Veterum fautores affirmant; neque enim ullo modo fieri potest, ut doctrina hæc, sine Circulationis scientia, comprehendatur. Ope hujus statim videmus, quo in loco Revulsio fieri possit fortissima; quodque pertinet ad missionem Sanguinis in Pleuritide, intelligimus Venæ Sectionem in eodem Latere paulo quidem subitius revelle-re, tantulam vero esse differentiam, ut miremur unde ulla unquam mota sit de hac re controversia. Illud de missione Sanguinis universe adjiciam, quod Circulatio omnia illa præcepta prorsus inutilia reddiderit, quæ multo cum labore antea magnoque fa-

NEME-
SIUS.

A. D. 642.

fitu posita sunt, de aperienda in particularibus morbis sive hac sive illa Vena: ac licet indocta Medicorum plebes Artem cauponandi, & Mysterio rem clarissimam involvendi, occasionem amiserint, iis certe, qui Professionis suæ gnari sunt, hanc saltem a Circulatione utilitatem se consecutos esse fatendum est, ut perfecte intelligant quam parvi sæpe referat hujus sive illius Venæ delectus; vel siquid intersit, nunquam in judicando hæreant, quænam cæteris anteponi debeat.

Sed ut ad Historiæ nostræ seriem revertar, ad alios jam Medicinæ Scriptores Græcos minoris notæ ac recentioris ævi veniendum est. Quoniam in plerisque vix quicquam novi deprehendo, brevem tantummodo Operum enarrationem faciam, & Auctorum ætates qua potero accuratione constituam; quam rem apud Historicos nostros valde perturbatam invenio. Quamquam id sane haud ita mirandum est, quoniam ab Agathiæ tempore, id est ab A. D. DLX, usque ad imperium Isaaci Comneni, quod A. D. MLX obtigit, magnus in Historia Græca per quingentos annos hiatus est, ita ut nihil fere rerum in omni isto intervallo gestarum sciamus, nisi quod e tenui paucorum quorundam Imperatorum, ac præsertim Mauritiî & Heraclii, mentione colligendum est.

PALLA-
DIUS.

PALLADIUS, Sophista & Jatrofophista dictus, Alexandriæ, ut ipse significare videtur, educatus est. Hunc primum inter Recentiores Græcos pono, cum erudito Auctore pa-
rum

rum conveniens, qui hunc circa A. D. cxxvi ^{PALLADIUS.} floruisse* tradit. Santalbinus ad veritatem propius accedit, Palladium post Galenum collocans, inferius A. cc. quanquam in hac re magnopere etiam lapsus est Santalbinus; nam in Præfatione Translationis quam edidit Palladii Commentariorum in Hippocratis Librum de Fracturis, dicit verisimile esse hunc Auctorem post Galeni tempora vixisse, ideo quod Galenus nullam ejus mentionem habeat: cum e sua ipsius Translatione probare potuisset rem istam esse certam, siquidem ibi Palladius Galenum nominat. Id quod etiam in aliis suis operibus frequenter facit; etiam hunc non tantum Galeno sed & Aëtio quoque & Alexandro juniorem arguimus, quod eorum verbis utitur, utimox videbimus.

Commentarii in Fracturas imperfecti sunt: sed ex eorum reliquiis jacturam istam non magnopere dolendam esse discimus: cum doctrinæ claritate & copia Textus Annotationibus minime cedat. Commentarii in Sextum Epidemiorum Librum Septimam Sectionem non excedunt; cæteri, in quibus exposita erat Sectio Octava, perierunt. In his, magna cum perspicuitate & accuratione, non modo Hippocratem sed Galenum quoque passim illustrat; ac speciatim animadvertit Calculum suo tempore magis frequentem ac minus sanabilem esse factum: quod ævi luxuriæ tribuit, quæ gulæ multum dedita erat, & exercitationi parum.

Liber de Febribus clarus ac brevis est, quem ex Aëtio totum fere desumpsit. Caput

PALLADIUS.

de Epiala ad verbum fere ex isto Auctore descriptum est; & in eo Hædicæ Comparatio illa insignis cum Aquæ super Calcem infusione evidenter a Galeno Aëtio & Alexandro translata est. In proximo Capite de Marasmo agitur; atque hic errorem obiter corrigere lubet quem in eleganti sua hujus Opusculi Editione admisit Charterius. Morbo hoc affectis dicuntur esse βλέφαροι παρυπλησious μυσαζόντων, quod ille convertit, „palpebræ „Sacrificantium similes. „Præterquam quod μυσαζόν non sit Græca vox, sensus postulat ut legatur νυσσάντων, „dormitantium. „Hæc in eodem casu Palpebrarum conniventia per verbum illud a Galeno exprimitur; in Aëtio ὑπώπνιπς legitur, in Alexandro εἰς ὕπνον ἔλκεται.

Varii extant hujus Opusculi Codices Manuscripti in Bibliotheca Cæsarea, quanquam nullus horum Palladii nomen gerat, sed omnes vel Theophilo, vel Stephano, vel interdum utrique ascribantur. In unius Titulo, ab ore Theophili exceptum dicitur, uti fusc^a narrat Lambecius. Tamen si Palladium ipsum consulamus, verum ejus Auctorem illum ipsum esse reperiemus: quippe cum id nominet in Commentariis suis ad Epidemia Hippocratis. Hoc exemplo discimus, quam exigua fides Titulis adhiberi debeat, quos Libris Manuscriptis sæpe præfixos legimus; siquidem hi non raro hujus aut illius Auctoris nomen præ se ferunt, juxta vel errorem, vel conjecturam, vel secretum aliquod Librarii consilium.

Extant

^a Lib. 6. 18. ^b Sect. 6. 6.

Extant quidem Tractatus complures sub ^{THEO-}
 Theophili nomine, qui multis ac diversis ^{PHILVS.}
 Titulis distinguitur, Jatrofophista, Proto-
 socratharii, & Monachi; quorum duo poste-
 rio^a sibi ipsis contradicere videntur. Lam-
 becius Theophilum hunc sub Heraclii re-
 gno ponit: idque ea solum de causa, quod
 in ^a uno Manuscripto Codice Libri de Fe-
 bribus, uti modo dictum est, is ab ore
 Theophili exceptus traditur; & quoniam
 idem Liber Stephano ascribitur, qui istius
 Imperatoris tempore floruit, hinc concludi
 putat Stephanum fuisse unum e Theophili
 Auditoribus. Sed auctoritas hæc & ratioci-
 nium videntur æque parum valere; & quæ
 supra de hoc Tractatu dicta sunt, ad resolu-
 endam istam opinionem sufficere arbitror.
 Ego potius ex barbaris quibusdam vocibus
 quæ scriptis suis passim intermiscet, post il-
 lud tempus vixisse hunc crediderim. Omni-
 um quotquot nunc supersunt Auctorum is
 est primus, qui ex professio de Urinis ege-
 rit: quarum consistentiæ & coloris causas
 luculenter explicuit; item, quosnam mor-
 bos singula earum genera indicent, & quæ-
 nam præfagia ex illis duci possint. Sunt hic
 multa eadem iisdemque verbis exposita,
 quæ in Libro ejusdem argumenti legimus
 Galeno perperam tributo; id ei facile appa-
 rebit qui utrumque contulerit. Aëtium sæ-
 pe exscribit; & eodem prope modo argu-
 mentum tractat de Facibus,

Extant præterea alii duo ejusdem Theo-
 phili Libri; alter, De Structura Humani

K 4

Cor-

THEO-
PHILUS.

Corporis : alter, Commentarii in Aphorismos Hippocratis ; sunt quidem ii breves & perspicui : atque in illis sane haud minus se in Aristotelis doctrina versatum , quam in Hippocrate explanando intelligentem ostendit. Sed in utroque Opere , ac speciatim in priori , pleraque a Galeno sumit : cujus Libros de Ufu Partium sæpe ita religiose describit , ut in Asperæ Arteriæ descriptione versum eundem Homericum ponat quem adduxerat Galenus ,

Κλαγγηδὲν εἰς πέπταις ἐπ' ἀκραγαῖο ῥοάν.

Verum in quibus locis hic a Galeno discrepet , aut ei quippiam adjiciat , melius ab erudito Juvene explicabitur , qui desideratam nobis hujus & aliorum quorundam Græcorum Tractatum ad Anatomiam pertinentium Editionem publico dare constituit.

Aphorismi , modo memorati , impressi sunt sub nomine Philothei ; eosdem Manuscriptus Codex Cæsareus Stephano tribuit.

Liber de Pulsu , quem conversum habemus sub Philareti nomine , in Manuscripto Codice Cæsareo a Theophilo scriptus dicitur ; idque fortasse haud perperam : etenim Humani Corporis Structura fere eodem modo tractatur. Alios de argumento isto , vel haud satis perfecte , vel nimis prolixè egisse ait ; posteriori voce Galenum credo significare vult , cujus quidem scripta in Epitomen tantum videtur hic redegissemus e Libris ejus de Præfagitione ex Pulsibus.

STA-

STEPHANUS Atheniensis, five Alexandri-STEPHANUS.
 nus, (nam ex loco ubi ortus, & ex eo ubi^{NUS.}
 commoratus est, modo hoc nomine, modo
 illo dicitur) scripsit Commentarium in pri-
 mum Galeni Librum ad Glauconem. Is qui-
 dem Galeni Liber ea perspicuitate est, ut
 explanationem vix recipere posse videatur;
 verum haud improbabile est Medicam ejus
 temporis eruditionem præcipue in explican-
 do Galeno constituisse: & Abi Osbeia, Bio-
 graphus Arabs, septem Medicos Alexan-
 drinos commemorat, quorum unus est Ste-
 phanus, qui Galeni Opera in sedecim Li-
 bros digesserint: atque hos rursus, pro ar-
 gumenti varietate, in septem Classes partiti
 sint; & eorundem illos Librorum lectioni
 unice incubuisse tradit, neque in alia re oc-
 cupatos quam ut hos vicibus suis commen-
 tarentur & Auditoribus suis explicarent.
 Ideoque minime verisimile est id quod Cl.
 Clericus sine ullo fundamento existimat.
 hunc tertio vixisse Sæculo; immo ex hoc
 ipso Stephani Commentario patet, multo
 recentiorum fuisse: siquidem ipse Commen-
 tatores in Librum a Galeno ad Glauconem
 scriptum perquam a Antiquos memorat.
 Mecumque recolenti ea quæ in Sectione 140
 de Quartana dicit, pravam videtur, ut ipse
 vult, Galeni interpretationem ab Alexan-
 dro^b factam respicere. Si hic idem est ac
 Stephanus, qui Chymicus dicitur, ætas ejus
 haud difficulter investigari potest: Chymi-
 cus enim Opus suum de Chrysopœia Hera-
 clio dicat: atque ita id cum iis convenit quæ

K 5

su-

a S. 98.

b Lib. 12, 8.

STEPHA-
NVS.

superius tradita sunt. De Stephano quoque altero legimus, Alexandro itidem illo, qui sub eodem Imperatore in Astrologia clarus exstitit, atque ingentem illam Sarracenorum potentiam prædixit, ad quam paucis postea annis euecti sunt. Lindanus Stephanum e Veteribus Græcis ultimum vocat; tamen si hæc de ætate ejus vera sint, multos alios post id tempus Græce scripsisse constabit.

NONVS.

Horum NONVS ordine proximus videtur; is Enchiridion quoddam Medicum composuit, quod brevem plurimorum affectuum enarrationem, & eorundem curationes complectitur. Illud Constantino Porphyrogenito inscribit, qui juxta Lambecium Leonis filius, & septimus fuit ejus nominis Imperator, atque A. D. DCCCC obiit; idem litteris ipse paulum imbutus, earum Patronus insignis audiit. Sed Constantinum hunc, Porphyrogenitum pariter nominatim, Jeremias Martius, qui opus hoc Græce & Latine edidit, filium fuisse arbitratur Constantini Ducæ, qui A. D. MLXVII obiit: idque ob hanc causam, quod Ducas Pater Litterarum admirator cultorque extitit, & frequenter has voces in ore habere solitus est, „Malle se Doctrina quam Imperio nobilitari. „ Igitur aliqua eruditionis fama circa id tempus Pselli floruerunt.

Utri Constantinorum inscripserit Librum suum Nonus, parvi refert: tamen ex Annæ Comnenæ Historia notari potest, per spatium illud temporis, quod duobus istis Im-

Imperatoribus intercessit, vel admodum e-
 languisse vel plane intermorta fuisse Litte-
 rarum studia^a. Nonus.

Epitome hæc nihil fere continet, quod non ex Aëtio, Alexandro, ac Paulo sit exscriptum. Exempli gratia, in ^b Capite de Caro, ea quæ de anteriori Cerebri parte dicit, ab Alexandro ^c Pauloque ^d desumpta sunt. Quod de missione Sanguinis in Paroxysmo ^e Calculi præcipit, a posteriori ^f horum manifeste hausit; & ex ^g priori observationem ac distinctionem de Venæ Sectione & Purgatione factam in Pleuritide ^h: quanquam Morellus, qui ipsa verba ejus adducit, nullam de ea re mentionem habeat. Multa de Medicamentis ab eo commendatis apud Aëtium iisdem vocibus narrata inveniuntur: ut, Collyrium Erasistrati, quæque ex Thure & Glaucio ⁱ componuntur; item Medicamenta Faciei admota in Elephantiasi ^k, &c. Antidotum Esdræ^l, & alia. Ea verecundia est Nonus, ut nullum Auctorem nominet: quod certe hominem minime decuit qui nihil de proprio haberet. Quin & aliorum quoque Experientiam sibi assumere non veretur; nam Melancholiam^m exacte describens, salutare quos in ea vidisset ipse effectus fuisse tradit Lapidis Armeniaci, ideoque hunc Veratro albo præfert; item de Rabiosiⁿ Canis Morfu haud inepte loquitur, illud insuper animadvertens, cum Vulneri supervenisset Hydrophobia, nunquam se in
 omni

a Lib. 5. b 28. c 1, 4. d 3, 9. e 174.
 f 3, 45. g 6, 1. h 129. i 49, 4, 5. k 205.
 296. l 13. m 33. n 279.

Nonus. omni Artis usu novisse quenquam ad sanitatem perductum. Verum de priori re omnia ad verbum ab ^a Alexandro, de posteriori a ^b Paulo desumpta sunt. Hunc pro Inventore habet Barchuyfen, multusque est in explanandis ejus opinionibus de causis morborum, cum ne unam quidem ille, quam non aliunde mutuatus sit, opinionem habuerit.

Quidam Manuscripti Codices Bibliothecæ Cæsareæ Opus hoc in Capita dividunt, alii in Libros; omnibus vero nomen Theophanis inscribitur, sine ulla Noni mentione, atque in Titulo id præcipue ex Oribasio collectum dicitur, licet ex iis quæ supra dicta sunt Collectorem hunc, quicumque is sit, plus aliis Auctoribus debere appareat.

MICHAEL
EL
PSELLUS. Haud diu post Nonum vixit MICHAEL PSELLUS, & Librum eum quem de Qualitatibus ac Virtutibus Alimentorum contexit, Constantino Imperatori inscripsit. Constantinum hunc ^c Lambecius illum fuisse credit, qui dictus est Monomachus, quique ab A. D. MXLIII usque ad MLV regnavit; at si, juxta eundem, Psellus A. D. MLXXVIII obiit, haud minus verisimile est Constantinum fuisse Ducam; & eo magis quod ex Zonara ^d constat Psellum apud Michaëlem Ducam, Imperatoris istius Filium, Præceptoris locum habuisse. Idem Zonaras Scriptorem hunc instituendo Principi valde inidoneum fuisse ait, utpote nullo Litterarum genere imbutum: quem tamen Anna Com-

^a 1, 17. ^b 5, 3. ^c Biblioth. Cæsar. 6. 208.
^d Lib. 18.

Comnena, quæ paulo post hunc extitit, ut MICHAEL PSELLUS.
 hominem magnæ indolis & in omni Philo-
 sophia cum primis doctum, ac Litteris tam
 Græcis quam Chaldaicis penitus instructum
 deprædicat. Ejusmodi laudes illi tribuit Leo
 Allatius, qui ex Dissertatione de Psellis
 etiam amore hujus nominis captus videtur,
 & hunc non modo *πολυγλωσσώτατον* vocat, sed
 etiam inter Auctores primos ponit. Tamen
 in hoc Tractatu nihil invenio quod cuivis
 Scriptori magnæ laudi esse possit: neque e-
 nim aliud est quam Collectio facta ex Anti-
 quioribus Medicis Græcis. qui & ipsi hanc
 Scientiæ partem de Galeno præcipue hau-
 serunt, uti fecerat etiam e Dioscoride Gale-
 nus. Psellus a Nicephoro Botoniate vexatus
 atque omnibus bonis spoliatus est, & vitam
 Monasticam amplexus paulo post in ætate
 provectissima obiit. Alii complures ab hoc
 Auctore scripti sunt Libri, de quibus fuse
 egit Leo Allatius.

Quamquam hujusmodi Collector fuerit SIMEON.
 Psellus, SIMEON Antiochenfis de eodem ar-
 gumento scripsit, stylo quidem corruptissi-
 mo, & materiam ex eo potissimum hausit;
 idque eo magis mirum videri potest, quod
 Liber quem exscribendum sumsit, in om-
 nium memoria jam tum recens versaretur.
 Simeon enim, licet Psello junior, tamen
 coætaneus ei certe fuit, quippe qui Librum
 suum dicaverit Michaëli Ducæ, Parapina-
 ceo dicto, qui imperio se abdicavit A. D.
 MLXXVIII, eo ipso anno quo Psellus, uti
 docemur, mortuus est. Sunt & alia multa
 hu-

SIMEON. hujus Simeonis Opera; ac præsertim ei debetur Libri cujusdam admodum ridiculi Traductio ex Arabico in Græcum sermonem, De Sapientia Indorum, quem Perzoes, professione Medicus, rogatu Chosrois Persarum Regis contexuit.

DEMETRIUS PEPAGOMENUS. Extat etiam Libellus de Podagra, a DEMETRIO PEPAGOMENO scriptus, & Michaëli Palæologo dicatus, circa A. D. MCCLX, si Imperator ejus nominis primus, at circa MCCCX, si secundus intelligatur. Opus hoc, licet nihil fere notatu dignum contineat, & ex aliis Auctoribus ac præcipue ab Alexandro haustus sit, tamen haud ita infra mediocritatem est, ut a Traductore M. Musuro ejus Auctor, cujus ille nomen ignoravit, quasi sensus suos exprimere nequiret, infans & elinguis dici mereatur. Fabricius suspicari videtur Librum De Curatione Calculi; Galeno perperam tributum, a Demetrio fuisse scriptum; id quomodo ei in mentem venerit, divinare nequeo, nisi duorum horum affectuum cognatio occasionem ei conjectandi præbuerit, ambos fuisse ab eodem Auctore pertractatos.

ACTUARIUS. ACTUARIUS, Zachariæ filius, ita sine dubio vocatus quod Archiatri munus sub hoc Imperatore gessit, melioris notæ, quam omnes modo memorati, Auctor est. Scripsit is Tractatus complures, in quibus multæ res occurrunt lectu dignissimæ. Constantinopoli Medicinam, idque, uti videtur, non sine fama aliqua, exercuit; siquidem Libri

Libri ejus sex De Methodo Medendi compositi sunt in usum unius e. præcipuis Aulæ ^{ACTUARIUS.} Ministris, Magni scilicet Camerarii, qui Legationem ad Regiones Septentrionales susceperat. Fabricius, per errorem, Actuarium ipsum facit Legatum. In his Libris, licet Galenum præcipue sequatur, & haud raro Aëtium Paulumque, (at neutro eorum nominato,) tamen omnia quoque profert, quæ ad argumentum suum pertinere arbitratur, ex Auctoribus tam Antiquis quam Recentibus; Græcis perinde ac Barbaris; utque ei debitam laudem tribuam, multa ibidem haud alibi reperienda occurrunt.

Opus hoc Libellum vocat, sive Compendium extempore scriptum in privatos solum Legati, ut ipse passim narrat, usus: qui cum ipse aliquantum in Scientia Medica versatus esset, id in occasione quavis facile consuleret. Igitur in eo nihil est ad Chirurgiam spectans, vel ad Morbos Mulierum; licet Auctor interdum, quasi propositi immemor, puerorum morbis, ac præsertim Aphthis, mederi doceat. In prioribus duobus Libris, agit de Morborum signis & Causis; in sequentibus duobus, de Curatione & generatim & per se; in duobus ultimis, Remedia describit omnia tam externa quam interna: quorum aliqua a Græcis hausta, alia a se inventa, alia auditu cognita prodit, vix unquam vero nomen Auctoris adjicit, ne nimiam illud Medicamento existimationem pariat.

In tertio quartoque Libro, sicut etiam alibi, suam ipsius Experientiam haud paucis com-

ACTU-
ARIUS.

commemorat. De Canis Rabiosi morfu agens, ex eo Hydrophobiam post anni interval-
 lum ortam se novisse tradit; quidam, in-
 quit, hunc post septem annos interdum ap-
 parere aiunt, in quo Paulum respicere vi-
 detur, cujus ista sunt verba, licet eum
 haud nominet. Novas quasdam nec inutiles
 Observationes habet de Colico ^a Dolore, &
 Inflammatione ^b Jecoris. Distinctio ab eo fa-
 cta de Causis Palpitationis videtur haud aliun-
 de sumta, neque hanc alibi uspiam invenio;
 Oribasius, Aëtius, atque Paulus ea quæ de hac
 re habent (sunt autem pauca admodum) e
 Galeno tantum hauriunt. Actuarius Palpi-
 tationem plerumque a nimio calore vel ab-
 undantia Sanguinis oriri docet: non autem
 iis semper modis fieri, sed aliquando a Va-
 poribus sursum elatis produci. Differentia
 autem hac ratione percipi potest; si ex pri-
 ori causa ortum ducit, Pulsus inæqualis est:
 si ex posteriori, non item. Neque ullus pro-
 fecto e Recentioribus eo Auctor est, qui
 causas vehementis hujus in Corde motus
 verbis rationi magis congruis exposuerit. Si
 Scriptores consulamus Arabas, qui vel an-
 te ejus tempora vel in eadem ætate florue-
 rint, morbum hunc ab iis Frigidæ plerum-
 que Causæ tributum reperiemus; eundem
 Tartari sui dissolutioni ascribit Paracelsus:
 Nativi Gas Aciditati Helmontius: corrosi-
 vis præcipue e Pancreate Vaporibus Sylvius
 de le Boë. Omnes hominum ineptorum Hy-
 potheses, quæ ad mali hujus originem per-
 tinent, nimis longum esset recensere; igi-
 tur

tür unam tantum ceterarum instar e Germano ^{Actuarius}
 quodam Auctore, Dolæo, proferam, qui Me- ^{Rivæ.}
 dicinæ omnis, uti hanc dicit, Encyclopædiam
 composuit, ut veram cujusque morbi natu-
 ram nobis explicaret. „Palpitatio, inquit,
 „affectus est, in quo Cardimelech, Rex
 „noster, valde inquietatur, & bello intesti-
 „no infestatur, & tamen omnem lapidem
 „moveret ad hostem illum abigendum, mo-
 „tusque domesticos sedandos: ei vero quasi
 „sappetiæ a Microcosmetore Socio Cardi-
 „melechi mittuntur, Spiritus nempe Ani-
 „males ad Cor impetuosius ruentes.„ Sed
 ut, omissis his vanitatibus, de rationali Pal-
 pitationis Pathologia disseram, id quod de
 inæquali Pulsu in Plenitudine tradit Actua-
 rius, frequenti Experientia verissimum esse
 comperimus. Hæc etiam Pulsus inæqualitas
 aliquam in Corde obstructionem indicat: at-
 que haud raro non Palpitationem tantum,
 sed Syncopen quoque ac mortem subitam,
 prænuntiat; uti prædixit in Antipatro Me-
 dico Galenus, qui paulo post hoc modo
 obiit. Pulsus quidem in violentis hisce mo-
 tibus, non modo temporum intervallo at-
 que ictuum vi inæqualis est, sed frequenter
 etiam intermittit. Nam in hoc casu resisten-
 tia fit a Sanguine vel in Aorta vel in Arte-
 ria Pulmonari: ad quam exsuperandam Cor
 haud illico valens, contractionem suam qua-
 si suspendit, donec sufficiens ei ad Sanguini-
 nis per vasa more solito protrusionem Spiritu-
 um suppeditetur copia. Igitur observari
 potest, in Palpitationis vehementi Paroxy-
 smo majora esse Pulsationum intervalla: &

L

quo

ACTUARIUS..

quo longiora hæc sunt, eo violentiores esse istas. Ita res se habet in magna Sanguinis abundantia: atque ob hanc ipsam causam eos, quibus suppressa fuerint vel Hæmorrhoidum vel Mensium profluvia, Palpitationibus maxime opportunos notat Galenus. Malum hoc non modo ex Plenitudine oriri potest, sed etiam ab ingenti vel Rarefactione vel Cohæsione ac Tenacitate in Sanguinis particulis: vel a magna Flatuum copia, quæ vel Thoracem vel Abdomen premant distendantque. Ob aliquam ex his causis Cordis Palpitationem Viris Hypochondriacis atque Fæminis Hystericis Symptoma usitatum esse novimus, quod etiam notavit Actuarius; Hollerius autem casum huc spectantem tradit, in quo Pericardium Flatu solo ad immensam molem intumisset, neque alia affectus hujus appareret causa.

De Palpitationis medela plura cæteris Græcis tradit Actuarius; præter Alterantia, quæ affectus causis & ægri temperamento aptanda sunt, Venæ Sectione maxime & Purgatione nititur; quorum posterius remedium ab hoc primum Auctore memoratum credo. Ac profecto, quando is morbus peculiari alicui Spirituum ac Sanguinis conditioni ortum debet, uti non alius potest esse curandi scopus, quam vel ut in Nervos minuatur Spirituum fluxus, vel ut tollatur ea quæ in Vasis Cordis a Sanguine resistantia est, lenes utrique huic consilio Evacuationes optime respondebunt, ac præsertim Venæ Sectio & Purgatio, quoniam exinaniunt simul & revellunt. Neque ullam esse Palpitationem

nem credo, quæ quidem originaria atque I-^{ACTUALIS}
 diopathica dici debeat, quæque ex pravo^{RIUS}
 Sanguinis statu oriatur, ubi ambo hæc re-
 media non conveniant, quicquid contra do-
 ceat Sennertus: & frequenter subiit me mi-
 rari neutrum horum a Willisio nostrate in
 curatione hujus morbi esse præceptum. Piso,
 Practicus haud infelix, utrumque ^a com-
 mendat, sicut ab aliis quoque multis factum
 est: verum ii ita exceptionibus atque cautelis
 abundant, ut difficulter intelligi possit,
 quando alterutrum ex istis auxiliis vel adhi-
 beri vel vitari debeat. Galenus certe detrac-
 tionem Sanguinis universe fieri jubet: atque
 insignem is de homine Historiam ^b narrat,
 qui verno tempore quotannis vehementi
 Palpitatione tentatus, per tres etiam dein-
 ceptis annos Sanguinis missione in Paroxysmo
 ab affectu liber evaserit; quod cum obser-
 vasset æger, quarto anno Venæsectione ma-
 turius facta accessionem prævertit, quod
 idem Experimentum ei per multos postea
 annos pari cum successu respondit. In Ple-
 nitudine, omnes de Missione Sanguinis con-
 veniunt; ^c Salius autem recte videtur senti-
 re, qui hanc fieri jubet, sive hæc adsit, sive
 non. Nam sive Palpitationem hanc a nimio
 Spirituum impetu oriri judicamus, sive a
 nimia Rarefactione aut Cohæsiōe Sangui-
 nis, quæ majorem efficiat in exitu Cordis
 resistantiam: levamentum certe in singulis
 casibus a Sanguinis quantitate imminuta ex-
 pectari potest. Unde in Palpitationibus Sym-

L 2

pto-

^a Sect. 3. 2.
 particularium Affect.

^b Loc. Affect. 5, 2.

^c Curat. Par-

ACTUA-
RIUS.

ptomaticis , uti sunt eæ quæ Mensium aut Hæmorrhoidum fluxus suppressioni super-
veniunt , quamprimum Natura ad conue-
tudinem redierit , Cordis hic affectus eva-
nescit. Immo ex Hæmorrhoidibus subita
sanguinis eruptio , in quibus ista fieri non
consueverit , malum hoc fere semper tollit.
Prudenter sine dubio a Sennerto posita cau-
tio est , ne , cum Aquæ in Pericardio re-
dundantia Palpitationem fecerit , adhibea-
tur aut Purgatio aut Venæ Sectio: quorum
usus pro certo parum efficax comperietur ,
ideo quod morbi causa ab horum auxilio-
rum operatione attingi nequeat. Quomodo
vero Aqua hæc a calido Electuario , aut
Pane fervido , aut Sacco Aromatico , quæ
Remedia ab eo sunt proposita , discuti aut
absumi possit , haud minus intellectu diffici-
le est , quam ejusdem Aquæ derivatio ope
Vesicantium Sterno applicatorum , quæ a
nonnullis præcipiuntur , quorumque effe-
ctus ab illo incomprehensibilis judicatur.
Mali genus ab eo descriptum mihi videtur
insanabile ; ideoque inutiliter quæritur , u-
trum in hoc Venæsectio adhiberi debeat
necne. Illud unicum addam , Originariæ
Palpitationis curationem esse a plerisque
Medicis Scriptoribus omissam : siquidem hi
regulas omnes Practicas adversus illud ge-
nus , quod per Sympathiam oritur ^a , præ-
cipue ordinaverunt : quanquam sine dubio
Palpitationes existant , quæ a nullo alio
morbo antea subsistente pendeant , neque
vitium ullum habeant sive Cordis sive Peri-
car-

Vid. River.

cardii adjunctum , tamen Artis auxilio de-^{ACTUA-}
 pelli possint , sicut hic ab Actu^{RIUS-}uario doce-
 mur.

Primus inter Græcos Actuarius memora-
 vit descripsitque mitiora Purgantium gene-
 ra , uti Cassiam , Mannam , Sennam , My-
 robalanos ; horum posteriora duo Medica-
 menta e peregrinis regionibus , Syria scili-
 cet & Ægypto , in patriam suam advecta
 esse tradit. De Sennæ , quasi Fructu , loqui-
 tur , idem certe volens quod Serapion Va-
 ginam , Mesues autem Folliculum semen
 includentem nominat ; neque enim horum
 alteruter neque Actuarius de Foliis ejusdem
 quicquam habet. Ac licet hæc nunc præci-
 puo sint in usu , tamen interdum siliquæ
 etiam adhibentur : quæ quidem sola Sennæ
 pars iis temporibus , quantum ex istis homi-
 nibus disci potest , pro Medicamento veri-
 similiter usurpata est. Hanc tam in Pituita ,
 quam in Bile expurganda , valde efficacem
 esse prodit : de priori ista ejus virtute Ara-
 bes tacent. Ea quæ dicit ille de apportatio-
 ne ejus tam e Syria quam ex Ægypto satis
 cum his congruunt , quæ de eadem Planta
 nunc dierum a fidissimis Auctoribus narran-
 tur : nam ea quæ ex Oriente mittitur ,
 etiamnum optima habetur. Quæ de singulis
 horum Purgantium generibus dicit , ex A-
 rabibus , qui ab eo vocantur Barbari , hau-
 rere se fatetur ; atque hi sine dubio ista pri-
 mum in usus Medicos traxerunt. Similiter
 atque hi , is tres Myrobalanorum species
 describit ; Emblicasque & Belliricas Arabi-
 co nomine appellat ; quas quidem ambas ,

ACTUA-
RIUS.

licet qualitate magnam cum Myrobalanis cognationem habeant, tamen ab his ille, uti Arabes quoque omnes faciunt, distinguit. Primus has cum Myrobalanis confudisse videtur Myrepsus, quarum ideo quinque genera enumerat, cumque in hac re plerique e Recentioribus secuti sunt. Ea quæ apud ^a Actuarium habentur de Compositione quæ fit ex omnibus istis speciebus, & Tryphala, sive Tryphera parva, dicta est, (vox enim Triphylos, uti hanc legi vult ^b Gesnerus, nimis longe petita est) cum iis ad amussim quadrant quæ in ^c Serapione ac ^d Mesue, Barbaris Sapientibus ab eo vocatis, inveniuntur, idque Medicamentum ad eisdem affectus ab istis præscribitur. Caput integrum Syrupis ac Julapiis impendit Actuarius; quas ambas Compositiones Saccharum plerumque ingreditur, hasque ille sine dubio ab Arabibus desumpsit. Inde factum est, ut quidam hunc eorum linguæ peritum fuisse existimaverint. Utut autem Medicamentorum ab iis repertorum notitiam habuerit, tamen, id quod animadversione dignissimum est, de nullo quovis affectu quicquam tradit, qui non a cæteris itidem Græcis Scriptoribus memoretur; neque verbum apud hunc de iis Morbis, quos Arabes primum descripserunt, ne Variolarum quidem mentionem, reperias. Cum Sarracenis primum morbus hic apparuit, & quasunque illi regiones armis occupaverunt, ibidem pari furore statim grassatus est: seseque per Afri-

cam,

^a Meth. Med. 5, 8.^b Epist. 1, 22.^c Simpl. 95.^d 5, 9.

cam, Europam, maximamque Asiæ partem, ^{ACTUARIUS.} præcipue illic ubi hæc ad Orientem spectat, ^{RIUS.} latissime diffudit. Unde jure miremur, nusquam hunc in Imperio Græco per multa retro sæcula fuisse visum; quod quidem ita esse fatebimur, si illorum temporum atque ejus Gentis vel Medicos, vel etiam Historicos, consulamus: qui de vitio hoc nihil prorsus significant, licet iidem alioqui neque terræ motus, neque Pestis cujusquam mentionem in Historiis suis omiserint.

Est etiam altera res a Græco nullo ante Actuarium scriptore memorata, Distillati scilicet Liquores, uti Rhodostagma, & Intybstagma ^a; quæ a Traductore appellantur Stillatitius Liquor Rosarum, & Aqua quam Intybus stillavit: quæque ab Auctore ipso adhibentur in conficiendis Julapiis. Liquores hos Chymico quovis processu minime præparatos contendit ^bGesnerus, nihilque aliud esse quam Syrupos ex istis Plantis, ac Rhodostacti a Paulo descripti plane similes. Clericus vero, opinionem Langii secutus, contra sentit: clarissimeque demonstravit, Stillatitium Rosarum Liquorem ab Actuario memoratum, admodum esse diversum a Pauli Rhodostacto, quod e Succo Rosarum & Melle simul coctis unice conficitur. Is in hac re neutiquam falli videtur; quod ut ulterius probem, quædam libet asserere e Nicolao Myrepsso, qui Græcorum ultimus est, & ipsa Actuarii verba sæpe mutuatur. Is ^cRhodostacton Pauli de-

L 4

scri-

^a Method. Medend. 5, 4. ^b Præf. Euonym. ^c Lib. 7 d Epist. Lib. 1, 53. ^e Sect. 39.

ACTUA-
RIUS.

scribit, hoc solo cum discrimine, ut in eo Saccharum vel Mel indifferenter ulurpari posse dicat. Postea Hydrorofatum describit eadem ratione qua ab Aëtio Pauloque traditur: quod quidem Medicamentum priori simile est, nisi quod hic Rosæ Aqua adjiciatur. Deinceps hujus ipsius Julapii ab Actuario traditi compositionem narrat; unde hoc saltem liquet, quod præparationem ejus ab alteris duobus distinctam esse crediderit. Porro quicumque Compositionem ipsam consideraverit, perspicue videbit eandem absurdissime præceptam esse; nisi Aqua Rosarum distillata significetur; alioqui enim duplex erit omnino labor, & Medicamentum nulli bono ex iisdem rebus bis conficietur.

Clericus Actuarium in Arabum Schola fuisse institutum, & aliquid ex iis hausisse Artis Chymicæ existimat; hæc autem mera videtur conjectura, nulla auctoritate innixa. Quanquam enim, uti supra notavi, Medicamenta nonnulla, ab iis in usum adducta, sine dubio cognoverit Actuarius (quod fortuito alicui tunc temporis inter Græcos atque Arabas commercio deberi potuit) tamen haudquaquam constat fuisse eundem in eorum Scriptis Medicis versatum. Facile enim fieri potest, ut Medicamentum quis ex India sive Orientali sive Occidentali velet, ejusque usum probe noscat, neque ideo tamen quicquam amplius de Medicinæ Theoria ac Praxi in istis regionibus vigente intelligat.

Quod ad Distillationem ipsam, sive introductionem Chymicæ in Artem Medicam pertinet,

tinet, hujus rei Epocham Avicennæ tempore ponit Clericus; ipsumque Avicennam ^{ACTUARIUS.} primum hanc Scientiam in ulus Medicos derivasse existimat. Mihi non propositum est disputationem hic ordiri de Origine Chymiae Medicinalis; id duntaxat animadvertam, si ea res Arabibus debetur, quod utique haud improbable est, honorem inventionis Rhazi potius ascribi oportere; nam ut de Mercurio extincto & Sublimato nihil dicam, quem ^a is itidem memorat, Oleum Ovorum, quod unicum e Chymia depromptum apud Avicennam Medicamentum invenio, ab eodem Auctore describitur. Primus etiam Rhazes Oleum Benedictum, sive Philosophorum, tradidit: fuseque explicat, quemadmodum in Retorta Vitrea fieri debeat, quæ ad vim ignis sustinendam valens sit ac probe lutata (luto Sapientiae inquit Interpres) ignemque sensim augendum esse præcipit, donec Rubrum ope Distillationis eliciatur Oleum. Primus hic credo Scriptor est qui ullam Chymicorum Medicamentorum mentionem fecerit; quicquid enim in Veteribus Græcis, uti vocantur, Chymicis invenitur, id ad Metallorum Fusionem vel Transmutationem unice pertinet. Clericus Avicennam in usus Medicos Chymiam ideo primum adhibuisse statuit, quod in illo, uti narrat, prima occurrit Chymici remedii mentio: licet id unicum sit, Aqua scilicet Rosarum Distillata: duosque huc spectantes ex eo ^b locos adducit. At si diligentius velit Avicennam retractare, nihil omnino illic de Di-

L 5

stil-

^a Ad Almanz. 8, 4. ^b De Viribus Cordis & Pleurit,

ACTUA-
RIUS.

stillatione dictum reperiet, cum Rosæ in Aqua coqui disertissime jubeantur, quemadmodum a Græcis fieri solebat in compositione Rhodostacti & Hydrososati. Ac verissimum esse credo, quod de antiquis Arabibus ait Gesnerus: ubicunque Aqua Herbæ cujusvis in eorum scriptis nominetur, ibi nihil aliud nisi Decoctum ejus significari. Resque certissima est, Johannem Damasce-num, Mesuen dictum, (qui juxta finem Sæculi duodecimi, sub Frederico Barbarossa floruit) primum esse, qui processum Aquæ Rosarum Chymico more conficiendæ descripserit.

Ac nihilominus credibile est, Aquam Rosarum Distillatam in usu fuisse apud Græcos ante hæc tempora. Locus est in ea Historia, quam scripsit Anna Comnena, ad hanc rem appositus. Cum Imperator animo deliquisset, paulum hujusce liquoris ori ejus infusum est, unde ad se rediit; ipsa verba sunt, „*ἡ δὲ ῥοδινὴ συλῶματι*“.,, Vox hæc opinor, salva sermonis proprietate, nullo modo ad notandum vel Syrupum, vel Decoctum, vel Succum Rosarum expressum, adhiberi potest; & cum per hanc Liquor Herbæ cujusvis significetur, fit in eo tantum casu, ubi post incisionem is Liquor ex illa guttatim defluit, quemadmodum e Vegetabilibus, unde distillat Gummi vel Balsamum. Huc accedit, quod haud facile sibi quispiam persuaserit, Succum Rosarum simplicem fuisse in re adeo desperata pro Cardia-co datum. Imperator hic, nomine Alexius,

A. D.

a Lib. 18, sub fine.

A. D. MCXVIII obiit; quare si Aquam Rosarum ^{ACTUALIUS.} Distillatam hic significari ponamus, liquet hanc Græcis innotuisse paulo post tempora Avicennæ.

Obiter notari potest, Principem illam, quæ Historiam hanc conscripsit, uti multis Scientiis Artibusque eruditam fuisse accepimus, ita quoque videri Medicinæ cognitionem aliquam habuisse. Nam in exploranda Patris pulsu eam valde occupatam, ex eoque de viribus ejus judicantem videmus; Morbum ipsum minutissime describit, ac veritatem Prognostici a Nicolao Callicle, insigni tunc temporis Medico, facti agnoscit. Is enim, cum materia Podagrica sese Imperatoris humero infixisset, cæterique Purgationi adversarentur, prædixit; siquidem illa extremitates corporis reliquisset, nisi hac via expelleretur, cito nobiliores partes occupaturam. Quod ita accidit; nam brevi supervenit Asthma, neque ita multo post ipsa mors.

Præter hæc, in eadem Historia longam atque elaboratam habemus Nosocomii splendidissimi descriptionem, in usum Ægrorum ab Alexio structi. Utque hoc Ædificium videtur inter prima fuisse quæ apud Græcos Reditibus dotata sit, ideo locum sibi in Medicinæ Historia potest jure quodam vindicare. Neque brevem ejus enarrationem tradens longe me a proposito aberraturum puto. Novam Alexius Civitatem, prope Euxini Maris ostium, forma quadrata condidit; ubi humanæ infirmitatis misericordia commotus Nosocomia quoque fundavit in
ali-

ACTUA-
RIUS.

alimentum ac subsidium eorum, qui vel mutili essent vel morbis laborarent. Cæcos Claudosque illic videres, sicut olim in Solomonis Porticu, quæ cujusque generis ægrotantibus abundabat. Ædificium ipsum duplex erat, duo Tabulata altum. Ita late patebat, ut vix toto unius diei spatio bene per-
lustrari posset. Licet hujus Civitatis incolæ atque Nosocomii habitatores neque Terras neque Possessiones haberent, ac Jobi paupertatem æquarent, ex munificentia tamen hujus Principis nihil unquam illis defuit, quod ad eos sustinendos sublevandosque requisitum videretur. Et id quod magis mirandum est, nihil ipsi possidentes, Dispensatores atque Oeconomos suos habebant: ita ut principes Viri in administrandis eorum negotiis secum invicem certarent. Hinc magnæ emptiones factæ, magna munera in operis adeo benefici extructionem collata; idque Historiæ Auctor suo tempore absolutum vidit. Verum illud Alexius primum fundavit & constituit, Reditus ei tam ex Terra quam ex Mari assignavit, ejusque curam uni e primis Regni Administris in perpetuum delegavit. Quanquam hic Milites saucii atque invalidi, ac Senes laboribus indidonei sustentarentur, tamen appellabatur Orphanorum Nosocomium: quia major in eo plerumque talium numerus quam cæterorum aleretur. Erant Litteræ Patentes Aurea Bulla signatæ, quibus statui ac stabiliri posset Agrorum possessio atque annuus ejusdem proventus. Dispensatores autem rationes exactissime referre tenebantur, ut liqui-
do

do perspici posset pecuniam Pauperibus assignatam ab his haud in proprios usus esse conversam. Procopius quidem ait, Justinianum plurima hujusmodi Nosocomia instituisse; de iis vero nihil speciatim narrat, quamquam alia ab illo Imperatore Ædificia constructa descripserit. Ac dum Veterem vel Græciæ vel aliarum Regionum Historiam excutimus, mirari licet ita pauca dici de hujus generis Foundationibus.

Sed ut ad Actuarium redeam, & ea absolvam quæ supersunt dicenda de Libris ejus, ubi Methodus Medendi traditur: Auctor hic & in delectu & in descriptione Medicamentorum videtur admodum curiosus; atque hoc Opus, pro Medicinæ Systemate Practico haud contemnendo, jure haberi potest.

Duo Libri de Spiritibus more Physiologico conscripti sunt; omnisque ejus ratiocinatio in eo Tractatu Principiis inniti videtur a Galeno, Aristotele, aliisque super eodem argumento traditis. Quare, cum vix ullius adjumenti sit vel in dignoscendis vel in curandis Morbis, plura de eo dicere supersedebō; ejus Epitome apud Barchuysen invenitur. Illud interim notabo, Stylum in iis Libris minime impurum esse, sed Atticam venustatem plurimum redolere, quæ in posterioribus Græcis rarissime occurrit.

Idem Auctor Septem etiam Libros de Urinis composuit, ubi hanc rem plene distincteque explicuit, ac licet formam a Theophilo delineatam servet, tamen multa etiam de suo adjiecit; ita ut vix quicquam novi

Re-

ACTUA-
RIUS. §

Recentioribus dicendum reliquerit, quamquam ex his multi hunc Actuarii Commentarium, nulla ejus habita mentione, fere ad verbum exscripserint. In horum Librorum fine extat Capitulum uniuscujusque lectione dignissimum; ubi Observationem de Prognostico in Morbis instituendo utilissimam subjicit, Nihil ad veritatem Prædictionis magis conferre, quam Pulsus atque Urinæ juncta consideratio; ideoque in Libris de Methodo Medendi duas has Indicationes magno cum judicio simul tractat. Ex eo quod Medicamenta quædam Arabica cognoverit, nonnulli existimarunt, hos Libros illum ex Avicenna transtulisse; at descriptionis ratio ita diversa est, ut nullus huic conjecturæ locus esse videatur. Multoque magis verisimile est, Exemplar Arabicum, quod Manuscriptum extat, fuisse e Græco traductum.

Argumenta haud satis perspicua suppetunt, quibus accurate hujus Scriptoris ætas determinari queat. Vulgo existimatur, nulla tamen quod sciam auctoritate, Sæculo eum undecimo vixisse, ab aliis duodecimo. Eundem Lambecius ad initium decimi quarti revocat: idque ob hanc causam, quod in Manuscriptis Bibliothecæ Cæsareæ Codicibus Libri de Methodo Medendi Apocaucho inscribuntur, qui, juxta illum, idem est ac ille qui sub Andronico & Cantacuzeno A. D. MCCCXXX. aut MCCCXL valde celebris extitit. Omnis argumenti vis hac circumstantia nititur; & quia rationes ab eo ad hanc rem confirmandam adhibitæ inusitati

tati cujusdam generis esse videntur, lubet ^{ACTUA-}
earum pondus paucis examinare. Probare is ^{RIVS.}
vult Apocauchum eundem esse, quem A-
ctuarius, eo non nominato, ait Legationis
causa in Septentrionem profectum, ac suum
fuisse Condiscipulum^a sub Josepho Rachen-
dyte, cui inscripti sunt Libri de Spiritibus.
Apocauchum Lambecius inquit fuisse Phi-
losophiæ & Medicinæ peritum; quod ut o-
stendat, testimonium ex Johannis Cantacu-
zeni Historia adducit, in qua Apocauchus
ironice, ut ille ait, appellatur, „ὁ διδά-
„σκαλος τῆς ἰατρικῆς καὶ μαθητικῆς ἔργων καὶ φι-
„λοσοφίας^b, id est, Magister orbis, & di-
„scipulus mitis illius ac benigni præcepto-
„ris, nempe Josephi Rachendytæ, cujus
„nomen ibi subaudiendum est.„ Ac dein
ita pergit. „Huc etiam pertinet, quod Joh.
„Cantacuzenus refert Apocauchum meta-
„phoricis loquendi modis a Medicina de-
„sumptis uti consuevisse, & J. Cantacuze-
„num suum appellasse Medicum^c, utpote
„cujus opera, multis implicatus periculis
„& miseris affectus modis, ereptus atque
„curatus fuisset.„ Hæc ipsa ejus verba sunt,
quæ utut a Fabricio recitata atque ejus fide
credita, tamen valde mira ei appareant ne-
cessesse est, qui Historicum ipsum consuluerit.
Nam in priori sententia, ita longe abest ut
Apocauchum designet Cantacuzenus, ut de
Patriarcha Johanne loquatur: quem hic ut
arrogantem nec mansuetum hominem per-
stringit, qui Terrarum Orbem quasi Præ-

66-

^a Præf. in 1. & 2 Meth. Med.^b Lib. 3. 36.^c 3, 10.

ACTUA-
RIUS.

ceptor instituere præ se ferret, ac Discipulus esse ejus qui lenis erga Homines & Humani generis amans fuisset; quibus verbis hunc non Rachendyten, sed Servatorem nostrum, describere manifestum est: eademque loquendi forma, eodem sensu, alio in loco utitur. Similis propemodum error est in iis quæ sequuntur, de Metaphoris a Medicina ductis, quorum usu ita delectatum fuisse Apocauchum scribit; nam Historicus nihil prorsus de hac re loquitur: id tantummodo notat, se ab Apocaucho Medicum ejus dici solitum, haud vero istius vocis sensu, sed quoniam illum Cantacuzenus multis laboribus periculisque liberarat: verum inde minime concludi potest, ullam Apocauchum Medicinæ peritiā habuisse. Immo ita parum Apocauchi eruditio in hac Historia prædicatur, ut ibidem dicatur ab obscuris initiis tenuique fortuna, ex inferiore in Ærario Scriba, naturali quadam versutia, ac singulari in acquirenda pecunia calliditate (cujus valde esset appetens) primo in redimendis Vestigalibus munus quoddam exercuisse, ac dein Publicanis præfectum fuisse, Andronici Imperatoris temporibus: a quo cum ad Andronici ejus Nepotis partes transfugisset (neque enim pudore vel infamia unquam commovebatur) paulatim ita se provexit, ut Quæstor, Aulæ & Imperio Præpositus, Archidux demum & Omnia evaserit, uti id exprimit Cantacuzenus. Illud autem erat maxime mirabile, quod in eo potestatis fastigio perstiterit, quanquam ipse a Princeps animo erga illum esset aver-

fiffimo , ac licet in arduis hifce muniis ope-^{ACTUAR-}
 ra ejus uteretur , pro mero ſemper * Nebu-^{RIVS.}
 lone habuiſſet. Tandem ubi intolerabili cum
 arrogantia diu ſe geſſiſſet , quæ nunquam
 non mentis eſt exiguæ & puſillanimæ natu-
 ra , & publicarum omnium calamitatum
 Auctor jure putaretur , Apocauclus iſte
 meritam mortem ſubiit , a Captivis oppreſ-
 ſus A. D. MCCCXLV.

Sed ut ad propoſitum revertar , tametiſi
 hujus Apocaucli deſcriptio ei conveniret
 qui ab Actuario delineatur , fieri non poteſt
 ut iſ hic loci Actuario ſignificetur. Facile
 enim probatu eſt , non modo Actuarium ,
 ſed & alterum quoque Auctorem qui hunc
 frequenter memorat atque exſcribit , ante
 hæc tempora vixiſſe. Nicolaum intelligo
 Myreſum , e Scriptoribus Græcis poſtre-
 mum , modo impurus ejus ſermo pro Græ-
 co haberi debeat ; hic ſane , ſub Antidota-
 rii nomine , varia Medicamenta compoſita
 collegit , quæ in Græcis & Arabibus diſper-
 ſa reperiuntur. Res certiffima eſt Myreſ-
 ſum opus hoc contexuiſſe ante A. D. MCCC:
 etenim haud ſolum Petrus de Abano , Con-
 ciliator ille celebris , qui A. D. MCCCXVI
 obiit , ſed etiam Matthæus Sylvaticus , &
 Franciſcus Pedemontanus , Medicus uter-
 que Roberti Siciliæ Regis , quique initio e-
 jus Regni , quod A. MCCCX. auſpicatus eſt ,
 ſcripſerunt , nominatim multas ex eo for-
 mulas producunt. Igitur illum poſt hæc
 tempora non floruiſſe concludi poteſt ; ac
 licet parum conſtet quanto antiquior fuerit ,

M

12-

ACTUA-
RIUS.

tamen verisimile est eum haud multo ante finem Sæculi decimi tertii extitisse. Nam ut taceam Antidotum Michaëlis Angeli, qui fortasse Imperator fuit primus e Palæologis circa A. D. mcl, quique uxorem duxit Alexandri Angeli Filiam, aliud etiam describit quo usus est Papa Nicolaus, quem Papam ejus nominis tertium fuisse arbitror, qui A. D. mclxxx obiit, & Myrepso cœtaneum; erat enim, ut ista tempora ferebant, homo haud ineruditus, & eximius Litterarum omnium fautor. Hæc saltem luculenter demonstrant Actuarius Scriptorem esse antiquiorem quam a Lambecio putatur. Quædam antea dixi de Actuarii stylo, ex quo etiam argumentari licet illum haud adeo Recentem esse; nam si cum Psello vel Simeone conferatur, multo purior ejus oratio apparebit; ac certe post A. D. mcc haud facile Scriptorem ullum inveniemus, qui non sermonem suum vel Recentiori Græco Idiomate, vel Barbarismis ex alia aliqua lingua ductis inquinaverit.

Quod si Codicis Manuscripti auctoritas, in quo Liber Apocauchus inscribitur, nobis objiciatur, facilis hujus rei est solutio; aut enim alter quidam Apocauchus esse debet, aut ipse Titulus suppositivus est; quæ res inter Librarios perquam familiaris est, ac jam tum fieri solebat cum instruebatur Bibliotheca illa celebris a Ptolemæo Philadelpho.

Alii quidam Græci Auctores, & alia memoratorum Opuscula, exigui tamen momenti omnia, reperiri possunt apud Athenæum,

næum, Photium, Lambecium, Fabricium, ACTUA-
RIUS. &c. Verum hæc, cum parum ad illustran-
dam Medicinæ vel Historiam vel Artem
conducant, prætereo. Neque vero quic-
quam dislerere necesse est de Latinis Scri-
ptoribus, qui post tempora Galeni vixerint;
quia Clericus in prima Historiæ suæ Editio-
ne plenam & distinctam eorum omnium e-
narrationem tradidit: præterquam Marcelli
Empirici, qui Scribonium Largum impu-
dentissime compilavit atque exscripsit, pa-
rumque in Opere suo ipse præstitit, nisi
quod nugatorias aliquas Formulas, vel po-
tius Fabulas, adjecerit.

Hoc modo brevem Tibi, Vir Amicissi-
me, quatenus certiori aliqua auctoritate niti
potuerim, Græcorum Medicorum post Ga-
leni ætatem, contexui Historiam; & quæ-
dam in eorum Libris ad incrementum Me-
dicinæ pertinentia indicavi. Opinio quidem
invaluit ut vix quicquam ad hujusce Artis
profectionem a Veteribus fuerit præstitum,
nisi quod in voluminosis magni illius Viri
operibus comprehenderetur. Illud verifimi-
liter huic sententiæ originem præbuit, quod
cum primo intuitu a Successoribus ejus plu-
rima ex eo describi viderent, multi neque
collatis neque excussis cæterorum Libris,
hos nihil aliud nisi Exscriptores fuisse arbi-
trarentur. Neque horum Auctorum Editor
quisquam in tollendo hoc errore operam im-
pendit; nam quicquid Commentarii loco
reliquerunt, præcipue in Criticis Gramma-
ticisque observationibus infusum est; ne-

que hunc sibi finem proposuerunt, ut explicarent ea quæ ad Historiam vel Praxin Medicinæ, Scriptoris cujusque tempore, pertinerent. Hujus rei aliud quodvis testimonium adducere supervacaneum est, præter Dolabellas Cornarii in Paulum. Adejusdem erroris confirmationem facere potuit etiam omnium Sectarum extinctio, sive potius comprehensio, quæ post Galenum, ut animadverti supra, facta est. Proculdubio enim novæ cujusvis Doctrinæ promulgatio, quantumvis vanæ & absurdæ, magis tunc temporis, uti semper eveniet, hominum sermone celebrata est, quam Praxeos ipsius locupletatio, vel per Medicamenti vel per Operationis novæ inventionem; cumque Scriptores Medici per tria vel quatuor Sæcula post Galenum posteriori huic studio potissimum incubuerint, ob id ipsum fortasse ita parvo in honore habiti sunt. Verum ut Hypothesibus, quantum eæ merentur, tribuam, (nam his præcipue Sectæ istæ inclaruerunt, in iisque excolendis omnem operam curamque insumserunt) mihi quidem videtur, recentis Medicamenti inventionem, aut novam medendi rationem, locum sibi posse pariter insignem in Medicinæ Annalibus vindicare.

Quædam Exempla attuli, & his plura afferri possunt, quibus ostensum est, a Medicis supra memoratis morbos nonnullos qui a superioribus prætermissi fuissent, esse descriptos. Est, ubi novam veteres tractandi viam explicant; est, ubi nova Medicamenta,

a Hinc fortasse Secta Episyntetica nomen habuit.

ta, tam Simplicia quam Composita, proponunt; est ubi magna in Chirurgiæ Praxi augmenta adjiciunt. Et si vera hæc Artis nostræ incrementa reputari debeant, confitendum est Medicinam progressus adhuc continuos fecisse usque ad A. D. DC.

Idem ei evidentius patebit, qui Morborum descriptioni attenderit per hæc temporis spatia traditæ. Clericus Catalogum nobis omnium Morborum & Affectuum ab Hippocrate nominatorum exhibuit; qui quidem multo numerosiores sunt iis qui a Celso memorantur. Utinam idem quoque fecisset in his qui apud Galenum occurrunt; nam ex eo animadvertere licuisset, Morborum Tabulam haud tantum auctam esse, quantum existimare quispiam posset qui molem duntaxat ejus Operum respiceret. Verum si hoc consilio Aëtii scripta pervolvamus, & ea cum Galeni scriptis comparemus, reperietur Morborum numerus, prout ab Aëtio traduntur, tertia prope parte auctus. Longum ac fortasse infructuosum esset ad singula descendere; ideoque nullum aliud, nisi ab Oculorum Affectibus, exemplum petam. Vicia hujus Organi, sicut ab Hippocrate & Celso memorantur, numero sunt circiter Triginta; Galenus aliorum complurium nomina prodit, quorum tamen parva differentia est, ideoque eorum descriptionem omittit; in Aëtio, qui integrum in his tractandis Librum impendit, numerus duplo major ad minimum reperietur, & ab illo eorum Symptomata & curatio fuse explicantur, Horum Celsus Tredecim tantum-

modo describit: vix ullum Galenus, qui manum postulet; at in Aëtio Triginta diversi occurrunt Oculorum Morbi, ad quos Operationes Chirurgicas præcipit; atque in uno eorum vehementi nempe humorum Defluxione, fuscæ exponit tres diversas e Chirurgia petitas medendi rationes. Porro notandum est, in hoc Libro qui ex longissimis est, pauciores nominatos esse ab Aëtio Auctores, quam is alibi facere consueverit; unde haud immerito conjici potest, de hoc illum argumento scripsisse, propria aliquatenus fretum experientia. Idque ita ab illo sæpe fieri manifestum est; præcipui vero sunt ab eo memorati Auctores, Severus & Demosthenes, intelligens uterque Scriptor, uti ex his ipsis fragmentis liquet. Ac Demosthenes quidem discipulus fuit Alexandri Herophilci, Philalethes, perinde ac ejus Magister, dictus: tres autem Libros de Oculis composuit, quos Galenus suo tempore valde celebratos fuisse testatur.

Quod ad Chirurgiam speciatim attinet, illud utique haudquaquam imminuta Antiquiorum laude dixerim, quicumque diligenter Aëtium Paulumque evolverit, facile perspecturum multa hanc Medicinæ partem incrementa cepisse, quæ nec a Galeno nec ab alio quoquam tradantur. Idque summam animadverti potest, Scriptores a me memoratos per hoc spatium temporis usque ad initium Septimi Sæculi, & eos etiam quorum reliquiæ in horum Libris conservantur, haud ejusmodi Collectores fuisse qui (uti plerumque evenit) levem argumen-
ti

ti a se tractati cognitionem haberent, sed unumquemque eorum fuisse singulari experientia usuque instructum. Quod si posteriores his Græci Scriptores haud ita excelsi fuerint ingenii, parvosque in Arte quam professi sunt profectus ostenderint, haud sane res adeo mira est: cum per multas exinde ætates ignorantia universalis totum prorsus orbem occupaverit; minimeque ideo sperari posset aliquis in Medicina progressus, cum aliæ omnes Scientiæ & omnia disciplinarum prope extincta essent genera: ac fore ut hæc Ars sola communium istius temporis calamitatum expers remaneret.

Vides, Vir Amicissime, haud nimis care a me æstimari inferiorem hanc Scriptorum classem; neque tamen operæ me piget in eorum lectione insuntæ. Quanquam enim vindemiolæ isthinc collectæ haud magni sint momenti, sunt tamen ejusmodi quæ haud prorsus contemni debeant. Hos certe, & eo magis Viros illos ætate & scientia superiores, animo obversans, magna ex Antecessorum nostrorum Operibus adjumenta sumi posse percipio; mihi que persuasissimum est, Medicinæ studiosos ad Artem hanc exercendam nulla alia via melius erudiri posse ac fingi, quam per accuratam Scriptorum, ac præcipue Veterum, Medicorum notitiam. Quod si hoc vehementius quam par est iis videar affirmare, qui nullam nisi in suo judicio suæque experientia fiduciam habent, illud saltem attendatur, rariores aliquando casus incidere; quod si

fiat, audacter pronuntio, haud ita mirabiles ei futuros, cui familiare cum illustribus in Medicina Auctoribus commercium intercesserit; immo fore, ut is affectus ejusmodi promptius dignoscat clariusque percipiat alio quovis, qui quantolibet ingenio præditus hæc auxilia contempserit.

Licuerit sane cuique, ut æquum est, a propria Experientia Observationes ducere; hæc tamen & accuratiores futuræ sunt & saniori cum judicio instituentur, ubi lecta quisque a se cum visis contulerit. Neque Artificis intellectui quicquam derogo, neque ingenium intra limites angustos coerceo, mentem ejus in disquirendis pensitandisque Antiquorum sententiis & cum emolumento & cum profectu occupari posse affirmans; præsertim cum nemo quisquam prohibeatur quo minus libere de singulis rebus judicet, nec in ullius opiniones jurare cogatur; nisi quatenus has rationi congruere & in usum duci posse compererit. Igitur nihil causæ est, cur ingenium suum quisquam ne lectione turberetur, vel in errorem trahatur, metuatur. Neque enim in omni Praxeos varietate & frequentia major & uberior ingenii judicii que excolendi aperitur campus, quam si quis in diversorum Auctorum examinatione, vel etiam in variis ejusdem Auctoris partibus locisque perpendendis sese exercuerit. Mihi quidem ii valde arrogantes videntur, qui, Experientia utcunque longa freti, nihil novum aut animadversione dignum in præteritorum temporum Scriptoribus inveniri existimant. Ac vehementer miror, quam
nam

nam ratione Vir aliquis probus futili ea Scientia contentus esse possit, quæ nonnisi ex Recentibus quibusdam Systematis colligitur: aut idoneum se vitæ mortisque iudicem arbitrari (nam ita plane res se habet) ex eo quod duas tresve Pharmacopœas consuluerit, aut aliquot in Pharmacopolarum officinis Formulas excusserit, aut etiam (quod tamen paulo magis ad rem pertinet) menses aliquos in Nosocomio traduxerit. Nostræ ætati gentique peculiare vitium est, ut clarissimi doctissimique Scriptores a quibusdam ejus Artis Professoribus despiciantur; multumque tam in Medicina quam in Theologia obfuit extra limites suos evagata popularis illa libere, uti aiunt, cogitandi cupido. Verum esse fateor, a nemine cæcum debere ullius verbis assensum præstari, ea solum de causa quod magnæ sit vel antiquitatis vel magni nominis; sed illud etiam æque verum est, longam ac probe stabilitam Antiquorum famam ad hoc sufficere, ut ante condemnationem ii audiri atque examinari debeant. Et si in hanc rem non præjudicata fiat inquisitio, haud sine fundamento Hippocratem & Galenum & eorum Successores, Medicinæ semper Parentes atque Principes habitos, tantamque ab universis per non interruptam plurimarum ætatum seriem eorundem auctoritati fidem tributam esse, evidenter credo constabit. Per quod temporis spatium homines extitisse verisimile est neque depressiori ingenio præditos, neque minori usu instructos iis, quos ævum præsens, utcunque celebre, produxit. Nun-

quam hoc prudentiæ specimen insigne habitum est, cum quis ita se sapientem putarit, ut doctrinæ nullius indigeat; tamen in hoc errore ii versantur, qui Experientia sua unice nixi, a nullo nisi a se ipsis doceri volunt.

Haud intelligo cur operam suam Medicus quivis male se collocare arbitretur in conferendis Morbis ac Symptomatis, Ratiociniis ac Remediis, prout hæc in Antiquorum ac Recentium scriptis explicantur; cum, hac comparatione facta, ubi eorum consensum vel dissidium animadverterit, quibusque In rebus hi vel illi aut scopum attigerint aut ab eo aberraverint, multo æquius Recentes possit Veteribus anteponere (siquidem anteponi debeant) quam idem iudicium ferre, si illorum duntaxat causam cognoverit.

Vulgo dicitur crediturque, Materiam Medicam non modo non ampliorem nunc sed etiam intra angustiores terminos redactam esse, quam pristinis fuerit temporibus. Quod utrum ad amissim ex omni parte verum sit, ambigi posset; sed non est huic nunc disputationi locus. Atqui verum id sit necne, nihil ad hanc de quo agimus Scientiam pertinet, nisi probetur numerum quoque ac vim morborum esse imminutam, quod quidem aliter se habere arbitror. Tamen si juxta brevem studiorum rationem a quibusdam Medicis usurpatam institui vellemus, repudiata Hippocratis, Viri plane divini, auctoritate, rejiceremus aut potius in contrariam partem traheremus primum ejus Apho-

phorismum ; qui si fuerit Medicinæ status , non video cur non omnes Empirici cujusvis , Arcanum quodlibet venditantis , dum sequi debeamus. Nam quid ita magnopere interest , si scientiam spectes , utrum opiniones nostras omnes ad unum aliquem Auctorem accommodemus : an ea quæ præscribimus omnia intra unum aliquod Medicamentum consistant ? Experientia certe plurimum ad Scientiæ acquisitionem confert ; neque homo quisquam intelligens ejus adjuncta non permagni æstimat ; tamen haud negari potest , vocem ipsam sæpe prætendi , ubi effectus non ita clare patent. Fieri quidem facile potest , ut ævum omne aliquis in Praxi consumat , neque ullam tamen ex usu hoc scientiam consequatur , nisi idoneis observationibus mentem suam instruxerit. quibus materiam usus iste suppeditat ; atqui haud multum verisimile est , ut is qui in eadem semper orbita insistit ; neque aliud unquam , nisi suas ipsius cogitationes , angustis quidem eas limitibus circumscriptas , in animo habet , magna quicquam cum accuratione observet. Contra , qui Auctores perscrutatur , tam sua ipsius quam aliorum Experientia abundat , ex quarum conjunctione omnis alicujus momenti progressus in Scientia expectari debet. Quod nisi ita esset , vetustissimus quisque Practicus optime semper mederetur ; & , quoad scientiam , vix quicquam inter vetulam quamvis ægrorum Curatricem , & gravissimum Medicinæ Professore interest.

Sed

Sed ut argumentum hoc absolvam, minime sum in ea opinione, ut Scientiam Medicam necessariam a lectione omnium Librorum quæ ad hanc Artem pertinent posse obtineri putem, nisi Observationes idoneæ sanumque accesserit Judicium. Multa lectio, ut ab Auctore celeberrimo dicitur, multæ comestioni similis est; utraque officit, ubi digestio abest. Neque contendo, studium in Veteribus evolvendis positum per se ad inchoandam Praxin sufficere, sed pro eo duntaxat pugno, ut Professionis dignitas sustentetur: quod quidem non nisi a Viris idonea eruditione instructis fieri potest; neque ejusmodi eruditio ullo modo acquirenda est, nisi conferantur Auctores Antiqui cum Recentibus, atque adhibeantur singuli, prout optime vel stabiliendæ alicui veritati vel præsentis alicui usui inserviunt. Perque diversas hujus applicandæ vias necessario fit, ut alius alii præstet Medicus. Ex defectu certe requisitæ hujusce cognitionis, quæ ab optimis Auctoribus haurienda est, adeo multi infeliciter scriptitarunt; qui quantumvis ob diuturnam Praxin sese jactitent, ubi de Morbis quippiam litteris mandare instituerint, plerumque ita misere omnia explicant, ut in iis legendis operam perdamus; & Antecessorum in scribendo virtutes ita parum vel imitantur vel percipiunt, ut interdum ne sciant quidem quo sint eorum opera sermone conscripta.

Uberius demonstrari possent fructus ex hac optimorum in Arte Medica Scriptorum cognitione capiendi; verum hujus Libri

mo-

moles ita jam ultra propositum excrevit, ut longa in ipsa conclusione inexcusabilis futura sit digressio. Finem itaque hic labori imponam & meo & Tuo. Id mihi solum veniæ dabis ut testificer (quod & tum animo meo obversabatur, cum hunc Tibi sermonem primo inscribere volui, nec minori cum affectu menti meæ etiamnum insidet) quam vivo singularis Tuæ amicitiae sensu permovear, quantamque erga me omnium Artis nostræ Professorum benevolentiam sim expertus, quo tempore vitæ meæ periculum intentari creditum est. Hoc utique summa cum voluptate nunquam non meminero; idque ut, quam maxime solenniter atque publice fieri potest, profitear, obligari me existimo.



VA 1 150 4058

H I S-

